




996/

L xxiii Mar







# APPARATUS MEDICAMINUM

NOSOCOMIIS AC GENERATIM CURATIONI

AEGROTORUM PAUPERUM MAXIME

ACCOMMODUS.

# ANALYTICAL MEDICAMENTS

OF THE

OF THE

OF THE

# FRANCISCI MARABELLI TICINENSIS

PROFESSORIS CHEMIAE ET PHARMACIAE IN GYMNASIO BRIXIANO SOCIQUE ACADEMIARUM MANTUANAE, SENENSIS, GOTTINGENSIS, MEDIOLANENSIS, TAURINENSIS, LIPSIENSIS, VICENTINAE, AC PATAVINAE

## APPARATUS MEDICAMINUM

NOSOCOMIIS, AC GENERATIM CURATIONI  
AEGROTORUM PAUPERUM MAXIME  
ACCOMMODUS

*Exhibito sub finem Operis specimine seu norma tum  
Pharmacopaeae pro castrensibus Nosocomiis, tum ge-  
neralis Apparatus Medicaminum pro omnibus perso-  
narum classibus.*

EDITIO PRIMA.

---

V E N E T I I S

MDCCXCIX.

---

CUM PRIVILEGIO.



NEW YORK

NEW YORK

NEW YORK

NEW YORK

NEW YORK

## ERUDITISSIMO

PETRO MOSCATI OLIM ANATOMES ET RE-  
 RUM CHIRURGICARUM PROFESSORI IN  
 TICINENSI GYMNASIO, DEIN MEDIOLA-  
 NI CHEMIAE AC PHYSICAE ETC., NUNC  
 PRAESIDI MAGNI NOSOCOMII MEDIOLA-  
 NENSIS, SOCIOQUE MULTARUM ACADE-  
 MIARUM ETC. ETC.

FRANCISCUS MARABELLI

TICINENSIS

S. D.

*L*Ucem demum aspexit hoc opusculum meum,  
 quod a tribus & amplius annis in lucem pro-  
 dire potuisset. Jam ab anno 1795: consilii mei  
 te per litteras certiore feceram, teque roga-  
 veram, ut sineres me inscribere nomini tuo  
 hunc meum exiguum laborem. Quod tibi gra-  
 tum futurum esse mihi significasti humanissi-  
 mis litteris eodem anno ad me datis. Perspe-  
 ctæ autem tibi sunt causæ, quæ jam incae-  
 ptam Ticini apud COMINIUM operis editionem

non retardarunt modo, sed penitus interruperunt; jamque interruptae editionis iterum suscipiendae cogitationem omnem abjeceram, ter-  
 ritus labore, qui impendendus erat in colli-  
 gendis fragmentis pene totius deperditi ma-  
 nuscripti, & in novo pene opere conflando.  
 Sed postea mutatae sunt res. Huc humanissi-  
 mis conditionibus adductus ad publice docen-  
 dam Chemiam & Pharmaciā, instigatus ab  
 amicis, & illectus otio, quod litterariis labo-  
 ribus per aliquot menses dari consuevit, mu-  
 tato consilio iterum opus aggressus sum, ite-  
 rumque in hoc Typographeo editionem susce-  
 pi, atque ad finem perduxi. Hoc quaecumque  
 sit opusculum meum iudicio tuo submitto, ac  
 libentius, si per circumstantias licuisset, sub-  
 misissem, antequam typis ederetur. Nec enim  
 me latet, quantopere tu delecteris rebus che-  
 micis, materia Medica, & Pharmaceuticis,  
 in iisque quantopere excellas, ut satis osten-  
 dunt praeclara opera tua omnigena eruditio-  
 ne plenissima, quae ad Patriae tuae, atque  
 ad aliarum regionum beneficium in lucem edi-  
 disti sive cum Ticini doceres in celeberrimo  
 lycaeo, sive cum Mediolanum vocatus publicis  
 functus muneribus ad hominum valetudinem  
 in-



institutis praesideres. Dulce autem scriptoribus levamen est eos habere iudices, qui in disciplinis iisdem versati sunt, in iisque magis eminent: cum enim isti intimius norint rerum naturas, & in scribendo difficultatem, eo libentius parcere solent scribentis erratis; si quid autem probent ceu laude dignum, iudicio suo operis pretium, & scribentis meritum sanciunt. Quod quidem postremum si mihi polliceri non liceat ob exiguitatem ingenii mei; alterum tibi polliceor, me fore nempe paratum ea corrigere quae, te iudice, correctionem mereri possint. Ut enim ipse ad me scribebas in ea, cujus memini, epistola, tibi nihil carius esse, quam de te sciri te esse veritatis studiosum & nihil aliud, sic tibi sincere profiteor me nihil carius habere, quam a viro docto, si quid peccaverim, admoneri. Unum est, de quo te conqueri mihi videor, nec te solum, sed alios plures, quod de hoc argumento latine scripserim, cum opus legendum a multis nihil vel parum in latina lingua versatis Italico nostro sermone exarari debuisset. Quae quidem ratione ipsemet motus cogitaveram primum Italice opus conscribere; sed candide fateor, me demum cessisse aliquorum amicorum

officiis, qui ex Anglia, & Germania ad me litteris datis hortati sunt vehementer, ut ad latiore operis propagationem latine scriberem. Illi fortasse pro ipsorum erga me benevolentia de me ipso, deque opere meo nimis honorifice sentiunt. Sed eorum consilium, quorum auctoritas apud me plurimum valet, spernere ausus non sum. Qua in re siquid peccaverim, sin minus excusationem, saltem veniam mereari mihi posse videor, maxime, cum defectus emendari facile possit, Italice reddito secundis curis opusculo, ubi utilitas postulet, ut id fiat. Accipe igitur animi mei desiderium. Accipe opusculum pro ratione scribendi mea levissimum, pro rerum natura & argumenti utilitate maximum.

## P R Æ F A T I O.

**E**o animi studio, quo semper exarsi erga pia, ut dicitur, instituta, in id pro viribus constanter incubui, ut labores, curasque meas in eorum utilitatem converterem. Hinc quindecim abhinc annis inclyto huius urbis nosocomio (a) opere & animo addictus eo semper spectavi, ut si quid ingenio valerem, si quid periculi facerem, id totum in subsidium pauperum infirmorum, simulque in nosocomiorum emolumentum redundaret. Hanc voluntatem meam, hunc animi mei conatum sin minus efficacem, certe sincerum testari possunt innumera, quae pro variis circumstantiis capere volui experimenta, & in lucem edita opuscula mea, quaecumque demum ea sint, certe fidissimi interpretes animi mei.

Id

---

(a) Hæc tribus & amplius abhinc annis Ticini scribebam. Inchoata duobus abhinc annis ibidem editio huius operis vix ad quinque circiter folia pervenerat, cum ob deplorandum Patriæ meæ infortunium vel ipso manuscripto deperdito interrumpi debuit. Huc ad Chemicæ & Pharmaciæ docendæ munus honestissimis conditionibus adductus novam editionem in hoc typographeo suscepi, novo pene opere conflato, iis tamen retentis ut citius editio fieret, quæ retineri commode poterant.

Id vero potissimum facere aggressus sum in comparanda ratione medicamentorum, & formularum si-  
ve processuum, cum probe intelligerem ab hac pende-  
re plurimum oeconomiae piarum institutionum emo-  
lumentum, quin ex altera parte quidpiam detrimenti  
caperet vis, & actio medicamentorum ad infirmorum  
valetudinem recuperandam apprime necessaria. Nec  
enim ita oeconomiae consulendum esse putabam, ut  
minus consuleretur aegrotorum saluti, quae cum sit  
praecipuus hujusmodi institutorum scopus, sane po-  
stulat, ut huic illa subserviat.

Siquidem inhumanum est oeconomiae titulo nimis  
avare pauperum saluti consulere, cum & ipsi homi-  
nes sint nobis similes, & eorum maxima pars magis  
necessariis & laboriosis societatis officiis detineatur.  
Quare res haec tam difficilis bonoque publico neces-  
saria viris committi deberet instructis perfecta rerum  
peritia, ac sincero erga pauperes humanitatis sensu;  
nunquam vero iis fidendum, qui vel necessariis cogni-  
tionibus careant, vel quorum animum nulla vel exi-  
gua tangit pauperum cura. Quid enim ab his expe-  
ctandum, nisi ut in oeconomica priorum institutorum  
ratione augenda vel inanis gloriolae, vel rerum sua-  
rum augendarum studio ducantur, crudeli quodam  
fastu de oeconomiae incremento, quemcumque de-  
mum exitum habiturum hoc sit, unice contenti, ni-  
hil vero de pauperum aegrorum salute, vel non nisi  
simulate solliciti.



Ab horum ego consilio semper abfuisse testor de aegrorum salute cum oeconomiae ratione conjungenda sollicitus, ac sic animo comparatus curam hanc semper suscepi, quaecumque mihi occasio se obtulit de hac re scribendi. Id praestiti cum hujus Ticinensis lycaeii Professor Carminati Pharmacopeam quamdam collegii Londinensis medicorum jam typis editam quibusdam adnotationibus & animadversionibus augendam mihi tradidit, iisdemque adauctam typis Ticini vulgavit. Quas quidem animadversiones approbatas peritorum judicio fuisse gavisus sum.

Eodem animo occasionem libenter arripui, quam mihi praebeuit programma ab antiqua quae *Patriotica* nuncupatur, Mediolanensi societate propositum de contexenda in usum pauperum Pharmacopea. Hanc & ego composui, & quantum mihi licuit prae angustia temporis, quod cum serus ad id animum induxerim, mihi superfuit, ac pro viribus ingenii mei conatus sum sine dispendio salutis aegrorum magis oeconomicam medicamentorum rationem exponere. Quod quidem laboris genus sibi gratum fuisse clarissima societas judicio, praemioque monstravit.

Eandem viam pariter tenui cum vir clariss. Frank, quo tempore hujus Nosocomii clinicen administraret, ejusdemque regimen teneret, re mature perpensa, adhibitisque, indicto medicorum, & chirurgorum Nosocomii congressu, eorum consiliis, ac conventionem

simul facta circa medicamentorum numerum retinendum, mihi Provinciam concredidit, ut eorum apparatus simpliciori, & utiliori quadam ratione componerem. Quod quidem executus sum, typisque ad usum Nosocomii Ticinensis vulgatum opus gratulatus sum adprobationem, & praemium promeruisse.

Hisce interea doctorum virorum judiciis acrius incitatus cum mihi subiit cogitatio Pharmacopeam ad usum aegrorum pauperum nova quadam ratione, & ampliori utiliorum rerum apparatu elaborandi, ab eo, cujus antea memini, animi consilio numquam aberrans in id curam omnem deinceps converti. Nam licet in ea semper opinione versatus sim, ut crederem opus non esse tanta medicamentorum copia, quanta adhiberi consuevit, sed longe minori apparatu ex aequo, immo utilius fortasse consuli posse infirmorum valetudini, dummodo accuratus fiat utiliorum remediorum delectus, in hac tamen pharmacopea contexenda illud curavi, ut ex una parte nihil completeretur, quod superfluum videri possit aequo rerum aestimatori, sed ex altera nihil eorum omitteret, quae ad aegrorum valetudinem sunt necessaria, ut propterea opus non sit nisi sapientis medici iudicio ad omne morbi genus curandum per remediorum exhibitorum delectum. Hanc sane utilissimam fore confido, cum sine ullo vel minimo aegrotorum detrimento maxime prospiciat oeconomiae Nosocomiorum rationi. Quod certe manu veluti tangent pia instituta,



facta quotannis expensarum supputatione. Quare nisi mea fallat opinio, hanc crederem ceu normam esse posse, quae adhibeatur in usum piarum institutionum, generatim vero in subsidium infirmorum pauperum.

Caeterum is ego non sum, qui velim hoc systema accurate deducendum esse in usum clinicarum institutionum, quae fieri solent ad studiosae juventutis eruditionem. Nec enim ignoro, in hisce scholis utendum esse vario remediorum genere, quae non pauperibus solum, sed pro re nata divitibus etiam inserviant, & ideo pleniorē esse oportere juvenum cognitionem pro dignoscenda vi & actione diversorum medicamentorum, cum hujusmodi cognitio maxime opportuna esse possit, immo & necessaria pro variis locorum, temporum, ac morborum circumstantiis, in quibus medici saepe versari possunt.

Hanc igitur Pharmacopeam destinatam esse volo in usum potissimum pauperum, ac piarum institutionum. Nolo autem tempus inutiliter terere in ratione reddenda, cur vel multa remedia excluserim, vel alii alia substituerim, utpote magis obvia, ac longe minoris pretii. Haec enim ratio cuique patere potest, qui peregrinus omnino non fuerit in chemiae, ac materiae medicae studio. Sic ex. c. moschum retinendum non esse censui, cum sine magno dispendio ex una parte adhiberi non soleat, & ex altera suppleri ejus vis possit per alia remedia, ejusdem pene effi-

caciae, ac simul pretii sine comparatione minoris, sicuti sunt stimulantia potentissima ac diffusibilia, quae in hoc opere indicantur, ut praeter opium, camphoram, sinapem; aliaeque plura sunt aether sulphuricus; ammoniaca, carbonas ammoniacae sive simplex sive junctum cum oleo foetido cornu cervi, quod vulgo dici solet sal volatile cornu cervi; quorum quidem remediorum postremum ob olei foetidi, ac valde penetrabilis copiam, quam in se ipso continet, efficitur remedium valde stimulans diffusibile, quod propterea nisi prorsus exaequet, saltem proxime accedit ad vim moscho insitam, & quod magis aestimandum est, sociam habet actionem magis permanentem, ut etiam in praxi non semel, sed saepius clarissime deprehendi. Cur vero praetermiserim etiam extractum chinae, rationes exposui in altero opusculo meo, quod de china lutea non ita pridem prodiit in lucem.

Illud etiam adnotari volo cum interdum non unum, sed plura ejusdem generis remedia proposui, id a me factum esse in gratiam, ac majorem commoditatem medicorum, qui cum in diversis regionibus versentur, ac variis in circumstantiis esse possint, in quibus vel unum prae altero facilius haberi possit, vel unum prae altero in aliquo casu utilius esse queat, aut aegri temperamento conformius, aliisque de causis adjunctisque diversis valde opportunum, habebunt aliquatenus ditiores remediorum apparatus, ac prae-

sertim indigenarum minoris pretii, quae substitui facile possint remediis exoticis longe majoris sumptus. Quod ut exequantur medici, satis inculcari non potest, ii maxime qui ad pauperum aegrorum curam vocantur. Hujus generis exemplum suppeditat usus chinae, ejusque praeparatorum, qui multo parcior esse posset quam fieri soleat, paucisque casibus circumscribi, cum ejus loco saepissime adhiberi facile queant alia non minoris efficaciae remedia sine magno dispendio & cum aegrorum utilitate. Quod clarius patet in eo cujus memini opusculo de china lutea.

Hoc autem Opusculum meum in partes tres dividam, quarum prior simplicia, ut ajunt, remedia, & quae ope instituti commercii jam parata inveniuntur, complectetur; altera de remediis praeparatis, & compositis aget, quae diu etiam servari possunt; tertia demum disseret de remediis praeparatis ac compositis, quae ex tempore conflari debent, nec diu perdurare solent.

Prima pars non consistet tantum in indice sive catalogo simplicium, seu remediorum, quae jam parata acquiruntur. Nec solum indicabuntur vocabula officinalia & Linnaeana, nec dicam tantum quae eorum pars in usu medicaminum adhibeatur, nec solum praeparatorum magis necessaria adnotabo, quae ex iisdem componuntur, & quae in hac Pharmacopea retinere malui. Sed addam quoque eorum vernacula, quibus indicantur vocabula; tum aetatem, ubi de vegetabi-

libus sermo sit, patrium simplicium solum, vel ex quo ad nos advehantur, aliasque notiones ad ea pertinentes, maxime vero indicabo praecipuos characteres, notas & subsidia, quorum ope alia ab aliis discerni facile possint, ab inferioribus meliora, vera ab adulterinis & falsis, idque potissimum exequar quoad ea remedia, quae saepius & facilius hisce fraudibus subjacent, & quae ob ipsorum utilitatem & pretium magis interest accurate distinguere. Sedulam demum operam impendam in usibus explicandis, quibus haec remedia inserviunt, dicamque qua forma; quave dosi exhibeantur, aliaque plura adnotabo medicis, chirurgis, ac Pharmacopolis admodum utilia.

Quae pariter respiciunt remedia praeparata ac composita, quae locum habebunt in secunda, ut monui, & tertia parte, indicabo pro viribus accurate, usus nimirum, pro quibus adhibentur, formas, modos, ac doses, quibus praescribi solent, nec pariter praeteribo characteres, & qualitates quibus insigniri debent genuina, ac rite parata, mediaque suppeditabo, quibus detegi facile possit eorum alteratio, & corruptio; ac demum utramque partem ut in priori, similiter absolvam monitis quibusdam & observationibus medicis, & Pharmacopolis non minus utilibus.

Has vero tres operis partes anteibunt generalia quaedam monita, quae sciant oportet medici, chirurgi & Pharmacopolae, cum illa respiciant diversorum remedium praeparationem, conservationem, & praescriptio-



ptionem, aliaque non pauca ad bonum eorum usum spectantia.

Nec denique prorsus inutile, & injucundum esse credidi, si quasdam formulas adderem, quas medici adhibere saepe possunt pro re nata, & ex tempore. Novam autem nomenclaturam in praeparationibus chemicis simul cum veteri conjungere volui, ut omnium utilitati servirem, & ex altera parte per aptiora vocabula rerum naturas exprimerem.

Illud etiam praetereundum non est, cum indico pondera ingredientium in praeparatione medicamentorum me uti noluisse medicis signis, sed expressis literis usum esse, quemadmodum & alias me fecisse memini in apparatu medicaminum ad usum nosocomii nostri composito. Quod optandum esset, ut etiam ab omnibus medicis fieret, cum remedia praescribunt, praesertim si agatur de remediis, ut ajunt, heroicis, quorum usus pro varia eorum ratione, seu dose non parum nocere potest aegrotis. Quae proinde praxis multa nec exigui momenti pericula averteret, quae aliquando nascuntur ab usu signorum medicorum.

Ad calcem hujus operis tabulae tres reperientur, nam quartam, cujus in specimine typis edito memineram, omittam, opportunius remediorum dosibus insuum singulis locum reiectis. Tabularum prior copiam salium indicabit, quam data aquae quantitas solutam tenere valeat. In altera ostendetur, quam faci-

le haec, quae modo prodit, Pharmacopea maxima utilitate aptari posset etiam usui Nosocomiorum militarium, levi tantum apposita aliquorum medicaminum reductione seu modificatione; *levi*, inquam, nam illud prae oculis haberi volo, quod ab initio monueram, & rectissime monet vir clar. Moscati in suo jam pridem edito Apparatu medicaminum ad usum Nosocomii Generalis Mediolanensis, *satius esse abundare aliquantulum, quam possibili necessitati deesse, aut angustis nimium finibus maximo aegrorum detrimento clinice obstringere*. Tertia demum specimen, normamque exhibebit, quam sequi facile posset, qui Pharmacopeam omnibus personarum classibus, sive integrae nationi prorsus accommodam brevi etiam tempore contexere vellet, in eaque quisque clare perspiciet, aliquibus remediis additis, & quibusdam aliis temperatis hanc ipsam, quae ad pauperum usum modo prodit, Pharmacopeam ad eum, quem dixi, finem accommodari posse. In hoc praeterea specimine seu prospectu in id diligenter incubui, ut cum remedia indicarem, ea quoque speciatim notarem quae pro varia personarum conditione atque aetate cuique magis, minusve aptata & convenientia esse queunt, aliaque adjuncta multum utilia.

Interea in hoc prospectu mihi videor jecisse semina quae apta sunt Pharmacopae componendae, quae cunctis personis inserviat; quod quidem Pharmacopoeae genus tam late patens ad usum regionis nostrae nondum

pro-



prodiit, licet ab omnibus jam diu expetitur, ac saepe civilis regiminis votis curisque promotum, utpote summopere necessarium non solum pro medicaminum serie, eorumque pretio determinando, quod maxime vergeret in publicum bonum, sed etiam pro remedium indole, proprietatibus, & qualitatibus, aliisque notionibus ad ea pertinentibus, ac pro formis praeparationum, modisque accurate definiendis. Quo certe plura asseri possent maxime utilia in hac qua vivimus temporum luce. Quod quidem opus cum inuoluo, rem non ingratam nec inutilem patriae meae praestare puto, ac certo confido fore, ut Respublica nostra pro eo quo flagrat publici boni studio conceptae omnium spei, votisque faveat, opusque demum compleat tantopere ut monui necessarium.

Ecce interea animi consilium candide expositum, quo Pharmacopeam hanc facere aggressus sum; ecce rationem agendi, quam tenui in ea componenda. Hoc opusculum meum nescio an placiturum sit omnibus, iis maxime, qui cum simpliciore medendi rationem se tenere profiteantur, simpliciorum quoque hanc Pharmacopeam fortasse voluissent ratione habita remedium generatim, quorum minori numero satis consuli posse putant ægrorum saluti, tum etiam ratione habita formularum, quas tam multiplices esse nollent, cum cuperent eas pauciori numero comprehendi, & indicari. Viderem demum nomenclaturam medicaminum liben-

tius mutarent, ejusque loco vocabula subrogarent, quae tutius indicarent vim & actionem remediorum, nec tam incerta ac saepe erratica significatione vagarentur, cujusmodi antiquam nomenclaturam esse arbitrantur.

Verum quamvis ego vim sentiam harum objectionum, passus tamen non sum me dimoveri a proposito, nec quidem ut arbitror sine ratione. Nam licet facile assentiar quibusdam remediis, quae retinui, carere posse medicinam, cum tamen de remediis agatur, quae minimo pretio comparari possunt, & quorum maxima pars huc illuc apud nos reperitur, operae pretium esse putavi ea retinere, cum id in commodum medicorum vergere possit, ac simul in facilius aegrotorum subsidium, maxime cum eorum vis adeo spernenda non sit, ut negligi omnino possit, utpote subnixi pluribus medicorum observationibus. Formulas vero, quae videri possunt plures, quam opus sit, retinendas esse putavi, cum has ego existimem non solum expeditiores in praescriptione a medicis facienda, cum haec paucis omnino verbis per ipsas compleatur, sed etiam utiles esse ac valde proficuas, quemadmodum circa earum non paucas experientia me docuit. Summa negotii est eas accurate adhibere, & pro re nata & exigentia morbi accommodare, quod sane praestare facile poterit medici judicium & peritia. Reprehensionem demum mereri non credo, quod veterem no-

men-

menclaturam in hac Pharmacopea retinuerim. Nam cum nova loquendi ratio, ut ut plausibilior esse videatur, satis pervulgata non sit, nec satis ubique radices egerit systema, quo ipsa nititur, sic rem ego componere debui, ut modum loquendi adhiberem, qui facilius ab omnibus intelligi posset, ac principiis longe lateque adhuc patentibus magis responderet.

Quod si contigerit successu temporis recentem loquendi modum, ejusque principia communiora fieri, & usu medicorum latius adoptari, magis adhuc quam haecenus fecerim, ad eam quam alii desiderarent, simplicitatem me accessurum esse polliceor. Interim aequi rerum aestimatores hoc opusculum meum quaecumque demum sit bono animo accipiant, ac sin minus opus, quod per se exiguum sit, saltem bonam animi voluntatem, quam sinceram esse profiteor, commendent & probent.



# MONITA.

---

## I.

**E**x innumeris quæ huc produci possent quædam opportuniora selegi, & quæ scitu magis necessaria existimavi.

Ut quis certior fiat diversas vegetabilium partes debita vi & efficacia operari, hæc quæ sequuntur monita spectet.

1. Notandus est locus, quo vegetabilia nascuntur. Constat enim, res aromaticas & fragrantés colligendas esse ex terreno sicco & eminenti, radiisque solis exposito. Videmus revera radicem sylvestris valerianæ, quæ in imo solo, humidisque locis crescere solet, vi & efficacia plurimum illi cedere, quæ in montibus oritur. Simili ratione præferri debent sylvestres plantæ domesticis; ita exempli gratia cichorea, daucus sylvestres &c. iis præferri debent quæ coluntur in hortis. Quæ sane regula generalis est, si ea vegetabilia excipiamus, quæ experientia patet plus odoris & efficaciam ex cultura recipere, ut accidit in plantis labiatis aut didynamia gymnospermia Linnæi, quales sunt mentha, salvia &c.

2. Præferri pariter debent non raro ubi id fieri possit recentium vegetabilium partes aridis & exhaustis, uti in plantis, quarum vis sive activum principium coalescit ex partibus saponaceis, sicuti esset cichorea, taraxacum &c. Sed id maxime observandum est in illis plantis, quæ pertinent ad cruciferas aut tetradynamiam Linnæi, ut est nasturtium aquaticum &c.

3. Rursus ad eas colligendas seligi tempus oportet



serenum & siccum, orto jam sole ac plene dissipatis roris & omnis humiditatis vaporibus.

4. Aliqua præterea notanda sunt accurate circa ætatem, qua vegetabilia colligi expediat. Hæc vero observari debent. 1. Radices plantarum, quæ annuæ dici solent, colligendæ sunt, ubi ipsarum efflorescentia proxime accesserit, seu antequam valde earum caulis augeatur. 2. Biennes vero & perennes veris tempore, aut si necessitas exigat, etiam autumnii. 3. Hoc autumnii tempore caules, vulgo stipites secari debent, cum hac tempestate soleant efficaciorum succum habere. 4. Ligna scindi debent veris initio. 5. Herbæ antequam flores explicent, colligantur, folia postquam emisserint flores suos, sed ante istorum maturitatem. 6. Flores colligantur post sufficientem eorum explicationem, sed ante expulsionem pulveris ab antheris. 7. Semina demum, cum pericarpia aridiora semen continentia sese explicare incipiunt, vel cum semina præsertim nuda sponte, vel saltem leviter tacta secedunt; baccae autem non avellantur nisi perfecte maturæ.

5. Sed illud sedulo curandum est, ut herbæ, & folia, quæ colliguntur viridia sint, non pallida, aut marcescentia, aut arida, & ubi natura odorifera sint odorem habeant sibi proprium, non extraneum, atque folia plantarum quæ mucosæ sunt, colligantur juniora, & quæ copia succi abundant; reiiciantur propterea quæ dura deprehenderentur, aut arida.

6. Lignæ radices antequam exsiccentur spoliari debent ea parte, quæ continetur in centro, idest lignea parte; & quæ crassæ & succo plenæ deprehenduntur, debent in segmenta scindi.

7. Hæc autem omnia collecta æstivo tempore radiis solis exponi debent, donec sicca fiant, vel solis defectu in aliquo loco ponantur, qui solis vices explere possit, ut celeriter exsiccentur, ac ita vitent periculum fermentationis, vel marcescentiæ, cavendum tamen a loco immoderate calido. Flores pene omnes siccari debent, ac conservari absque eorum cali-



calicibus, iis exceptis, qui aromatici sunt & classe didynamiæ gymnospermia, quoniam in calicibus maxima istorum vis continetur.

8. Semina abundantia succo & oleo esse debent recentia, sine rancido, ac bene nutrita; farinacea vero arida, integra pariterque rite nutrita esse debent, nec corticem habere levem, fragilem, ac facile divisibilem; quæ vero continent oleum essentielle, sint recentia, ac plena, ac tamquam inutilia reiciantur, quæ antiquata sunt, & vacua, parumque odoris, & saporis emittunt.

9. Generatim vero non vegetabilium solum, sed & animalium partes (quas tamen convenit quotannis comparari) præsertim indigenæ conservari debent in aridis locis, suis quæque bene clausis receptaculis, præsertim vitreis quoad maximam partem si fieri possit, ne eos afficiat aut mucor, aut teredo. Ubi vero, abundant aromate aut principio volatili & acri; tum non arido solum, sed & frigido loco servari debent, & in vasis magis, & interdum pro aromatis copia vel alterius principii ermetice clausis. Quoad radices demum antequam conserventur, aut in usum deducantur, solvi accurate debent a terra, si quam continerent.

## II.

Substantiæ aromaticæ, quæ abhibentur in pulverem redactæ, reduci non debent in pulverem nisi quo tempore utendum iis fuerit, aut saltem eæ debent in minima quantitate reduci, eademque accuratissime in vasis bene clausis servari. Immo si sermo sit de substantiis, quarum principium valde activum sit, acre & maxime volatile, aut alterationis obnoxium, illæ absolute conterendæ in pulverem non sunt, nisi toties quoties iis utendum erit. Ejusmodi sunt Cantharides, sinæpes, &c.

## III.

## III.

Dum in pulverem conteritur mercurius sublimatus corrosivus, semper caute muniendi sunt oculi, os, & nares, ut omne periculum, quod conterenti immigneret, arceatur. Eadem cautio adhibenda est dum conteruntur cantharides, sabadilla &c.

## IV.

In præparatione infusorum digestio nunc sufficit, & præstat frigida, nunc calida requiritur, aut ebullitio lenis. In primo casu substantiam, qua utendum est, oportet exhiberi in pulvere subtilissimo, ac sæpius agitari mixturam. Sic frequenter parari expedit spectata vel morbi, vel ægroti natura, et indole, infusum chinæ sive communis, sive luteæ, aut amarorum aliorum, quæ chinæ succedanea sunt, tum gentianæ, baccarum juniperi &c. Sed baccæ cum difficile in pulverem conteri possint, non adhibentur nisi contusæ. Gentiana vero conteri in pulverem debet, sed opus non est eam conteri in pulverem adeo subtilem, nec exigit aliquando eam agitari nisi perraro. His, aliisque substantiis sæpe infusa parantur etiam cum calida digestionem. Sed quæ posteriori hac methodo semper præparantur infusa, sunt infusum absinthii, valerianæ, sambuci, chamomillæ, fœniculi, centaureæ, liquiritiæ &c.

## V.

Hic subiiciam canones, quos observare opus est in præparatione tincturarum, qui canones etiam in præparatione infusorum passim locum habent. Vegetabilia sint recenter & modice exsiccata, nisi recentia præscribantur. Incidantur etiam, atque contundantur ante affusionem menstrui. Si in balneo digestio fiat, totum opus absolvitur temperatione caloris, qui toto  
tem-

tempore lenis sit oportet. Vas circulatorium, quod adhibetur, amplissimum sit, ac incalescat, antequam lutentur juncturae, digestionis tempore agitetur vas crebro.

## VI.

De iis, quae observari debent in praescriptione decoctorum exequenda.

1. Illud primo cavendum est, ne ebullitioni subiiciantur nisi substantiae, quas constat pro eo gradu caloris non amittere eorum medicinalia principia, ac ideo nullam pati noxiam mutationem. Quare ebullitioni subiici nequeunt vel saltem nisi levissimae, substantiae praeditae principioaromatico, subtili, volatili, nisi forte eo ebullitio spectaret, ut quis vellet eo principio easdem spoliare; itemque purgativae ebulliri non debent, quae praecipue quandam resinæ copiam contineant, uti sunt rhabarbarum, jalappa, senna &c. Substantiae autem amaræ mucilaginosæ, ac dulces levem tantum ebullitionem suscipiant; alioquin decocta alterationem patiuntur, ac inde fiunt displicentia, & palato ingratisima, mucilaginosa vero etiam fastidium, & pondus afferunt stomacho.

2. Quo magis substantiae adhibendae in infusis, si ve decoctis sunt duræ, eo longiorem infusionem, aut ebullitionem postulant, & antequam hisce operationibus subiiciantur, oportet eas in pulverem aliquatenus redigi, vel si id fieri nequeat, saltem eas scindi, aut lima minui opus est.

3. Ubi decoctio facienda sit ex variis rebus composita, sequentia observari debent in praxi. Primo loco ebullitioni subiaceant ligna ac duriores radices; 2. cortices. 3. aliae radices minus duræ, ea proportione servata, ut spectato gradu duritiei primo duriores, deinde teneriores, mucosæ & dulces ebullitioni exponantur: 4. fructus: 5. Herbæ primam aridæ, deinde virides: 6. semina, nisi fuerint cerealialia, quæ longior

rem

rem ebullitionem exigèrent, ut de lignis dictum est: 8. flores, quos tamen raro contingit ebullitionis indigere.

4. Decocta vel infusa quæ faciendæ sint ex substantiis continentibus principium aromaticum, aut aliud volatile, quo privanda non sint, parari debent vasis clausis.

5. Sed in præscriptione decocti potissimum curandum est, ne peccetur in dose, seu proportionem ingredientium servanda. Nam sæpe contingit, ut major, quam opus sit, rerum copia ordinetur, ac tum decoctum nauseam affert, onerosum fit stomacho, ac sine ægroti utilitate valde dispendiosum. Sane vehiculum, quod in eo faciendo adhibetur aptum esse nequit nisi absorbendæ determinatæ portioni medicinalis principii ingredientium, ex quibus decoctum coalescit: ubi vero minor, quam oporteat, in decocto proportio servetur, minus efficax, minusquæ operosum quam morbi natura postulet, decoctum efficitur. Ut medium illud servetur, quod optimum est, sequentes proportionem in eo præscribendo plerumque servari poterunt. Pro decocto faciendo ex radicibus, corticibus, aut lignis exsiccatis proportio servetur pro qualibet decoctilibra a duabus drachmis usque ad sex, prout magis, aut minus saturum desideratur, & prout ingredientia sunt magis minusque ponderosa. Pro decocto autem herbarum, foliorum, aut florum pariter exsiccatorum ab una ad tres drachmas pro qualibet decocti vel infusi libra proportio teneatur.

## VII.

Etiam in usu clysterum utilia esse queunt monita, quæ sequuntur. Si clysmatum resorptio requiratur, & interdum plenaria consumptio, ut in enematibus nutrientibus, & ut dicunt antispasmodicis, resolutivis &c. uncia sex generatim tum sufficiunt sine ullo stimulante irritante; si id vero requiratur, varia  
tunc



tunc addenda sunt ad alvi obstructiones reserandas, & intestinum stimulandum, post colaturam decocti pro vario scopo, ut sunt nitrum, mel, sal culinare, seu anglicum; sal ammoniacum, fortior si irritatio indicetur, propria tum purgantia seu emetica requiruntur, uti tartarus emeticus, scilla &c.

### VIII.

De aquis distillatis hæc monenda censeo. Ubi istæ hauriendæ sint a vegetabilibus continentibus quippiam aromatis, certum est, ubi de pauperibus agatur, iis suppleri egregie posse per infusa, quæ fiunt ex iisdem plantis. Quod si de aquis agatur, quæ ducantur ex vegetabilibus aromate destitutis, certum pariter est eos non tantum in pauperum usu quam cæterorum prorsus inutiles esse. Adde has vetustate temporis corruptioni subjectas esse. Quare ubi absolute necessarius judicetur usus aquæ distillatæ, ut ob solutionem sublimati corrosivi, tartari emetici, lapidis caustici & infernalis, extracti saturni &c., opportunior erit in hisce casibus usus aquæ communis distillatæ.

### IX.

Curandum est diligenter, ut Electuaria levigata sint, habeantque consistentiam, & colorem omnino parem.

### X.

Ut vero parentur extracta, sumendi sunt succi, aut liquores hausti per infusionem vel decoctionem. Hi nudo igni exponantur, ut fiat evaporatio, ut eorum nisi pars tertia circiter supersit. Sed ubi ad hanc perventum sit, prior operatio cesset oportet, & deinceps continuari debet evaporatio balneo maris in vase

vase non metallico, perennique materiæ mixtione operaspathulæ, donec necessariam consistentiam ea assequantur. Quæ quidem singula rite observanda sunt in præparatione extractorum, ne extracta empyreumaticum, vel alias noxias qualitates acquirant, quæ sine præscriptis cautionibus cum non exiguo detrimento facile ingruunt, tum etiam ut acceleratio evaporationis obtineatur.

Ne vero contingat extracta aquosa præsertim molliora postquam conflata fuerint, successu temporis mucorem acquirere, opus est antequam extractum tollatur a balneo maris aliquam unciam adiungi spiritus vini & agitari mixturam. Ceterum opus est extracta aquosa præsertim molliora sæpius renovari.

Omnia extracta ut rite parata censeantur, nec odorem, nec saporem empyreumaticum præferre debent, bene vero exhibere aliqua saltem ratione suscipientis gustui illius substantiæ saporem a qua hausta fuerunt, odoremque ejusdem substantiæ, ubi hæc fuerit naturæ aromaticæ. Atque hæc generatim monuisse nunc satis est. Nam peculiare notas pro singulis suo loco referemus.

## X I.

Quoad pilularum, vel bolorum usum hæc inter cætera notari volo.

Pilula, ut unicuique notum est, medicamen est internum, solidum, partibus cohærentibus constans figuræ sphericæ, nec pondus excedens unius vel ad summum quatuor granorum; nam ubi excesserit, non pilulæ sed boli vocantur. Videndum est itaque qua is sit excipiendorum natura, & consistentia, quæ si talis fuerit, ut in hanc formam ipsa per se redigi possint, opus non est excipiente, vel constituyente. Si vero animus fuerit ea sub dictis formis exhibendi sicca, & pulverulenta, tunc necessarium est uti aliquo constituyente, cujusmodi esse poterit aut  
mel,



mel, aut syrupus, aut oxymel, aut mucilago aliqua; vel extractum, aut roob, aut conserva &c.

Ceterum perinde non est uti indiscriminatim quocumque excipiente. Nam semper expedit medicum accurate definire, ac seligere illud excipientis genus, quod indoli, ac proprietatibus ingredientium, quibus confari debent pilulæ, seu boli, rite respondeat. Hinc si Medicus præscribat sumendas in pilulis, vel bolis aliquas substantias siccæ & pulverulentas, quæ sub non exiguo volumine exhibendæ sint, nec expediret usus alicujus extracti, vel roob, vel conservæ, ne magis, quam opus sit, volumen augeatur, vel aliis de causis, utendum erit pro excipiente mucilagine arabica, vel althææ, non vero syrupis, aut mele despumato, vel oxymele, cum horum usu obtineri nequeant nisi fragiles massæ, quæ in pilulas vel bolos reduci vel nullo modo possunt, vel non nisi maxima difficultate, & incommodo. Hinc a Pharmacopolis merito socordia medicorum redarguitur, qui sine ullo discrimine sub ea forma reduci præscribunt cum eo constituentium genere chinam, valerianam &c. Qua in re a quibusdam medicis passim peccari solet. Quæ medicorum inadvertentia non exiguum parit incommodum, maximum vero incommodum parit in nosocomiis, in quibus magnus est ægrotantium numerus, inservientium autem exiguus.

Ubi vero ingredientia sicca & pulverulenta, quæ sub prædicta forma præscribuntur, aut ob eorum maximam vim, aut aliis de causis sub exigua mole exhibenda sint, ut mercurius dulcis, sulphur auratum antimonii, camphora, limatura ferri vel sola, vel aliis pulveribus juncta, scilla &c., expedit uti tamquam constituyente aliquo extracto, aut conserva, aut roob; resque malo cederet, si etiam in hisce casibus aut mel despumatum, aut oxymel, aut syrupus præscriberentur.

Dum tamen hæc dico a numero constituentium extracta mollia, conservas, & roob, non rejicio etiam

pro substantiarum siccarum & pulverulentarum genere, licet sub non exiguo volumine istæ exhibeantur; nec enim inficior ea absolute in hunc usum posse adhiberi. Id unum intelligo raro expedire, ut in simplicem usum constituentium adhibeantur, cum nimis augerent substantiarum massas, & ex altera parte ægrotis non leve incommodum afferrent. Hinc supra recte monuisse videor, longe opportunius in usum hujusmodi aliquam mucilaginem adhiberi.

Ceterum in constituentium usum venire possunt etiam mel despumatum, oxymel, & syrupus, ubi in pilulas vel bolos exhibenda sint extracta dura vel sicca & sapo aut alia remedia; quæ ipsa per se, cum sola additione exiguæ partis alicujus corporis mollis aut fluidi facile contrectari & dividi in pilulas vel bolos possint, tum etiam ubi præscribantur recensita remedia, aut alia extracta mollia, vel conservæ, vel roob in ea qua opus est quantitate simul cum medicamentis siccis & pulverulentis, quæ per se licet prædictis constituentibus tractentur, nec contrectari nec in formam pilularum vel bolorum converti possunt. In hisce casibus prædicta excipientia loco mucilaginum opportunissime adhiberi possunt, nec raro istis utilius; & prælationem mereri, nisi quidpiam aliud medicus sibi proponat assequendum, extractis, roob, aut conservis, cum istorum usu nimis excresceret massarum moles.

Generatim nunquam opportuna sunt pro constituentibus liquida spiritiosa ad usum pilularum vel bolorum; potius aliquando aqua huic scopo apta esse potest, ut videre est in pilulis sublimati corrosivi.

Rursus utilius pro medici judicio esse potest unum præ altero constituyente adhiberi, cum scilicet unius usu præ altero vis & actio augeri aut juvari possit ingredientium, seu basium. Sic ex causa intenditur actio remediorum diureticorum, si pro constituyente eligatur roob Juniperi, aut oxymel scilliticum &c. quam alia diversi generis. Sic etiam in usu pilularum

rum corroborantium utilius inservit usus extracti amari &c., quam roob baccarum Sambuci, aut pulpæ prunorum &c. Idem dicendum de aliis, quæ afferri possent exemplis.

In constructione autem pilularum seu bolorum semper aliquo pulvere utendum est, quo pilulæ seu boli conspergantur, ne ob earum tenacitatem manibus, aliisque corporibus adhæreant. Id fieri præterea aliquando debet, ut pilulæ aut boli paululum indurentur in eum finem, ut contrectari manibus, ac dividi possint. Illud quoque notari opus est, ubi sub his formis præscribantur fluida, vel mollia corpora, cum necessarius sit pulveris usus ad ea continenda, perinde non esse uti quocumque pulvere, cum magis expediat usus unius præ alio, illius scilicet, qui magis congruat naturæ ingredientium, ægrotorum indoli, aliisque circumstantiis, quæ possunt occurrere. Quare medicus imprudenter se gereret, qui pulverum delectum arbitratui Pharmacopœæ dimitteret.

Quare pro suscipientibus, quos dulce delectet, nisi morbi indoles id prohibeat, pulvis radicis liquiritiæ opportunissime adhibetur. Hujus autem loco, ubi ejus usus impediatur, in promptu est pulvis radicis althææ, qui ex una parte simplex est & omnifere sapore caret, ex altera plures utilitates in aliquibus circumstantiis afferre potest. Silentio huc prætereo pulverem amyli, lycopodii &c. opportune ad id muneris adhiberi posse, cum præ oculis habeam eam quam in hac Pharmacopea pro pauperum usu mihi proposui, simplicitatem. Quod si ægrotantium gustus delectetur amaris, aut alio saporis sensu, si morbi natura id permittat, multoque magis si postulet, expedit aliorum pulverum usus, ut corticis Salicis, Hypocastani, quorum alteruter semper loco chinæ in dictum finem adhibendus erit, tum etiam usus radicis gentianæ, florum chamomillæ, valerianæ, seminum anisi, corticis citri, &c. Unius præ altero pulveris usum præscribere ad medicum spectat pro variis sibi



perspectis circumstantiis. Ast usum aliquibus Medicis familiarem probare non possum pulveris seminum citri, cum hic pulvis subito rancidus efficiatur & ingrati saporis, quo vel ipsæ pilulæ, seu boli afficiuntur. Quæ incommoda ut vitarentur, oporteret singulis vicibus semina in pulverem conteri. Id quod non leve incommodum afferret, nec exiguum temporis iacturam.

Illud quoque notandum est ex unius præ alio pulvere delectu non exiguum utilitatem trahi posse, quæ certe contemni non debet; eam scilicet, quæ in delectu pulverum oriri potest ab ipsorum, ut ita dicam, affinitate cum actione medicaminum, & cum indole, seu natura morbi; quæ quidem affinitas multum juvare potest medicamentorum actionem, & vim. Sic ex causa ubi pilulæ præscribuntur ut antispasmodicæ sive antistericæ, præferri juvat aliis pulveribus pulverem valerianæ, vel camamillæ &c., pro iis, quæ adhibentur in pectoris morbis curandis pulverem liquiritiæ aut althææ &c. pro pilulis ut dicitur antifebrifugis pulverem Hypocastani, salicis, gentianæ &c., in iis quæ ad excitandum adhibentur, pulverem seminum anisorum, corticis citri &c., qui pulvis sæpe adhibetur etiam in pilulis, quas supra diximus antifebrifugas, non sine exigua utilitate præsertim cum agitur de gratia quadam pilulis, seu bolis concilianda. Sic pariter pulveres quos innuimus in usu pilularum antifebrifugarum locum habere possunt pro pilulis etiam antispasmodicis, iique demum in harum usu præscripti juvare & ipsi possunt etiam pro pilulis antifebrifugis. In his delectus unius præ alio pulvere a medici peritia, ac judicio pendet, eo semper retento, quod dixi unum super alterum prælationem justo titulo mereri posse.

Quod spectat ad ea remedia, quæ dici solent heroica, quorum vis cum maxime activa sit, & energica postulat, ut eorum dosis accurate definiatur, ad mala vitanda, quæ oriri possunt ab eorum dosibus

in-

indefinitis, & arbitrariis, hæc nunquam venire debent in usum neque constituentium neque pulverum titulo involvendi & indurandi pilularum massas. Quare in hos fines nunquam adhiberi debent ex causa neque extractum aconiti, cicutæ, scillæ &c, neque pulveris digitalis, squillæ &c. Scio quidem in dictos usus hæc quoque remedia adhiberi posse, dummodo accuratissime eorum dosis definiretur. Sed ajo id accurate præscribere admodum difficile esse, & ex altera parte esse maxime periculosam pro hisce remediis eam indeterminatam præscriptionem, quæ pro aliis fieri & indicari solet vocabulo *quantum sufficit*, aut alio simili. Hoc enim sine periculo passim fit in præscriptione substantiarum, quæ tanta circumspectione tractandæ non sunt, cum ab eorum indeterminata quantitatis præscriptione gravia pro ægrotis incommoda timeri non possint.

Præterire observationem non debeo ut pote non inutilem, quam innuit pro pilularum præparatione &c. Pipenbring, cuius verbis eandem exhibeo. Pharmacopei quidam exitioso plane modo, in præparatione massarum pilularum non calefaciunt tantum pistillum mortarii, sed incandescunt, quo modo massam plane perdunt, destruunt, pulveres comburunt sæpius in iis contentos, quo extracta vel gummata, seu resinæ plane rancescunt, qui odorem plane inamœnum dein acquirunt, sed effectus eorum plane destruitur, & alteratur noxio plane modo. Melior hac via observatur, si mortarium tantum calefacit Pharmacopeus, uti & pistillum, quo dein contusionis ope massa magis compacta, & in frigore leviter congelascens paratur. Ego vero putarem ubi res postulet, ut mortarium calefiat, id fieri debere in balneo maris.

Monendum est insuper ne massæ pilularum jam præparatæ in officina servantur diutius, cum expediat pilulas confari, interea dum præscribuntur. Alioquin sæpe vis pilularum variatur, aut ipsæ pilulæ dure-scent; quo fit ut in corpore non solvantur, sed in-

tegræ fere per secessum abeant. Expedit etiam præscriptas pilulas paulo molliores conflare, nec pilularum copiam a medico præscribi, quæ ad multos dies perdurare debeant, sed in minori copia præscribi pro rei exigentia, ac frequentius, si opus sit easdem renovari.

Denique observare universim juvat, sub forma bolorum & maxime pilularum ea remedia opportune adhiberi 1. quæ vim habent agendi in exigua quantitate, cum ea præscribi possint in parvo volumine; 2. quæ si præscribantur sub alia forma, gustui molesta sunt, & ingrata; 3. a quibus promptus ac celer effectus non exigitur; 4. præsertim cum res necessario postulat, ut remedia exhibita aut lente operentur, ut maximi interest speciatim in usu sublimati corrosivi, aut successive, ut in moscho, aut sale volatili cornu Cervi &c. Hæc enim duo cum in pilulis exhibentur, actionem exerunt magis permanentem. Sed jam patet pilularum usum non esse pro infantibus, sed tantum pro ægrotis majoris ætatis, & ubi deglutitio non prohibetur.

## XII.

Ut certitudo habeatur de perfecta saturatione salium, quæ ex acido cum basi quacumque conflantur, inter notas exhiberi solitas ea opportune se prodat, ut videatur an exoriat aliquæ effervescentia in solutione salis quod præparatur ex additione novæ partis tam acidi, quam basis; ea tamen cautione, ut utrumque sit ejusdem naturæ cum sale quod præparatur: qua in re facile contingere potest illusio ob diversitatem ex causa acidi aut alcali quod adhiberetur, uti contingeret si adderetur alicui acetiti, vel muriati acidum sulphuricum, aut cuidam ammoniati adderetur alcali fixum vel calx, ac ita de ceteris exemplis. Hæc quam tradidimus regula pro cognoscenda



salium neutrorum saturatione, quæ sane passim multum interest, quamvis ipsa per se tutissima sit atque certissima, semper tamen non sufficit in eum finem ut necessarius & fixus saturationis gradus deprehendatur. Hinc chimicis diversa criteria sive reagentia proponuntur, quibus superabundantia aut unius, aut alterius principii, ex quo salia neutra conflantur, indicatur. Verum hæc, quæ proponuntur, subsidia fallacia sunt, & æquivoca saltem non raro deprehenduntur; qua de re alibi me dixisse memini jure conqueri celeberrimos Chemicos. Hinc nihil tutius nihilque ex altera parte facilius criterio saporis esse potest, ut scilicet nec sapor acidi, nec sapor basis se exerat, bene vero sapor quidam salsus, sui generis peculiaris, & singulis salium generibus proprius. Hoc sane subsidio quisque in arte chemica expertus accuratam saturationem salium prædictorum facilius agnoscit, quam alio quocumque criterio; quod saturationis punctum hoc eodem subsidio agnoscere poterit etiam ubi alcali aut terræ puræ sive acido carbonico destitutæ adhibeantur. Quæ quidem bases adhibendæ non sunt, non quod proposito fini inservire non possint, sed ut magis caveantur in hac re pericula quæ possent oriri, utque facilius agnoscatur saturationis punctum.

Ubi vero de sale ageretur quod pro base alcali haberet, opportunissimum est radicem *rhaborbari palmati* contritam in pulverem adhibere pro dignoscendo basis excessu, cum illud criterium sit tutum, ac constans ad detegendam cujuscumque portionis alcali præsentiam, ut alibi ostendî, ac videri poterit ubi de RHABARBARO.

Ad dignoscendum autem acidi excessum in salibus neutris utiliter adhibetur tinctura Heliotropii, dummodo parata fuerit aqua distillata & satis diluta.

Attamen in aliquibus salibus ut tutiores simus hæc non habere basis excessum, magis expediet aliquantulum eorum acidum abundare cum nihil ab hoc exiguo acidi excessu timeri possit, multum a basis ex-

cessu. Ejusmodi sunt TERRA FOLIATA TARTARI, TARTARUM SOLUBILE, & LIQUOR CORNU CERVI SUCCINATI.

Ceterum ad obtinendam salium neutrorum accuratam, intimam, ac facilem, quantum fieri potest, saturationem, plurimum juvat sæpe agitarè mixtionem salinam, aliqua tamen cautione, & semper usu spatulæ vitreæ, tum etiam solutionem salinam exponere aliquo temporis spatio levi calori, ac deinde ipsius saturationis periculum facere, ut ubi opus sit pars illius principii, quod deest, eidem addatur.

Illud demum ut maxime necessarium curandum est, ut saturatio & evaporatio salium in vasis fiat aut vitreis aut lapideis, ut multa caveantur pericula.

### XIII.

Ubi præscribi contingat syrupum aliquem, cujus formula in hac pharmacopea minime indicetur, licet hoc remediorum genere ut plurimum medicina carere sine damno possit, suppleri tamen a medico facile poterit etiam ex tempore sequenti ratione. Si de syrupo aromatico agatur, cum substantia, qua ipse componi debet, copia olei essentialis abundet, satis erit portionem ejusdem cum melle conjungere; quod facilius executioni mandari etiam poterit ope modicæ mucilaginis arabicæ, aut alterius cujuslibet. Quod si substantia, quæ ad syrupum conflandum paratur, olei essentialis egestatem patiatur, infusum extrahitur satis saturum, atque in eodem in vase clauso dissolvitur per balneum maris sufficiens copia sacchari, & soluta percolatur per telam lanæ, atque in usum deducitur. Atque hæc postrema ratio adhibetur, ubi purgativi syrupi conflandi sint. Si vero sermo sit de syrupis, quorum vis pendeat a principiis fixis, minusque volatilibus, quam fuerit substantia ad id operis destinata, ubi hæc succo plena fuerit, ejus succus extrahitur, purificatur, si opus sit, atque in

eodem solvitur, ut paullo antea dicebam, aliqua portio sacchari; ubi autem prædicta substantia aut prorsus arida, aut minimo succo donata inveniatur, decoctum satis saturum parari oportebit, eademque ratione deinceps progredi, quam nuper indicavi.

Quod ad eos syropos attinet, qui parari possunt ex tempore, interea dum præscribuntur, aut qui facile renovari sæpe possunt, & qualibet anni tempestate, aut qui sine ebullitione, vel cum minima parari possunt, opportunissimum erit in eis uti melle loco sacchari ad dosem viginti quatuor unciarum circiter pro qualibet libra liquoris: in iis autem, qui ad durationem destinarentur, maxime in quorum præparatione utendum esset decocto aut succo, cum id obtineri non posset, nisi satis diuturna ebullitio fieret in eum finem, ut a mucore, fermento, aliisque alterationibus defenderentur, hinc prædicta mellis subrogatio loco sacchari locum habere non posset sine damno ægrotorum, cum mel quamdam ebullitionem pati non soleat, quin ipsius proprietates alterationem patiantur.

#### IV.

Monendum est præterea, electuaria, extracta, roob & syropos ubi parata fuerint seponi & claudi accuratissime debere in vasis exiguis vitreis vel figulinis ea tamen lege ut primum fuerint frigefacta, eademque rursus custodienda esse in frigidis & siccis locis, iisdemque locis servandas esse aquas distillatas easdemque claudendas in vasis vitreis subere & charta coopertis.

#### XV.

Quod demum ad unguenta pertinet, hæc quæ sequuntur observari volo. Ea servari debent in vasis vitreatis figulinis, rite clausis, & ab aere, ab humiditate, & a magno calore protectis.

Reiiciantur unguenta 1. quæ odorem non præferunt substantiarum aromaticarum, ex quibus ipsa constant; 2. quæ colore destituta inveniuntur, qui dominantis principii peculiaris sit; 3. quæ demum odorem emittunt rancidum a vetustate vel ab ignis actione perceptum.

## XVI.

Medicamentorum doses in hac Pharmacopea exhibere nec inutile, nec inopportunum censi. Has ego referam suis quasque locis earumque dimensiones, a minimis usque ad summas indicabo, & quæ sumi debent intra spatium viginti quatuor horarum vel repetitis vicibus sæpius aut rarius pro varia morbi, medicamenti, & aliarum circumstantiarum indole, & concursu.

Quod tamen dum exequor, non intelligo indicatam seriem dosium in medicaminum præscriptione alterari aut temperari omnino non posse. Nec enim ignoro remediorum doses varias pati posse, immo & debere modificationes, ratione spectata ætatis, climatis, sexus, temperamenti, vitalium virium, indolis morbi, ejusque durationis, alimentorum, & exercitii generis, & conditionis ægroti, aliarumque plurium circumstantiarum, quæ passim emergunt. Sed illud quoque certissimum est, plurimi interesse seriem dosium in remediorum præscriptione accurate, prudenter, & caute exhibere; idque maxime utile censeo pro junioribus medicis, quorum præsertim utilitati studeo hoc qualicumque labore meo ad errores & æquivocationes arcendas, in qua cum ægrorum damno non raro juniores incidere solent. Ceterum recte monet clar. Lieutaudius, *expedire ut quisque quamdam seriem dosium sibi concinnet, quam Enchiridii instar diurna manu versandam alta mente reponat.*

Illud universim Medicus habere præ oculis debet in remediorum præscriptione, quæ dicuntur heroica,



& quorum vis & efficacia nondum clare innotescit, incipiendum semper esse a minimis eorum dosibus, nec istas augendas esse nisi per gradus maxima diligentia & cautione.

## XVII.

Servanda insuper est mundities summa vasorum & reliquorum omnium instrumentorum, quæ in pharmacopoliis adhibentur. Exulent instrumenta ex CUPRO, AURICALCO confecta in tractandis, præparandis, asservandis salibus, salinis, oleosis, saponaceis &c. hinc numquam admittenda pro dictis usibus mortaria, cochlearia, pistilli, aliaque instrumenta adhiberi solita, quæ ex cupro, aurichalco composita sint. Adhibeantur mortaria lapidea & ferrea; ex ferro constant libræ majores, cochlearia &c., libræ vero minores ex ebore; itemque exigua mortaria, spatulæ &c. ex vitro, vel ligno solidiori. Idem dicendum est de STANNO, quod sæpe PLUMBO adulteratum invenitur; quare numquam extracta, roob, electuaria &c. in vasis stanneis asservanda sunt; horum igitur loco adhibeantur vasa argillacea, quæ plumbo incrustata non sint.

Quæ sane monita de CUPRO & PLUMBO vitando experimentis nituntur satis notis, seu malis symptomatibus, quæ ex effectibus PLUMBI & CUPRI se prodiderunt, de quibus tam multa scripserunt celebriores *medici*. Inter præcipua opuscula, quæ de hac re nuper edita sunt, lectu dignæ sunt elucubrationes duæ cl. *Fothergill*. quarum una est de veneno CUPRI, altera de PLUMBI veneno insertæ diario Anglicano vol. 5. cui titulus est. *Letters and. Papers &c. Barr.* 1792.

## XVIII.

Pondera medicinalia maxime expediret esse generatim



tim æqualia. In hac Pharmacopea monere juvat libram constare duodecim unciis, unciam octo drachmis, seu viginti quatuor scrupulis, drachmam scrupulis tribus, sive septuaginta duobus granis, scrupulum viginti quatuor granis constare. Nec præterire volo vasculum & cochleare, quorum mentio in eadem Pharmacopea passim fiet pro mensura, qua exhibenda remedia sunt, æquivalere, prius unciis tribus, alterum unciae dimidio circiter. ANA demum vel anatica portio denotat æqualem diversorum medicamentorum dosim.

# PARS PRIMA.

43

## MATERIA MEDICA.

### A

**ABSINTHIUM VULGARE OFFICIN.** *Artemisia Absynthium Linnaei Medeghetto Longobardorum.*

Planta perennis & suffrutex crescit in ruderatis, & aridis locis; apud nos colitur etiam in hortis. Adhibetur HERBA interne in pulvere a dimidio scrupuli usque ad dimidium drachmæ bis vel ter in diem, sed sæpius in infuso a dimidio drachmæ usque ad tres; quando in pulvere præscribitur; quod raro contingit, passim sub forma electuarii & simul cum aliis remediis adhibetur; externe vero in decocto a duabus drachmis ad sex reddita colatura duarum librarum decocti, & aliquando utilius conjuncto sali muriatico. Paratur EXTRACTUM, quod deprehensum est continere sal ammoniacum.

In annalibus chemiæ clarissimi *Crell* ann. 1789. part. IX. legitur quemdam *Kunsemuller* dictum instituisse chemicam analysim ABSINTHY, ipsumque asseruisse se non potuisse detegere amaritudinem nisi in exigua copia RESINÆ, quam in ipso reperiit.

**ACETUM VINI ALBI,** *Acidum acetosum.*

Melius ACETUM censetur quod limpidum sit, purum, acidum & gratum, & quod majori quam quadagesima sui parte salis alcalinis saturatur, alioquin effectum acetum habetur. Acetum vini quo majorem acorem habeat, eo certius suspicari licet oleum vitrioli esse adiectum. Nihil quidem noxæ parva hujus acidi adiecta quantitas affert. Plurima autem pars aciditatis, si ab acido vitriolico majori ex parte profluat, noxios effects, variaque incommoda producere potest.

Ut

Ut agnoscatur an admixtum sit **ACIDUM VITRIOLI**, instillari potest calcis in aceto forti solutio aceto manganii suspecto, & ubi limpidum persistat, purum acetum est: cui vero admixtum sit acidum vitrioli, illud turbatur ac sedimentum dimittit. Sumi etiam potest ad cognoscendum, an aceto inhæreat **ACIDUM VITRIOLI**, parva hujus aceti portio, eique instillari **ACETI SATURNI** guttæ aliquot; & mox orietur præcipitatum album, quod affuso **ACIDO NITRI** statim iterum solvetur, si ab acido vitrioli liber sit liquor; nisi solvatur, sed liquor turbidus maneat, indicium est, acidum vitrioli ipsi inhærere. Addi etiam potest pro tutissima regula hoc aliud periculum. Saturetur portio suspecti aceti antea evaporatione ad tertiam sui partem reducti cum **SALE TARTARI ALCHALINO** purissimo. Filtretur deinceps & evaporetur, donec perveniat ad densitatem fluidi juleppi. Tum frigefacto liquido **TARTARI VITRIOLATI** crystallos invenies in vase, ubi cum **ACIDO VITRIOLI** acetum adulteratum fuerit. Hoc ipso periculo satis apte dignoscitur etiam existentia **ALUMINIS** in aceto, quo casu cum liquidum filtratur colligitur præterea terreum sedimentum.

Pro internis usibus præscribitur mixtum vel dilutum in aqua, donec ista acquirat gratam aciditatem (cui aliquando additur parum sacchari vel mellis) usque ad duas uncias & ultra. Interdum etiam præscribitur addendum quibusdam mixturis a duabus drachmis ad sex. Externe vero vel solum adhibetur, sæpius ad odoratum excitandum, vel mixtum cum aqua aliisque fluidis pro gargarismis, fomentationibus &c. Cum vero miscetur aquæ per partes circiter æquale, nomen sibi vindicat **OXYCRATUM**. Paratur **ACETUM SCILLITICUM**, **SATURNI**, **OXIMEL SIMPLEX**, **SPIRITUS MINDERERI** &c.

Acetum autem explere debet vices **ACIDI LIMONIORUM** in omnibus pene casibus in curat<sup>ne</sup> pauperum, præsertim cum vel ratione tempe<sup>stis</sup>, vel re-

regionum haberi non possint sine magnis expensis. Expediet in hisce casibus etiam utilius acetum conjungere alicui copię GUMMI ARABICÆ aut GUMMI ALIORUM FRUCTUUM, quoniam acetum huic principio conjunctum multo magis accedit, ut observat *Morveau*, ad indolem ACIDI LIMONIORUM seu CITRICI.

### ACONITUM OFFICIN. *Aconitum Napellus L.*

Planta perennis crescens in montibus & alpidibus, Adhibetur HERBA RECENS ad parandum EXTRA-CTUM.

ÆRUGO, sive ÆS VIRIDE, *Cuprum aceto oxydatum.*

Adhibetur ad usus externos. Eligatur in massis coloris cærulei viridis, acris saporis, quæ nec facile frangantur, nec ad aeris contactum humidæ fiant.

### ALOE SUCCOTRINA OFFICIN..

SUCCUS FOLIORUM INSPISSATUS ex *aloe perfoliata L.* Qui habetur ex Indiis & naturam habet gummosam resinosam. Datur in pulvere, sed sæpius in pilulis a decem granis ad scrupulos duos. Sed ob ejus saporem nimis amarum atque molestum expedit eum exhibere obtectum nubeculis; ea tamen semper cautione servata in ejus præscriptione, quæ observari debet etiam in cæteris præparatis, in quibus aloë tamquam pars ingrediatur, ut non porrigatur præsertim mulierculis gravidis, nec laborantibus morbo hæmorrhoidali, cum hujus rimedii vis se maxime exerat in uterum & in vasa hæmorrhoidalia.

Seligatur ALOE SUCCOTRINA quæ sit pellucida & nigrorubea, & quæ comminuta colorem exhibeat ex aureo fulvum.

AL-



Planta perennis, quæ crescit inter nos in locis subhumidis, & argillosis. Adhibentur FOLIA & RADIX, quæ mucilaginis magis abundat, quam folia; atque hæc externe præbentur in decocto; in pulvere autem pro cataplasmis, pro quibus etiam radix adhibetur, sed præterea sæpius interne in levi decocto a duabus drachmis ad unciam unam; cui tamen expedit interdum addere parum RADICIS LIQUIRITIÆ, maxime si oporteat nauseam avertere.

Hæc una planta, aut ejus loco MALVA unice supplet QUATUOR HERBIS, quæ EMOLLIENTES dicuntur. Mucus qui ex RADICE extrahitur, ut ferunt, prælationem super alios meretur, utpote aptior solvendis & facilius, & copiosius RESINIS, GUMMI-RESINIS, & OLEIS in aquosis vehiculis.

Decoctum potissimum ex RADICE ALTÆÆ conflatum maxime pro fomentationibus & cataplasmis conficiendis locum lactis tenere commode potest, & interdum præferri meretur, tum quia hæc substitutio fit cum minori dispendio, & eundem exitum habet, & ex altera parte hoc decoctum serius acescit, sive alteratur, quam LAC, quod ut pote pronius alterationi malos non raro effectus parere potest. Minus quidem palato jucundum, si ad instar collutorii adhibeatur; vel si substituendum esset, quod fieri posset, etiam pro usibus internis. Sed hoc incommodum arceri facile potest, si parum LIQUIRITIÆ decoctioni adjungatur.

ALUMEN ROMANUM seu RUPEUM, seu CRUDUM. *Sulphas acidulus aluminae.*

ALUMEN eo purius, quo magis colore caret. Præscribitur pro usibus internis & externis tam in pulvere, quam solutum; sed interdum pro internis usibus simul cum TERRA CATECHU, aut cum SACCHA-

CHARO. Dosis autem qua præscribi debet, sit a decem granis ad drachmas duas, cum in dosi majori ingratum fiat, ac stomacho afferat molestias & anxietates.

Inservit ad parandum ALUMEN USTUM, & SERUM LACTIS ALUMINOSUM.

### AMMONIACUM OFFICIN.

GUMMI RESINA elicita ex planta adhuc ignota; quæ creditur *Umbellatæ* stirpis; ab India Orientali, & Ægypto advecta melior exhibetur in granis ad instar amygdalarum aliquatenus lucidis, purisque, albis, fragilibus, facile reducendis in pulverem; quæ exiguo igne emolliuntur, & odorem habent vehementem mixtum, ex alliaceo magis, minus ex Castoreo. Respuitur altera in magnis massis et impuritatibus referta.

Datur interne a dimidio scrupuli ad drachmas duas in pilulis, sed sæpe simul cum extractis amaris, aut saponaceis, & datur soluta; applicatur etiam externe præcipue in aceto soluta, modo simplici, modo scillitico; ac præterea tamquam pars ingreditur in multis emplastris. Ubi interne exhibenda sit soluta, opus non est alicujus rei intermediæ, cum ipsa utpote continens plus gummosæ quam resinosæ substantiæ per se solvatur in aqua, si in mortario agitetur: imo liquorem exhibet, qui simulat emulsionem.

### AMYGDALÆ DULCES OFFICIN. *Amygdalus communis* L.

Arbor sponte nascens in Africa Septentrionali, excolitur copiose in Europa Australi. Adhibentur NUCLEI. Paratur EMULSIO. Sed antequam adhibeantur, defricentur accurate in panno ruvido, ut a pulvere expediantur, quem habent in superficie.

### ANGELICA OFFICIN. *Angelica Archangelica* L. Pla-

Planta perennis , & interdum biennis crescens in alpibus . Adhibetur RADIX , quæ datur in pulvere a dimidio scrupuli ad drachmam unam , & in infuso aut levi decocto , in quo sæpius datur ab una ad drachmas quatuor . Hoc remedium æquivalere etiam potest CONTRAYERVÆ . Jucundior redditur ejus decoctio , si quidpiam LIQUIRITIÆ adiungatur .

Aliquando *sylvestris* , quæ longe minus efficax est , alteri dolose substituitur . *Sylvestris* in locis humidis nascitur , habetque flores rubellos ; cum altera flores habeat virescentes , ejusque radix sit admodum tenax , multoque fragrantior , exhibeatque copiose puncta flava si transversim secetur .

#### ANISUM VULGARE OFFICIN . *Pimpinella anisum* L.

Planta annua , quæ crescit in Orientalibus regionibus , sed collitur etiam in Gallia , in Saxonia superiori , aliisque locis . Adhibentur SEMINA . Præferantur Hispanica , aut crassiora , magisque nutrita , puriora , suavis odoris , dulcisque & aliquatenus extimulantis saporis .

Dantur in pulvere , sed rarius a sex granis ad drachmas duas , & in infuso ab uno ad duodecim scrupulos . Hæc bono exitu adduntur remediis purgativis saccharinis & resinosis , inserviuntque aliis remediis gravioribus efficiendis , mixtaque explere possunt vices aromatum majoris pretii ut CINNAMOMUM , CARYOPHYLLI &c.

#### ANTIMONIUM CRUDUM . *Sulphuretum Stibii nativum* .

Oportet sit illud longis & splendentibus striis donatum , & sub igne strenuo totum exhalet . Illud vero rejiciatur quod instructum apparet acubus coloris rubei-obscuri , quod ubi incendatur , alii odorem emit

rit

tit, & quod si cum multa aquæ distillatæ copia ebullitioni subiectum fuerit, aqua si deinceps filtretur, efficitur turbida ope aliquarum guttarum hepatis sulphuris in aqua distillata soluti. Quod ostenderet, antimonium arsenico infectum esse. Illud pariter relinendum, quod si cum aceto ebulliat, eidem dulcem saporem communicet: id enim indicaret in eo plumbum contineri.

Pro usibus internis præparatum adhibetur, de quo sermo erit in parte altera; & inservit parando PULVERI ALGAROTI & SULPHURI AURATO ANTIMONII.

ARGENTUM. Utimur ad parandum LAPIDEM INFERNALEM.

ARNICA seu DORONICUM GERMANICUM OFFICINÆ. *Arnica Montana L.*

Planta perennis germinans in frigidioribus alpibus, apricisque locis pratensibus, ut in Helveticis &c. Sumuntur FLORES & RADIX. Subministrantur FLORES seorsim ab eorum calicibus interne & externe tam in pulvere, quam in decocto. Pro usibus internis si dentur, in pulvere præscribuntur a quindecim granis usque ad quadraginta, & etiam usque ad drachmam unam, & pro maxima dosi usque ad tres, aucta tamen per gradus, & sæpe in electuario; cum vero in decocto dantur, ab una ad quatuor drachmas, cui aliquid mellis, vel syrupi expedit adiungi. RADIX autem interne adhibetur in pulvere infra tres ad dimidium drachmæ, in infuso infra sex ad unam drachmam. Sæpe contingit tam RADICEM quam FLORES cum aliis remediis sub variis formis conjunctim adhiberi. Maximi interest præsertim FLORES caute adhiberi, quoniam non raro excitare solent vomitus, anxietates, & tormina vehementia.



GUMMI-RESINA, quæ trahitur ex radicibus *Ferula Assæ fœtida* L. Ducitur ex Persia & Indiis. Paratur TINCTURA. Seligatur prædita odore gravissimo accedente ad alliaceum; in massulis puris, compactis, & coalescentibus ex lacrimis lucidis, interspersis albescentibus maculis roseis, luteis. Reijcitur impura & subnigra.

Datur in pilulis & soluta infra duas drachmas ad dimidium scrupuli, quæ augetur ab una ad drachmas tres, si detur in usum clysteris. Ob ejus fœtidum odorem ut plurimum sub pilularum forma præscribitur, ubi vero adhibenda sit soluta, ut semper sit in clysteribus, utendum erit vitulo ovi, aut aliquo muco seu mucilagine. Qui modus semper retineri debet in præscriptione omnium GUMMI RESINARUM, quæ magis abundant partibus resinosis, quam gummosis.

#### ASARUM OFFICIN. *Asarum Europæum* L.

Planta perennis nascens in nemoribus umbrosis præsertim Europæ Meridionalis. Adhibetur RADIX potissimum prædita sapore acri-aromatico, gravique odore ad valerianam accedente.

Datur in pulvere a tribus ad duodecim grana, & pro maxima dosi ad unam drachmam, & in infuso infra duas drachmas ad scrupulum unum, cui expedit sæpius quidpiam aromatici adiungi, & aliquando etiam superaddi parum mellis. Observant aliqui practici, si in decocto præbeatur, vim emetici amitti, ejusque loco acquiri vim diuretici; quare cavendum ab ebullitione, quotiescumque præbeatur ad instar emetici.

Ejus actio tam energica est, ut aliquorum illustrium  
Pra-

Prædicorum judicio fere adæquet actionem IPECACUANHÆ, quod maxime fecit ad propositum scopum pro pauperum usu, unde optandum esset, ut medici per novas experientias hanc vim confirmarent; qua confirmata, excludi tunc posset omnino Ipecacuanha majoris pretii quam ASARUM.

### AURANTIUM OFFICIN. *Citrus Aurantium L.*

Arbor habitans in Indiis, & colitur in viridariis maxime calidarum regionum. Adhibentur FOLIA, quæ a ceteris distinguuntur per appendicem, quam habent ad instar cordis in petiolo. Dantur in pulvere a dimidio drachmæ ad quatuor, & in infuso a duabus drachmis ad dimidium uncie.

AXUNGIA PORCI, usibus externis inservit, depurata tamen, ut in altera parte dicemus.

### B.

### BARDANA OFFICIN. *Arctium Lappa L.*

Planta biennis crescens apud nos in viis & locis ruderalis. Adhibetur RADIX, quæ sumitur in decocto, cui color viridis communicatur, & efficax remedium est. Cum recens datur, præbetur a duabus ad decem drachmas; exsiccata vero præbetur infra quatuor ad unam drachmam. Adhibentur etiam FOLIA ad usus externos, viridia tamen, & utilius eorum succus, ut inter alios monet clariss. *Hufelandius*.

### BELLADONNA, seu SOLANUM FURIOSUM OFFICIN. *Atropa Belladonna L.*

Planta perennis, quæ invenitur in Sylvis cædis, incultisque locis Helvetiæ, Austriæ, Germaniæ, An-

gliaë, Belgiaë, Galliaë, Italiaë &c. Adhibetur RADIX & FOLIUM, interne frequentius RADIX, quæ datur in pulvere simul cum saccharo vel alio excipiente a duobus granis ad decem in plures dividenda partes aucta lente dosi per gradus; dantur & FOLIA pro externis usibus, & aliquando pro internis, & in hoc casu utilius in infuso infra viginti grana ad tria cum sex unciiis aquæ. Cæterum tam RADIX quam FOLIA subministrari debent summa cum cautione. Nam ubi nimis augeatur dosis, veneficum remedium evadere potest, vel saltem varia non exigua incommoda parere, siccitatem ex. c. faucium, vertigines vehementes, obfuscationem visus, pupillarum dilatationem &c., quæ cum acciderint commendant aliqui pro remedio continuo sumendum largum aquæ frigidæ potum, tum etiam nonnulla acetæ cochlearia. Hujus remedii plurima cepit experimenta nuperrimus auctor *Henricus Munch*, qui asserit se ope hujus remedii centum & septuaginta sex morbo hydrophobiæ laborantes feliciter liberasse, ex quarum insigni curationum numero quindecim selegit & typis vulgandas curavit.

In hac RADICE colligenda maximi interest opportunum tempus eligere, quod esse debet ante caulis ipsius nimiam productionem.

**BRYONIA OFFICIN.** *Bryonia Alba L.* Zuccà selvatica Longobard.

Planta perennis, quæ apud nos reperitur in sepibus opacis. Sumitur RADIX, quæ datur interne in pulvere a decem granis ad unam drachmam, & in infuso infra duas drachmas ad dimidium drachmæ: loco vehiculi esse potest aqua, vinum, vel serum lactis. Utiliter adhiberi potest loco SCAMMONEI & GUMMI GUTTÆ, cum habeat æquivalentem actionem, & vim, & longe minori pretio acquiratur, & omni careat adulterationis periculo. Præberi tamen debet

in majori copia, quam dari soleant alia remedia; quibus subrogatur. Caute tamen semper adhibetur cum malos parere possit effectus, ut sunt vomitus, hypercatharsis, insania, stupor, anxietas, vertigo &c. Aliquando præscribitur etiam pro usibus externis.

C

## CALAMUS AROMATICUS OFFICIN. *Acorus Calamus L.*

Planta perennis in Indiis Orientalibus spontanea tam in humidis, quam in siccis & elatis locis. Adhibetur RADIX & datur interne in pulvere cum saccharo, sæpius additur aliis remediis, dosis est a dimidio scrupuli ad drachmam unam, & dimidiam, in infuso autem præscripta infra quatuor drachmas ad unam, & aliis etiam infusis adjungitur. Paratur quoque TINCTURA.

Eligatur crassitie saltem unius digiti, saporemque præseferat aromaticum, acrem, calidum; ac leniter amarum, odorem emittat fragrantem, præsertim dissectus. Cavendum autem, ne ipsum teredo corripuerit, quod solet frequenter accidere. Hoc remedium maxime pro pauperum usu multis stimulantibus remediis majoris dispendii præferendum est, præcipue cum ipsius efficacia hisce superior dici possit.

CALX VIVA inservit parandæ AQUÆ CALCIS, & LIXIVIO CAUSTIGO.

## CAMPHORA OFFICIN.

SUBSTANTIA CONCRETA quæ elicitur ex Arbore *Lauri Camphoræ L.* e Japponia. Huc affertur a Batavis, a quibus nova quadam operatione depuratur.

CAMPHORA in eo statu, in quo e Japonensi provincia ad Europam defertur, multam redolet impuri-



tatem ut propterea ejusdem purgatio curas maximas exigat Batavorum. *Proust* multa experimenta supra camphoram fecerat, sibi que visus est detexisse secretam Batavorum artem, quæ in ejusdem purgatione adhibetur. Videatur *Journal de Physique*.

HÆC non uno titulo cum puris resinis convenire videtur, sed aliis rationibus ab ipsis differt, ac se prodit naturæ prorsus peculiaris. Ipsa recipitur coacta in massas orbiculares, læves, coloris candidi, & compaginis crystallinæ, facile frangibiles, aliquantulum pingues, tenaces, admodum fragrantés, alitumque rorimarino similem effundentes.

Exhibetur interne pro pueris ab uno ad sex grana; pro adultis a sex, a dimidio drachmæ usque ad integram drachmam, sed raro, & in maniacis usque ad dimidium unciz, in pilulis & soluta, minus apte in pulvere, qui cum nimis volatilis sit, facile evanescit. Adhibetur quoque pro usibus externis, & pro clysteribus adhibetur in dosi infra tres drachmas ad dimidium drachmæ. Per eam paratur SPIRITUS VINI CAMPHORATUS.

Conservari debet in vasis ermetice clausis, locisque frigidis, quoniam citissime in auras avolat non custodita ab aeris accessu. Si redigenda sit in pulverem, teritur paucis guttis aquæ aut alcohole. Si dissolvenda in aliquo vehiculo aquoso, oportet eam diu agitari in vitreo, seu lapideo mortario cum aliqua portione alicujus mucilaginis; massa vero, quæ inde efficitur, paulatim solvitur in eo fluido quod libeat. Hæc vero solutio melius expletur, si antea solvatur in aliquo oleo, aut alcohole pro circumstantiis, ac deinde continuetur operatio ut supra.

#### CANTHARIS OFFICIN. *Meloe Vescicatorius L.*

Insectum quod invenitur in locis Septentrionalibus, frequentius in calidioribus, ut in Hispania, Gallia, Italia &c. delectatur Fraxino, Ligustro, Populo, Sambuco,

bucō, &c. **INTEGRUM INSECTUM** sumitur, illudque morte afficitur ope vaporum aceti, vel per immersionem in isto, & deinde exsiccat.

Paratur **TINCTURA SPIRITUOSA**, & **EMPLASTRUM VESICATORIUM**: raro pro interno datur ejus tinctura, rarius in pulvere, & in utroque casu cautissime; externe vero frequenter.

Si danda sit interne aliquando in pulvere incipendum est a sexta grani parte ad dimidium, deinceps ad unum, & gradatim ad maximum gradum perveniendum quinque granorum, miscenda vero cum saccharo ac præscripta dosis repetitis vicibus suscipienda. Consuluerunt aliqui **CANTHARIDES** porrigere in infuso sive ebullitas in duabus unciis **ACETI FORTIS** in dosi quatuor granorum ad decem, & percolatum liquorem unica vice sumendum, quod maxime adversus hydrophobiam commendarunt.

**CANTHARIDES** vim suam exerunt potissimum in vesicam & renes. Creditur cum additione camphoræ **CANTHARIDES** tutius posse adhiberi, sed nunquam satis inculcatur cautissime esse adhibendas, nec nisi iudicio peritioris medici, & melius esse pro usibus internis ab iis abstinere, cum sic periculum caveatur, ne mali pariantur effectus, quos sæpe peperisse internum earum usum observationibus constat, nauseam nempe, violentosque evomitionis conatus, acutas cholicas, molestamque sitim, viarum urinæ inflammationes ( quæ ob quasdam circumstantias aliquando contingere observatum est etiam in externa Cantharidum applicatione ) atque hinc ingentem ardorem urinæ, mictumque cruentum &c., quod si magna dosi præbeantur, oritur cancrena & corrosio ventriculi, convulsiones vehementes, atque vel ipsa mors non raro nascitur. Quæ dum moneo, videri possum aberrare ab instituto meo; sed veniam mereri puto, cum de vitæ periculo agatur, cumque mihi, ut monui ab initio, propositum sit juniores præsertim medicos dirigere. Quod semel dixisse sufficiat, ne id re-

petere cogar quotiescumque acturus de hoc remedium genere easdem observationes præbuero.

Interea si quæ dixi incommoda malo infortunio nascantur, reparari possunt, ubi emetico amplius locus non sit, præscriptione copiosarum demulcentium bibitionum, sive istæ sint decoctiones, sive emulsiones, vel lactis, vel olei; sive aliquorum judicio longe utilior camphorata emulsio.

Esse debent INSECTA exiguæ molis, integra, recentia, graveolentia, non pulverulenta. Servari debent in vasis satis clausis, quotannis renovari, nec in pulverem redigi, nisi cum iis utendum sit. Eorum vis vesicatoria in resinosa substantia invenitur.

### CATECHU, seu improprie dictum TERRA JAPONICA OFFICIN.

Nil aliud est nisi EXTRACTUM SICCUM, quod elicitur ex Arbore *Mimosa Catechu* L. quæ in Indiis germinat, & constat maxima ex parte gummosa substantia, & parva copia resinæ.

Adhibetur in pulvere, & solutum a dimidio scrupuli usque ad duas drachmas. Mixtum cum aliqua portione aluminis explere vices potest SPECIFICI ut ajunt HELUETII aut ALUMINIS TINCTI MYNSICHT, sive ALUMINIS DRACONISATI tantopere celebrati etiam a *Baldingerio* & *Keupp*. Parum dispensiosum est, & utilius adhiberi potest loco GUMMI KINO. Seligendum tamen est optimum; nam sæpe & facile adulteratum invenitur.

Optimum hisce notis discernitur: durum est, non friabile, nec fragile, sed rigidum; colorem habet rubrum, subnigrum, interne parumper lætiorern, lamellatim dispositum est, facile in ore, integre in aqua solvitur, saporemque non ingrâte adstringentem habet. Reiiciendum fragile, firmiore consistentia destitutum, quod nigrum apparet, adustum, ingrâte

sapidum, acerbum, impurum, nec omne in aqua solubile.

**CENTAURIUM MINUS OFFICIN.** *Gentiana Centaurium* L.

Planta annua, quæ apud nos habitat in locis aridis & in pratis. Adhibentur SUMMITATES FLORIDÆ, & dantur in pulvere, sed sæpius in leni decocto ad quatuor drachmas.

**CERA CITRINA.**

Eligenda recens, solida, aliquatenus tactu glutinosa, coloris nitide flavi, gratique odoris paullulum analogi odori mellis, & insipida.

**CERUSSA ALBA.** *Plumbum aceto oxydatum.*

Hæc destinatur tantummodo ad usus externos. Sæpius CERUSSA adhibetur in excoriationibus integumentorum ab humore acri productis aliisque morbis humidis cutis, speciatim vero ad curandas partes infantium urina corrosas. Sed nunc clariss. Medici atque Chirurghi, ut *Boerhaavius*, *Percival*, *Brambilla*, *Schmidt*, aliique non paucis observationibus nixi nos monent, præparationes plumbi etiam externe applicatas non exiguum detrimentum attulisse. Quare abstinendum esset ab usu cerussæ in pueris quorum partes corrosæ, tenellæ cum sint, facile absorbere possunt cerussæ particulas atque ad interius systema advehere, ex quo oriri possunt ii mali effectus quos parere solent præparationes plumbi interne adhibitæ. Dolendum, hunc usum cerussæ maxime in Longobardia parentibus atque nutricibus familiarissimum esse; ut propterea probabile censerî possit cholicam, convulsiones, aliaque incommoda, quæ in aliquibus infantibus deprehenduntur, sæpe ab hoc usu manare.

Optan-



Optandum igitur ut id abeat in desuetudinem, cum alia remedia in promptu sint innocua prorsus & iisdem viribus prædita, ut sunt pulvis LYCOPODII, AMYLI, aliaque hujusmodi.

Seligatur alba in pannis non adeo crassis, ponderosioribus, gustui subdulcibus, nec multum effervescentibus, mixtis cum acidis. Paratur ACETUM SATURNI & UNGUENTUM CERUSSÆ.

CHAMOMILLA VULGARIS OFFICIN. *Matricaria Chamomilla* L.

Planta annua, quæ apud nos nascitur inter segetes. Adhibetur FLOS & datur interne aliquando in pulvere tam solus, quam cum aliis remediis ab una ad drachmas sex, sed frequentius in infuso eadem dosi; etiam externe adhibetur in pulvere, nunc per siccum fomentum, nunc ad componendum cataplasma; demum in levi decocto pro externis usibus usque ad unciam unam in percolatione duarum librarum decocti ad instar balnei vel fomenti &c. Et adhibetur pro his usibus tam ipse solus, quam cum aliis aromaticis substantiis commixtus. Vis hujus remedii præclara est, & parit optimos effectus, ut usus & experientia quotidiana commonstrant.

Sedulo cavendum est, ne FLORES prædicti cum floribus COTULÆ FOETIDÆ confundantur. Discrimen exhibet tum odor, tum paleæ setaceæ, quæ inveniuntur in COTULÆ receptaculo.

CHINCHINA, seu PERUVIANUS CORTEX OFFICIN. *Cinchona Officinalis* L.

Arbor crescens in Regno Peruviano, maxime in montibus Loxæ, successu temporis detectus etiam in quibusdam montibus Americæ. Adhibetur CORTEX ex ramis avulsus interne in pulvere, qui modo in aqua præbetur, modo in vino, nunc etiam sub for-

ma electuarii infra duas ad dimidium drachmæ bis, ter & etiam sex vicibus in diem pro variis circumstantiis repetendus. Aliquando, licet raro, etiam dimidium uncix pro vice præscribitur. Datur quoque sæpissime in decocto infra decem ad duas drachmas pro unica libra decocti.

Sæpius augetur vis & utiliter miscetur cum aliis remediis pro exigentia rei, ut cum ELÆOSACCHARIS, aut cum aliis AROMATICIS, aut cum SALI TARTARI ALCALINO, quod in rachiticis juvare expertus est clariss. *Plenk*, aut cum VALERIANA, FLORIBUS ARNICÆ, MERCURIO DULCI, CAMPHORA, MYRRHA, cum OPIATIS, ANTIMONIALIBUS, SCILLITICIS, MARTIALIBUS, SALE AMMONIACO &c. Sic utiliter in morbis scrophulosis &c. miscetur china inter alia cum mercurio dulci; in variis hydropisiis cum remediis scilliticis, aliisque diureticis; cum aliquo grato aromatico ad impedendam evomitionem; idemque interdum præstat opium, & rursus continere valet nimias per secessum evacuationes; juvat præterea chinæ conjunctio cum radice valerianæ sylvestris, cum floribus Arnicæ, cum tartaro emetico, cum sale ammoniaco, itemque cum opio &c. in febribus intermittentibus obstinatis; atque idem dicendum de aliis exemplis.

Habet denique usus etiam externos vel simpliciter in pulvere, vel isto redacto sub forma cataplasmi; vel in decocto, quod bene saturum inservire egregie potest adhibitum pro fomentationibus atque clysteribus, & maxime ubi pro circumstantiis impediatur usus internus chinæ in substantia, quo in casu solet passim præscribi etiam sub forma cataplasmi. Paratur SYRUPUS. At diligentia maxima utendum est in delectu chinæ.

Perfectior est, qui nascitur in locis eminentioribus. Seligatur in cannulis in se ipsas inflexis, quarum gyri quo plures sunt, eo certius indicant eas e ramis debita proportionem maturis avulsas esse, easque

que diligenter exsiccatas fuisse, quod multum interest ad ipsarum perfectionem : crassitudo seu volumen sit medium, non multum pollicem excedat, nec minus sit calamo. Spissitudo circiter unam lineam adæquet, nec minor sit tertia ejusdem parte. Superficies interna colorem habeat rubrum accedentem ad colorem cinnamomi; & melius si cinnamomo color vividior fuerit; externa vero scabra sit, non lævis; sit rîmosa subfusci coloris, & licet non semper, at tamen sæpe lichene albo cinereo subtili hinc inde obducta; niger color corruptum corticem indicat; non sit pallido flava, nec læte rutilans: nam id indicaret de aliis arboribus degluptam, Ponderosior pro ratione voluminis. Consistentia corticis sit solida, nec tam facile fragilis: dum frangitur, se se non exhibeat tenacem, aut fungosum, nec in lignea filamenta, aut in farinam cariosam dehiscentem, sed compactum, æqualiter fragilem, & resplendentem adversus solem micantibus moleculis. Odor sit leviter aromaticus specificè mucidus, qui magis sensibilis fit, si pulveri aqua bulliens misceatur. Aut nullus odor, aut nauseosus ostendit corticem non rite siccatum, aut madefactum in navi & corruptum. Saporem habeat amarum cum vestigiis mixtis aromatis, simulque acidum & austerum, non multo tamen vehementem; at sapor amarus excedere debet saporem acidum & austerrum, quamvis etiam istorum uterque sentiatur. Exiguus sapor, aut viscidus, aut intense stipticus, aut nauseose amarus speciem corticis viliorem demonstrat, aut mixtam corticibus aliarum arborum, deinde aloes solutione imbutam. Decoctum corticis adhuc calidum rubescere debet, frigefactum pallescere, ac ejusdem palloris sedimen dimittere, ut monet cl. *Rosenstein*. Quam quidem notam deprehendi esse constantem & tutam.

Hisce notis optimus cortex distinguitur. Inferior in imis locis habitat, infimus in humilioribus. Crassitudo inæqualis est modo major, modo minor ea quam

quam indicavi. In primo casu indicatur cortex avulsus a trunco, vel ramis nimis adultis quam oporteret, in altero indicatur avulsus a ramusculis tenerioribus, quam opus esset. Decoctum etiam frige factum rubeum colorem retinet. Brevius inferior discrepat prorsus a notis, quas nuper exposui pro optimo cortice.

Cum utendum est CORTICE, lignum si quod adhæret cortici, studiosè separari debet. Prudenter etiam monemur, ut cum redigitur cortex in pulverem, antea accurate abradatur, vel saltem leni contusione teratur, ut excuti possit levis pulvis ex lichene coarctus adhærens cortici & per setaceum transiens expelli tamquam alienus & nihil efficax. Curandum dein, ut quantum fieri possit, pulvis recentius fiat, & subtilissimus, nihilque admiscendum, dum pulvis efficitur, quod extraneum sit. Tandem in decocto parando cavendum est, ne cortex multum ebulliat, utque ebulliat in clausis vasis.

## CHINA LUTEA, seu FLAVA OFFICIN.

CORTEX est alterius speciei recenter nobis adactus. Eodem modo exhibetur, quo CHINA COMMUNIS, eo solo discrimine quod passim dosis tertia parte circiter minor sufficiat, iisdemque regulis & monitis in praxi observandis; sed illa in multis ab altera china discrepat.

Nam hæc cannulas habet minus inflexas, crassitudinem & spissitudinem majorem; superficies interna fortius rubet, sed redacta in pulverem pallescit, minusque pallescit quam china communis. Nunc epidermide obducitur, nunc caret, & cum obducitur, ejus spissitudo major est, & ita aliquando major, ut spissitudo epidermis spissitudinem adæquet chinæ luteæ. Hæc multo levior est altera, & friabilior, cumque ipsa frangitur, non pauca lignea filamenta commonstrat. Odor debilior videtur, sed multo amarior sapor,



por, nihil tamen ingratus. Decoctum ejus, dum calidum manet, paulo magis rubet, frige factum pallidius redditur.

• Recentes observationes ostendunt, hanc nihil virtute cedere chinæ communi, sed esse sæpe efficaciorē; adde, minorem ut dixi CHINÆ LUTEÆ quantitatem ad propositum finem satis esse, & ipsam per se multum minoris esse dispendii, ut propterea hoc duplici titulo hujus usus longe magis æconomicus fiat. Illud quoque commodum oritur, quod ingens quæ fieri solet chinæ communis jactura, per hujus chinæ substitutionem reparari aliquatenus possit. Hisce de causis istam alteri adiungere volui. De hac fusius dixi in opusculo de china lutea, quod alias jam memini in lucem prodixisse, in quo plures animadversiones & monita inveniuntur circa utriusque chinæ usum. Hic solum admoneo, cannulas chinæ luteæ accurate separari oportere ab epidermide, si quod ipsæ contineant, quod est facilis executionis.

Ceterum illud est recolendum, quod in ipsa præfatione monui, ad vitandum dispendium pro usu speciatim pauperum ægrorum substitui posse alia remedia minoris dispendii, & ejusdem circiter efficaciam, qualia in hoc opere indicare volui, vel saltem ad pauciores casus usum chinæ posse restringi sine ægrorum detrimento. Certe absolute corticem peruvianum excludi posse puto in re nostra, præsertim ubicumque ipse adhibetur pro clysteribus, collutoriis, alisque usibus externis, aliaque ejus loco remedia adhiberi, quæ exitu æque bono substitui facile possunt. Sic præter ABSYNTHIUM, GENTIANAM, aliaque plura, quæ non externe solum, sed interdum etiam interne supplēt vices corticis peruviani, alia in promptu sunt, quæ a pluribus practicis adhibita sunt, exitu satis felici, nec inferiori, quam habeat cortex ipse peruvianus, ut est SALIX, maxime vero HYPOCASTANI cortex, & alia plura, quæ tamen præberi debent dosi circiter majori tertiæ partis. Sed Hypoca-

stanum potissimum, quo loco corticis peruviani vel in ipsis febribus intermittentibus, se usum fuisse felici successu testatur inter alios vir clariss. *Moscati*. Immo utilius posse arbitror remedia quoque componi, quæ tam externe, quam interne vices expleant peruviani corticis, si remediis amaris tam in pulvere, quam in decocto plus vel minus addatur alterius substantiæ adstringentis; ut fusius hoc etiam exposui in sæpius citato opusculo de CHINA LUTEA.

**CICHOREUM OFFICIN.** *Cichoreum Intybus* L.

Planta perennis ubique apud nos reperitur in arvis; & colitur in hortis, quæ postrema minus efficax est. Adhibetur FOLIUM REGENS, & RADIX. Præscribitur succus ex foliis & etiam ex radice ab una ad uncias sex; decoctum præscribitur, sed plerumque ex sola radice recenti a dimidio unciae usque ad duas paratum aqua vel sero, ex sicca vero radice a duabus drachmis ad unciam unam. Sæpius additur præsertim radix aliis decoctionibus. Paratur EXTRACTUM ex tota planta recenti.

**CICUTA OFFICIN.** *Conium maculatum* L.

Planta biennis, quæ apud nos secus vias nascitur, & in locis opacis fertilibus. Adhibetur HERBA præsertim ad usus externos in infuso, & sub forma cataplasmatibus. Interne raro fere nunquam & cautissime. Paratur EXTRACTUM ex herba viridi.

Hæc ab aliis speciebus distinguitur ob maculas ru-bentes, quibus ipsius caulis aspergitur, & ob gra-veolentiam odoris.

**CITRUS, seu LIMONIA OFFICIN.** *Citrus medica* L. MULTÆ VARIETATES habentur.

Arbor germinans in Asia, Media, Persia, & inde  
in

in Italiam adveſta colitur in viridariis præſertim calidarum regionum . Adhibetur **FRUCTUS RECENS LIMONIÆ** ; datur interne ejus ſuccus eo modo ut acetum ; datur & **FLAVEDO** , ſed hæc in pulvere , infra duas drachmas ad grana viginti paſſim jungenda aliis remediis . Etiam in infuſo præbetur , melius tamen ſi infuſio ex viridi fiat ab una drachma ad unciam unam vel ipſa ſola , vel aliis infuſis adjuncta . Paratur ex flavedine **OLEUM ESSENTIALE** . Utimur etiam **SEMINIBUS CITRI** & quidem utiliter pro emulſione facienda ab una ad quatuor drachmas .

Parcius utendum ſucco in cura pauperum infirmorum , cum sæpiſſime ejus vices cum minori ſumptu ſupplere poſſit acetum cum eadem utilitate . Vid. quæ diximus de **ACETO** .

**FLAVEDO** adhiberi utiliter poſteſt pro pauperibus loco aromatum maximi ſumptus , præſertim ad grata palato reddenda remedia .

**COLOPHONIUM OFFICIN.** Vid. **OLEUM TERE-BINTHINÆ** .

**CREMOR TARTARI** , ſeu *tartris acidulus potaſſæ depuratus* .

Pulverem qui præſcribitur oportet eſſe ſubtiliſſimum , iſque præbetur quatenus purgans eſt a duabus drachmis ad unam unciam cum dimidio , paſſim in aqua ſimplici , vel ſero ; ſi ad aliud refertur præſcribi ſolet a dimidio drachmæ ad integram duabus vel tribus horis repetendus in aliquo convenienti vehiculo . Additur etiam aliis purgantibus remediis , præſertim reſinoſis , & ſaccharinis . Paratur **TARTARUS SOLUBILIS** .

Expedit non raro cremorem tartari mixtum cum ſaccharo , vel cum melle præberi , quod præter alias utilitates eum reddit ſumentibus gratiorem .

**CREMOR TARTARI** e Gallia & e Venetiis aſpectu

ſtu eſt ſuavis, ejus vero præparatio in vasis cupreis adulterata facile ſe prodit partibus cupreis, quæ innotescunt addito SPIRITU SALIS AMMONIACI, melius CAUSTICO ſive AMMONIACA, & hinc orta poſt ſaturationem tinctura coerulea.

## D

**D**AUCUS SYLVESTRIS ſeu SATIVUS OFFICIN,  
*Daucus Carota* L. Bastonagia Longobard.

Planta biennis, quæ apud nos germinat in pratis & agris: ſeritur etiam in hortis, ſed hæc eſt alteri poſtponenda. Adhibetur RADIX in levi decocto ſpeciatiſimè recenti, cum ſi exſiccata fuerit admodum difficile vim ſuam retineat per integrum annum, eaque præbetur ab uncix dimidio ad duas. Aliis quoque decoctionibus additur

## DIGITALIS PURPUREA OFFICIN. &amp; L.

Planta biennis, quæ germinat in Europa Australiore, & in montibus foliis rugoſis inſtructa. Adhibetur FOLIUM interne in pulvere cum ſaccharo vel alio conſtituente ab uno ad tria uſque ad decem grana diſiſis doſibus & caute exhibitum; in infuſo autem, vel levi decocto infra drachmam ad ſcrupulum dimidium. Ab hujus remedii uſu aliquando ægrotus patitur obſcuſationem viſus, aliaque incommoda, uti naſeam, vehementes vomitus, oſophagi conſtrictionem ſpaſticam, ſingultum, diarrhoeam, interdum ptyaliſmum &c. In his circumſtantiis aut doſis minuenda, aut omnino uſus intermittendus. De hoc remedio vide ubi de SOLANO NIGRO.

Non multum ſidendum eſt DIGITALI, quæ coli ſolet in viridariis. Ceterum cum experientia conſtet alias digitalis ſpecies, ut LUTEA, AMBIGUA &c. quæ magna copia etiam in montibus nobis propioribus



bus oriuntur, ut in Novocomiensibus &c. eosdem fere parere effectus si præbeatur paulisper majori dosi, quos parit DIGITALIS PURPUREA, convenit illas species in usum deduci, utpote magis obvias quam sit purpurea, minorisque pretii.

### DULCAMARA OFFICIN. *Solanum Dulcamara* L.

Suffrutex qui habitat inter nos ubique prope rivulos. Adhibentur CAULES vulgo STIPISES, quos expertus sum multum NITRATIS POTASSÆ continere; iique adhibentur in levi decocto, ab una usque ad drachmas sex. Si majori sua dosi ab initio ordinetur, vel longius quam opus sit decoctio ebulliverit, nauseam, & etiam evomitionem, ac diarrhoeam, aliaque incommoda aliquando solet producere. Cæterum cum hoc remedii genus etiam rite, & justa dosi paratum soleat aliquibus nauseam afferre, utiliter temperari potest decoctio cum paratur, mixtione LIQUIRITIÆ vel SEMINUM ANISORUM aut ALTERIUS AROMATIS, vel jam parata decoctio modico LACTE, vel SYRUPO, aut SACCHARO, aut MELLE pro rei exigentia.

Tanta credita est hujus remedii depurativa, ut dicitur, vis, ut hoc substitui utiliter possit, præsertim in curatione pauperum, SARSÆ PARILLÆ. Multoque utilius id obtinetur, ubi decoctioni aliqua portio radicis saponariæ adjungatur.

### E

### ENULA CAMPANNA OFFICIN. *Inula Helennium* L.

Planta perennis, quæ habitat in locis pinguibus & udis Angliæ, Belgii, Hollandiæ &c. Adhibetur RADIX, quæ exsiccata odorem violaceum spirat, & habet vim non exiguam. Datur in pulvere a dimidio drach-

drachmæ ad duas, in infuso aquoso, vel in levi decocto ab una ad sex drachmas, & in infuso spirituo-  
so. Ex multis practicum experimentis deprehendi,  
usum hujus remediî optimum exitum sæpe habuisse  
etiam in ipsis circumstantiis, in quibus *Polygala Se-  
neka* practici utuntur.

Efficacior illa haberetur, si coleretur in hortis. Præ-  
ferenda saltem quæ reperitur in locis humidis palu-  
dosis.

F

## FEL TAURI.

### FERMENTUM PANIS.

### FERRUM, seu CHALYBS, seu MARS.

Adhibetur LIMATURA, quæ sæpe adiungitur VI-  
NIS MEDICATIS, & cum in substantia ad usus in-  
ternos præscribitur, PARATA præbetur eo modo  
quem exponam in altera parte. Ceterum probabilita-  
te non caret, etiam simplicem LIMATURAM FER-  
RI prodesse posse non secus ac STAMNUM, imo  
fortasse magis prodesse adversus vermes intestina oc-  
cupantes, & adversus ipsam tæniam, ut arbitrati sunt  
*M. E. Bloch & Darluc*. Pro adultis datur a duabus  
drachmis ad dimidium uncia; pueris autem datur a  
dimidio scrupuli ad unam drachmam. Sæpius cum  
melle in Electuario; pro adultis vero etiam sub spe-  
cie pilularum.

Perfecta dignoscitur cum tota a MAGNETE attra-  
hitur, & ope alicujus acidi soluta, & in solutione,  
si addatur aliqua gutta ammoniacæ, colorem cœruleum  
non exhibet. Porro caute magnetis ope, ut monet cl.  
*Gmelin* in apparatu &c. pag. 308, limatura seligenda,  
& ab alienorum metallorum, aliisque peregrinis par-  
ticulis liberanda, quod ut tanto certius fiat, scobs  
chartæ firmiori acu multoties perforatæ iniicienda,

& magnete subtus admoto ferrum sensim extrahendum.

FILIX OFFICIN. *Polypodium Filixmas L.*

Planta perennis quæ apud nos invenitur in locis umbrosis, & præcipue in sylvis. Adhibetur RADIX, sed ante usum ipsius rescindi debet totum quod fibrosum est, & datur in pulvere pueris a quatuor granis ad dimidium drachmæ in duas vel tres partes dividenda. Adultis vero a duobus scrupulis usque ad drachmas quatuor; & in decocto præbetur a duabus drachmis ad dimidium unciam: quod quidem remedium tamquam ut dicitur anthelminticum modo præbetur vel simul, vel ante vel post remedia purgantia, drastica dicta, & nuperrime bonum exitum habuit juxta cl. *Odier Genevensen* usus suppeditandi ad bibendum post hujus remedii sumptionem portionem aquæ marialis, cujus loco ad vitandum dispendium, si de pauperibus agatur, exhiberi potest aquæ portio, in qua solutum fuerit aliquod granum vitrioli martis. Hoc unum est ex præcipuis ingredientibus, quibus constat specificum M. *Nouffer* adversus tæniam, seu ut dicitur vermem solitarium: quod quidem specificum in exhibitione consistit dicti pulveris jejuno stomacho in quatuor vel sex uncis decocti ex eadem radice compositi, cui postea succedit sumptio purgantis remedii sex vel septem granorum mercurii dulcis sub forma boli, quod si ægrotus difficilem secessum habeat, consulitur usus clysteris vespere antecedenti.

Quamvis remedium hoc fortasse mereri non videatur eam omnem existimationem, quam apud multos hactenus habuit; illud tamen retinere volui, cum omni virtute non destitui existimetur ob plura experimenta eidem faventia, & aliunde facilis sit apud nos acquisitionis; & nullius, vel minimi sumptus.

FOENICULUM DULCE OFFICIN. *Anetum Foeniculum L.*

Plan-

Planta biennis, & perennis, germinans in rupibus Cretaceis Narbonæ &c. & in hortis colitur. Utimur **INTEGRA PLANTA. RADIX**, cujus vis per annum durat, præbetur in infuso vel levi decocto a duabus drachmis ad unciam cum dimidio, **HERBA** præsertim recens in infuso a duabus drachmis ad unciam unam, & **SEMEN** in pulvere, quod passim addi solet aliis remediis, datur a sex granis ad unam drachmam aut frequentius contusum in infuso præbetur a dimidio drachmæ ad dimidium unciae. Hoc addi potest aliis infusis & decoctionibus, addique potest cum utilitate etiam purgativis remediis, quemadmodum dictum est de aniso.

#### **FUMARIA OFFICIN.** *Fumaria Officinalis L.*

Planta annua, quæ habitat apud nos in arvis, & in opacis fertilibus locis. Adhibetur **HERBA** potissimum recens. Datur in succo ab una ad quatuor uncias, & in decocto a duabus ad quatuor drachmas.

### G

#### **GALBANUM OFFICIN.**

**GUMMI-RESINA**, quæ elicitur ex Frutice Affricæ quod a *Linneo* vocatur **BUBON GALBANUM**. Melius est quod ex Persia nobis affertur, constat ex lacrimis siccis, calore manus lentescentibus ac ductilibus, & dum recens est, exhibet album colorem, odorem valde nauseosum, & specificè olidum, & cum incenditur aromaticum fumum diffundit. Reiciendum quod ex Mauritania ad nos ducitur, ex magnis massis, crassis, & viscidis coalescens, commixtis variis quisquilliis, & cum incenditur emittit odorem adinstar accensæ **TEREBENTINÆ**.

Datur interne in pilulis & soluta a decem granis ad scrupulos duos, & in hoc ultimo casu ea ratione



præbetur, qua supra diximus præberi assam foetidam; etiam externe applicatur raro ipsa sola per se, fere semper tamquam pars in compositis.

### GALLÆ TURCICÆ.

Incerta fuit harum vis pro usibus internis, nunc pene ab omnibus derelicta, fortasse aliquando reveviscere poterit. Ceterum saltem externe adhiberi utiliter possent maxime in infuso aquoso tam ipsæ solæ quam mixtæ cum aliis remediis. Interim his utimur pro conficiendo ATRAMENTO.

Seligendæ sunt exiguæ molis, ponderosæ, compactæ, & aculeatæ.

### GENTIANA OFFICIN. *Gentiana lutea L.*

Planta perennis, habitans in alpidibus. Adhibetur RADIX in pulvere ab uno scrupulo ad drachmas duas & in infuso frigido ab uno ad sex scrupulos pro qualibet infusi libra, in calido autem ab una non ultra sex drachmas, cum hoc remedii genus si majori dosi præbeatur tolerari nequeat ab ægris etiam minus delicatis minusque irritabilibus. Facilius toleratur ipse pulvis, & efficacior evadit commixtus alicui non injucundo amaro, & melius quoque alicui remedio aromatico. Paratur etiam extractum.

Respuenda est nimis crispata, & quæ sit interne subnigri coloris.

Monendum, GENTIANAM PURPUREAM clarissimi *Allioni* maxima in copia inveniri etiam in montibus nobis promixioribus ut in Novocomiensibus, in quibus reperitur quoque copia alterius speciei GENTIANÆ PUNCTATÆ. Quæ quidem species cum deprehensæ sint ejusdem efficacis & virtutis cum GENTIANA LUTEA, expediret nobis iis uti, cum facilius & minori sumptu haberi possint, quam altera multo rariori.

Monendum quoque censeo, quod expertus sum sæpe, expedire usum gentianæ in infuso si in exigua copia pulvis ipsius in aqua frigida mergatur & vix mersa continuo filtretur, maxime si liquori misceatur aliqua portio sacchari vel mellis, & præterea aut aquæ vel infusi aromatici vel compendii causa syrupi corticis citri. Hac ratione infusum obtinetur longe minus ingratum ac facilius sumendum ab ægris quam sumere soleant infusa de more parata, ac locum demum tenere potest infusi aut decocti LIGNI QUASSIÆ.

### GRATIOLA OFFICIN. *Gratiola Officinalis L.*

Planta perennis crescens apud nos in depressis, humidioribus locis. Adhibetur RADIX & FOLIA. Hæc dantur in pulvere ab octo, viginti, triginta granis non ultra drachmam unam. Observatum est folia, si in substantia præbeantur, non raro producere in ægro non exigua incommoda, ut anxietates, inutilesque evomitionis conatus &c. hinc commodius & frequentius præscribi solet in infuso a dimidio drachmæ usque ad duas. Longe minori periculo folia adhibentur, si pro infuso serum adhibeatur, aut si infuso addatur aliqua portio liquiritiæ, aut sacchari, aut melius interdum aromaticorum, ut zinziber, anisum &c. Folia, si maxima dosi adhibentur, operantur ad instar emetici et drastici, in dosi refracta ad instar alterantis remedii. RADIX autem ad ea quæ dixi incommoda cavenda præberi solet in infuso a dimidio drachmæ ad duas non ultra tres, quod aliqua portione mellis temperari juvat. Circumspecte suadendus hujus herbæ usus ob nimiam maxime rusticorum facilitatem in ea adhibenda, quam egomet alicubi deprehendi, & ex qua non semel sed ter grave mortis periculum ob intemperantem ejus usum incaute & ignoranter factum, ut passim fieri solet, quibusdam mulieribus imminere vidi, nec aliter avertere potui,

nisi continuo præscripta ab ejus usu cessatione, & convenienti remedium subministratio.

Hæc Planta adeo communis & popularis est, ut in Galliis cognomen habeat HERBE A PAVURE HOMME, cum vulgo pauperes eadem ad purgationem utantur, ut videri potest apud *Balliard* HISTOIRE DES PLANTES VENENEUSES ET SUSPECTES DE LA FRANCE PARIS 1784 PL. 130; qui propterea & ipse supeditat summæ cautionis monita in ejus usu, quæ & ipse dedi ob malos nimirum effectus, quos idem auctor aliquando etiam mortiferos esse affirmat. Hinc etiam idem auctor commendat hujus remedii usum in infusione præscribendum ut longe tutiorem & prudentiorem, quam sit in pulvere: atque in infuso ipse opinatur etiam alia purgantia utilius adhiberi.

Folia autem applicari possunt etiam externe tam recentia quam in pulverem redacta addenda alicui cataplasmo.

Visum ex aliquibus hoc remedium supplere posse vices SENNÆ & JALAPPÆ. Optandum esset ut medici per experimenta opinionem hanc confirmarent, cum remedium apud nos haberemus obvium & minimi pretii loco duorum exoticorum non mediocris dispendii, præsertim quo ad sennam.

### GUAJACUM LIGNUM, seu LIGNUM SANCTUM OFFICIN. *Guajacum Officinalis L.*

Arbor Virginiae Jamaicae & aliarum regionum Americae. Adhibetur ejus LIGNUM, & GUMMI-RESINA elicita ex eodem arbore. Lignum præbetur in infuso vel in leni decocto, nam si multum ebulliret valde ingratum redderetur, ab una, ad sex drachmas; sæpius additur decoctionibus aliis, sed cum per se adhibetur expedit adiungi, ut aliqui monent, parum liquiritiæ; decoctio non raro adhibetur quoque in collutorio aut ipsa per se aut cum additione alio-

rum



rum remediorum; habet præterea alios usus externos. Decoctio cum frigeſcit flavum colorem ſemper acquirit, qui color etiam cæteris decoctionibus quibus additur, communicatur. Gummi-resina datur in pilulis & ſoluta modo jam admonito, ubi de aſſaſcætida, ab octo granis ad ſcrupulos duos.

Seligatur LIGNUM coloris externe fulvi, interne obſolete viridis. Recens ſit & ponderoſum ita, ut in aqua immerſum fundum petat, ſit magis reſinoſum, iniectum carbonibus non ingratum ſpargens & aromaticum odorem, facilius inflammabile quod propterea pro certo gradu caloris liqueſcat ex parte in reſinoſam faciem. Habeat ſaporem amarum parum aromaticum, ſubacrem. Reſiciatur ut obſoletum & vetuſtum, quod coloris dilutioris ſit, quod ſit nimis aridum, quod ſit carioſum & inſipidum.

GUMMI - RESINA quod improprie dicitur etiam tantummodo gummi, ex ſola ſexta parte gummi coaleſcit & reſiduum totum reſina eſt. Seligatur gravis, friabilis, quaſi pellucida externe coloris ex rubeo fuſci aut ex viridi pulli, interne albicantis, ſubrubelli, grati odoris, maxime ſi prunis iniiciatur, ſaporis acris atque pungentis. Hæc adulterari ſolet admixtione colophonii, aut baſſami ſulphuris, aut alterius ſubſtantię; ſed fraus facile detegitur, ſi ſuper ignem ponatur, qui ſulphuris odorem extricat, vel effundit alium odorem ingratum. Detegitur etiam fraus ſequenti criterio. Solvatur in alcohole, ſi in ſolutione addantur aliquæ guttæ ſpiritus nitri dulcis, recens præparati, & continentis aliquam partem acidi liberi, & aqua deinde diluatur, gummi - reſina fundum petit, & ubi ſincera ſit gratum exhibet colorem cœruleum, ubi vero adulterata ſit, ſimul cum cœrulea parte ſtriæ albæ videntur Vid. cl. *Crell.* chem. Journal. 2. Th. §, 58. 59.

GUMMI - ARABICUM OFFICIN.

Ve-



Verum gummi quod habetur ex arbore apud *Linn.*, *Mimosa Nilotica*, germinante in Arabia & Ægypto, Datur in pulvere & solutum ab uno scrupulo ad unciam & amplius in sufficienti vehiculi copia; cum vero additur mixturis ut ajunt, dosis non debet excedere drachmæ duæ, alioquin incommoda densitas haberetur. Præscribitur quoque, ut in vehiculis aquosis resina, gummi-resina & olea iis admixta teneantur. Paratur MUCILAGO.

Melior est quæ omni colore & sapore privatur, quæ diaphana est, & quæ omnino in aqua dissolvitur. Gummi quod colligitur ex aliis arboribus, ut ex CERASIS, PRUNIS, POMIS &c. si purum fuerit, substitui omnino potest gummi-arabicæ.

## H

**H**IPPOCASTANUM OFFICIN. *Æsculus Hippocastanum* L. Castagna d' India, sive amara LONGOBARD.

Arbor quæ habitat in Insula Cretæ, & apud nos modo plantatur potissimum in ambulacris. Adhibetur præcipue CORTEX RAMORUM. Datur in pulvere & in decocto ea circiter dosi qua china, & non solum loco CHINÆ præberi potest, sed etiam loco radicis COLOMBO maxime in pauperum cura. Ceterum oportet corticem abstrahi e ramis nec nimis adultis, nec tenerioribus.

**HIRUDO.** Seu SANGUISUGA OFFICIN. *Hirudo Medicinalis* L.

Utimur ANIMALI VIVO jam omnibus noto. Seligenda tamen Hirudo quæ depressa sit, fusca, interspersa lineis flavis dorsalibus sex, intermediis im-maculatis, subtus cinerea, nigromaculata.

**HORDEUM OFFICIN.** *Hordeum vulgare* L.

Planta annua, quæ colitur ubique. Adhibetur SEMEN in decocto, a dimidio uncix ad tres, & in pulvere seu farina, quæ conficiendis cataplasmatibus, & fomentationibus siccis inservit, quo tamen in munere subrogari potest pro circumstantiis etiam farina secalina.

## I

# JACEA OFFICIN. *Viola tricolor* L.

Planta annua habitans inter nos in locis cultis, Adhibetur HERBA CUM FLORIBUS VIRIDIS in infuso a dimidio uncix usque ad quatuor & exsiccata in pulvere ab una ad quatuor drachmas & in levi decocto nunc in aqua, nunc in lacte a tribus drachmis ad uncias duas. Hoc remedium retineri volui eisdem de causis, quas attuli ubi de FILICI.

# JALAPPA OFFICIN. *Convolvulus Jalappa* L.

Planta perennis in America, Mexico, Vera Cruz germinans. Adhibetur RADIX in pulvere pro pueris ab uno ad decem grana pro ratione ætatis & temperamenti; pro adultis ab uno scrupulo ad drachmam unam fere nunquam in infusione præscribitur. Si datur latiori dosi, parere potest enteritidem, convulsiones &c. Hæc nobis in taleolis affertur, & melior est compacta, dura, ponderosa, nigris striis interspersa, & igni admota inflammabilis. Admixta Bryoniæ segmenta colore albo, & textura spongiosa se produunt.

Vis ejus purgativa ex resinoso principio derivatur. Expediit eam conteri dum illa utendum est, atque præscribi simul cum saccharo, aut cum cremore tartari, vel cum alio sale neutro, quæ regula observanda est in præscriptione remediorum omnium, quorum vis purgativa sit in resinoso principio.

IPECACUANHA OFFICIN. *Psychotria emetica* in Pharmacop. Austriac. Campestr. nuper edita.

Plan-

Planta perennis quæ crescit in locis Americæ Meridionalis. Adhibetur RADIX in pulvere & in infuso; cum pro emetico datur in pulvere præbetur pro pueris ab uno ad sex grana, pro adultis ad decem, viginti granis usque ad triginta pro ætate, aliisque circumstantiis. Cum effectus exigitur promptior & tutior, addi potest quidpiam TARTARI EMETICI, quod vix granum excedat; cum autem pro emetico datur in infusione, dosis est in pueris a sex granis ad dimidium drachmæ, in adultis a dimidio drachmæ ad duas. Fit autem infusio in vasis clausis & in tribus usque ad sex uncias aquæ vel vini, quæ tamen quantitas pro ratione ætatis tribus unciiis minor esse potest. Expediit etiam aliquando infusioni fieri additionem alicujus aromatici.

Cum autem præscribitur pro alterante remedio, datur a dimidio grano ad unum usque ad tria duabus vel tribus singulis horis repetenda. Ipecacuanha emeticum est quod prælationem super alia meretur, cum ut inquit cl. *Vogel* sit emeticum omnium mitissimum, simulque a periculis tutissimum, quod propterea recte monent alii esse oportere emeticum pro ægris debilioris ac delicatioris constitutionis, ac pro maxima mulierum parte.

Nuper cl. *Heller* duas observationes maximi momenti vulgavit, quibus utilitas confirmatur hujus remedii in exigua dosi administrati. Prima observatio respicit hydropem ascitum, quæ quartanam febrim ac sanguinea sputa secum conjuncta habebat, & cui curandæ inepta fuerant communia remedia, quæ meliora putari poterant. Secunda observatio respicit morbum stomachi versum in habitum, pro cujus curatione nihil profuerat maxima pars communium remediorum; immo vim morbi auxerat. Pro his morbis curandis vim habuit usus hujus prædicti remedii.

Cum vero datur per modum alterantis, ut ajunt, remedii, non expedit mixturis additum præberi, cum admodum difficile sit ea dosi quæ convenit ab ægro



suscipi æquali distributione singulis iteratis vicibus, licet ampulla quotiescumque sumendum remedium est agitetur; ex qua inæquali pulveris distributione, quæ facile accidit, illud incommodum oriri posset ut vel aliquando minus quam par esset remedii sumeretur, aliquando plus quam casus exigeret, & hinc vel non haberetur optatus effectus, vel quod pejus esset malus effectus haberetur. Quare convenit pulverem sine mixturis præscripta dosi singulis vicibus seorsim suppeditari solum cum aqua vel cum nubeculis, sive pilulis conclusum, cum hac ratione futura sit tutior & certior æqualis remedii ab ægro sumendi distributione æqualis remedii ab ægro sumendi distributio. Quod eadem de causa observandum est in præscriptione pulveris Doweri aliarumque substantiarum in aqua minime solubilem & quas maximi interest præscripta quantitate singulis vicibus suscipere, & quarum excessus a justa dosi grave damnum potest inferre.

Eligatur tortuosa, rugosa, annulis & incisuris profundis conspicua, exhibens colorem ex cinereo obsolete castaneum, habeatque corticem crassum, durum, densum, & fragilem, saporem vero acrem, amarum, parum nauseosum cum sensu mucilaginis. Reiciantur radices externe albicantes aut gilvi coloris, spongiosæ, nec interspersæ sulcis.

Pro recto radiceis usu ea spoliari debet fibris adherentibus, & medulla lignea alba, insipida avelli debet a cortice, cum tota vis in ipso cortice resideat, aut saltem dum tunditur lenis contusio adhibeatur, ne commixtio fiat cum ipsa medulla, & pulvis qui primum se prodit accipiat, cum certius sit hunc esse pulverem corticis, non medullæ. Expedi autem pulverem quoad fieri possit recentiorum esse & superstitem in vasis clausis conservari; nec prætereundum eam radiceis copiam, quæ in pulverem est reducenda, totam eodem tempore simul tundi, excepta jam dicta medulla, ut sola sit ejusdem vis & efficaciam.



JUNIPERUS OFFICINÆ : *Juniperus communis* L.

Frutex germinans in collibus siccis & aridis : Adhibetur LIGNUM & BACCÆ, quæ non maturescunt nisi anno secundo. LIGNUM in infuso vel leni decocto a duabus drachmis ad unciam, & BACCÆ interne, quæ antea contusæ sint, in infuso cum optimo successu ab una ad drachmas sex, externe autem in suffumigiis, & uniuntur fomentationibus & cataplasmis. Inserviunt præterea parando ROOB JUNIPERI, tum etiam UNGUENTO, cum nondum ad maturitatem pervenerint.

Præferunt aliqui LIGNUM radice LIGNO trunci utpote magis odoratum & efficax. Hoc substitui potest LIGNO SASSAFRAS maxime in curatione pauperum, cum sit dispendii longe minoris & virtutis non inferioris.

## L

**L**AC VACCINUM. Legi meretur in hac re opusculum *Parmantier* & *Deyeux* præmio donatum de examine proprietatum physicarum, & chemicarum, ex quo, collatione facta, definitur natura LACTIS MULIERIS, VACCÆ, CAPELLÆ, ASINÆ, AGNÆ, & EQUÆ.

LAPATHUM ACUTUM OFFICINÆ . *Rumex acutus* L.

Planta perennis, quæ crescit inter nos in pratis humidis fertilibus. Adhibetur RADIX præcipue recens in decocto interne, & externe etiam non raro, nunc cum sero lactis, nunc cum aqua præparato, pro rei exigentia. Sed cum in aqua paratur decoctum ad usus internos, juvat non raro adiungi jam factæ decoctioni parum lactis vel mellis, ut decoctio minus ingrata evadat; dosis autem est pro internis usibus, si viridis sit,

sit, ab uncizæ dimidio ad duas, si sicca fuerit, a duabus drachmis ad unciam: decoctio quæ præsertim fit in aqua rubeum colorem induit.

### LICHEN: ISLANDICUS OFFICIN. & L.

Alga quæ habitat in subalpinis & montosis locis ad terram. Adhibetur PLANTA INTEGRA raro in pulvere ob summam difficultatem ejus conterendæ, sed potissimum in decocto, eatamen in crassum pulverem antea redacta, a duabus drachmis ad sex usque ad unciam.

Quidam ægre ferunt hoc remedium nisi percolato decocto addatur quidpiam lactis vel mellis, vel sacchari, vel nisi, dum fit decoctio, adiungatur aliquid liquiritiæ, alicujus aromatis, & cum aliquid aromatis additur, sæpe expedit percolatæ jam decoctioni misceri parum sacchari vel mellis; pro aliis vero aliquando convenit antea in aqua ebulliente infundi & deinde ex eadem extrahi ac decoctum parari, quod gratius effici poterit, si opus sit, alicujus ex prædictis substantiæ additione.

### LINUM OFFICIN. *Linum usitatissimum* L.

Planta annua, quæ seritur apud nos in agris. Adhibetur semen redactum in pulverem si faciendi sint cataplasmi, integrum interne in infuso adhibetur a duabus ad drachmas sex, atque hæc eadem dosis servatur etiam in emulsione, quæ tamen largiori vehiculo facienda est. Parari potest MUCILAGO, quæ efficacia non discrepat ab illa quæ obtinetur ex RADICE ALTHEÆ, SEMINEPSYLY, CYDONIORUM &c.

### LINUM CATHARTICUM OFFICIN. & L.

Planta annua crescens in agris apud nos. Adhibetur

tur HERBA tam viridis quam exsiccata in infuso quatuor unciarum aquæ usque ad octo si viridis, a duabus ad drachmas sex, si arida, ab una ad quatuor drachmas; sicca præscribitur quoque in pulvere a dimidio drachmæ ad quatuor scrupulos non ultra.

Remedium hoc substitui potest SENNÆ, quod magis oeconomicum est. Ego autem deprehendi, in hoc remedio præscribendo, sæpissime expedire, quod etiam fit in usu sennæ, illud præscribere simul cum remediis amaris vel substantiis aromaticis, aut cum aliis laxativis, pro medici judicio.

LIQUIRITIA, seu GLYCYRRHIZA OFFICIN.  
*Glycyrrhiza glabra L.*

Planta perennis, quæ habitat in regionibus australibus. Adhibetur RADIX & ejus EXTRACTUM siccum, quod vulgo dicitur succus. Eligatur radix recens, tenax, flexilis, dissecta apparet læte flava, dulcis gratique saporis; succus vero qui sit siccus, nec odorem habeat, nec saporem empyreumaticum, suavem tamen odorem, & dulcem saporem vel ipsa radice gratiorem, & dum frangitur nigri-splendeat; liquescat impositus linguæ, & cum in aqua solvitur nullas vel paucas fœces in fundo dimittat.

RADIX adhibetur in pulvere; sed ut plurimum nonnisi ad conspergendas pilulas & tamquam excipiens, tum etiam in infuso adhibetur vel leni decocto ab una ad sex drachmas. SUCCUS vero in solutione, & sæpius ad liquefactionem in ore a dimidio drachmæ ad dimidium unciae. Sæpe additur RADIX decoctionibus aliis ut minus ingrata reddantur. Convenit radicem præberi solum in leni decocto, quia si nimis ebulliat ingratum saporem decoctum acquirit.

Pulvis ad modum excipientis opportunissime adhibetur, ut mixtus aliquibus remediis in exigua dosi præscriptis, mole hæc augeat sua, ne propter exilitatem disperdantur, & facilius ubi opus sit dividantur.

Hic

Hic usus alteri præferri debet adhibendi saccharum; nam non raro contingit, aliquos pulveres mixtos cum saccharo facile liquescere & alterari; ut contingere videtur in CUPRO AMMONIACALI, in FLORIBUS SALIS AMMONIACI MARTIALIS, in SULPHURE AURATO ANTIMONII &c., quod non accidit in usu pulveris liquiritiæ.

Præterire nolo deprensam a me fuisse radicem *astragalus cicer L.* iisdem pene proprietatibus præditam, quibus est liquiritia. Quare ubi radix hujusmodi obvia sit, subrogari liquiritiæ optime potest.

### LITHARGYRUS *Oxydum plumbi semi-vitreum.*

Adhibetur pro conficiendis variis EMPLASTRIS, sed debet redigi in subtilissimum pulverem.

## M

### MAlva vulgaris OFFICIN. *Malva sylvestris L.*

Planta annua, quæ crescit in locis incultis & in ruderalis viis. Adhibentur FOLIA tam viridia quam exsiccata in levi decocto tum interne, tum externe, si viridia, a dimidio uncix ad duas, si sicca, a duabus drachmis ad sex, sed potissimum in pulvere inserviunt parandis cataplasmis.

*Sylvestrem* indicare volui, cum in locis prope Ticinum & Mediolanum communior sit & magis obvia. Ceterum ubi vel *rotundifolia*, ut in locis ultrapadanis, nascatur, vel promiscue utraque species commode acquiri possit, ex æquo utraque adhiberi potest cum sint omnes ejusdem efficacix.

### MANNA OFFICIN.

SUCCUS CONCRETUS SACCHARINUS præsertim scaturiens ex *Fraxino Orno L.* Arbore qui nascitur in



Europa Australi ut in Calabria, Sicilia &c. Præferenda est quæ grana majora magis alba ostendit, propriumque saporem habet eumque dulcissimum. Respicienda vero quæ colorata sit humida, & conspurcata. Ea servari debet loco sicco ac modice calido. Nam si ponatur in humido, ea facile diffluit in tabem inertem & iniucundam.

Exhibetur soluta in aqua vel sero, aut alio vehiculo pro pueris a duabus drachmis ad dimidium unciam, pro adultis ab uncia una ad quatuor; exhibetur quoque sub forma lincti; arbitratur clariss. *Spielmann* si manna in fluido frigido solvatur longe minorem nauseam sumentibus afferre quam si solvatur in calido. Expediit non raro mannam præberi mixtam cum remediis purgantibus magis extimulantibus, vel cum amaris, aut cum aromaticis, pro diversis circumstantiis, quæ possunt occurrere: sic enim vitantur incommoda, quæ oriri aliquando solent si sola præbeatur.

Ceterum puto mannam non eam inereri existimationem omnem, quam ipsa passim obtinet. Immo in curatione pauperum abstineri ab ea posse sine detrimento censerem. Facile assentior mannam utiliter præscribi simul cum sale amaro, aut cum infuso sennæ, vel cum aliis purgativis remediis ut ajunt drastice; eorum enim vis nimium extimulans per mannæ mixtionem obtunditur, quod ut aliquando fiat utilitas postulat. Veruntamen etiam sine manna id obtineri facile potest, si nempe loco mannæ MEL subrogetur. Sublato autem usu mannæ, non exiguum dispendium in curatione pauperum cum eodem fructu vitaretur.

#### MEK COMMUNE PURUM seu VIRGINEUM.

Optimum est quod nulla adhibita arte sponte defluit ex disruptis favis, quod magis granosum est, spissum, admodum ponderosum, minusque coloratum, & quod odorem & saporem exhibet gratum, dulcem ac leviter

ter aromaticum, illudque præferendum quod in montibus aridisque locis colligitur.

Ipsam interne per se sumitur a duabus drachmis ad uncias tres ad instar eclegmatis, sumitur etiam solum; sed frequentius additur diversis mixturis decoctionibus &c. maxime ut istæ efficiantur gratiores. Sæpe adhibetur tanquam constituens ad formam vel consistentiam diversis medicamentis conciliandam. Locum demum sacchari plerumque tenere debet cum magno emolumento ubi maxime agatur de curatione pauperum. Adhibetur etiam mel aliquando pro usibus externis. Si pro duabus aquæ libris uncia & dimidium mellis solvatur, nomen sibi vindicat HYDROMELLIS.

Ex eo paratur MEL DESPUMATUM, OXIMEL SIMPLEX & SCILLITICUM.

#### MENTHA CRISPA OFFICIN. & L.

Planta perennis crescens in Sibiria, Helvetia & in hortis etiam apud nos excolitur habetque folia cordata dentata undolata sessilia. Adhibetur HERBA in infuso ab una ad quatuor drachmas, ex ea paratur AQUA DISTILLATA, quæ solet frequentius adhiberi quam ejus infusum.

#### MENTHA PIPERITA OFFICIN. & L.

Planta perennis, quæ oritur in Anglia & colitur etiam apud nos in hortis instructa foliis ovatis petiolatis & sapore prædita acri piperis. Adhibetur HERBA; ex ea paratur AQUA DISTILLATA, quæ passim ejus infuso præfertur ut dixi de alia menthæ specie. Ceterum adhiberi potest in infuso eadem circiter dosi quam dixi de alia menthæ specie, & cum sic adhibetur judicio cl. Roemer aliorumque vices explet THE quod SANITATIS appellari solet, immo omnium The gustui gratissimum evadit. Hoc autem

frequentius sumitur simul cum melle vel saccharo, vel lacte.

Hæc menthæ species apud nos facile crescit, ideoque exigui pretii est & ex altera parte maximæ utilitatis, cum ipsa sub variis formis adhibita locum tenere possit multorum exoticorum longe majoris sumptus, ut propterea multum intersit eam, ut jam alicubi accidit, usum habere latissimum.

### MERCURIUS, seu ARGENTUM VIVUM, seu HYDRARGYRUM.

Ille seligendus qui lucidus est, qui se ipso difluens globulos rotundos constituit, quin vestigium post se relinquat, qui aceto digestus saporem dulcem non recipit, qui demum in ferreo cochleari expositus igni omnino abit in auras.

Plures habet mercurius usus, sed nullius usus est nisi antea depuretur, ut in altera parte dicemus.

### MEZEREUM OFFICIN. *Daphne Mezereum L.*

Frutex qui habitat in montium sylvis Europæ borealis & Australis. Adhibetur CORTEX tam STIPTUM quam RADICIS interne a dimidio scrupuli, a duobus ad drachmas duas aucta dosi gradatim tam in infuso quam in levi decocto, cui sæpe convenit parum liquiritiæ addi, aut percolatæ decoctioni parum lactis misceri. Frequenter vero adiungitur aliis decoctionibus, ut sunt decoctio ut dicitur liquorum, dulcamaræ, saponariæ &c. Ceterum semper caute est adhibendus. Scio, aliquos prætergressos esse prædictam dosim, & aliquando drachmas sex attigisse. Verum si id contigit absque periculo, magistribuendum esse censeo longiori quam opus esset ebullitioni quæ facta sit, quam innoxie dosi adhibetæ quantitati. Quæ oriri possunt incommoda & mala ex administratione perperam facta huius corticis, videri possunt in *Puibn* mate-

teria venenaria regni vegetabilis pag. 84. Externe quoque applicatur vel ut rubefaciens vel ut causa efficiens alicujus vesicæ, vices scilicet explet fonticulorum, vel vesicantium, vel sinapismatum &c. si nempe corporis parti applicetur prout opus est; & pro varia rei exigentia nunc parva nunc grandiora corticis frusta applicantur, quæ involvi debent aliquo tegumento & semel in die vel bis aut rarius mutari debent pro diverso fine cui eorum usus destinatur. Majora frusta vi quoque majori gaudent, & ubi exsiccata fuerint, in aqua vel aceto macerentur per sex, octo vel decem circiter horas.

Cum vero CORTEX LAUREOLÆ, sive TYMELEÆ OFFICIN. Vel *Daphne. Laureola L.* aliquorum practitorum judicio a cortice mexerei non admodum differat; hinc unus pro altero aliquando adhiberi promiscue potest.

Hujus CORTICIS usus externus suam præsertim utilitatem habet in iis circumstantiis, in quibus opus non sit prompto & celeri effectui, atque in his prælationem mereri videtur duabus præsertim de causis: Primo quia minori dispendio istud remedium habetur. Secundo etiam in divitibus infirmis opportunior ejus usus esse potest ad incommoda avertenda, quæ sæpe delicatioribus afferunt alia remedia complicata, sensibus invisæ, unctiosa & ingrata.

Juvat monere maxima cautione opus esse in avellendo CORTICE vel a TRUNCO vel a STIPITIBUS vel a RADICE; nam præsertim cum viridis cortex est ob ejus principium quod continet acre maximeque volatile, & quod facile interea dum avellitur exhalat, nocere collectori plurimum potest ut ipsemet expertus sum, qui cum in loco versarer ad colligendum corticem opportunissimo, nec debitam diligentiam in magna ejus copia avellenda adhiberem, affectus inopinato fui gutturis non levi ardore, cum tussi ve-



hementi & aliquo sanguinis sputo. Quod sane me admonuit socordiae meae.

## MYRRHA OFFICIN.

GUMMI-RESINA manans in Æthiopia ex arbore ignota, quæ tamen creditur pertinere posse ad aliquam speciem *mimosæ* L. Eligatur in lacrymis lucidis ac pene diaphanis coloris flavo-rubei, seu ferruginei, facile solubilibus in pulverem, levibus ex omni parte, æque coloratis, non ingratis odoriferis, admodum amare & aromaticè sapidis. Respuenda vero quæ nigri coloris & ingrati odoris est, quæ ponderosa, & tenax, & spurcitiis interspersa cernitur.

Sumitur interne in pulvere, in pilulis, & etiam soluta a decem granis ad dimidium drachmæ & aliquando ad unam: solvi autem potest in aqua eo modo, quem indicavi pro solutione gummi ammoniaci. Externe quoque applicatur tam in pulvere vel solo vel mixto cum alterius speciei pulveribus aut cum unguentis, vel demum adhibetur adinstar infusi in vino peracti. Paratur ex ea TINCTURA SPIRITUOSA.

## N

**NASTURTIIUM AQUATICUM OFFICIN.** *Sisymbrium nasturtium* L.

Planta perennis, quæ prope rivulos apud nos nascitur. Adhibetur herba recens cum utilitate in levi decoctione, facta cum aqua vel cum sero lactis, vel etiam addita decoctionibus aliis, ejusque dosis continetur infra quatuor uncias ad dimidium unciam. Utilius quoque adhibetur in succo infra quatuor uncias ad unam, atque hoc modo præscripta vices explere potest conservæ nasturtii, qui succus ut gravior fiat juvare interdum potest additio alicujus syrupi vel mellis.

Hæc

Hæc rursus planta & ex ea factæ præparationes in curatione pauperum æquivalere possunt COCHLEARIÆ, aliisque hujus generis HERBIS rarioribus, quæ dicuntur antiscorbuticæ. Paratur EXTRACTUM. Experimento cognovi, in hac planta aliquid NITRI contineri.

NITRUM seu *Nitras potassæ impurus*. Qui nullius est usus nisi antea depuretur, ut in alia parte videbimus.

NICOTIANA seu TABACUM OFFICIN. *Nicotiana tabacum* L.

Planta in America perennis, annua vero apud nos in hortis excolta. Adhibentur FOLIA ad usus externos in leni decoctione, vel in infuso, pro clysteribus, & ablutionibus, pro quibus tamen etiam alia remedia stimulantia substitui possunt. Dosis est a duabus drachmis ad sex & ad summum ad unciam pro aquæ libra. Infusio autem ut & decoctio fieri debet in vasis clausis.

Hoc remedii genus administrari debet magna cautione, cum præscriptum etiam ad usus hujusmodi malos effectus producere valeat. Vid. *Puiba* in opere citato. Qui quidem effectus multo facilius timeri possent si adhiberetur ad usus internos: quamvis sciam adhibitum aliquando fuisse, & nuper ex duabus observationibus constet, quas ediderunt duo medici *W. Dove* & *R. Bishopric* de curatione feliciter habita Anasaræ coxis & cruribus insidentis, & ascitis ope infusionis nicotianæ sumptæ tribus in diem vicibus ad duodecim guttas, quæ tamen usque ad viginti, triginta, & amplius auctæ fuerunt.

**O**LEUM ESSENTIALE CITRI CORTICUM. *Oleum volatile citri corticum.*

Passim præscribitur ad usus internos sub forma ELÆOSACCHARI. Adhibetur quoque ad parandum SYRUPUM CORTICUM CITRI. Hoc autem remedium in hac prima parte recensui, cum jam in commercio positum sit. Sed aliquando contingit fraudibus hominum ipsum adulterari per commixtionem vel cum oleo fixo expresso, vel cum oleo æthereo Terebinthinæ quod excitare debet solertiam emptoris, ut illud experimento subiiciat sequenti ratione, quæ locum habet etiam pro aliis oleis essentialibus discernendis.

Si hoc oleum dimittatur in aquam, albescit mixtura, ubi cum alcohole corruptum sit, quod non contingit si purum fuerit. Ut vero cognoscatur an oleum expressum in eo reperiatur, aliquæ guttæ illius olei super chartam fundantur, ac levi calori charta exponatur. Si sincerum oleum sit, disparet tota macula pellucida. Ex adverso maculata charta manet, si oleum non fuerit genuinum. Detegitur etiam hæc fraus, si aliqua gutta olei instilletur in alcohole. Guttæ enim olei quod purum sit omnino solventur, supernabit vero oleum expressum si facta fuerit adulteratio. Demum si adulteratio habeatur per mixturam olei Terebinthinæ vel aliorum oleorum essentialium vilioris pretii, varia experimenta ad detegendam fraudem adhibentur; sed facilius dignoscitur adulteratio per oleum Terebinthinæ, cum viris expertis hæc facile patere possit vel ex solo odore qui diffunditur, præsertim si oleum incendatur; tunc enim vividius odor oleo Terebinthinæ se prodit, vel in cochleari si oleum accendatur magnam copiam materiæ picæ relinquit; rite parata genuina olea odorem plane saturatum, uti & saporem vegetabilium, e quibus sunt parata, debent continere.

Solent quidem OLEA ESSENTIALIA vetustate alterari, amittere nempe multum odoris ac saporis, & pristinae fluiditatis, aliasque extraneas proprietates induere. Reparari tamen aliquatenus hæc jactura potest, si iterum distillentur super ejusdem substantiæ portionem, ex qua elicitæ antea fuerant. Ut melius fiat separatio oleorum ab aqua, ubi difficilior divisio appareat, potest adjungi mixtioni sal muriaticum. Quæ quidem olea, ut statum suum tueantur sine alteratione, custodire opus est in vitreis vasis diligentissimo clausis, ut omnis aeris accessus prohibeatur.

### OLEUM LAURINUM.

Species olei excocti quod ex BACCIS *Lauri Nobilis* L. obtinetur. Præparatur in locis Italiæ meridionalibus prope lacus; hinc & in locis Lario & Benaco proximis non exigua copia hujus olei conflatur. Hoc olei genus unguenti consistentiam habet, viridem colorem, saporemque ingratum & admodum amarum, odorem demum quem habent baccæ ex quibus paratur. Clarissimus chimicus *Paulus Sangiorgius* ingeniose monstravit hanc olei speciem naturâ differre ab oleis expressis aut fixis, cum hujusmodi oleum in alcohole integre dissolvatur, ostenditque hoc esse veluti anulum inter olea essentialia & fixa intermedium; ex quo vero hoc oleum solubile sit in alcohole, facile dignosci potest fraus, qua non raro adulterari solet per mixtionem adipum diversi generis apud nos communium, cum in hoc casu non plene solveretur oleum in alcohole.

Itaque genuinum oleum dehet esse suaveolens fortiter, lauri plane continens odorem & saporem, coloris viridis-subflavi, grumosæ & crassiusculæ consistentiæ. Exitiosum plane est valde viride, fluidum, æqualiter unguinosum, & parum redolens Laurum. Ærugine mangonisatum ejusdem erit tunc coloris, æqualiter saturate viridis, & spiritu salis ammoniaci contritura



refert tincturam cæruleam, & ubi addita fuerit terebinthina, qua sæpius adulteratur, ejus odor, & sapor, ejusque combustio satis luculenter corruptionem declarant.

Hoc passim non utimur nisi externe, eodemque æque salubriter uti possumus œconomix causa loco  
**OLEI NUCIS MYRISTICÆ.**

## **OLEUM OLIVARUM COMMUNE.**

### **OPTIMUM;**

Utrumque ex genere est oleorum fixorum expressorum, & utrumque paratur ex **FRUCTIBUS** *Olea Europæa* L. & unum ab alio non differt nisi pro varia ratione, qua ex iisdem fructibus exprimitur. Nam optimum exprimitur per idoneum instrumentum ex olivis perfecte maturis & ab ipsa carne nuclei, nucleo non difracto, quod idcirco purum est, dulce, non ingrate olens, tenue, & ad flavum colorem accedens. Commune deficit ab his bonitatis notis, & illud est quod secunda vel tertia vice exprimitur, impurum nempe, plus minusve densum & acre; vel quod elicitur ab olivis immaturis, & amarum est, vel ex nimium maturis, & mucidum est.

Paratur hoc oleum in variis Italiæ provinciis, & pro varietate locorum unum alteri præstat. Verum & nos oleum habemus in Collibus Briantinis & montibus Larii, & Benacensibus, aliisque, quod si rite fiat optimum est & usibus medicinæ egregie accommodatur. Optimum pro usibus internis nec nisi pro his in cura pauperum maxime adhibetur vel ipsum per se præsertim ad relaxandum in dosi unius uncix ad dimidium usque ad quattuor, vel sæpissime sub forma emulsionis ad demulcendum per unionem cum aqua ope mucilaginis gummiarabicæ, cui sæpe adiungitur ad gratiam ei conciliandam vel saccharum vel mel, vel aliquis syrupus, atque in dosi adhibetur duarum drachmarum ad duas uncias.

Oleum hoc olivarum in curandis pauperum morbis ad cavendum dispendium subrogari optime potest OLEO AMYGDALARUM, quod multo majoris est pretii, nec tamen majoris efficaciz, illudque præterea utilitatis habet, quod nec tam facile rancescat, nec ventriculum gravet, ut alia hujus generis olea.

Oleum autem utrumque olivarum custodiendum est in vasis vitreis, vel terreis vitrea crusta obductis in aere frigido & sicco. Ad usus clysteris aliosque externos æconomiz causa oleum commune adhibetur.

OLEUM VITRIOLI. *Acidum Sulphureum concentratum.*

Rarius a Pharmacopolis paratur, cum facile commercium ad nos illud adveniat ex Anglia & Germania inferiore. Optimum est quod ponderosius, quod minus coloratum, quod magis incalescit cum aqua, & in quo subito corroditur penna seu linteam in ipsum injectum. Illud est optimum, cujus volumen æquale 16. unciis aquæ, uncias circiter 29. adæquat. Hoc vero nullum usum habet nisi antea rectificatum fuerit, ut suo loco exponetur.

OLIBANUM seu THUS OFFICIN.

GUMMI-RESINA quæ trahitur ex *Junipero Lycia* L. Arbor in Gallia & Sibiria crescente. Multo plus resinæ in se continet quam gummi. Estimandum est illud quod purum se prodit, album, pellucidum & siccum. Adhiberi solet ad usus externos maxime in suffimigiis, loco etiam aliarum resinarum & gummi-resinarum majoris pretii.

ONONIS SPINOSA OFFICIN. & L.

Planta perennis apud nos communis in campis & her-

herbosis viis. Sumitur RADIX ut plurimum in decoctione a duabus ad drachmas sex; sed cortex radicis efficacior censetur radice integra, in qua mihi contingit invenire puræ resinæ copiam:

## OPIUM OFFICIN.

SUCCUS CONDENSATUS gummi-resinosus, obtinetur ex immaturis Capsulis *Papaveris Somniferi* L. plantæ annuæ Orientalis. Hic succus variis modis præparatur. Inciduntur Papaverum capita, sponte manans succus colligitur; ac solis calore cogitur in massas obscure fulvas, & rufas. Sed hoc modo paratus ad nos minime deferitur. A nobis accipitur, qui ex capsulis exprimitur, aut e capitibus contusis coquitur, & ignis adminiculo in massas majores inspissatur. Paratur etiam interdum ex succo hausto ex foliis, ex caulibus &c., vel etiam decoctionibus elicitis ex his substantiis. Nec desunt qui eum misceant cum diversis succorum speciebus, & extraneis corporibus. Quo fit, ut sæpe habeatur opium indolis malæ, vel saltem qualitatis multo inferioris: Quare multa diligentia opus est in opio seligendo.

THEBAICUM vulgo dicitur OPIUM, sed parum interest ex qua Orientis regione ad nos deferatur, an nempe ex Ægypto, Persia vel Anatolia, dummodo seligatur opium optimæ notæ. Oportet sit uniforme, læve; tenax; pondus constituat quo ad molem suam levius, nullas interne sordes prodat; habeatque externe colorem spadiceo-fuscum, colorem autem fulvum si comminuitur, aliquam tenacitatem si diutius tractetur digitis, odorem vehementem; tetrum, virosum, saporem amarum, & acrem, & quidpiam ardoris aliquatenus adurentis fauces. Micare insuper debet lucidis particulis si frangatur, cito concipere flammam, pene omnino in aqua solvi, & rubicundam tincturam exhibere. Reliciendum vero quod scatet diversis vegetabilium fragmentis, sabulo, & quisquis  
liis,

liis, quod colorem exhibet obsolete pullum, & habet odorem exiguum, vel adustum, quod demum friabile est.

Interne præscribitur in pulvere, in pilulis, & etiam solutum a quarta grani parte ad dimidium grani, ad unum usque ad duo; augeri tamen quantitas potest pro rei exigentia, maxime in iis qui sint huic remedio assueti, sed augenda dosis est per gradus maxima prudentia & cautione; nam si dosis modum excesserit vel male administretur, gravia parit incommoda, ut inter coetera sunt dyspnoea, anxietas, vertigo, languor, moeror, sopor phantasiis horrendis turbatus, sensuum abolitio, lipothymia, vomitus, delirium ac ipsa aliquando mors. Cum datur in pulvere ad facilius, ac tutius faciendam æqualem ipsius partitionem, oportet conjungi cum saccharo aut pulvere liquiritiæ, aut aliis substantiis. Cum vero præscribitur in massis pilularum, aut in aliquo electuario, antea solvendum est aliqua vini copia, aut aliquo syrupo, vel alio fluido quod præparato congruat, ut ejus partitio accurata & æqualis in massis fiat. Frequentius juvat opium conjungi cum aliis remediis, uti cum CHINA vel ALIIS AMARIS; cum IPECACUANHA, CAMPHORA, cum PRÆPARATIS MERCURIALIBUS, ANTIMONIALIBUS &c. pro vario morborum genere. Magna est opii vis, nata magnis producendis effectibus, sed maximi interest optimum seligere & caute adhibere. Externe autem adhibetur opium solutum, commixtum unguentis &c. Paratur ex eo LAUDANUM LIQUIDUM.

Præterire nolo experimentis constare ex capitibus immaturis PAPAVERUM ALBORUM, quæ in hortis nostris coluntur, de quibus dicam paulo post, OPIUM conflare ex æquo posse, si nempe capita sumantur & expendantur a seminibus, deinde capsulæ subtiliter contundantur, & ex ipsarum pulvere infusio extrahatur in aqua frigida, quæ deinde pressione percoletur, & facta evaporatione ea qua opus est



est cautione ad debitam consistentiam perducatur. Certum est hoc opii genus ita conflatum eadem vi & exitu, quo opium ex Ægypto advectum, operari. Imo testatur clar. *Lieutaud* se per experimenta didicisse hoc opium ex supradictis papaveribus extractum minus esse periculosum, & agere quietius, ac tutius. Quare optandum est ut Practici hoc OPII genere utantur, ac ita confirment quod clar. Auctor, alique de eodem opio dixerunt. Illud enim commodum haberetur, quod nobis opium esset in promptu minoris pretii, & quod pluris faciendum est genuinum, atque sincerum, virtute sua constans, magisque remotum ab adulterationibus, quibus exoticum obnoxium est.

Etiam ex capsulis *papaveris rheas* L. quod inter segetes copiose nascitur apud nos in campis, eo ferme modo, quo nuper diximus de capsulis PAPAVERIS ALBI, fieri potest EXTRACTUM, quod multum accedit indoli & proprietatibus OPII, cujus propterea usus non secus ac alterius utilis esse posset in curatione morborum, & aliquibus in circumstantiis fortasse præferri, quod sane non utilitati solum ægrotorum, sed etiam œconomix inserviret. Ceterum in ea sum opinione ut credam ad præparationem EXTRACTORUM, quæ diximus PAPAVERIS ALBI, & *papaveris rheas*, loco processus quem indicavi utilius extrahi posse ex immaturis capsulis succum PAPAVERUM utriusque speciei, atque hunc per naturalem, vel saltem blandissimam evaporationem ad debitam consistentiam reduci. Hæc iterum monuisse juvat spe illectus fore, ut Practici loco exoticorum remediorum, quæ tam sæpe cum dispendio & minus secure non raro adhibentur, in usum nostra deducant magis obvia, facile comparanda, ex æquoutilis, & eidem fini vel saltem non multum dissimili assequendo satis idonea, & quæ longius absunt a periculo adulterationis.

**P**APAVER ALBUM OFFICIN . *Papaver somniferum* L.

Planta annua qua crescit in locis ruderatis Europæ Australioris & apud nos in hortis colitur, ejusdem speciei cum papaveribus, ex quibus OPIUM extrahitur, & nascitur ut diximus in Orientis regionibus. Adhibentur CAPSULÆ, vulgo CAPITA passim ad parandum SYRUPUM, in cujus præparatione pariter immaturæ capsulæ esse debent, eademque spoliari propriis seminibus.

**PINI RESINA** seu **RESINA FLAVA** OFFICIN .

Est RESINA SOLIDA, quæ ex *Pinu sylvestri* L. colligitur arbore crescenti in sylvis glareosis. Eligenda quæ sit nitide flava. Externe adhibetur fere semper tamquam ingrediens, seu pars quæ variis unguentis & emplastris unitur. Jure substituitur PICI; & locum quoque supplere abunde posse videtur PICIS BURGUNDICÆ. Sic ipsa etiam adhiberi potest loco RESINÆ vulgo COLOPHONIUM nuncupatæ, utpote parum ab ista differens.

**POLYGALA VULGARIS** OFFICIN . & L.

Planta perennis, quæ habitat in montosis locis. Adhibetur maxime RADIX in pulvere a dimidio drachmæ ad duas, usque ad tres, sed communius in infusione aut leni decoctione a duabus ad quatuor drachmas & usque ad duodecim.

Hæc polygalæ species in curatione pauperum locum *Senekæ* tenere potest, cum ex una parte vim fere eandem habeat, & ex altera multo minori pretio acquiratur, cum in montibus proximioribus crescat. Ubi vero facile alia polygalæ species, quæ dici-

tur *amara*, colligi posset, præferenda esset polygalæ vulgari, utpote magis accedens ad virginianam seu Senecham, efficacia & proprietatibus suis, Hæ duæ species a se ipsis distinguuntur, cum vulgaris constet caulibus herbaceis, simplicibus procumbentibus, foliis lineari-lanceolatis; colorem autem floris habeat nunc purpureum nunc rubeum, raro candidum; saporem autem radicis subacrem & vix amaricantem. Altera vero, scilicet *amara*, constet caulibus erectiusculis, foliis circa radicem rotundioribus, flore cœruleo, habeatque saporem radicis admodum amarum. Hac postrema nota vulgaris ab *amara* distinguitur etiam in *Hannov. MAGAZ. L. C.* Verum utraque species præscribi debet majori dosi quam seneka præscribatur.

PRUNUS DAMASCENA. OFFICIN. *Prunus domestica* L. Prune massine LONGOBARD.

Arbor crescens est in sublimibus locis Europæ & in vineis. Adhibetur FRUCTUS ad PULPAM parandam, ut dicam in altera parte.

PULEGIUM OFFICIN. *Mentha pulegium* L.

Planta perennis, quæ ubique nascitur inter nos secus paludes, sive in humidis locis. Adhibetur HERBA quæ utpote magis obvia apud nos, minorisque sumptus quam sit MENTHA CRISPA, multoque magis quam PIPERITA, apta est externis usibus tam in substantia per fomentum siccum aut sub forma cataplasmi, quam in infuso per fomentum humidum; loco duarum aliarum quas memoravi, aliorumque rariorum aromaticorum. Sic etiam ad reparandum defectum vel inopiam duarum menthæ quas dixi specierum parari potest AQUA DISTILLATA PULEGII, loco aliarum aquarum menthæ adhibenda.

QUER-

QUERCUS OFFICIN. *Quercus Robur. L.*

Arbor in sylvis & montibus crescens satis communis & nota.

Præscribitur CORTEX & GLANDES. Ex cortice paratur etiam EXTRACTUM, quod supplere potest locum EXTRACTI TORMENTILLÆ, aut aliorum majoris pretii adstringentium.

Cortex non e trunco, sed e ramis tenellis avelli debet, atque præscribitur in pulvere & in decocto, facto maxime ex recenti cortice, interne raro, externe sæpius. Verum in utroque casu frequentior esse deberet ipsius usus loco aliorum remediorum majoris expensæ, præsertim si conjungatur cum remediis amaris. Cortex interne si quando præscribatur, quod raro contingit, dosim habere debet in substantia a dimidio drachmæ ad duas, in decoctione ab una drachma ad unciam unam. Decoctio vero adhibenda externe, ut sæpius fit, saturatior esse debet, quam quæ pro usibus internis adhibetur, ac ideo majorem postulat corticis dosim. Decoctum tam ipsum per se quam virtute auctum alio opportuno ingrediente in curatione maxime pauperum ad finem gargarismi, fomentationis &c. frequenter præferendum esset decoctioni chinæ. Ipse Celeb. *Hanemann* plurimum commendavit corticis quercus bene saturam decoctionem in curatione cancrenæ, ubi sæpe omnia remedia celebriora inutiliter adhibentur. Vel ipse cortex in pulvere ut ego quidem opinor sæpius loco chinæ proposito scopo optime responderet. Cortex in pulvere in sacculis telæ reposito & his mersis vino ac deinceps apposis herniis præsertim in ægrotis tenerioris ætatis adeo prodesse conspicitur, ut pro remedio tutissimo habeatur. Rursus opinor ut alibi generatim monui ubi de china dixi, etiam pro usibus internis tam corticem quercus in pulvere, quam ejus extractum, magis vero ipsius decoctionem, mixta hæc respective cum aliis pulveribus, decoctionibus aut



extractis amaris vices chinæ ejusque præparatorum explere posse. Ex his quisque videt quantum locorum Piorum & pauperum generatim œconomix prodesse possint variæ remediorum substitutiones, quæ sine detrimento ægrotorum facile fieri possent, ubi in medicina & chirurgia a viris probis & in arte peritis exercerentur.

Glandes esse possunt & ipsæ alicujus usus. Referunt aliqui eas præscriptas per modum chinæ bonos peperisse effectus affines effectibus chinæ. Dantur autem a dimidio drachmæ usque ad quatuor. Nonnulli etiam torrefactas eas laudant exhibitas a dimidio drachmæ ad tres in infusione ad instar coffei ad colaturam circiter octo unciarum, ac ita infusio obtinetur, quæ sæpe adhibetur utiliùs, ubi aliqua portio veri coffei adjungatur.

**RHABBARUM s. RHEUM OFFICIN.** *Rheum Palmatum* L.

Planta perennis crescens in partibus Cinæ, cujus adhibetur RADIX expoliata primum exteriori cuticula. Subministratur interne integra terenda dentibus, aut in pulvere in adultis ab uno scrupulo ad duos & etiam ad drachmam unam; minori autem in dosi cum aliis unitur purgantibus, quod sæpius multum expedit facere, præsertim si uniatur remediis salinis. Sæpe autem utiliter conjungitur alicui substantiæ aromaticæ. Præbetur etiam interne in infusione, quæ fit in aqua a duabus ad quatuor scrupulos & usque ad quatuor drachmas. Ab usu rhabbari in substantia aut infusione ægrotorum urina sæpe tingitur colore flavo saturato. Oportet vero rhabbarum adhiberi semper recenter contritum in pulverem, & diligenter curandum ut bonæ sit qualitatis, ac ideo sequentes notas præseferat.

Radices esse debent mediocriter crassæ & mediocriter ponderosæ, cum duritie aliqua fragili, perfecte  
sic-

siccæ, externe dilute luteæ, digitum flavedine non inficientes, interne dilute croceæ cum albis & rubeis venulis, nucis moschatæ instar, eleganter variegatæ, odoris aromatici non multum ingrati; saporis accedentis ad amarum & acrem levissime nauseosi. Ex rhabarbaro quod ex Russia defertur, & per terram advehitur, alteri præferatur. Ex eo paratur SYRUPUS.

Hujus rhabarbari radix copiam continet *oxalatis calcis*, eoque majorem, quo antiquior radix est; & ipse expertus sum radicem maxime in pulvere esse criterium tutissimum pro dignoscenda præsentia cujuscunque portionis ALCALI liberi in omnibus corporibus.

#### SABADILLA OFFICIN. An *Veratrum Sabadilla* L.?

Planta perennis ex Messico, cujus CAPSULÆ adhibentur cum SEMINIBUS suis, licet accuratius utendum non esset nisi seminibus. Hæc sæpius & communius usibus externis inserviunt, sæpius in pulvere, interdum etiam in infusione; ea tamen cautione, ut in pulverem paulo antea conteri debeant quam adhiſcantur. In infusione quæ præparatur a dimidio drachmæ usque ad duas pro colatura ad summum sex unciarum vehiculo semina præscribuntur etiam pro clysteribus, præsertim adversus vermes intestina occupantes; quem in finem licet rarius, interdum tamen præscribi semina solent etiam interne in substantia contrita in pulverem pro infantibus duorum aut quatuor annorum ab uno grano ad unum cum dimidio bis in diem; pro adultis vero a quinque granis, a decem, viginti usque ad dimidium drachmæ, aut simpliciter addito pulveri saccharo, aut sub forma bolorum.

Pro pauperibus autem in eum præsertim finem ut pediculi extinguantur, prædictis seminibus expedit subrogari SEMINA CONSOLIDÆ REGALIS OFFICINALIS, & *Delphinii Consolida* Linnæi, quæ plan-

ta a LONGOBARDIS nuncupari solet VIOLE DEL CORNO, estque annualis & crescit apud nos in terris excultis, & in hortis ali solet. Haec substitutio pari cum exitu fieret & executioni mandanda esset eo praesertim tempore, quo augetur sabadillae pretium. Porro SEMINA memoratae consolidae sunt angulosa, nigri coloris, & saporis amari & ingrati,

### SACCHARUM ALBUM OFFICIN.

Substantia est satis nota advecta ex America & ex *arundinis sacchariferae* quae planta perennis est, succo expresso per evaporationem & depurationem obtenta. Licet ipsa una planta non sit, e qua saccharum possit obtineri, attamen ipsa velut una reputatur, quae cum utilitate simul & oeconomiae proventu Saccharum dare possit. Ceterum de hac re legi potest quam jam pridem typis edidi de ZEA MAYS Analytica disquisitio.

Usus Sacchari tam internus quam externus est; sed in curatione pauperum admodum parce & paucissimis in casibus adhiberi debet, cum fere generatim ut alias monui saccharo subrogari MEL possit. Ipsum datur in pulvere simpliciter & solutum, sed fere semper aliis efficacioribus remediis unitum, nec ipsum in formulas ingreditur nisi tamquam constituens vel corrigens. Interdum conficiendo Elæosaccharo & saepius alicui syrupo inservit, huc tamen observatis iis quae dixi in monitis praëliminaribus pag. 35. 36.

Abusio sacchari nocet in infantibus debilibus, praesertim rachiticis, in filiabus cloroticis, in mulieribus hystericis, in hipocondriacis &c.

### SAL AMMONIACUS OFFICIN. *Murias ammoniacae*.

Sal ammoniacum, quod commercio acquiritur adhiberi solum debet pro usibus externis solutum in aqua ad usum fomentationis aut ablutionis praesertim  
in

in curatione scabiei, sæpe autem aliis ingredientibus & vehiculis conjunctum. Inservit etiam præparationi SPIRITUS SALIS AMMONIACI.

Depuratur sal, ut dicam parte secunda, & pro internis usibus non abhibetur nisi sal depuratum.

Genuinus sal totus avolat igni expositus in cochleari ferreo. Impurus partes peregrinas relinquit, quæ si fuerint terreæ vel metallicæ indolis, manent etiam cum sal iis infectus aqua solvitur. Rursus genuinus sal esse debet albus, purusque & calce viva contritus aut cum sale alcalino fixo præsertim caustico continuo diffundit odorem penetrantem alcali volatilis.

### SAL CATHARTICUS AMARUS s. ANGLICUS.

*Sulphas magnesiæ.*

Si purus sit, albus esse debet, facile in aqua solubilis, aeri expositus humiditatem in aere non contrahens, nec in ipso fatiscens in pulverem, nec acquirens superficiem farinaceam; sed in aere manet siccus-pellucidus: exhibere autem debet saltem novemdecim magnesiæ partes pro singulis centum libris salis.

Ipse vero præscribitur ore sumendus & pro clysteribus solutus in aqua simplici aut alio vehiculo pro rei exigentia congruo a tribus drachmis ad sex usque ad duodecim. Juvat interdum ipsum præscribi iteratis vicibus suscipiendum. Minus ingratus hujus salis usus efficitur, aliæque utilitates obtinentur, ubi præscribatur solvendus in infusione chamomillæ aut in aqua menthæ &c. Additur etiam in dosi alicujus drachmæ aliis remediis ad augendum horum vim purgantem. Circa hujus salis usum videri potest quod dictum est ubi de manna. Ceterum cavendum ab ejus usu utpote noxio in dysenteria, in intestinorum inflammationibus &c.

Pari successu hujusmodi sal substituitur præsertim in curatione pauperum variis aliis salibus ut ajunt



purgativis neutris majoris dispendii ex. c. SALI SEDLITZ, MUTINENSI, MIRABILI GLAUBERI &c.

SAL MURIATICUS, s. COMMUNIS, s. CULINARIS. *Murias sodae.*

Hic passim non adhibetur nisi solutus. Raro interne præscribitur, licet alioquin frequentius adhiberi posset, ubi caute præscriberetur. *Greding* apud *Gmelin* de hoc salis genere ita loquitur. Convenit vero sal culinare facultate alvum ducendi cum reliquis salibus neutris, ut tamen plurimis reliquis vehementius irritet, æstum, sitim, facilius quoque vomitum, ventriculi spasmos, ardorem &c. cieat, largiori paulo manu ingurgitatum. *Gmelin* autem sic de hoc sale prosequitur. Præcellit autem aliis dotibus sal commune &c. videatur *Gmelin* apparatus &c. pap. 79.

Cum hoc sal interne præbetur, præscribi debet a dimidio drachmae ad unam, duas, ad tres, ad summum ad sex. In his majoribus dosibus agit instar purgantis; in minoribus prodest in tumoribus scrophulosis, in strumis &c. Celebratus est hujus salis usus simul cum succo Citri tamquam efficax etiam pro aliis morbis, inter quos potissimum diabetis morbus meretur recenseri utpote pertinacioris indolis & difficili curationis. Ego quidem de hac re certum judicium pronunciare non audeo. Res sola experientia definiri poterit.

Sæpius sal iste præscribitur pro externis usibus, & additur etiam clysteribus pro stimulantî utilissimo. Solutus in aqua inservire potest præparationi quæ per imitationem accedat ad AQUAM MARIS artificialem ad usum balneorum aptatam, ubi novem circiter uncia hujus salis pro singulis quadraginta aquæ libris solvantur. Cum vero prædicta aquæ copia complecti deberet tres alias circiter uncias aliorum differentium, neutrorum salium, hinc ubi de pauperibus ageretur istorum salium defectus suppleri posset fere pari suc-

cessu per additionem aliarum trium unciarum muria-  
tis sodæ, vel duarum solum cum additamento unius  
uncie sulphatis magnesicæ; quo ad propositum scopum  
res magis accederet.

Ad hanc ipsam aquæ marinæ imitationem obtinen-  
dam prodesse potest usus salis muriatici quod in  
aëre humidum fiat; quod tamen sal pro aliis usibus  
minime inservit, ne pro culinaribus quidem, cum sa-  
tis indicet ea puritate minime constare, quæ pro his  
usibus postulatur.

Cum purus est sal, albus est, habetque saporem  
salsum gratum, & æri expositus exsiccat magis  
quam humidus fiat.

#### SALIX OFFICIN. *Salix alba* L. Gabba LONGO- BARD.

Arbor mediocris, qui apud nos in locis humidis ubis-  
que crescit, cujus RAMORUM CORTEX adhibetur  
interne & externe in pulvere & in decoctione, quem-  
admodum china, utilius tamen si cortex sit viridis.  
Ex eodem utiliter fieri potest etiam extractum. De  
hujus corticis usu huc revocetur quod dictum de chi-  
na. Observavi hunc effectibus æquivalere CORTICI  
SIMARUBÆ ea sola cautione quod majori dosi exhi-  
beatur.

#### SAMBUCUS OFFICIN. *Sambucus nigra* L.

Frutex magnus & pene arbor qui passim apud nos  
inter sepes nascitur & ad margines agrorum. Hujus  
plantæ adhibetur CORTEX INTERIOR sive LIBER  
VIRIDIS, FLOS SICCUS & BACCA RECENS.  
Præscribitur cortex recens in succo cum aptis vehi-  
culis passim suscipiendo ab una drachma ad quatuor,  
& in decoctione a duabus drachmis ad dimidium un-  
ciæ usque ad unam, immo aliquorum praxi usque ad  
quinque ad confectionem unius libræ decoctionis va-

riis vicibus suscipiendæ. Flores vero qui mundari a pedunculo debent præ cæteris hujus plantæ partibus magis adhibentur optimo cum exitu interne in infusione ad instar The a dimidio drachmæ ad duas pro quavis infusi libra; quod quidem infusum frequenter inservit diversis remediis pro vehiculo seu menstruo; adhibentur etiam externe per modum siccæ fomentationis, aut per modum fomentationis humidæ adhibetur infusio vel decoctio, quæ tamen facta sit levi ebullitione, vel sub forma cataplasmi ex ipsius pulvere compositi. Baccæ demum præparationi ROOB inserviunt.

**SAPO VULGARIS PURUS.** *Sapo ex oleo olivarum & soda confectus.*

Hic quidem ad usus internos a Pharmacopolis & absque colore parandus esset. Verum cum sapo alicanthinus fere semper puritate & bonitate ei æquipolleat qui officinis paratur, hinc arbitror ad scopum nostrum optime per alicantinum posse suppleri, cum ex una parte alicanthinus minori pretio acquiratur, & simul ex altera operatio pharmacopolæ vitetur.

Perperam antea creditum fuit utendum in medicina esse Venetorum sapone, cum constet eum frequentius impuritatibus scatere, ut propterea adhiberi ipse nequeat nisi ad usus externos. Rursus commixtus ille invenitur substantiis æterogeneis, a quibus prodeunt aliquæ maculæ cineracæ & cærulæ, quæ speciem quandam marmoream ipsi suppeditant. Prædictæ substantiæ sunt sulphas ferri, magnesium, atque etiam sententia *Wagenfeld* oxidum flavum arsenici, ut propterea non raro, eodem auctore teste, funestos eventus pepererit interne adhibitus.

Bonæ qualitatis sapo hisce notis distinguitur. Sic albicans, durus, levis, digitos pinguedine non inquinans, neque ingratum; rancidumque odorem prodens. Aeri expositus nec humidus nec mollior fieri de-

debet, neque emittere in superficie salinam efflorescentiam: Integre solvi debet in aqua pura, neque ab hac solutione separari debet aliqua olei gutta, aut substantiæ terreæ vel alterius portio. Qui vero variegatus fuerit, ac recensitis dotibus oppositas præferat, reiiciatur.

Sæpe interne præscribitur in pilulis, raro in electuariis aut solutus. Quocumque modo adhibeatur fere semper conjungitur cum aliis remediis præsertim aromaticis, aut tonicis saponaceæ naturæ ut sunt amara extracta, gummi ammoniacum &c.; dosis præ adultis est a dimidio scrupuli ad duos ad drachmam unam usque ad tres; pro infantibus a duobus granis ad quatuor ad decem usque ad dimidium drachmæ; atque pro infantibus præbetur semper in aqua vel in lacte solutus. Expediit rursus semper adhiberi solutum ubi noxii effectus reparandi sint, quos produxerint acida mineralia, mercurius sublimatus corrosivus, aliæque hujus indolis venena. In hisce casibus actio remedii promptior exigitur, saponis usus utilius in solutione adhibetur, cum alia forma longe lentior ac tardior evaderet ipsius operatio.

Nimis evidenter erraret qui saponem alcalinum simul cum acido præscriberet, cum hac mixtione mutationem, atque alterationem qualitates, proprietates & actiones ipsius paterentur. Hinc abstinendum est ab eo præscribendo etiam simul cum cremore tartari. Censent aliqui ejus usum non expedire in ægrotis hæmorrhoidalibus, scorbuticis &c.

Rursus sapo adhibetur etiam ad usus externos nunc solutus in aqua simplici vel lacte, cui tamen subrogari posset decoctio althææ vel malvæ ob eas rationes quas protuli ubi de althea; nunc solutus in aliis liquoribus; & utroque modo solutus inservit clysteribus, balneis, ablutionibus, fomentationibus; nunc vero redactus adhibetur ope ejusmodi liquorum ad formam calaplasmi aut ipse solus, aut aliis ingredientibus conjunctus. Adversus chemiæ præcepta peccant



mutantque reciprocam remediorum actionem ii chirurgi qui saponem alcalinum præscribunt unicum extracto, aut sali, aut acetiti saturni.

### SAPONARIA OFFICINALIS L.

Planta perennis, apud nos crescens in locis humidis & arenosis. Adhibetur **RADIYX & HERBA**, sed maxime radix. Utraque in decoctione frequentius non nisi interne præscribitur. Recens radix sumitur ab unciae dimidio ad duas, exsiccata a duabus drachmis ad sex; folia viridia in decoctione licet rarius quam radix præscribantur, ab unciae dimidio ad duas cum dimidio, sicca vero ab una drachma ad quatuor. Redditur vero jucundior decoctio, si aliquid liquiritiæ adjungatur. Radix remediorum unum est tritius usu atque utilius præsertim in curatione pauperum, cum ipsa reputetur succedanea vel ipsæ **SARSÆ PARIL-LÆ** atque **RADICI CHINÆ DULCI**. De hac re videri potest etiam quod diximus de dulcamara.

Loco radice saponariæ alicubi a mulierculis, quæ herbas colligunt, & vel ab ipsis pharmacopolis sive imperitiæ in re botanica sive quæstus causa colligitur *Lichenis dioica Linnaei*, quæ albi coloris est, cum saponaria officinalis rubicundum colorem exhibeat.

### SCILLA, seu SQUILLA OFFIC. *Scilla maritima L.*

Planta perennis, quæ nascitur in arenosis locis ad littora maris in Sicilia, in Hispania &c. Adhibetur **RADIX** sex **BULBUS** interne, ipsaque adhibetur viridis in substantia sub forma pulpæ redigendæ cum aliis ingredientibus in pilulas, aut addendæ alicui mixturæ a granis quatuor, sex, decem, viginti usque ad dimidium drachmæ, & sæpius adhibetur exsiccata quæ dicitur squilla præparata, de qua dicam in parte altera. Inservit **ACETI & OXIMELLIS SCILLITICI** præparationi.

Si scilla recens duarum drachmarum libræ vini affundatur, & post horas sex liquor percoletur, VINUM exurgit quod SCILLITICUM dicitur, cui sæpe expedit addi aliquod aromaticum ut esset tinctura calami aromatici &c., & præscribitur ab uncia dimidio ad tres sumendum distinctis vicibus & fere semper cum aliis liquoribus. Practicorum aliqui vel ipsam squillam in substantia cum aromaticis suscipiendam commendant. Hæc enim de scilla in re nostra scribit clar. *Baldinger*, idemque reputat de IPECACUANHA. Scilla & ipecacuanha ventriculi imbecillitatem efficiunt, quam ob causam scilla cum aromate quodam v. c. flavedine corticum citri, calami aromatici &c., simul præscribi solet.

Antequam bulbus adhibeatur, a siccis squamis utpote nullius efficacæ spoliari debet. Sed caute manibus contrectanda est; quoniam si recens sit contactu cutis aliquantulum diuturno inflammationes parit, & interdum vesicas attollit. Qua de causa pro his effectibus obtinendis aliquando applicatur externe vel sola per se vel magis in forma cataplasmi simul cum aliis ingredientibus. Ipsius acrimonia ope SALIS AL-CALINI aliqua ex parte corrigitur.

Scilla ejusque præparationes remedium valde efficax exhibent, caute tamen & cum judicio maxime ad usus internos adhibendum præsertim in dosis præscriptione. Scilla tam recens, quam ipsius præparationes vim suam exerunt præsertim in renes, atque pulmones. Hæc remedia in majori dosi præscripta vomitum excitant, in minori secessum, in minima urinam. Ubi vero vel contra indicationem, vel præter dosis limites adhibeantur, parere possunt vehementem vomitum, tormina, urinam sanguine tinctam, ventris fluxus, convulsiones, inflammationes, ventriculi corrosiones, aliaque graviora incommoda, ac demum in mulierculis gravidis vel ipsum abortum cum vitæ discrimine. Quibus malis effectibus, si exoriantur, reparandis præscribi possunt demulcentes potiones,

nes, ut sunt decoctiones aliæque mucilaginosæ potiones, tum etiam emulsiones, lac, aliæque similia. Utilis est etiam maxime ab initio aliqua dosis SALIS ALCALINI rite diluti, aut melius fortasse portio saponis alcalini in abundanti vehiculo dissoluti.

### SCORDIUM OFFICINÆ: *Teucrium scordium* L.

Planta perennis, quæ habitat in locis humidis; cuius HERBA adhibetur a duabus drachmis ad unciam unam in infusione vel levi decocto, quod tum interne, tum externe præscribitur, addito utiliter ad usus externos frequentius nunc sale communi, nunc aceto, nunc vino.

Quidam ex practicis medicis maximæ celebritatis in hoc remedio ad usus internos adhibito vim stimulantem deprehendit, aliis stimulantibus præcellentem.

SEBUM OVILLE; seu ARIETIS SEBUM: Videatur pars secunda.

### SERUM LACTIS VACCINUM.

In curatione maxime pauperum adhibendum est pro ut apud vendentes prostat, absque ulteriori depuratione, cum immo aliquando istud habere possit utilitatem majorem. Præscribitur solum suscipiendum a sex unciis ad tres libras & ultra. Præscribitur etiam tamquam excipiens vel constituens in confectioe aliquarum potionum aliorumque remediorum. Expediit interdum cum alio ingrediente temperari, sive ut ajunt alterari. Sed ubi alterandus sit cum nasturtio, taraxaco, cichorea, aliisque plantis, tum expediit addi, si tempestatis ratio faveat, succum ab his plantis expressum, loco ebullitionis cum istis herbis faciendæ. Juvat etiam ne acescat in ventriculo, aut ad corrigendum si quem suscepisset acorem, adiungi quidpiam magnesiæ præsertim calcinatæ, idemque faciendum

dum cum LACTE cui plurimum prodest additio magnesiæ in subjectis debilis stomachi, aut infantibus ut facilius digestio habeatur, impedita nimirum ne obveniat ipsius aciditate. Meliorem quoque pro debilitate stomachi utilitatem affert, si præter magnesiæ lacti adiungatur quidpiam jucundi aromati. Inservit etiam serum præparationi SERI LACTIS ALUMINOSI, & SINAPISMI.

### SINAPI OFFICIN. *Sinapis nigra* L.

Planta annua, quæ in ageribus ruderatis & locis lapideis nascitur. Adhibetur SEMEN, sed illud repudiandum quod saporem parum acrem redolet, & quod madefactum aqua ebullienti parum aut nihil odoris penetrantis & irritantis exhalat.

Raro pro internis usibus adhibetur in pulvere, sed magis præscribitur in infusione in aqua vel sero, & sub hac forma efficitur remedium stimulans multum efficax in pluribus morbis. In substantia exhibitum præbetur a dimidio scrupuli ad drachmam unam; in infusione vero ab una drachma ad quatuor & usque ad sex. Externe sæpe applicatur sub forma cataplasmi sive SINAPISMI. Utiliter quoque administratur decoctio sinapis pro balneo vel ablutione, quæ tamen decoctio fieri debet ebullitione exigua, & in clausis vasis. Quomodocumque adhibeatur, illud curandum est ut conteratur in pulverem eo momento quo est adhibendum. Sinapi abutentes interne morosos & melancholicos fieri dicunt.

### SOLANUM HORTENSE OFFICIN. *Solanum nigrum* L.

Planta annua, quæ apud nos crescit in ruderatis & incultis locis. Adhibentur FOLIA pro externis & internis usibus, semper tamen caute cum si adhibeatur maxime interne in dosi majori non exigua pericula  
affer-



afferre possit ægrotis. Passim interne non præscribuntur folia nisi recentia in infusione ab uno scrupulo ad duos, & usque ad drachmam unam cum dimidio ad percolationem unius libræ infusionis non ultra. Experimentum quoque capi posset interne foliorum exsiccatorum in infusione, & caute a perito medico etiam pulveris in substantia. Non auderem tamen dicere a periculo tutum usum succi. Cl. *Cirillus* usum infusi foliorum viridum tamquam remedium diureticum commendavit; & egomet vidi usum hunc sæpius bonum exitum habuisse; non secus ac usus DIGITALIS PURPUREÆ. Hoc certe remedium ex eorum numero est, quæ adhiberi non deberent nisi a medicis maximi iudicii & experientiæ ad ea mala cavenda, quæ testibus *Boerhaave* & *Wepfer* producta sæpe fuerunt. Communiora quæ oriuntur incommoda sunt capitis gravitas, faciei & artuum tremor, ardor.

#### SPONGIA OFFICINÆ. *Spongia Officinalis L.*

*Zoophyton* quod in Mediterraneo reperitur scoliis adhærens. SPONGIA melior censetur, quæ levis sit, mollis, coloris fuscii, multum tenuis, accedentis ad flavum, vel melius ad album, exiguis foraminibus aperta. Hæc non adhibetur nisi externe, & eo modo parata quo dicam in altera parte.

#### SULPHUR CITRINUM. *Substantia simplex combustibilis.*

Non unum hujus sulphuris genus commercio prostat. Sed illud quod CITRINUM vel FLAVUM dicitur seu in canna, purius est ac destitutum esse debet sapore. Hoc uno utendum pro externis usibus. Pro internis autem multo purius etiam exigitur, ac tum nomine donatur FLORUM SULPHURIS, qui per sublimationem sulphuris flavi obtinentur. Labor hic  
cu m

cum multum tœdium afferat; atque hoc florum genus in propriis hominum huic commercio destinatorum officinis magna copia inveniatur; Pharmacopolæ inde sibi eos comparare ut plurimum consultius ducunt. Parantur in officinis Angliæ & Belgii, & inde ad nos advehuntur.

Genuini flores exhibere debent colorem flavescen-  
tem: Cum autem per sublimationem sulphur extri-  
cetur solum a partibus terreis & fixis, non vero a  
volatilibus; cumque non raro contingat portionem ali-  
quam arsenici in sulphure contineri, ideoque & in  
ipsis floribus; ad hanc impuritatem attentio est con-  
vertenda, & magnopere curandum ut certior fiat  
pharmacopola nullam vel exiguam ejus copiam existere.  
An vero sulphur aut flores quidpiam arsenici conti-  
neant, admonere potest sublimatio sulphuris; & ite-  
rata sublimatio florum. Nam ubi prope finem subli-  
mationis quæ repentina esse debet, flores sulphuris  
incipiant rubescere, signum erit certissimum arseni-  
ci admixti sublimati. Dum rursus flores sulphuris  
sæpe contineant portionem acidi vitrioli liberi, opus  
est antequam adhibeantur, ut res tutius procedat,  
eos ablui cum aqua ebullienti ac inde exsiccari.

Adhibentur flores interne a granis sex ad viginti,  
triginta, & aliquando usque ad unam drachmam, aut  
simpliciter uniti saccharo, aut cremori tartari, aliis-  
que ingredientibus; aut in pilulis confectis cum roob,  
vel extracto, vel in electuario simul cum aliis ingre-  
dientibus; cum sæpe utilior sit ejus cum aliis reme-  
diis conjunctio. Clar. *Quarin* (vid. animadvers. pra-  
ctic. in diversos morbos Vienn. Austr. 1786. 8. c. 15.  
pag. 288. 59.) hoc remedium commendat in morbis  
a transpiratione suppressa natis ex. c. in rheumatismis,  
& in ipsa arthritide vaga, aut cum roob sambuci,  
aut cum antimonio & gummi guajaco in pilulas for-  
matum. Utiliter quoque adhibetur adversus arseni-  
cum, sublimatum corrosivum, plumbum, & viride  
æris. (videatur *Navier* contre poisons de l'arsenic,  
du

du sublimé corrosif & du Plomb a Paris 8. r. 1777.) Denique pro usibus externis passim non adhibetur nisi sub forma UNGUENTI. Inservit præparationi **HEPATIS SULPHURIS**.

**TANACETUM OFFICIN.** *Tanacetum vulgare* L.

Planta perennis, quæ apud nos habitat ad fossarum margines, & in humidis locis. Habetur varietas foliis crispis. FLOS sejunctus a calice præscribitur, utilius autem SEMEN. Interne adhibentur flores in pulvere a dimidio scrupuli ad dimidium drachmæ usque ad duas & in infusione in aqua vel lacte facta ab una drachma ad sex. Semina vero in pulvere a granis sex ad drachmam unam. In infuso autem similiter facto a dimidio drachmæ ad tres. Tam floribus quam seminibus quocumque modo præscriptis non raro addi possunt alia remedia, & pro remedio ut ajunt anthelmintico juvat præscriptio simul cum purgantibus drasticis facta. In infusione tam flores quam semina aliquando etiam pro clysteribus adhibentur.

Hoc remedium etiam pro œconomia utillimum est cum flores hujusmodi, multoque magis semina, quæ vilissimo pretio haberi possunt non inferioris sint efficacix quam sit SEMEN SANTONICUM, vel CINÆ, vel SEMEN CONTRA, vel SANCTUM, quæ longè majoris sumptus sunt. Atque hac de causa cum medicinam pro pauperibus speciatim respiciam de santonico dicere præterivi, quemadmodum etiam de HELMINTHOCHORTON, cujus cum eadem de causa mentio facta non sit in ea quæ olim edita fuit pharmacopea ad usum Nosocomii Ticinensis, ephemerides quædam germanicæ, maximo quidem judicio & urbanitate id pharmacopææ vitio verterunt. A quo tamen facile liberari ea potest non solum nuper adducta ratione, quod in curatione pauperum remedia indigena exigui pretii exoticis majoris sumptus semper præferre mihi proposuerim; sed etiam quod apud nos rar-

rissimum hoc remedium sit, cum & mihi contigerit licet magna cura ex Corsica aliisque regionibus conquisitum, nescio quo fato, saltem genuinum non nisi exigua quantitate obtinere potuisse. Quæ ratio satis ut puto me excusare potest quin quæstionem ingrediar, an ea sit hujus remedii specifica virtus, quæ a multis ceteroquin illustribus medicis nixis plurimis experimentis eidem tribuitur.

**TARAXACUM** s. **DENS LEONIS OFFICIN.** *Leon-  
todon taraxacum* L.

Planta perennis, quæ habitat secus vias & in pratis. Præscribitur interne **TOTA PLANTA** cum **RADI-CE**, sed utilius recens adhibetur, melius in succo, aut in decoctione præsertim **RADIX**, cui si recens desit, exsiccata subrogari potest. Inservit etiam præparationi **EXTRACTI**. Dosis autem ejus, sive in succo, sive in decocto, eadem est cum dosi cichoreæ.

**TARTARUS CRUDUS**. *Tartris acidulus potassæ  
impurus*.

Inservit tantummodo ad parandum *carbonatem potas-  
sæ* seu **SALEM TARTARUM ALCALINUM**.

**THEREBINTHINA**.

**RESINA LIQUIDA** quæ a variis *Pinis* subministra-  
tur. Purior quæ apta esse potest internis usibus &  
quæ improprie dicitur Veneta, manat a *Pinu Larici* L.  
quæ arbor est, crescens in montibus Helveticis, Tri-  
dentinis &c. ac seligi debet recens, spissitudinis sy-  
rupi, clara, pellucida, coloris albi vel pallidi lutei.  
Altera vero, quæ apta esse potest parandis unguentis,  
emplastris, oleoque Terebinthinæ, & usibus exter-  
nis cum viliori pretio habeatur, ab aliis *Pinorum* spe-  
ciebus acquiritur ut a *Pinu Picea*, & *sylvestri* L. *Pi-*



*us Picea* crescit in sylvis celsisque montibus; *Sylvestris* habitat in sylvis glareosis. Hæc TEREBINTHINÆ species densior est, coloratior, ponderosior, & fere semper impurior.

Raro adhibetur interne, licet remedium esse videatur, nec in hunc quidem finem penitus negligendum. Præscribi potest solutum ope vituli ovi aut alicujus mucilaginis vel in pilulis ope alicujus pulveris, a dimidio scrupuli ad dimidium drachmæ usque ad quatuor scrupulos; sub priori forma adhibetur præsertim in clysteribus; aptius vero præscribitur in pilulis ad usus internos, ob saporem aliquibus molestum & ingratum. *Clossius* pro specifico adversus Tæniam præscribit infundi sex drachmas Terebinthinæ cum una aquæ libra, ejusque infusionem suscipiendam duabus horis antequam lecto ægrotus decumbat. Sæpe quoque externe adhibetur sub formis diversis & maxime commixta vitulo ovi.

TEREBINTHINA in curatione pauperum subrogari commode potest aliis resinis liquidis magis minusve dispendiosis, ut sunt LACRIMA ABETIS, BALSAMUM PERUVIANUM, BALSAMUM COPAIVÆ &c.

#### TORMENTILLA OFFICINÆ. *Tormentilla erecta* L.

Planta perennis, quæ habitat in montibus, locis herbidis, umbrosis. Præscribitur RADIX interne, licet rarissime, in pulvere a dimidio scrupuli ad dimidium drachmæ, vel ad unam, & fere nunquam dosi majori, nisi remediis amaris coniuncta; in infusione præscribi posset a dimidio drachmæ ad drachmas tres, nec major dosis aliquando expediret nisi simul cum amaris commixta. Minus raro adhibetur pro usibus externis præsertim in infusione vel leni decoctione pro gargarismis vel fomentis &c.

#### VALERIANA SYLVESTRIS s. MINOR OFFICINÆ. *Valeriana officinalis* L.

Plan-

Planta perennis, quæ infra sepes crescit & in nemoribus humidis depressis: RADIX adhibetur interne in substantia in pulvere subministranda vel ipsa sola, aut simul cum aliis remediis sub diversis formis, a dimidio scrupuli ad unum & usque ad quatuor bis, ter, quaterque in diem repetenda. Præscribitur quoque in infusione in vasis clausis facienda ab una drachma ad sex. Infusio valde utilis esse posset etiam externe, cum ipsemet expertus sim valerianam sylvestrem præditam esse virtute, ut ajunt antiseptica, præcellenti quodam gradu quam gaudeant aliæ plures substantiæ pretii multo majoris. Tam interne quam externe, in pluribus casibus præscripta valeriana simul cum chinâ, remediisque chinæ succedaneis, eorum vim adauget, quemadmodum etiam sæpe plurimum expedit eam conjungere cum aliis diversi generis remediis pro variis circumstantiis.

Ex pluribus observationibus factis a medicis constat, hujus remedii adminiculo cum amaris, aromaticis vel opiatís conjuncti pro rei exigentia, ac sæpe ope solius valerianæ etiam innumerabiles febres intermittentes devictas fuisse. Illud certum est, remedium esse generatim pro omnibus multum excellens, in eoque præsertim magnum subsidium atque levamen pauperes invenire.

Nonnulla tamen adnotare juvat accurate observanda, ut hoc remedii genus parere queat bonos effectus quos parere natum est. Primum colligi valeriana debet prope finem mensis martii, seu ante productionem caulis sui. 2. ex locis siccis, & elevatis, seu in montibus. 3. Custodienda est in vasis rite clausis & in loco sicco & frigido; 4. quæ adhiberi debet in pulvere, recenter quoad fieri potest in pulverem est conterenda. 5. Demum rejicienda est crassior, minus pilosa, magis lignea, fragilis, & cinereocastanei coloris.

Observationem hic præterire nolo circa radicem *valeriana officinalis*, & eam quæ *Celtica* dicitur, quæ

observatio in eo sita est quod ad plures annos permaneat absque teredine, & absque amissione aromaticæ earum substantiæ, immo cum hujus incremento. Quod expertus sum etiamsi istæ duæ valerianæ species satis diligenter custoditæ non essent. Verum equidem est quod ad fragrantiam attinet, etiam in aliis vegetabilibus idem observari, in quibus fragrantia augetur cum senectute ut in radice *iridis florentinæ*, quæ cum recens est parum odoris effundit, multum vero cum senescit. Sed illud tamen observatur, in hoc vegetabilium genere, quod licet odorem in senectute retineant, teredini tamen subiaceant, & quidem citius quam alia vegetabilia. Quare conservatio aromaticæ substantiæ cum ejus integritate conjuncta proprietas est peculiaris duarum valerianæ specierum, quam proprietatem in causa esse suspicor, cur istæ valerianæ eam vim, quam in ipsis deprehendi, contineant omne pannorum genus a teredine defendendi.

Cum proprietates & vis radice valerianæ sylvestris multum congruant cum proprietatibus, & efficacia **SERPENTARIÆ VIRGINIANÆ**, ut vel ipsi celebriores practici testantur, hinc proposito scopo inhærens de serpentaria in hoc opusculo dicere prætermisi, cum habeat medicus in valeriana remedium serpentariæ satis æquivalens. Qua in opinione magis confirmatus sum, cum observatione deprehenderim perveniri adæquate posse ad ipsam serpentariam imitandam, si valerianæ in substantia vel in infusione exhibendæ aliqua portio **CAMPHORÆ** addatur. Hoc enim ipso obtinetur artificialis quædam serpentaria ejusdem virtutis, & longe minoris expensæ.

**VERBASCUM OFFICIN.** *Verbascum Thapsus* L. Tasso Barbasso **LONGOBARD.**

Planta biennis, quæ habitat apud nos in ruderalis inque locis sabulosis. **FLORES** præscribuntur in infusione ad instar The ab una ad drachmas tres, pro  
sin-

singulis libris infusi circiter, quæ infusio gratior efficitur, si addatur aliquid mellis, vel lactis vel infusi liquiritiæ, vel oximellis simplicis pro diversitate gustus, aliisque circumstantiis.

Flores hujusmodi maxime in curatione pauperum vices explent sæpe nimis calentis & exæstuantis consueti & vulgaris ut ajunt THE vere cinensis, licet improprie Hollandicum appelletur. Quod quidem remedium recensere volui pro pauperibus, cum æquum sit etiam pro ipsis aliquod levis sumptus jucundum remedium retinere, eosque sublevare, cum possumus a molestia ac tædio quod sæpe iisdem affert infusio sambuci vel alterius similis generis.

## VINUM ALBUM & RUBRUM:

Usu non infrequenti receptum est a malis hominibus turpis lueri causa vina dolose corrumpi mixtione extranearum substantiarum, & quod magis noxium est mixtione CALCIS PLUMBI, aut sæpius ejus *acetitis*, quarum rerum mixtionibus grata quædam dulcedo vinis comparatur. Quare maxima diligentia in vinorum emptione adhibenda est, ne vinorum usus saluti noceat. Hinc operæ pretium puto signa indicare, quibus vinorum corruptio dignosci possit, quæ maxime a plumbo promanat, cum magis ut dixi ceteris noxia sit. Inter omnia quæ proponi solent tutissimum esse arbitror, quod suggerit clar. *Fourcroy*. Hoc autem est huiusmodi. Sumitur aqua saturata *gas hydrogeno sulphurato*, aut GAS HEPATICO. Infunditur deinceps hujus liquoris portio in vino, de quo suspicio habetur. Hoc ubi contineat qualemcumque plumbi portionem, in quocumque acido solutum valde nigri coloris efficitur; ubi vero nihil plumbi aut alterius metalli contineat, nullam patitur mutationem. Quod quidem experimentum adeo tutum est, ut vel minima plumbi portio per ipsum evidentissime deprehendatur. Sed illud curandum est, ut aqua, qua



utimur ad probationem eo momento paretur, quæ ipsa utendum est, cum illa nimis facile & cito mutetur. Hoc autem criterium cum illo congruit quod proponit clar. *Habnemann*; cum istius criterium propositum scopum non obtineat, nisi quatenus completitur ipsum criterium, quod vel ipse *Fourcroy* commendat. Ego vero *Fourcroy* criterium præferendum esse judico, utpote longe simplicius atque expeditius.

Quod si alicubi difficilis vel incommoda evaderet recensiti liquoris præparatio, in eundem finem opportune adhiberetur solutio **HEPATIS SULPHURIS** in aqua facta, cum ista exhiberet pro signo corruptionis præcipitatum obscuri coloris. Verum hæc solutio recens sit oportet, diluique vinum expedit cujus experimentum capere volumus, præsertim ubi vinum valde coloratum sit. Alterum quoque experimentum fieri potest multo simplicius atque facilius, quod vel *Martius* adoptat ac videtur præferre criterio *Habnemann*. Vinum quod plumbi vitio infectum sit continuo lactiginosum se prodit, si ei misceatur **ACIDUM VITRIOLICUM**, atque dimittit metallicum sedimentum; quod non contingit, si vinum sit innoxium.

Omnes præparationes ex plumbo quæ corpori humano inferantur, præsertim ope deglutitionis eorum vim præcipuam exercent, ut faciunt etiam præparata ex cupro, speciatim in stomachum & intestina; hinc colichas, pertinaces pariunt, spasmos, convulsiones, quas vomitus, magnique secessus comitantur. De malis effectibus qui oriuntur ex plumbo plures habentur simul collectæ observationes maximi ponderis non solum in eo cujus memini opusculo *Fothergill*, sed etiam in altero *Percival*, qui titulum habet **ON THE POISON OF LEAD**.

His malis ac sæpe terribilibus effectibus, qui ab usu alicujus præparati plumbei originem habent, occurrere potest statim ab haustu, vel paulo post, ope emeticorum, aut purgantium salinorum multum aquosorum, sed generatim postea occurritur per opiata,

per

per usum aluminis in exigua dosi, per satis amplos lactis aut seri lactis potus, aut emulsionum, aut demulcentium decoctionum, per clysteres oleosos, aut fluidorum, qui mucilagine abundant, per fomentationes emollientes abdominis &c. quæ quidem remedia convenire etiam possunt in malis curandis quæ oriuntur ex CUPRO,

VITRIOLUM ALBUM s. ZINCI OFFICIN. Coppa rossa bianca, ut vulgo dicitur. *Sulphas Zinci*.

Hoc cum purissimum est, massas candidas exhibet, & aeri expositum fere nihil mutatur. Relicitur illud quod subrubeum colorem ostendit, nec omnino solvitur in aqua frigida; cum in solutione carbonas ammoniacalis aut melius ipsa ammoniaca pura eidem communicat amœnum quemdam cœruleum colorem; vel cum infusio gallæ aut alterius adstringentis solutionem efficit nigri coloris. Ubi reperiatur impurum, depurgari potest hoc modo. Ebullitioni exponantur duo aquæ libræ, cum una libra vitrioli zinci quod depurgandum sit, donec solutio habeatur. Habitæ solutioni adiungantur sex drachmæ zinci rasi, & digerentur per sex horas calide. Quo facto liquor a subsidentia separatus, & ad cuticulam evaporatus, in loco frigido ad crystallisandum collocetur, crystallicque sic obtentæ & siccatae servantur.

Hoc remedium quod diu antea viguerat pro internis usibus, ætate nostra in desuetudinem abierat, sed iterum revixit, & maxime commendatur in *Commentariis Medicis Edinburgi* ejus continuatus usus in diarrhœis chronicis & in epilepsia; datur vero ab uno ad duo, vel tria grana, & repetitur his dosibus bis, vel ter in diem nec ultra nisi admodum raro, in pulvere vel mixto solum cum pulvere liquiritiæ aut magnesiæ, vel cum aliis remediis conjuncto. Pro emetico adhibitum fuit cum promptus & celer exigere-tur effectus, in dosi ad summum viginti quinque

granorum . Cæterum semper adhibendum est summa circumspectione , nec videtur emeticum esse quod in usum deducendum sit . Communior est & receptior ejus usus externus præsertim soluti & adhibiti maxime ad instar collyrii , sub qua forma etiam clar. *Richter* illud magnis encomiis extollit . Laudatum est etiam adhibitum in collutorio in anginis serosis , & in aphtis a clar. *Herz* , *Armstrong* , *Plenk* , *Selle* aliisque . Formula est vitrioli albi dimidium drachmæ solutum in sex unciis aquæ cum additione unciae unius mellis .

VITRIOLUM CÆRULEUM, s. DE CYPRO s. CUPRI. *Sulphas Cupri.*

Hoc quoque vitriolum hisce temporibus in curatione morborum internorum apud majorem Medicorum partem desuetum est . Illud est certum adhibendum non fore nisi maxima cautione speciatim in dosibus præscribendis , cum & ipsum non secus ac alia cuprea producat vomitum , convulsiones , deliria , stupiditatem , dolorem capitis & interdum summum maniae gradum cum symptomatibus inflammationis cerebri , aut ejus membranarum , & ubi magna sit sumpti cupri copia , parit violentos dolores , inflammationem & corrosionem stomachi , aut intestinorum , & aliquando etiam interitum . Præscriptum fuit adversus vermes , epilepsiam , maniam &c. Ubi utendum hoc esset , non deberet præscribi nisi a duobus granis ad decem , nec sumi nisi divisim non una , sed pluribus vicibus . Nec pro morbis quidem externis admodum frequens est usus . Attamen adhiberi potest in pulvere , & solutum . Per modum collyrii libentius chirurgi utuntur vitriolo zinci . Ceterum vitriolum cæruleum præparationi CUPRI AMMONIACALIS inservit , atque hac de causa in hac pharmacopea huic etiam vitriolo locum tribuere volui , cum prædictæ præparationi necessarium sit . Aliter ab eo abstinuissem

sem, cum materia medica eo carere posset, & ex altera parte scopus ut monui meus abhorreat a remediis multiplicandis quæ inter se proprietatibus & efficacia conveniunt, ubi agatur de exoticis in pauperum curatione.

**VITRIOLUM VIRIDE, s. VULGARE s. MARTIS ;**  
*Sulphas ferri.*

Seligendum est vitriolum quod coloris sit viridis clari, diaphanum, siccus, minusque refertum maculis albis, & quod præcipuum est, solutum in aqua, si eidem mergatur perpolita lamina ferri, omnino liberam relinquit hujus laminæ superficiem a particulis cupreis, quæ particulæ se non produnt ne confricata quidem madefacta lamina ope vitrioli solidi; ac rursus solutio ab instillato salis ammoniaci spiritu turbatur quidem, sed ab hoc spiritu largius infuso cœruleum non acquirit colorem. Per hæc signa dignoscitur, si quæ insit vitriolo impuritas cupri.

Hoc vitriolo uti possumus in conficiendo **ATRA-  
MENTO**, tum in curationibus externis, eoque utuntur aliquando chirurgi tam soluto, quam in pulvere. Ceterum vitriolum martis non raro contingit optimum esse remedium etiam pro morbis internis. Sed cum vitriolum quod comparatur commercio, frequenter contineat impuritatem cupri, quæ vomitus aliaque periculosa symptomata producere solet, hinc consultius judicant practici confugiendum esse pro morbis internis ad vitriolum arte factum, ut prædicta pericula caveantur. Verumtamen cum etiam vitriolum quod commercio prostat liberari facile possit ab impuritatibus cupri, quibus infectum sit, ac ita æquiparari vitriolo artefacto, operæ pretium puto indicare processum, quo hæc depurgatio fiat, cujus ope vitriolum commercii habeatur certissime liberum ab impuritatibus, ac ita ex æquo quam vitriolum artefactum curationibus inserviat. Processus autem hic est.

Ebul-



Ebullitioni exponitur vitriolum commercii in ahe-  
no ferreo cui portio quædam limaturæ ferri addatur,  
in ea quæ suffieiat aquæ copia, ac tamdiu ebulliat  
donec culter seu aliud politum ferrum in lixivio vi-  
trioli calens immissum minime obliniatur particulis  
cupri. Lixivium autem filtratur, postea inspissatur &  
crystallisatur, crystallique collectæ exsiccantur, &  
exsiccatæ servantur.

Hoc vitriolum præscribi potest interne in pulvere  
simpliciter cum saccharo, vel pulvere liquiritiæ, vel  
cum aliis remediis commiscendum, & sub diversis  
formis redigendum, aut solutum aliquo apto vehicu-  
lo temperandum cum saccharo vel melle; vel adden-  
dum alicui mixturæ. Pro pueris dosis est duorum  
granorum ad sex, & pro adultis a quatuor granis ad  
scrupulum unum. Hoc remedium ingreditur in mix-  
turam *Griffii*, quæ commendatur maxime in diabe-  
te, ac sequenti ratione componitur. Sumitur extra-  
cti myrrhæ aquosi drachma una; teritur in mortario  
marmoreo cum aquæ menthæ unciis sex, adduntur  
aquæ cinnamomi vinosæ drachmæ sex; salis absynthii  
drachma una, vitrioli martis grana duodecim, syrupi  
simplicis quantitas sufficiens ad gratiam concilian-  
dam, cujus mixturæ suscipitur ter in diem quar-  
ta pars.

Sed ubi contingeret hanc formulam adhiberi, pro  
instituti nostri ratione in hac conflanda Pharmacopea,  
quædam essent observanda. Siquidem in hac formulâ  
præscribitur extractum myrrhæ aquosum, cujus a  
nobis peculiaris mentio, ubi de extractis sermo erit,  
non fiet, cum medicinam nostram eodem carere pos-  
se arbitremur. Ceterum cum de tinctura myrrhæ  
spirituosa dicemus, monebimus post ejus præparatio-  
nem commode sine dispendio parari posse etiam extra-  
ctum, ac ideo etiam pauperum medicinam, quantum  
satis est ad recensitum scopum, haberi posse. Simi-  
liter quod spectat ad aquam cinnamomi, hujus defe-  
ctus suppleri potest per æqualem dosim aquæ men-  
thæ

thæ piperitidis, vel tertia parte minorem, addita ejus loco æquali copia spiritus vini, aut loco aquæ menthæ piperitidis addito syrupo corticis citri, qui tum vices etiam explebit syrupo simplicis. Demum de sale absinthio quod in hac formula adhibetur generatim monendum est ut adhibeatur tartarum vitriolatum, non autem sal absinthii alchalinum, cum hujus usu decomponeretur vitriolum martis, atque hinc mixtura mutaretur, & minoris virtutis evaderet. Ceterum etiamsi tartarum vitriolatum omitteretur, meo quidem judicio exposita formula nihil caperet detrimenti. Immo de tartaro vitriolato in loco quem occupare posset dicere prætermittam tenax propositi mei, cum credam medicinam nostram sine pauperum damno absque eodem consistere posse. Si quis vero hoc ipsum in formula prædicta adhibere vellet, habere commode posset in præparatione acidi nitri & magnesiæ in qua tartarum vitriolatum educitur.

Huc revocare pro internis vitrioli usibus non inutile esse arbitror quod animadvertit cl. *Gmelin* in egregio suo opere ac valde perutili recentissime in lucem edito, cui titulus est APPARATUS MEDICAMINUM TAM SIMPLICIUM, QUAM PRÆPARATORUM ET COMPOSITORUM IN PRAXEOS ADJUMENTUM CONSIDERATUS PAR. II. REGNUM MINERALE VOL. I PAG. 142. ubi in rem nostram scribit, id commune esse huic medicamini cum aliis ex ferro paratis, quod alvus inde nigra secedat, eamque cautelam requirere, si plenam suam efficaciam edere debeat, ne in ventriculo aut terram, aut sal lixiviosæ indolis offendat, quo quippe ferrum ex acido calcis forma præcipitaretur, neque ideo exhibendum esse una cum terreis medicamentis, præsertim calcareis, ideoque multo minus cum alcalinis.

Postremo cl. *Benjamin Rusch* medicus Anglicus testatur tantam esse hujus salis vim anthelminticam, ut ejus ope se eiecisse dicat vel ipsam tæniam. Pro infantibus unius ad decem annos usum hujus remedii præ-

præscribit mane singulis diebus in dosi quinque granorum usque ad triginta; & pro adultis a duabus drachmis usque ad uncix dimidium. Ego tamen censere doses hujusmodi temperandas esse.

ULMUS OFFICIN. *Ulmus Campestris* L.

Arbor notissima, quæ apud nos crescit in solo fertili & humido. Præscribitur CORTEX INTERMEDIUS RAMORUM GRACILIUM, non tamen tenellorum, in levi decoctione ex recenti cortice quæ semper utilior est, ab uncix dimidio ad duas, ex cortice sicco a duabus drachmis ad unciam unam; decoctio adhibetur etiam externe, sed sæpius interne. Doctor Anglicus *Collingwood* in quodam opusculo suo testatum facit se duodecim annorum praxi diuturna sæpissime expertum esse hujus corticis vim & efficaciam. Hanc ipse deprehendit exitu sanæ felici in multis morbis cutaneis, viditque hujus remedii ope non paucas curationes solidas, & permanentes obtentas fuisse; ac vel ipsis pertinacibus morbis, qui alio modo curari non poterant, non exiguum levamen allatum esse. Asserit demum se bono successu usum esse hoc remedio in diarrhoeis, dysenteriiis, & in omnibus intestinorum excoriationibus tam in pueris, quam in puerperis, & in alio infirmorum genere.

Z

ZINCUM:

Juxta FOURCROY metallum semiductile, oxydabile. Cum contingat illud plumbo misceri, præferendum est Zincum ex Ostindia, utpote optimum, & reliciendum Goslariense. Eo non utimur, nisi pro præparatione FLORUM ZINCI.

ZINZIBER s. ZINGIBER OFFICIN. *Anomum Zingiber L.*

Planta perennis quæ in Indiis crescit, & colitur in quibusdam Americæ regionibus. Præscribitur RADIX, ejusque vis tota residet in æthereo oleo, cujus ipsa referta est. Hæc sit oportet ponderosa, minus fibrosa, non cariosa, & saporis valde acris, aromatici. Adhibetur, licet raro, interne in pulvere a quatuor granis ad octodecim; & in infuso ab uno scrupulo ad drachmas duas, sub qua postrema forma adhibita est etiam pro gargarismo, licet rarissime. Creditur hanc additam purgantibus in exigua dosi vim stimulantem augere. Interdum prodesse posset hujusmodi additio. Adhiberi quoque posset terenda dentibus ad excitandam salivam sive instar SALAGOGI. Cum hoc remedio uti medici voluere pro morbis internis, sæpe coacti sunt illud cum alio ingrediente temperare, quo compesci posset nimius ipsius fervor seu æstus. Communius ingrediebatur tamquam pars alicujus compositi.

Cum vero Zinziber virtute congruat cum PIPERE eo solum discrimine quod ille sit mitior isto, Zinziber supplere potest loco piperis; ut etiam loco aliorum aromatum ejusdem indolis ut sunt GALANGA, ZEDOARIA, PYRETHRUM &c. id quod in re nostra conducit non solum ad minuendam remediorum farraginem, sed etiam ad unum iis substituendum levioris pretii quam sit piper, aliaque quæ recensuimus aromata; atque hac ipsa de causa in brutorum epizootia proderit loco piperis usus Zinziberis.



## PARS SECUNDA.

D E

PRÆPARATIS ET COMPOSITIS, QUÆ  
DIU IN OFFICINIS SERVANTUR.

**A**CETUM SATURNINUM: *Acetis plumbi dilutus.*

Rec. Cerussæ pulverat. libram.

Aceti vini optimi libras quatuor.

Coquatur in vase figulino seu vitreo angustioris colli, leni calore; sæpiusque bacillo ligneo agitetur, usque ad acetis perfectam saturationem, quæ passim absolvitur per dimidiæ partis consumptionem. Filtretur deinceps acetum per chartam, & usui servetur.

Substantia vero, quæ manet post primam dissolutionem; solvi iterum potest usque ad plenam illius consumptionem.

Hoc acetum explere vices potest EXTRACTI & SALIS vel SACCHARI SATURNI, si loco extracti duplum acetis adhibeatur, & loco salis quidpiam majus duplo.

Non præscribitur nisi pro usibus externis; rarissimè ipsum solum adhibetur, sed passim aqua dilutum, ex quo constituitur AQUA VEGETO-MINERALIS & interdum mixtum & agitatum cum oleo ea quantitate, quæ ad consistentiam unguenti efformandam sufficiat; ex qua operatione resultat BALSAMUM ut dicitur SATURNI, quod ab aliis nuncupatur UNGUENTUM NUTRITUM.

## ACETUM SCILLITICUM s. SQUILLITICUM.

Rec. Scillæ recenter exsiccatae & minute incisæ uncias sex.

Aceti optimi uncias nonaginta.

Macerentur in lagena vitrea per quindecim dies, & liquor sæpius agitetur, ac deinde forti expressione acetum coletur. Quiescat postea acetum, donec purum & clarum fiat, & tum separetur a scæcibus per decantationem, eidem addita uncia una spiritus vini pro singulis libris percolati liquoris & servetur.

Hoc acetum interne non solet passim præscribi nisi sub forma OXIMELLIS, aut saturatum spiritu salis ammoniaci; aut sale tartari alcalino. Ac sub his formis saturationis constituitur sal neutrum solutum pro differentia basis diversum, scilicet vel *acetis ammoniacalis*, vel *acetis potassæ*. Quæ duo salia cum in se ipsis habeant etiam activa scillæ principia, si diluantur aliqua corroboranti decoctione aut alio vehiculo & aliquo syrupo vel melle temperentur, bonos effectus ubi pro rei exigentia conveniant producere possunt. Acetum externe adhibetur non raro loco communis acetum pro conficiendis synapismis, cum istorum actio promptior & efficacior postulatur.

ACIDUM NITRI VULGARE s. AQUA FORTIS COMMUNIS. *Acidum nitricum*.

Rec. Nitri puri exsiccati.

Vitrioli martis ad albedinem calcinati ana libras duas.

Hæc bene mixta immittantur ope infundibuli oblongi colli in retortam vitream. Retorta deinde locetur in furno arenæ; applicetur ingens receptaculum perforatum, in quod prius immissæ fuerint duo libræ aquæ destillatæ, & junctura occludatur luto pingui  
ex

ex argilla & oleo lini cocti facto, quod linteo calcis vivæ in aere in pulverem delapsæ & albuminis ovi miscella obducto, firmetur; tum subiiciatur ignis moderatus, sensim augendus, donec vapores prodire cessent: refrigerato apparatu, acidum nitri transfundatur e receptaculo in lagenam epistomio vitreo claudendam. Juvabit, dum copiosi vapores in receptaculum transeunt, huic aptare panna linea madefacta aqua frigida, atque hæc ipsa, repetita madefactione, renovare. Sic etiam expediet basim obturamenti vasis, in quo acidum concluditur, accurate circumdare ope ceræ emollitæ exigua portione Terebinthinæ.

Destillationis residuum igne aperto calcinetur; postea effusione copiosæ aquæ ebullientis quantum opus est repetita extrahatur omnis salsedo. Solutiones confusæ quiescant, ut portio terræ metallicæ solutæ subsideat. Tum liquor, inclinatione vasis in aliud vas transfugus evaporetur ad cuticulam fere, cui adhuc tepido sensim affundatur solutio salis tartari alcalini aqua parata, donec cessaverint effervescentia & sibilus. Tunc addita aquæ calidæ quarta, vel quinta parte, liquor iterum refrigerationi & subsidentię committatur, filtretur, evaporetur, & ad crystallisationem in loco frigido reponatur. Hac ratione obtinetur ARCANUM DUPLICATUM, non diversum a SALE POLYCHRESTO, a SALE DE DUOBUS, & a TARTARO VITRIOLATO, cum hæc omnia salia neutra aliud non sint a *sulphato potassæ*.

Licet ACIDUM NITRICUM communius non adhibeatur nisi ad præparationem LAPIDIS INFERNALIS, facto prius experimento de ipsius puritate, cum in hunc usum acidum valde purum requiratur, ne alioquin de ARGENTO depereat; attamen Cl. *Habnemann* nuper observavit acidum nitricum interne adhibitum ad instar acidi vitriolici proficuum esse. Porro proficuum hujus acidi usum fuisse interne præscriptum in dosi alicujus scrupuli & aqua dilutum deprehenderunt in curatione luis venereæ clarissimi

*Duncan & Rossi* Taurinensis Chirurgus. Hanc ipsam utilitatem in eodem morbo curando agnovit etiam *Cl. Inghenouz*. Jam nunc post plura experimenta omnes in asserendo conveniunt, præcipuos hujus morbi effectus per hoc remedii genus auferri. Recentissime etiam novimus Doct. *Scott* optimo sane exitu non interne solum sed externe quoque pro iisdem morbis adhibuisse.

Utinam res per ulteriora experimenta ad certitudinem hujus remedii in dictis morbis progrediretur. Nam maxima utilitas cum simplicitate remedii conjuncta, in hominum subsidium exurgeret, sublatis præterea iis incommodis, quibus non raro subjacent cætera remedia adhiberi solita.

Hoc interdum commixtum invenitur ACIDO MURIATICO vel ACIDO VITRIOLICO. Cum utroque modo impurum est, lactescens efficitur atque a se ipso dimittit præcipitatum; ubi affundantur acido nitrico aliquæ guttæ solutionis sine calore factæ *nitratibus mercurii*; quod quidem præcipitatum si album permaneat licet ablutum aqua ebullienti, satis indicat impuritatem pendere ab acido muriatico; si vero colorem flavum acquirat per ablutionem aquæ ebullientis, prodit ejus impuritatem ex acido vitriolico promanare. Ubi autem per supradictam mixtionem non perturbetur acidum, nec a se præcipitatum dimittat, signum est evidens acidum nitricum esse purum.

Recensitum experimentum pro acidi nitrici puritate dignoscenda unicuique obvium est & facilis executionis. Eadem facilitate acidum nitricum ab utroque acido, quo infectum sit, liberari potest; si nempe ejusdem solutionis mercurii nitratis tot guttæ acido depurgando infundantur, quot requiruntur ut designat quodcumque præcipitatum; liquor deinceps iterum destilletur fere usque ad siccitatem. Quod si ageretur de acido nitrico depurgando ab acido vitriolico, tum sufficeret etiam acidi impuri destillatio cum par-



va portione *nitratis potassæ*, quod tamen esse debet valde purum.

Pro hac destillatione facienda apparatus *Vulscanum*, qui certe esset optimus, minime proposui, cum difficile admodum sit eum apud omnes pharmacopolas reperiri.

ACIDUM TEREBINTHINÆ Vid. OLEUM TEREBINTHINÆ.

ACIDUM, s. OLEUM VITRIOLI CONCENTRATUM ac RECTIFICATUM. *Acidum sulphuricum concentratum.*

Rec. Acidi vitrioli fortis quod invenitur in commercio quantum vis.

Immittatur retortæ vitreæ & destilletur igne gradatim aucto, donec non ulterius in vaporum forma, sed in striis cohærentibus in vas recipiens defluere incipiat. Tunc mutato recipiente destillatio continuetur, ac tandem is gradus ignis, cum cautione tamen, augeatur, ut reliquum acidi ascendere possit, quod in vitro sicco, aeris accessu probe intercluso ope epistomii vitrei, ad usum servetur pro solis chemicis præparatis ob summam, qua pollet, acrimoniam.

Liquor qui in priori recipiente destillatur, cum nihil aliud sit nisi acidum sulphuricum paulisper dilutum, in alios usus deduci potest loco alterius acidi sulphurici. Sciendum est tamen, gradum acoris supradicti acidi esse mutabilem.

Si olei vitrioli rectificandi quantitas major sit una libra, tunc vel plures retortulæ simul adhibentur, vel quod securius est, illa acidi vitriolici quantitas successive & per vices rectificatur.

Absolute abstinendum non est a rectificatione & concentratione acidi vitriolici commercii ope continuatæ destillationis facienda, ut illud etiam a partibus heterogeneis fixis, quas non raro in se ipso continet, libe-

berari possit, præsertim postquam demonstraverint clarissimi Viri *Meyr & Gunther*, sæpe illud infectum inveniri VITRIOLO PLUMBI, quod in medicina periculum afferret. Utrum vero hoc acidum aliquid PLUMBI contineat, deprehendi facile potest, si conjuncto hoc acido partibus aquæ vel æqualibus vel majoribus conspiciatur emitte album præcipitatum, quo non conspecto signum esse potest plumbum in acido contineri. Dixi *esse potest*, cum aliquando contingat præcipitatum quod in dicto experimento obtinetur esse etiam *sulphatæ calcis* cum aliqua portione TERRÆ SILICEÆ, ut demonstravit doctor *Withering* & ipsemet expertus sum.

Ceterum ut optimum & purissimum sit hoc acidum, esse debet ad instar aquæ pellucidum, non fumans ad contactum aeris, aquæ communi guttatim infusum sibilans, uti metallum candens sub vehementissima incalescentia, subito comburens corpora inflammabilia ad carbonem, tam e regno vegetabili quam animali, subitoque expellens ad instar vaporis acida tam vegetabilia, quam mineralia, uti acida acetæ, nitri, muriatici &c. ex eorum compositis, specificam gravitatem habens 1. 800. ad 2,000. Hi sunt characteres acidi optimi & purissimi. Hinc rejiciatur quod fuscæ coloris est, valde fumans, & odoris acris sulphurei. Hoc acidi genus, ut in usum deduci possit, rectificari debet ut supra.

Si iteratis vicibus & pedetentim interfectis variis temporis spatiis portio acidi supradicti affundatur æquali alcohole quantitati, obtinetur ELIXIR ACIDUM ut dicitur *Halleri*. Ubi vero acidi una pars cum tribus partibus alcohole misceatur, comparatur ELIXIR ACIDUM *Dippellii* quod etiam dicitur AQUA *Rhabbellii*, & ab aliis ACIDUM VITRIOLI DULCIFICATUM, aut ELIXIR VITRIOLI SIMPLEX. Mixtiones istæ solent ab aliquibus practicis cum fiducia adhiberi, quæ tamen toties parari debent, quoties adhibentur, vel saltem iterari frequenter. Ego priori po-

sterius præferrem spectato nimio prioris acore, quam vis ut sentio utroque carere possit medicina, & meliori successu frequentius adhiberi posset loco uriusque  
**ELIXIR VITRIOLI AROMATICUM.**

Quod si unum vel alterum elixir ex prioribus ad usum deducendum sit, cum acorem habeant maxime intensum præsertim *ELIXIR Halleri*, dilui debent larga aquæ copia, nec mixturis addenda sunt nisi prudenti admodum dosi. Nam si dosis excesserit, vel etiam justa dosis satis diluta non sit, vomitus, dolores aliaque incommoda hæc remedia pariunt, funtque intolerabilia, atque vel ipsi palato molestissima; quare cum mixturæ, ut ajunt, sint medicamina ejus indolis ut passim exhiberi non soleant nisi dosi minori una libra, & aliunde exigua copia ex dictis elixiriis acorem valeat iis impertiri valde molestum & intolerabilem, hinc necessarium est valde exiguam elixirium copiam præscribere, vel consultius puto præscripta elixiria copiosa aquæ ut sæpius fit vel alterius vehiculi quantitate diluere, ac ita dilutum frequenter in diem ægro exhibere. Hinc non semel observavi coactos fuisse pharmacopolas præscriptam ab aliquibus practicis elixirium dosim copiosiore vehiculo temperare, ut remedium ferre posset ægrotus, & pericula vetarentur, quibus ægrotus fuisset expositus defectu copiosæ dilutionis. Fit autem potio valde grata, si eidem addatur aliquid mellis, vel melius sacchari, vel melius quoque pro ægrorum gustu aliquid syrupi corticis citri &c.

Animadvertere quoque medici debent variam stomachorum constitutionem; nam ut rite monet cl. *Gmelin* in apparatu medicaminum &c. T. I. p. II. p. 41. quamvis vini spiritu temperatum sit elixir, non omnium ægrorum ventriculus fert hoc acidum, quod potius interdum vomitum, & cardialgiam ciet, quibus sese manifestantibus effectibus desistere medicus ab ulteriori usu debet.

ACIDUM VITRIOLI TENUE, vel SPIRITUS VITRIOLI ACIDUS. *Acidum sulphuricum dilutum.*

Acidum vitrioli rectificatum & concentratum cum sex aquæ destillatæ simplicis partibus caute diluitur & servatur ad medicos usus.

Interne præscribitur mixturis addendum a decem guttis ad dimidium circiter drachmæ; aqua verò dilutum vel alio vehiculo usque ad gratum acorem præbetur a dicta dosi ad drachmas quatuor; quod sæpe ad compescendum acbrem temperatur eo modo quo diximus temperari prædicta elixiria. Si aqua copiosa dilutum sit, ab aliquibus dicitur POTIO ANTISEPTICA aut POTUS ACIDO-MINERALIS, & ab aliis LIMONEA MINERALIS, quæ cum opus est temperatur cum melle. Pro duabus aquæ libris non plus exigitur unius drachmæ hujus acidi. Gravior efficiatur potio, si fiat ex uno vel altero dictorum ELIXIRIUM.

Hoc acidi genus caute adhibendum est licet dilutum sit, cum ex eo incommoda manare possint quæ diximus supra circa elixiria.

Etiam externe aliquando adhiberi contingit in fomento vel collutorio dilutum s. q. aquæ vel alterius vehiculi. Ope gossypii madefacti hoc acido tanguntur ulcuscula, in infantibus autem ista liniuntur ope penicilli edulcato prius acido portione mellis.

Curare medici debent cum hoc acidi genus præscribunt præsertim interne, ut hoc indicent addito verbo TENUE aut alio simili vocabulo ad æquivocationes tollendas, quæ aliquando contigerunt ob hanc omissionem, ad usum deducto acido concentrato pro acido tenui non sine gravi ægroti periculo.



**AETHER** sive **NAPHTA VITRIOLI**. *Aether sulphuricus.*

**Rec.** Spiritus vini rectificatissimi libram unam,  
Acidi vitrioli rectificati ac concentrati ana partes æquales.

Unitur variis vicibus, variisque intervallis & paulatim acidum spiritui vini in receptaculo vitreo, ea cautione, ut non superaddatur spiritui novum acidum, nisi prius frigefacta mixtione, & obturetur os receptaculi in singulis acidi affusionibus. Facta duorum liquidorum mixtio immittatur in retortam vitream satis altam ope infundibuli quod perveniat usque ad fundum colli retortæ, ne collum deturpetur. Ea committatur balneo arenæ, admoveatur receptaculum perforatum, & juncturæ vesica madefacta rite occludantur: instituatur tum destillatio igne sufficienti ad levem liquoris ebullitionem: continuetur idem ignis gradus, admoto sæpe obturamento, quo receptaculi foramen occlusum est, donec vix initium sentiatur suffocantis odoris acidi sulphurei volatilis: tunc afferatur excipulum & in lagenam vitream accurate obturandam effundatur liquor in ipso contentus; addatur aliqua portio **MAGNESIÆ CALCINATÆ**, & frigide digeratur, donec acidum sulphureum evanuerit, sed quidpiam magnesiæ non solutæ supersit. Destilletur deinceps usque ad dimidium circiter mitissimo calore in retorta vitrea. Liquor qui per hanc rectificationem habetur, est **AETHER VITRIOLICUS**, qui committendus est parvis purissimis vitris, quorum os epistomio vitreo juxta capacitatem oris accurate expolito claudatur, ejusdemque præterea receptaculi vitrei cum epistomio os cooperiatur vesica madefacta spiritu vini, vel melius in aqua frigida reposita vasa asserventur.

Partis autem post ætheris rectificationem in retorta superstitis si destillatio continuetur, exurgit inde **LIQUOR ANODINUS MINERALIS H. FFMANNI**.

Si prioris destillationis residuo nigricanti addantur sex unciae spiritus vini rectificatissimi, & uti prima vice factum est, destillentur, alteram dabunt liquoris copiam ei similis, qui in prima destillatione haustus est. Hæc operatio bono cum exitu per decem & amplius vices repeti potest, addita semper spiritus vini sufficienti quantitate. Hinc si explicatis modis liquores rectificentur, iterum obtinebitur tum verus **ÆTHER**, tum **LIQUOR ANODINUS**.

In singulis destillationibus recensitis, & speciatim in rectificationibus habitis, dum incipit liquor in recipiens transire, opus est cum dexteritate recipiens cooperire panno lineo aqua frigida madefacto, idemque sæpius iterare, ut recipiens semper frigidum perseveret. Tempestas pro parandis ætheribus propria, quemadmodum etiam pro alcohole, est hiemalis; ubi vero pro circumstantiis hæc ipsa æstivo tempore paranda sint, præter jam dicta monita, quæ accuratius in hac hypothesis essent observanda, contegi quoque oporteret recipiens nive vel glacie quantum fieri potest, tectumque hoc modo tenere donec tota operatio absolvatur.

Porro dignoscitur æther vitriolicus recte paratus & genuinus hisce indiciis quæ sequuntur. Hic debet esse levissimus, maxime pellucidus, absque ullo vel minimo colore, grate suaveolens, fortis & penetrans tam odore quam sapore suo, qui sapor mox igneus est, dein frigoris sensum in lingua relinquit. Pro una ætheris partes solvenda non plures requiruntur quam decem aquæ destillatæ portiones; subito flammam concipit in quadam a flamma distantia, seque ipsum comburit flammam emittens albam, magisque lucidam, quam in spiritu vini & quidpiam fuliginis relinquit. Gutta quædam ex alto delapsa subito evolat, antequam ad terram pertingat; aquæ calidæ immixtus æther sibilat; non debet emitte odorem acidi sulphurei, nec saporem acidum habere, nec tingere

re chartam cœruleam colore rubeo. Hisce notis optimus æther se prodit.

Hoc remedium utilissimum est & interne præscribitur a decem viginti & triginta guttis ad drachmam unam & usque ad tres, additum alicui mixturæ, aut solum adhibitum cum quadam aqua vel infusione aromatica; aut amara, vel etiam simpliciter cum aqua communi, & aliquando cum solo saccharo. Paratur optima potio, si addatur aliqua portio aquæ simplicis, in qua solutum fuerit aliquid mellis, vel sacchari vel syrupi corticis citri &c. *Paulet* hoc remedium plurimum laudat adversus fungorum venenum. Ego vero censeo, hoc remedium utile esse, ubi amplius emetico locus non sit, vel post usum emetici. In pluribus aliis casibus utilius adhibetur conjunctum cum aliis remediis, uti sunt laudanum liquidum, liquor cornu Cervi succinatus, camphora &c. Pluries etiam juvat illud externe applicari vel solum vel aqua dilutum. Interdum levamen attulit in odontalgia applicatum cariosis dentibus ope gossypii. Exhibetur etiam odoratus excitandi causa.

Hic Aether vel solus vel cum alio remedio mixtus ut cum extracto juniperi &c. simul cum aqua cardiaca, sive aromatica vel cum aliquo similis infusionis genere meliori cum fructu adhibetur loco medicamentorum quæ CORDIALIA dici consueverunt, quæ magni pretii sunt, & olim pretiosa & maxime utilia credebantur.

Massa nigra quæ repetitas destillationes superest, nec amplius utilis est ad ætherem ulterius hauriendum, reiicienda non est, sed œconomix causa adhiberi potest pro hauriendo quod in ea residuum est, *acido sulphurico*, licet heterogeneis substantiis commixto; quod obtinetur si liquor niger affundatur in vas vitreum lati orificii, & deinde diluatur tertia sui ponderis parte aquæ destillatæ, aerique exponatur, donec omnem acidi sulphurei odorem amiserit. Tunc  
fil-

filtratur ope arenæ purissimæ rite ablutæ. Quod si eum volueris concentratum habere, hunc facile obtinebis ope evaporationis vel destillationis. Hoc acidigenus purissimum non est, opportunissime tamen & utilissime conservatur ad præcipitationem obtinendam sulphuris aurati antimonii. Inservire etiam posset ad parandum vitriolum martis &c.

**AETHIOPS MINERALIS**, seu *sulphuretum Hydrargyri nigrum*.

Rec. Sulphuris citrini unciam unam;  
Mercurii purificati unc. duas.

In vase ferreo satis apto leni calore liquefiat sulphur. Deinde mercurius iniiciatur antea aliquantulum calefactus, & ope spatulæ ferreæ agitatione perenni per horæ dimidium ad nigram massam spissitudinis mellis redigatur, quæ quidem massa si crassior evaserit, igni aliquantisper adaucto ut liquescat exponatur, & refrigerata in mortario ferreo teratur in pulverem.

Aliquando contingit in recensita operatione facienda massam cum crepitu inflammari. Tum extinguatur flamma, si communicatio intercludatur cum aere externo. Quod fit si vas cooperiatur. Adhiberi etiam possunt, ubi opus sit, panna linea madefacta aqua frigida.

Interdum hoc remedium adhibetur externe pro ulceribus sordidis præsertim venereis conspergendis ad ea purificanda. Sed utilius atque communius interne præscribitur. In teneris pueris a tribus ad grana sex, in adultioribus a sex granis ad quindecim; pro ætate majori a dimidio scrupuli ad dimidium drachmæ. In aliquibus casibus expedit hoc conjungi cum china anisque remediis. Aptius in bolis præscribitur. Subministrari etiam potest in pulvere simul cum saccharo vel magnesia. Pessima præscriptio est, si præscribatur cum



mixtura vel aliquo vehiculo. Non semel observavi, hoc remedium sub hac forma ab aliquo medico præscriptum ab ægrotis vel non susceptum fuisse, vel non nisi exiguam ejusdem partem, cum ob ingens ipsius pondus vel totum vel maxima pars ad fundum ampullæ subsideret. Quod quidem absurdum facilius oriri solet in xenodochiis, ubi qui ægrotis inserviunt vel curarum copia distenti, vel etiam ob socordiam in id attentionem convertere non solent. Cui quidem incommodo eadem de causa hoc ipsum subjacere potest etiam in pulvere exhibitum. Quare recte monui, aptissimam hujus remedii formam esse formam bolorum. Quod si in pulvere subministrandum sit, opus est uti nubeculis quibus contegatur. Quæ monita rite observanda esse censeo, cum ab his pendeat expectatus a medico effectus & ægroti levamen; quæ non obtinerentur sine præscriptarum regularum executione, quarum ægrotus dispendium sine utilitate pateretur, & ipsius cura cum dispendio retardaretur. Quare de hac re paulo latius dicere volui cum eadem observationes etiam usum respiciant aliorum medicaminum metallicorum, cujusmodi est ex. c. mercurius dulcis, limatura ferri præparata &c. quæ ob eorum pondus iisdem incommodis subsunt. Hinc communis usus limaturæ ferri exhibendæ in pulvere aquæ injecto absurdissimus est, & iisdem absurdis obnoxius, ut propterea fortasse ab hac causa repetendum sit quod expectatus effectus quem natura sua remedium pareret si rite exhiberetur, interdum non habeatur, vel saltem effectus retardatio habeatur.

Retuli autem in recensita operatione processum viâ sicca ut dicitur, cum æthiops qui fit sine igne sive per simplicem attritum mercurium non contineat tam recte cum sulphure conjunctum, ut ille continet qui perficitur ignis adminiculo, qua in opinione etiam Cl. *Wallenius* versatur. Creditur etiam, æthiopem qui per simplicem attritum paratur, aptiorem esse promovendæ salivationi.

Si æthiops noster misceatur cum aliqua portione Antimonii crudi præparati, parari ex tempore potest compositum æquale ÆTHIOPI ANTIMONIALI, atque hac de causa de hoc præparato dicere prætermitto.

Hic autem Æthiops mineralis pro singulis tribus granis duo circiter complectitur mercurii.

ALKALI VEGETABILE FIXUM, seu SAL TARTARI ALCALINUS. *Carbonas potassæ*.

Rec. Tartari crudi quantum vis.

Ponatur in lagena terrea non vitreata, & valido igne calcinetur usque ad albedinem. Lixivium deinde institutum & filtratum per chartam emporeticam evaporetur ad siccitatem perfectam in vase ferreo rite mundato. Massa agitetur spatula ferrea, ne fundo vasis adhærescat. Sal obtentum adhuc calidum collocetur in vasis vitreis rite clausis, ne humidum attrahat, vel deliquescat.

Interdum hoc sal adhibetur interne & externe, semper tamen solutum; interne præscribitur a tribus granis ad sex, duodecim usque ad dimidium drachmæ in tribus unciiis usque ad unam libram liquoris. Cum ipsum ob indolem suam soleat aeri expositum deliquescere, hinc præscribi numquam potest sive in pulvere sive in pilulis &c.; idque si fieret, vitium esset adversus præcepta de formulis concinnandis. Quæ regula locum habet in TERRA FOLIATA TARTARI aliisque hujus generis corporibus. Ceterum pro internis usibus non raro commodior & utilior est loco ejusmodi salis usus MAGNESIÆ. Contingit tamen quandoque præferri oportere hoc remedium usui magnesiæ, ac tum speciatim id accidit cum corrigendum sit vel retundendum venenum aliquod haustum vel ab acidis mineralibus corrosivis, vel ab arsenico, vel a sublimato corrosivo &c.

Occurrit aliquando hujus salis usum præscribi cum succo limoniorum: vid. HAUSTUS ANTIEMETICUS. Inservit parando LAPIDI CAUSTICO, TARTARO TARTARIZATO, HEPATI SULPHURIS &c.

Sal tartari alkalinum genuinum semper esse debet coloris jucunde-albi; ejusque pars una in partibus duabus aquæ communis esse plene solubilis, quin aliquod sedimentum relinquat, humescens in aere, ac magnam promptamque producens effervescentiam simul cum acidis. Hisce notis certiores efficimur, in eo non contineri aliquam terram, nec salem digestivum Sylvii, nec tartarum vitriolatum, nec alias substantias; quibus non raro vel natura vel dolo conjunctum invenitur.

Hoc alcali commode & utiliter substitui potest SALIBUS ALCALINIS methodo *Tachenii* paratis, ideoque SALI ABSYNTHY aliisque vegetabilibus; tum quia illud minori pretio obtinetur quam alia, cum eadem prorsus utilitate; tum quia facilius inveniri potest etiam in ruralibus pharmacopoliis; tum denique quia medicus tutior esse potest verum sal alkalinum subministrari (quod multum interest) loco salis neutri ut esset TARTARUM VITRIOLATUM, quod non raro contigit in præscriptione salis absynthii aut cinerum aliarum herbarum; quo factum est, ut medici expectatio evanesceret, æger vero nullam utilitatem perciperet, cum ea salia parata fuissent ex cineribus herbarum combustarum cum sulphure; quo in casu pharmacopola non hauriebat nisi TARTARUM VITRIOLATUM.

Alcali quod habetur ex tartaro satis purum est pro usibus pharmacopolæ, & purius est quolibet alcali ejusdem generis, quod extrahi possit alio modo minoris dispendii. Ceterum ubi maxime agatur de pauperibus, si tartarum maximi esset dispendii, hauriri posset ex COMMUNIBUS, cum essentialiter ab alcali tartari non differat, nisi quod illud impurius est, & ex altera parte hoc vitium saltem multum sanari

pos-

possit, si hac ratione purgetur. Diluuntur cineres communes in aqua frigida post calcinationem aliquo tempore peractam. Lixivium filtratur, & evaporatur, donec in ejus superficie levis pellicula se prodat; deinde in loco frigido quieti dimittitur. Postea ope filtrationis a variis salibus neutris in ipso contentis purgatur, quæ salia in crystallos abeunt; uti esset sal digestivum Sylvii, tartarum vitriolatum &c., tum etiam liberatur ab aliis impuritatibus ut a ferro, a terris quibusdam, aliisque substantiis, quæ solent in feltro relinqui. Lixivium filtratum iterum evaporatur & quieti dimittitur, ut crystallizetur ac deinde filtretur; quæ quidem operatio repetitur donec non amplius videantur sedimenta, neque crystalli, de quibus antea diximus. Denique lixivium ultimum plene inspissatum, ut de sale tartari dictum est, exhibet purum sal alcalinum vegetabile. Haustum sal ex cineribus appellari consuevit etiam **ALKALI LIGNORUM** depuratum, & ab aliis **CINERES CLAVELLATI**; & ubi eo modo quo diximus purgatum sit, substitui in curatione pauperum posset sal hausto ex tartaro, & præsertim in præparatione spiritus salis ammoniaci, aliisque operationibus in quibus non pro usu pauperum tantum, sed etiam pro quovis personarum genere & conditione adhiberi opportune posset.

**ALUMEN USTUM.** *Sulphas aluminosus exsiccatus.*

Alumen in fictili immittatur vase satis amplo non vitreato, eaque copia, quæ tertiam vasis partem non excedat, & igni valido augeatur, donec omni crystallisationis aqua privetur, & massam opacam, albam, levem, spongiosam, friabilem exhibeat. Continuo removeatur ab igne, ne per hujus actionem acidum etiam diffletur.

Non adhibetur nisi ad usus externos in pulvere, & communius ipsum solum adhibetur.



ANTIMONIUM CRUDUM PRÆPARATUM seu  
ALCOHOLISATUM. *Sulphuretum stibii præparatum.*

Antimonium crudum in subtilem pulverem versum committatur vitreo cylindro, eique affundatur larga aquæ copia; agitetur strenue simul ac turbida reddita fuerit, & polline tenuissimo saturetur, & decantetur, ut quiescendo subsidat pulvis, & superstes materia, quam aqua sustinere non potuit, iterum conteratur in subtilem pulverem; eodemque modo tractetur, idque toties repetatur, quoties opus est, ut omnem materiam alcoholisatam exhaustas. Pulverem omni alcoholisato, exhausto, & subsidente, aqua decantetur, & antimonium in fundo vasis remanens exsicceetur, & usui servetur.

Ad usus internos præscribitur à quinque granis ad scrupulum unum & etiam ad drachmam unam in pulvere simul cum saccharo aut alia re, vel in pilulis. Ubi in pulvere præscribatur, ea omnia sunt observanda, quæ diximus ubi de usu Æthiopis. Ut periculum vomitus arceatur, quem aliquando excitare solet, expedit illud adhiberi cum magnesia, melius etiam additis substantiis aromaticis, præsertim ubi indicia habeantur aciditatis in primis viis. Abstinendum est etiam cum hoc remedium sumitur ab usu substantiarum acidarum sive pro alimentis sive pro medicamine. Si cum magnesia & materia corroborante conjungatur, apud aliquos nomen acquirit hæc mixtio PULVERIS ANTIMONIALIS.

AQUA COMMUNIS DESTILLATA:

Sumantur aquæ communis libræ octoginta & destillentur primum libræ circiter quatuor, quibus abjectis destillentur libræ triginta sex circiter, quæ vasis vitreis obturatis servantur ad solvendum sublimatum corrosivum, tartarum emeticum, vitriola, Hepatem sulphuris, ad diluendum acetum saturni &c.

AQUA

## AQUA BACCARUM JUNIPERI.

143

Rec. Baccarum Juniperi maturarum recentium & contusarum libras tres,  
Aquæ communis libras triginta sex; & abstrahere libras duodecim circiter.

## AQUA MENTHÆ CRISPÆ.

Rec. Herbæ menthæ crispæ recentis libram unam,  
Aquæ communis partes octo seu quoad opus est ad evitandum empyreuma; & inde abstrahere libras quatuor circiter.

Eodem modo destillatur.

## AQUA MENTHÆ PIPERITIDIS.

Neminem latet, inter destillatas aquas medicinales veram utilitatem pro qualibet hominum classe non afferre; nisi quæ præditæ fuerint spiritu rectore sive aromate. Sed ex altera parte certum est etiam, in curatione pauperum loco aquarum destillatarum aromaticarum suppleri commode posse per infusa hausta ex ea parte vegetabilis; quæ adhibenda esset ad abstrahendam aquam destillatam. Sed cum tres illarum quarum memini aquæ aromaticæ hujus quam innuo constantis regulæ generalis exceptionem aliquam mereri possint, hinc earum peculiarem mentionem facere volui. Aquam baccarum Juniperi retinere volui, quoniam hæc hauriri eo tempore potest; quo decoctio efficitur pro præparatione ROHOB JUNIPERI. Item duas alias & maxime aquam menthæ piperitidis in re nostra retinui, ad vices explendas aquæ cinnamomi, ac ita consulendum pauperum ægestati, multoque magis cum casus emergant, in quibus illius usus opportunior esse possit; cumque sæpe contingat, tolerari ab ægris infusa non posse nisi maximo cum

in-

incommodo, ut in gravissimis morbis, vel ab ægris maxime dilicatis & abhorrentibus ab usu medicinarum, æquum erat pauperes remedio non privari, quod ex una parte exigui dispendii sit, & ex altera magna vi & efficacia polleat. Has denique duas menthæ scilicet crispæ, & menthæ piperitidis, non unam tantum retinere volui, cum hæc postrema longe præstantior & efficacior sit aqua menthæ crispæ, & hæc utilis quoque esse possit, ubi indicata fuerit mitior vis excitantis remedii. Sic enim in promptu sunt duo diversi gradus & efficaciæ remedia, quorum nunc unum, nunc alterum, vel unum post aliud pro variis circumstantiis, & rei exigentia adhiberi facile possit.

Tres istæ, quarum memini, aquæ destillatæ aromaticæ interne adhibentur, ac modo ipsæ solæ præscribuntur, cochleari sumendæ, nunc adhibentur pro vehiculo vel menstruo seu constituyente diversarum mixturarum; ac demum pro additamento in aliquarum unciarum dosi faciendo mixturis.

### AXUNGIA PORCINA PURIFICATA.

Sumatur ADIPIS PORCINI quantum libet, demptis membranis, venulis, & fibris, & tamdiu aqua calida pura abluatur, donec clara nec amplius cruenta effluat; tum in frustula concisum igne leni liquefiat, & post exhalationem humidæ percoletur, & ab aeris injuria rite protegatur.

Eodem modo paratur.

### SEBUM OVILE.

Axungia interdum sola adhibetur ad usos externos, sed communius ad paranda UNGUENTA, LENIMENTA, EMPLASTRA &c. Sic etiam sebum ovile communius non adhibetur nisi tamquam pars ingrediens in ea quæ nuper dixi præparata. In iis locis,  
vel

vel eo tempore quo sebum ovile vel rarius sit, vel majoris dispendii, substitui potest SEBUM BOVIS, quod eadem ratione purgatur qua sebum ovile. Hoc seborum genus inservire utiliter potest in curatione pauperum ad omnes pene usus loco BUTYRI CACAO.

Axungia porcina cum vix ac ne vix quidem differat tam ratione principiorum, quibus constat, quam effectuum quos parit, ab aliis adipibus, ipsa sola pro omnibus usibus in pharmacopoliis sufficere potest; ideoque ab iis exulare deberet ea adipum multitudo, quæ in aliquibus locis adhuc servari solet non sine inutili pauperum dispendio. Ceterum illa, ut prosit, recens absolute esse debet, aut saltem talis ut non incipiat rancescere, cum alioquin in aliquibus præsertim circumstantiis non exiguum damnum afferre possit. Quare omnis diligentia adhibeatur oportet in ea requirenda & administranda, quæ optima sit & utilis esse possit.

### CUPRUM AMMONIACALE seu *Sulphas*

*cupri ammoniacalis.*

Rec. Vitrioli cœrulei uncias tres,

Aquæ communis ebullientis uncias novem.

Solvantur & solutioni paullatim addatur spiritus salis ammoniaci quantum satis est ut CUPRUM coeat, penitusque iterum solvatur in liquorem cyaneum. Liquor filtretur & in vase parum profundo lenissimo tantum calore evaporetur ad siccitatem. Crusta cyanea adhuc calida redigantur in pulverem, & statim immissa in vitro probe claudendo usui serventur.

Hoc remedium interne præscribitur a dimidio grani ad duo, & usque ad octo in pulvere eum liquiritia aut alio pulvere, vel etiam in pilulis. Ubi datur in pilulis ex mica panis conflatis, massa nomen habet PILULARUM CÆRULEARUM, sive ANTIVERNEARUM EDINBURGII. Aliqui putant hujus re-



medii usum sine ægrorum damno ultra mensem protrahi non posse. Quod tamen generatim non dicerem; cum ipse deprehenderim sine aliquo incommodo vel damno illius usum ultra mensem protractum fuisse. Illud certum est, maximi interesse hoc remedium cum cautione adhiberi, ejusque doses accurate præscribi quæ maxime sub initium exiguæ esse debent, ut in progressu gradatim & paullatim prudenter augeantur, intermittendæ vero prorsus, ubi oriantur effectus si-ve mala quæ diximus, ubi de vitriolo cupri sermo fuit.

Quod si progressu temporis remedium hoc præparatum proprium elegantem colorem amitteret, expediret illud conspergi & leviter conteri exigua copia spiritus salis ammoniaci.

Hæc præparatio etiam ex tempore institui posset hac ratione. In mortario vitreo conterantur duæ partes vitrioli cupri cum tribus alcali volatilis sicci, donec omnis motus cessaverit, & in massam uniformem & cyaneam abierit; & interea dum teritur massa conspergatur pauxillo aquæ. Hæc vero massa involvatur charta bibula, exsicceetur in frusto cretæ aeri moderato exposita, ac tum asservetur in vitro rite clauso. Alkali ammoniacale siccum eo ipso tempore colligitur, quo paratur spiritus salis ammoniaci tartarizati.

### ELECTUARIUM DIASCORDIUM.

Rec. Pulveris herbæ scordii uncias sex,  
 Radicis gentianæ drach. quindecim,  
 Angelicæ drach. quatuordecim.  
 Opii puri sufficienti vini generosi quantitate  
 soluti drach. sex.  
 Mellis optimi uncias quadraginta.

Melli in vase reposito & parum calefacto primum perfecte opium uniatur adhibito ligneo pistillo: dein pro-

protracta agitatione inspergantur per vices pulveres, omniaque misceantur ut fiat Electuarium uniforme.

Communitè præscribitur interne ab uno scrupulo ad duo & etiam ad drachmas tres solutum in aqua simplici aut aromatica, aut vino, vel alio vehiculo, & additur mixturis, cæterisque medicamentorum formis. Præscribitur etiam solum ore sumendum aut sub forma bolorum.

Si successu temporis electuarium hujusmodi nimis durum evaderet, tunc emolliendum esset non melle sed vino, quod observandum est etiam pro omnibus electuariis, in quibus opium ingrediatur, & quæ dicuntur opiata.

### ELECTUARIUM PRO PECORIBUS seu THERIACA DIATHESSARON.

Rec. Radic. gentianæ

Flor. chamomill. an. unc. duas.

Baccar. Juniperi unc. quatuor

Myrrhæ unc. duas

Hoc totum in pulverem redigitur, miscetur cum mellis depurati unciis duabus,

Et efficitur electuarium.

Huic quoque electuario opportunum duxi in hac pharmacopea locum concedere. Præscribitur autem a duabus & amplius drachmis, repetendum pro rei necessitate. Prodesse potest etiam hominibus præsertim applicatum externe regioni ventriculi.

### ELIXIR VITRIOLI ACIDUM AROMATICUM.

Rec. Spiritus vini rectificat. unc. sexdecim.

Instilla pedetentim, variisque intervallis.

Olei vitrioli rectificati unc. tres.

Per concussionem optime mixta digerantur per triduum; ac tum adde

K 2

Pul-

Pulveris crassi radic. Zingiberis

Folior. menth. piperitid. ana unc.  
unam.

Digere absque igne rursus per dies sex, & filtra.

Præscribitur hoc elixir a duodecim guttis ad viginti, quadraginta & usque ad drachmas duas, ut diximus de aliis ELIXIRIIS *Halleri* & *Dippelli*, iisdemque regulis atque cautionibus, quas pro iisdem adhibuimus.

ELIXIR AMARUM seu STOMACHICUM, s. BALSAMICUM TEMPERATUM, s. ROBORANS.

Rec. Aquæ menthæ piperitidis libram unam. In ea solve

Salis tartar. alcalini drach. duas,

Extract. gentianæ

Rohob Juniperi an. unciam unam, cui deinde adde

Olei essential. cortic. citri drachm. duas, sed prius soluti in spiritus vini unciis tribus.

Hæc omnia digestionem frigidæ commissa in vase clauso per horas viginti quatuor ponantur; decantantur deinde, & in vasis vitreis bene clausis asservantur.

Utimumur interne ab una drachma ad sex. Solum ipsum exhiberi solet, sed passim præscribitur sumendum in vino, aut aqua simplici aut alio vehiculo; vel additur aliquibus mixturis, & egregie vices explet plurium aliorum elixirium, vel tincturarum majoris pretii, & æstimationis, quæ sub aliis nominibus subministrari solent.

Verum est, salem tartari alcalini non semper esse posse absolute necessarium ad bonum exitum elixiris. Sed experimento didici, salis additionem utilem esse,

cum

cum semper conferat ad tenacius servandam combinationem & distributionem olei essentialis in liquido. Ceterum hæc de qua loquimur additio effici posset in pluribus casibus absolute necessaria, uti cum accidit debilitatem virium sociam habere in primis viis præsentiam acidi; hoc enim in casu additio salis alcalini non solum juvat, sed necessaria dici potest, ut continuo auferatur mechanicus stimulus, qui tamquam effectus causam fovere potest debilitatis continuato stomachi stimulo.

Hoc elixir efficacius reddi potes in aliquibus circumstantiis, si quædam portio tincturæ calami aromatici addatur. Sed illud curandum est, ut frequenter renovetur, cum facilis alterationis obnoxium sit.

### EMPLASTRUM ADHÆRENS.

Rec. Emplastr. communis libras duas,  
Resinæ puræ unc. quinque,  
Terebinthinæ unc. tres.

His igne leni simul liquefactis & bene mixtis efficiatur Emplastrum.

Hoc emplastri genus inservit protegendis vulneribus ab aeris externi contactu, iterumque conjungendis carnosis partibus divisis, aut laceratis, potissimum vero confert ad continendum curationum apparatus.

### EMPLASTRUM COMMUNE seu LYTHARGYRI, s. DIACHYLON SIMPLEX.

Rec. Lithargyri pul. libras tres,  
Ol. olivar. libr. sex,  
Aquæ commun. q. s.

Hæc coquantur leniter agitatione perenni; novaque addatur aqua calida loco evaporatæ, donec lythargyrum



dissolutum fuerit, nec amplius massa digitis adhæreat.

Hoc genus emplastri potissimum inservit pro basi aliis emplastris.

### EMPLASTRUM GUMMOSUM VULGO DIACHYLON CUM GUMMI.

Rec. Emplastri communis libras quatuor,  
Ceræ flavæ,  
Terebinthinæ an. unc. tres  
Gumm. ammoniaci  
Galbani an. unc. quatuor,

Gummata solvantur sufficienti aceti copia; percolata solutio coquatur usque ad consistentiam mellis spissioris; ac deinde simul fundantur emplastrum, cera, & Terebinthina. Tandem assidua agitatione commisceatur gummosa solutio, & fiat emplastrum.

Super particulam pellis, aut panni linei emplastrum extenditur, ac pro rei exigentia diversis corporis partibus applicatur. Non raro promptior efficitur ipsius operatio, si antequam applicetur, corporis partes accito aliquantulum fricentur.

### EMPLASTRUM VESICATORIUM

Rec. Ceræ citrinæ unc. sexdecim,  
Ol. olivarum

Terebinthinæ an. unc. septem.

His liquatis & aliquantulum refrigeratis admisceantur

Pulveris Cantharid. unc. undecim.

Hoc eadem ratione applicatur, quam nuper de altero dicebamus. Communis dosis pro quolibet vesicant-

cante duarum drachmarum est. Non raro tamen expedit etiam dimidium unciae adhiberi. Non semper eo fine applicatur, ut vesicam excitet, sed interdum solum ut rubefaciat. In primo casu passim per duodecim horas applicatum tenetur; in altero, paucarum horarum spatio.

Hæc species emplastri sæpe sæpius parari debet, ut semper recens emplastrum sit; alioquin vim suam amittit. Vis autem ipsius & effectus augeri potest, si emplastrum pulvere cantharidum conspergatur. *Keup* & *Selle* aliique monent, ut in aliquibus casibus hoc emplastrum aliqua dosi CAMPHORÆ misceatur tum ad augendam ipsius efficaciam, tum etiam ad arcenda aliqua incommoda, quæ interdum solent oriri.

### EXTRACTUM ABSYNTHII.

Rec. Herbæ absynthii exsiccati quantum vis

Coquatur in s. q. aquæ ad perfectam extractionem. Decoctum forti pressione percolatum evaporetur juxta legem artis, ut fiat extractum, quod a dimidio scrupuli ad unam drachmam & usque ad tres præscribitur.

Eodem modo præparantur quæ sequuntur.

EXTRACTUM CICHOREI ex tota planta passim utendo succo depurato, atque præscribitur ab uno scrupulo ad unam drachmam & usque ad sex.

EXTRACTUM GENTIANÆ ex radice, quod eadem fere dosi præscribitur, qua extractum absynthii.

EXTRACTUM QUERCUS ex cortice ramorum, quod potest etiam vices explere EXTRACTI TORMENTILLÆ, atque præscribitur a decem granis ad viginti, unamque drachmam

Sed sæpius præscribi potest utilius simul cum aliquo extracto amaro in varia dosi pro variis circumstantiis.

**EXTRACTUM SALICIS** ex cortice ramorum, eademque dosi fere præscribi potest, quæ datur extractum cichorei.

Hæc omnia extracta subministrantur interne, in aliquo soluta vehiculo, vel additis aliquibus mixturis, sive electuariis, aut in pilulis. Expedit speciatim in pilulis præscribi præsertim **EXTRACTA ABSYNTHII & GENTIANÆ**, cum hæc soluta saporem habeant maxime amarum, qui tolerari utpote nimis gustui molestus tam facile non potest speciatim ab ægris irritabilis vel delicatioris temperamenti. Accidit aliquando, ob amaritudinis qualitatem & indolem sine incommodis adhiberi non posse; quo in casu propterea magis prosunt amara gratiora.

Hæc etiam extracta loco constituentium esse possunt pro conficiendis diversis pilularibus massis; atque in hunc usum communius magis expedit adhiberi æconomix causa **EXTRACTUM SALICIS**. Ubi utendum sit extracto absynthii, cum hoc contineat aliquam partem salis ammoniaci, opus est illud contrectari in mortario vitreo.

Extracta amara, præsertim **ABSYNTHII & GENTIANÆ**, etiam externe præscribi possunt, ut reapse ab aliquibus practicis medicis præscripta sunt adversus symptomata molesta vermium, aliisque in casibus.

Res est experimento nixo vel ipsa theoria satis probata, non paucas substantias medicaminum systemati cutis applicatas ope præsertim frictionum parere effectus posse non multum ab iis dissimiles quos pariunt adhibitæ interne. Non pauca experimenta & observationes ex veteri medicina accepimus; multasque postremo evulgavit clar. doctor *Chiarenti*, quas quidem ob-

observationes a medico Florentino productas alii Italiae medici successu temporis ampliarent, inter quos recenseri potest *Professor Brera* in Ticinensi lyceo. Doctor *Chiarenti* pro bono exitu remediorum pro externis usibus adhibendorum necessarium esse censuit ea solvi in succo gastrico. Alii satis esse putarunt quemlibet alium humorem animale. Ad me litteras dedit doctor *Aloysius Frank* in Republica litterarum satis notus, quibus mihi nuntiavit doctorem *Chiarugi* medicum Florentinum peritissimum, qui præest curationi quadrigentorum & amplius maniacorum, plus quam viginti experimenta instituisse usu OPII simpliciter adipi conjuncto, atque in usum frictionis adhibiti, seque deprehendisse opium absque succo gastrico vim totam suam exercuisse. Similia experimenta non in opio tantum, sed etiam in aliis remediis ipsemet cæpi, eundemque effectum comperii. Jam in ea semper opinione versatus fueram, quod satis utilem actionem habeant remedia etiam externe applicata, utque ipsa interius insinuentur præsertim arida passim nihil opus habere nisi ut consocientur alicui substantiæ, non ita tamen ut crederem ad finem consequendum unicum menstruum esse posse opportunum, neque unum menstruum posse congruere solutioni remediorum diversæ indolis atque naturæ. Semper enim putaveram, ut ipsa experientia postea docuit, menstrua esse posse diversa pro diversa remediorum indole; ut propterea vel ipsa aqua sæpe esse queat menstruum satis idoneum.

Ceterum cum ex una parte succus gastricus extra animalium ventriculum habere nequeat actionem ac proprietatem aliam ab ea, quam habent ipsius principia constituentia; ex altera hæc ipsa principia cum nota sint polliceri nequeant aliquam singularem actionem & vim, concludendum esse videtur hoc menstrui genus utpote incommodæ & parcæ admodum acquisitionis, licet in aliqua circumstantia ut menstruum contemni non possit, cæteris tamen menstruis postponi



ni oportere, idemque magis dicendum de aliis animalibus humoribus.

Sed illud est certum, applicationem externam remedium lentius quidem actionem suam producere quam soleant interne adhibita, ea tamen etiam externe operari; immo in pluribus casibus opportunissimum esse posse & maxime utilem eorum usum externum, ut in infantibus, in ægris delicatioris naturæ summeque irritabilis ventriculi ad quemvis stimulum, vel invincibiliter abhorrentis ab usu medicamentorum, in quibusdam morbis ejus indolis, ut medicamina ore sumenda prohibeant, aliisque in casibus. Memini me adhibuisse felici sane successu chinam in substantia sub forma cataplasmatidis, ejusque decoctionem saturatam sub forma fomentationis, pro duobus infantibus, uno trium annorum, altero minoris ætatis, qui in magno vitæ periculo versabantur ob perniciosam febrem qua affecti fuerunt, & a qua liberati fuerunt per assiduam chinæ applicationem regioni ventriculi, aliisque abdominis partibus factam modo sub una, modo sub altera forma.

## EXTRACTUM ACONITI NAPELLI.

R. Herbæ recentis aconiti quantum vis.

In marmoreo mortario pistillo ligneo contundatur, succusque prælo expressus percoletur & decoquatur, donec fecula separetur; deinde liquor igne leni clarificatus iterum percoletur, & l - a - evaporetur ad extracti spissitudinem. Interea fecula exsicceatur & in pulverem subtilissimum redacta extracto diligenter commisceatur.

Eodem modo præparantur  
EXTRACTUM CICUTÆ &

## NASTURTII AQUATICI

Hæc extracta interne ea forma præscribuntur, qua præ-

præscribuntur extracta amara. **EXTRACTUM ACONITI** præscribitur sub initium ab uno grano, & lente dosis progreditur, & paulatim per vices usque ad unam drachmam, sed semper datur divisim. **EXTRACTUM CICUTÆ** eadem cautione exhibetur ut extractum aconiti, sed incipitur a tribus granis usque ad duas & etiam ad drachmas tres, ea tamen lege servata, ut præscriptio sistat per plures dies in prima dosi, & deinde maxime sub initium non augeatur nisi a dimidio grani vel ad granum per singulas vices. Quæ quidem regula exequenda est etiam in usu **EXTRACTI ACONITI**, & generatim cujuscumque remedii violentis & multum energici, aut suspecti. **EXTRACTUM NASTURTII** ab una drachma adhibetur ad quatuor drachmas. **EXTRACTUM CICUTÆ** præscribitur etiam interdum solutum in collutoriis, & etiam applicatum externe & in aliquo casu optimos effectus parit, si applicetur mixtum cum unguento mercuriali. Placet quibusdam præscribere **EXTRACTUM ACONITI** etiam in pulvere. Quo in casu, tamquam constituyente uti fas est pulvere liquiritiæ, non vero saccharo. **EXTRACTUM ACONITI**, ut & illud **CICUTÆ** non expedit adhiberi ut constituentia pro conficiendis pilularum massis, cum talia remedia sint, ut postulent accuratissimam dosium præscriptionem. Huic fini inservire potest **EXTRACTUM NASTURTII**. Tam vero **EXTRACTUM CICUTÆ**, quam **EXTRACTUM ACONITI** utiliora sæpe fiunt si præscribantur cum aliis remediis conjuncta, ut esset interdum eorum inter se mixtio, interdum cum mercurio dulci, cum sulphure aurato antimonii, cum china, aliisque corroborantibus amaris &c.

Quæ quidem monita circa rationem adhibendi hujus generis **EXTRACTA**, **ACONITI** scilicet & **CICUTÆ** numquam satis inculcari possunt. Quo enim sunt efficaciora remedia si rite adhibeantur, eo magis nocere possunt si inopportune, vel male administrentur,

ut

ut propterea eorum usus & justa dosis præscribi accurate debeat secundum effectus, & secundum circumstantias, quæ possunt emergere. Hinc quamvis maxime commendetur usus **EXTRACTI CICUTÆ**, attamen multorum judicio ab illius intemperanti creditur non pauca damna derivari, scilicet cardialgiam, syncopem, vertiginem, nauseam, abdominis inflammationem, membrorum tremorem, & totius corporis debilitatem. Ita censent *Hænius, Whyt, Schmucker* aliique. Qui mali effectus, vel saltem non multum diversi timeri aequè possunt ab usu præpostero **EXTRACTI ACONITI**. Repetendum est igitur maxima circumspectione in his remediis, eorumque præsertim dosi præscribenda opus esse. Nam si interdum hæc remedia vel intemperanter adhibita, vel ultra justas doses præscripta ea quæ sponte manare possent, incommoda non pepererunt, opinor id potius repetendum esse a mala remediorum præparatione, vel ab eorum ob vetustatem effæta jam vi, quam ab istorum remediorum non rite adhibitorum impunitate.

Tria autem quæ diximus extracta ut tota vi, quam naturaliter habent, operentur, opus est ea recentior quantum fieri potest parari, cum ultra anni spatium diutius non durent; opus est etiam usum præsertim **EXTRACTI ACONITI & CICUTÆ** non raro continuari per aliquot menses.

**EXTRACTUM CICUTÆ**, ut ait *Cl. Murray*, quod sit bonæ notæ, esse debet crassum, & fusco viridescens ingratisissimi odoris quasi a muribus. Sic etiam **EXTRACTUM ACONITI**, ut bene paratum sit, esse debet spissioris consistentiæ, coloris viridis-fusci, odorisque nauseosi sibi proprii.

Illud quoque moneo in præparatione trium extractorum de quibus loquimur, & generatim eorum omnium in quibus creditur opus esse contineri sæculam proprii succi, ab eo quem diximus processu absolute declinandum non esse. Hoc enim si fiat, extractum efficitur totum æqualiter lævigatum, & sine alteratio-



ne longe durabilius. Quod sane deprehendi non contingere, ubi instituaturs processus, qui passim adhibetur, quo nempe evaporatur succus cum fæcula.

Illud demum moneri volo, quod maxime necessarium existimo, ut in præparatione **EXTRACTI CICUTÆ**, multoque magis **EXTRACTI ACONITI**, dum herbæ pro extrahendo succo contunduntur, duratque evaporatio ejusdem herbarum succi, diligentissime caveatur, ne quantum fieri possit excipiaturs odor, vel vapores plantarum hauriantur, cum tam iis qui adsunt, quam multo magis operatori, non exigua incommoda accidere possint. Ipsemet expertus sum in præparando **EXTRACTO ACONITI** visus abolitionem, & lipothymiam. Quod aliis pariter contigisse in eadem operatione jam novi. Hisce similia incommoda contingere deprehendi etiam in præparatione extracti cicutæ. Quæ ut caveantur oportet prædicta extracta parari in aëre libero, & operantem ita consistere, ut ab eo fugiat aer, qui in operatione extractorum impleri solet plantarum vaporibus.

### FLORES SALIS AMMONIACI MARTIALES, seu *urias ferri ammoniacalis*

Rec. Salis ammoniaci unc. sex

Solvantur in vase terræ anglicanæ, aut vitreo in  
s. q. aquæ destillatæ

In hac solutione additur

Limaturæ martis puræ unc. dimidium

Postea per aliquot dies in fusione relinquitur, deinde lentæ ebullitioni exponitur, intereadum in eodem vase limatura agitatur spathula lignea, novaque additur aqua prout ipsa evaporatur, & donec ferrum solutum sit. Liquor deinde filtratur & evaporatur usque ad siccitatem. Obtena massa in pulverem teritur, qui asservatur in vitro accurate clauso.

Hoc remedium interne præscribitur in pueris a dimi-



midio grani ad unum, ad tria, in adultis a quinque granis usque ad drachmam unam; præscribitur vero cum aliquo ingrediente tamquam simplici constituyente, ut cum pulvere liquiritiæ aut altero; sed communius miscetur cum pulvere indoli ægritudinis opportuno, pro qua dicti flores præscribuntur. Dosîs autem prædicta cautè & divisim præscribatur, & augeatur. Solent etiam præscribi soluti in aliquo congruo vehiculo, & addi alicui mixturæ vel alicui electuario. Adhibitos fuisse constat, licet raro, solutos etiam pro usibus externis.

FLORES ZINCI seu *oxidum zinci sublimatum*.

Rec. zinci in frustula redacti libram unam.

In crucibulo trigono, triplo capaciorem medias inter prunas collocato, & tegula cooperto fundatur: fluens, igne incitato folle & ablato operculo, luculentam viridis coloris flammulam concipiet: tum aliud crucibulum æque magnum ejusdem figuræ, inversum priori eum in modum imponatur, ut tres anguli inferioris crucibuli pateant, ac ita liber concedatur aeri accessus: ardens metallum elevabit flores candidos, levissimos partim cavitati superioris crucibuli, partim lateribus inferioris se se affigentes, partim etiam hærentes in superficie zinci; tum remoto superiori crucibulo flores cochleare ferreo leniter eximantur, & in patina figulina nitida collocentur. Denique crucibulorum apparatu iterum restituto, ut antea factum est, idem labor repetatur, donec totum zincum in flores conversum fuerit.

In eximendis hisce floribus superficies zinci fluentis plerumque tangitur spathula; quod quidem necessario requiritur, cum nisi fiat semper maneat ZINCUM in statu fluiditatis in crucibulo sine inflammatione & conversione in flores. Per contactum autem superficiei ope spathulæ zincum ardere iterum incipit,

pit, & oritur æqualis copia calcis lanuginosæ. Inflammatio vero & ortus calcis zinci tamdiu continuatur donec tota copia zinci in ejusmodi calcem mutata fuerit.

Flores zinci summa quoque cautione auferendi sunt e crucibulo, ne ab inflammato metallo quidpiam ipsius transeat in flores. Ceterum in hac operatione caveat operator, ne fumum excipiat, cum id nocere posset ejus saluti.

Quod si flores satis albi non appareant, per exiguas portiones injici poterunt successive in aliud crucibulum candens & calcinari, donec debitam albedinem acquirant.

Flores demum collecti immittantur aquæ ut abluantur; si quid enim forsitan zinci adhuc incombustum commixtum sit, hoc in fundo vasis remanebit, intereundum calx zinci agitata cum aqua & panno laneo percolata postquam aqua defluerit hærebit in panni superficie, quæ deinde colligi debet & exsiccari ad umbram, & in vasis vitreis rite clausis collocari.

Interne fere semper præscribuntur flores zinci in pulvere cum saccharo, vel cum magnesia in pueris ab una quarta unius grani parte ad dimidium una duabus vel tribus vicibus in diem; in adultis ab uno grano ad sex, decem & usque ad viginti, caute tamen præscriptis & divisim, cum aliquando si incaute, maxime in dosi, præscribantur nauseam & vomitum aliæque symptomata excitare possint & reapse excitarint; ut propterea dosim minui necesse sit, ubi pro aliqua circumstantia similes effectus producant.

Non raro zinci flores adhibentur etiam externe a dimidio scrupuli usque ad aliquam drachmam, interdum in aqua soluti ad instar collyrii, sed sæpius sub unguenti forma ope adipis; interdum vero adhibetur simplex pulvis ad conspergenda diversa ulcera, aut alios partium corporis morbos. Adduntur etiam quibusdam unguentis.

Quidam Anglicus medicus existimat tam pro in

ter-

ternis quam pro externis usibus longe utilius prodesse usum calcis zinci, quæ a vitriolo albo ope alicujus alcali præcipitata fuerit, quam calcem zinci prædictam. Ego tamen nostram semper præferrem, ut magis innocuam & simplicem, magisque a periculo remotam.

Observatum fuit, hanc etiam præparationem adulterari consuevisse per mixturam cretæ, aut ostrearum calcinatarum, aut magnesiæ. Generatim an commixta sit alicui terræ absorbenti, dignosci potest ab effervescentia, quæ in hisce casibus oritur ab actione acidorum, cum passim ad adulterationem adhibeantur terræ in statu carbonatum; detegi etiam potest an præparatio contineat prædictas terras, excepta magnesia, tum etiam ad eas detegendas quamvis in ipsa existerent terræ acido carbonico destitutæ, per hoc experimentum. Digerantur in parva portionē acidi nitrici flores zinci, de quibusdubium est. Liquor deinceps filtratur, eidemque adduntur aliquæ guttæ acidi vitriolici. Ubi flores zinci nullius generis calcem contineant, nulla oritur liquidi perturbatio. Ex adverso præcipitatum album, quod in vero gypso consistit, oriri videtur. An vero magnesia commixta sit, hac alia ratione cognoscitur. Flores zinci cum acido nitrico digerantur eo modo quem diximus; si loco acidi vitriolici addatur filtrato liquori aliqua gutta spiritus salis ammoniaci caustici sive ammoniacæ puræ, continuo conspicitur alba nubecula aliquid magnesiæ continens; ubi vero nihil magnesiæ sit, immutatus liquor permanet.

Denique flores zinci, qui necessaria albedine instructi sint, non obtinentur nisi a zinco ex Ostindia quod optimum est, vel ex Indiis Orientalibus, cum illi qui habentur a zinco Goslariensi sint flavi ob plumbum fortasse quod in zinco contineatur. Generatim autem cognoscitur, flores zinci bene paratos esse & haustos ex zinco genuino, cum ipsi se produnt in calce alba, levi, subtili, insipida, inodora, acquirente co-



lorem in igne flagrante flavum, frigefacta vero iterum acquirente albedinem, nec cum acidis effervescente.

### HEPAR SULPHURIS, seu *sulphuretum potassæ*.

Rec. Sulphuris citrin. pul. unc. unam.

Salis tartari alcalin. unc. duas.

Simul mixta in crucibulo ponantur, ut sufficienti ignis gradu fluant; caveatur tamen, ne massa accendatur. Hæc probe unita, dum scilicet colorem hepaticum nacta est, odoremque ovi putridi spirat, auferatur e crucibulo, ab eoque exempta & frigefacta continuo collocetur in vitro accurate claudendo.

Hoc remedium interne præscribitur a sex granis ad viginti ad dimidium drachmæ, & etiam interdum ad quatuor drachmas in diem. Sed raro contingit ægrum, etiamsi bono, ac forti stomacho instructus sit, prædictam dosim tolerare posse, quin vomitus exciteatur; quo in casu aut minuenda dosis est, aut prorsus usus intermittendus. Hoc remedii genus nunquam præscribendum esset in pilulis vel in pulvere, cum ejus indolis sit ut ab aeris contactu facile liquefiat, & alteretur. Attamen ob ipsius qualitatem summe nauseosam, fœtidam, & molestam, quam acquirit speciatim solutum, expedit passim illud adhiberi sub dictis formis, scilicet in pulvere in nubeculis suscipiendo, aut in pilulis nubecula pariter involvendis, ut minori incommodo ab ægro deglutiantur. Observandum tamen illud est, sive sub una, sive sub alia forma præscribatur, præsertim autem in pulvere, præscribendam esse per singulas vices eam tantum portionem, quam continuo ægrotus sumere debeat. Ceterum ubi promptior effectus desideretur, semper oportet illud solutum præscribi, nihil obstante ejus sapore ingrato & molesto, quem maxime sub hac forma habere solet, idque magis necessarium, cum



præscribendum esset in venenis assumptis corrosivis metallicis; ut in arsenico, mercurio sublimato corrosivo ec.; quem in usum hoc remedium magis prodest quam simplex sulphur. Nitendum vero est, ut cum solutum præscribitur, ipsius sapor maxime ingratus mitigetur per additionem alicujus syrupi, vel mellis vel sacchari, aut alterius substantiæ.

Nostrum sulphuris hepar explere vices potest *HEPATIS Hanemanni*, nuper ab eo commendati ad cohibendam incommodam salivæ emissionem, quæ subsequitur mercuriales curationes. Cum primum invaluit hujus remedii usus, idem & ipse experiri volui, atque hæc quæ sequuntur mihi contigit observare. Deprehendi sane, ab eo manasse optimos effectus in tribus speciatim casibus, in quibus non valuerunt alia remedia: sed simul etiam cognovi, hoc remedium non habere constantem & certam actionem. Sex quoque observationes, quæ hujus remedii usui maxime favent, egregius doctor *Volpi* vulgavit. Attamen si observationibus adhæreamus aliorum illustrium practico-  
rum, ut sunt *Moscatti* & *Palletta*, dicere cogimur hoc remedium nullam fidem mereri, cum ipsi testentur se inutiliter eodem usos esse, idemque testetur etiam doctor *Aloysius Frank*. Ut ut ressit, illud est certum, in simili casu ex æquo operari hepatem sulphuris nostrum, ac operetur *HEPAR Hanemann*. Cum vero præscribitur hepar sulphuris ad cohibendam salivæ emissionem, post illius usum singulis vicibus sumendus est potus aquæ satis acidæ redditæ; cui in re nostra inservire potest acetum; in eum finem, ut *GAS HEPATICUM* explicetur, a quo dictus *Hanemann* effectum, de quo agitur, pendere arbitratur.

At ego observavi, in hunc usum & ubi agitur de sumptis venenis utiliore esse usum *AQUÆ GAS HEPATICI* refertæ, quam si hepar sulphuris adhibeatur. Hac ratione usus omittitur potionum acidarum, cum præscribitur ad continendam salivæ copiam in prædictis casibus.

Ut vero frænetur hæc salivæ emissio, quæ oritur ab usu remediorum mercurialium, magis expedit juxta observationes & experimenta cl. *Hunter* aliorumque recentiorum usus collutoriorum, vel liquorum ore tenendorum stimulantium, ut in re nostra esse posset decoctio quercus, aut salicis, aut duarum istarum decoctionum conjunctio, vel aliæ similes nunc solæ, nunc cum additione alicujus dosis laudani liquidi. In hisce casibus maximo cum fructu se adhibuisse testatur excellens medicus *Borda* spiritum vini aqua diluti. Postremo observatione constitit & proposita fuit tamquam remedium multum efficax ac tutum pro cohibenda dictæ salivæ abundantia mutatio præparationis mercurialis in ægroto. Creditur, hoc modo accelerari præterea ægri valetudinem. Illud est certum, hunc usum exequendum esse caute & attente pro gradibus vis & energiæ indolisque diversarum præparationum. In hanc rem varias observationes collegit Professor *Brera* in opusculo ab ipso edito.

Sed ut redeamus ad hepatem sulphuris, moneo præterea cum maxima utilitate in pluribus morbis etiam externe adhiberi solutum in aqua, tam in ablutione, quam in balneo. Ipsum solum in aqua solutum **BALNEUM HEPATICUM** constituit, sive **BALNEUM SULPHURIS ARTIFICIALE** valde proficuum; uncia hepatis sufficere potest pro quolibet balneo.

Alium pariter utillimum usum habet. Inservit scilicet arte parandis adeo utilibus **AQUIS HEPATICIS**, quæ naturalium vim imitantur, quæ tamquam optima medicamenta potu sumendæ præscribuntur, & adhibentur etiam externe in ablutione, vel balneis, & tamquam præterea chemicum criteriûm. In eo vero sita est operatio, ut aqua repleatur gas **HEPATICO** sive *gas hydrogenio sulphurato*, quod obtinetur ope acidi muriatici, & hujus defectu ope acidi vitriolici diluti cum aqua super hepatem sulphuris affusi; tum gas explicatur quod opportuno apparatu colligitur, & combinatur cum aqua; sed illud est observandum, pro

quolibet usu hæc adhibeatur, oportere ipsam toties parari, quoties est adhibenda, cum ipsa parata ultra diem non duret, & ea præterea cautione ut protegatur a contactu aeris atmosphærici.

Indicia præcipua bonitatis hepatis sulphuris hæc sunt. Melius est illud quod habet magis rubeum colorem; quod ovi putridi odorem redolet, & cujus odor augetur, si hepar in aqua solvatur; in aqua vero plane solubile est, & in aqua solutum minime in colorem lacteum solutione mutatur; ita ut solutio maneat clara & defæcata, & quod demum per trituram colorem acquirat flavum.

Cum hoc præparatum tam facile ad contactum aeris communis alteretur, satis inculcari non potest maxima diligentia, qua utendum est in eo custodiendo rite clauso; qua nihil obstante tutius semper erit sæpius quantum fieri possit illud parari.

### LAPIS CAUSTICUS, seu *potassa fusa*.

Rec. Lixivii caustici quantum placet.

Destillatur in retorta vitrea donec consistentia pulvis acquiratur. Tum in crucibulo rite polito-immittitur, ignique exponitur ut evaporatio perficiatur. Sub initium ebullit & explicat aliquas aeris bullas, deinde quiescit & subsidet. Tum tempus est affundendi salinam massam super laminam ferream prius calefactam, & dum adhuc calet scinditur in fragmenta variæ magnitudinis, sollicitè vase vitreo & probe obturato occludenda. Quo diutius materia ad ignem fluxit, eo solidiorem consistentiam sibi comparat.

Hæc præparatio generatim dici potest usibus chirurgicis destinata; eaque applicatur in variæ magnitudinis fragmentis pro variis circumstantiis, ubi conficiendum sit cauterium. Soluta in aqua proposita fuit pro remedio applicando adversus morsus inflictos a rabidis animalibus. Solet etiam in aqua soluta laudari

pro

pro injectionibus adhibenda, caute tamen, & in dosi duorum granorum ad sex pro singulis sex unciiis aquæ; quæ dosis augeri interdum potest, pro ut casus postulat magis minusve validam solutionem. Ceterum dosis semper est ea minor, quæ præscribitur pro solutione adhibenda in morsibus animalium rabidorum. Sed in hoc hydrophobiæ morbo etiam interne præscripta est in dosi quatuor granorum usque ad sex grana soluta in duabus vel quatuor unciiis aquæ repetenda ter, vel quater in diem.

Opus est autem, a pharmacopola hoc remedium distribui in vasis bene clausis satis accurato epistomio; ubi vero soluta adhibeatur, utendum esse pro solutione aqua destillata.

### LAPIS INFERNALIS, seu *nitras argenti fusus*.

Rec. Argenti probe cupellati limati quantum placet.

Dissolvatur in acidi nitrici purissimi s. q. Solutio filtrata leni calore ad siccitatem usque evaporetur. Sal hoc acquisitum & exsiccatum ampliori crucibulo immittatur, & igne leni fundatur, caveaturque ne aliquod corpus combustibile in ipsum cadat. Materies primo tumet, & vapores profunde rubros emit; sub horum vero emissionem iterum subsidebit, & deinde quiete fluet & sine vaporibus ad instar olei nigri. Hæc postea effundatur in modulos ferreos cylindricos & prius calefactos oleo illitos. Frigore concreta massa eximatur, quæ nigra & compacta esse debet; alioquin iterum liquefacienda in crucibulo & effundenda, & ubi res bene cesserit, servetur in vase bene clauso adversus aeris injurias.

Notum jam est, lapidem hunc pro solis externis usibus adhiberi ut potentissimum omnium escharoticorum, ac partes corporis tangi vel per ipsum solum, caute tamen, nec nisi chirurgi manu, vel adhiberi solutum in aqua destillata. Sub qua forma eo



uti possumus eodem prorsus exitu, ubi BUTYRUM ANTIMONII adhibeatur. Cum adhibetur solutus ad exsiccanda ulcera & fistulas ac vel ipsam fistulam lacrymalem, dosis excedere non debet ab aliquibus granis ad dimidium drachmæ pro octo unciiis aquæ destillatæ. Aggressi sunt aliqui ipsum præscribere etiam interne. At prudentius videtur ab usu ipsius interno abstinere.

Lapis infernalis granorum triginta quinque continere debet acidi nitri grana duodecim, & argenti grana viginti tria. Is applicatus parti animali crustam albam continuo excitare debet; esse debet lapis coloris incano-fusci vel fusco-nigri, leniter fragilis, & interne texturæ radiatæ, cujus radii ad centrum se se convergant. Lapis infernalis, qui externe sit tantum incanus, & difficile fragilis, sine interna illa radiata textura, plerumque est inefficax. Nimium enim acidum amisit, & in præparatione nimis diu in fluxu mansit. Æque vitiosus est ille, qui habet colorem viridem, & humescit in aere; habet enim exiguam vim corrosivam, redditque pejoris qualitatis vulnera, quibus applicatur. Prodit autem se paratum plerumque ex argento cuprum continente, quæ mixtura vel ut dicitur etiam mangonisatio mox apparet, si addatur spiritus salis ammoniaci, & subito acquiratur ab ipso color viridis cœlestis.

LIMATURA MARTIS PRÆPARATA seu ALCOHOLISATA, s. CHALYBIS PRÆPARATIO, s. ÆTHIOPS MARTIALIS, s. *Oxydum ferri nigrum*.

Limatura ferri aeri libero exposita sæpius irroretur aqua & agitetur donec exesa fuerit in rubiginem, deinde exsiccata in pulvisculum subigatur, uti de antimonio crudo dictum fuit. Sic calx sive CROCUM MARTIS paratum cum oleo oliyarum vel alio quocumque in massam commisceatur, & immittatur crucibulo. Operculo aptato, lutoque simplicis

plicis cretæ conjuncto subministretur ignis, sensimque augeatur, donec fumus nigricans ex luto non amplius exeat. Denique materies frige facta leviter teratur, & in vase vitreo bene obturato reponatur, & ab aere, & ab humiditate protegatur, ne rubiginem contrahat.

Ferrum sic paratum iterum attrahitur a magnete, & in acidis dissolvitur, & ad maximam ac necessariam subtilitatem deductus reperitur, tutioresque sumus illud non esse alicui acido vel alcali commixtum. Qua de re certi esse non possumus, ubi adhiberetur calx sive oxydum præcipitatum a sulphate ferri cum alcali, quæcumque demum diligentia in eo abluendo impenderetur, vel ubi alius processus adhiberetur.

Interne præscribitur maximo cum fructu a quinque granis ad scrupulum unum & usque ad unam drachmam tam in simplici pulvere conjuncto cum aliquo constituyente uti cum saccharo, pulvere liquiritiæ, magnesia &c. aut cum remediis aromaticis, quam in bolis, aut additum alicui electuario. Si cum exhibetur in bolis aut pilulis, in his vel illis conficiendis adhibeatur extractum amarum, oriuntur **PILULÆ MARTIALES SYDENHAMI**. Cum vero in pulvere præscribitur, id est exequendum quod diximus de præscriptione **ÆTHIOPIS MINERALIS**.

In præscriptione hujus remedii, ubi præsertim per aliquam hebdomadam, quod sæpius fieri expedit, continuandus sit usus, oportet illud conjungere cum amaris, aromaticis, aut spirituosius remediis ex c. cum china, aut alio chinæ succedaneo, anisi, elæosaccharo &c. cum sine hac cautione sæpe stomachum vexet, reddatque difficilem digestionem. Huc revocari possunt quæ dixi in opusculo **CHINÆ LUTEÆ** pag. 116. 17. Expedit quoque usum hujus remedii ab exigua dosi inchoare; dosis autem quæ præscribitur, per vices seu divisim sumenda est. Nam doses per vices exiguæ maxime in continuato usu semper

præstant quam largiores. Hisce cautionibus diversa incommoda caventur, quæ oriuntur ab usu istius remedii, quod certe efficacissimum est, ubi rite administretur.

Sub usu ejusdem remedii interdum urina ægrotorum conspicuum nigrum colorem accipit ab acido stiptico seu gallaceo. Hunc nigrum colorem interdum exhibent vel ipsa excrementa. Hos duos FERRI effectus ipsemet non semel, sed pluries deprehendi, qui effectus ab aliquibus spectantur ut fausta indicia boni exitus actionis ferri.

LIQUOR ANODYNUS MINERALIS *Hoffmanni* ;  
seu *Aether sulphuricum alcoholisatum*.

Liquor anodynus non consistit nisi in solutione ætheris in alcohole: hinc ex tempore paratur hic liquor, si æther vitriolicus cum dupla parte alcoholis vini misceatur. Hoc modo acquiritur liquor anodynus ejusdem semper perfectionis & efficaciam.

Præscribitur vero ut solet ÆTHER VITRIOLICUS.

Pharmacopolæ qui pro variis circumstantiis, in quibus versari possunt, sibi comparare ab aliis coguntur chemicas præparationes, abstinere deberent ab emptione liquoris anodynii, & cum ipsi hujus præparati opus haberent, satis esset eos emere ætherem & per se ipsos ipsum diluere cum alcohole, cum operatio sit admodum brevis, & a quolibet facile exequenda. Sic enim habebunt ipsi liquorem anodynum certo & semper constantem vi sua & bonitate, cum alioquin valde differre possit in his qualitatibus liquor anodynus ab aliis comparatus.

## LIQUOR CORNU CERVI TEREBINTHINATUS,

seu

*Terebinthinas ammoniacalis Cornu Cervi.*

Rec. Acidi Terebinthinæ,

Aquæ destillatæ an. unc. sex.

Misceatur, & in vitreum vas satis amplum immitatur, & addatur paulatim, vas subinde caute agitando, salis Cornu Cervi sufficiens quantitas ad perfectam saturationem. Liquor deinde balneo arenæ digeratur per aliquod tempus calore lenissimo, & postquam refrigererit, exploretur an satis saturum sit, & nisi perfecte sit saturum, addatur quidpiam illius principii, cujus opus habet ad perfectam saturationem. Bene saturus filtretur liquor per chartam superinfundibulum vitreum, charta vero qua utendum est antea madefieri debet cum aqua, ut transitum oleo prohibeat quod explicatur a sale Cornu Cervi, ac tum pro usibus asservatur.

Hoc remedii genus usitatissimum est, & inter ea efficacissimum quæ chemia medicinæ suppeditet. Interne in pueris præscribitur a quinque guttis ad viginti; & in adultis a quindecim ad triginta guttas ad duos scrupulos, & usque ad duas drachmas aut simpliciter cum aliquo vehiculo pro circumstantiis opportuno, aut additum aliquibus mixturis. Sæpe præscribitur etiam cum aliis remediis, ac tum sæpe utilius evadit, ut cum laudano liquido, æthere, liquore anodino &c. & cum liquore anodino additur, mixtio æquivalere potest liquori arthritico *Eller*. Si fortior liquor desideretur, facile paratur, si minori aquæ copia diluatur acidum terebinthinæ.

Liquor Cornu Cervi Terebinthinatus, qui aliud non est nisi sal neutrum solutum, excellens remedium est, quod in curatione præsertim pauperum substitui potest LIQUORI C. C. SUCCINATO, seu liquori pa-

rato



rato cum ACIDO SUCCINI loco acidi terebinthinæ. Multa argumenta, quæ fortasse simul collecta, si per otium licuerit, vulgabo, me cogunt ad credendum ACIDUM TEREBINTHINÆ multum analogiæ habere cum ACIDO SUCCINI, atque ex ipsa praxi evidenter deprehendi liquorem Cornu Cervi paratum cum acido terebinthinæ diverso modo non agere, immo eandem efficaciam habere cum liquore parato cum acido succini. Quod quidem non solum testatum faciunt plures observationes quas ipsemet per usum hujus remedii feci, sed aliæ quoque quæ, me instigante, habitæ sunt a peritis medicis omnique fide dignissimis. Quæ sane omnia comprobant hujus succedanei remedii utilitatem, cum ex una parte vilissimi pretii sit ratione habita præparati cum acido succini, ideoque pro pauperibus speciatim valde opportunum, ex altera parte habent medici in promptu remedium satis efficax & satis tutum, cum absit periculum ne ipsum adulteratum sit, quod non raro contingit in præparato cum acido succini.

Acidum terebinthinæ facile & sine dispendio obtinetur eo ipso tempore quo destillatur OLEUM TEREBINTHINÆ, ac tum appellatur communiori vocabulo PHLEGMA TEREBINTHINÆ.

Hunc liquorem paratum cum acido Terebinthinæ loco acidi succini præferendum esse censeo etiam liquori præparato processu *Loeuvre*, quamvis vel ipsi *Pipenbring*, *Goettling* & *Dollfus* hunc maxime commendarint. Puto enim, nostrum multo præstantiorem esse, easque dotes omnes habere, quæ requiruntur ut vices vere expleat præparati cum acido succini.

Color demum liquoris Cornu Cervi succinati esse debet jucunde aureus, non fuscus; hoc enim indicium esset, nimium salis C. C. in eo reperiri. Quod quidem criterium inservit etiam pro nostro liquore parato cum acido terebinthinæ.

# LIXIVIUM CAUSTICUM, seu *potassa fluida*.

Rec. Calcis vivæ libram unam; Super infunde paulatim aquæ destillatæ libras sex; adde vero ebullitione cessante salis tartari alcalini uncias sex. Coquantur in hebetæ ferreo, donec lixivium pennam anserinam eidem immissam rodât; tum massa diluatur cum sufficienti aquæ destillatæ copia, & filtretur. Residuum quod super feltrum manet, ebullitioni exponatur duabus vel tribus vicibus, donec omni sale careat, quod in se continebat, ope aquæ puræ, & singulis vicibus liquor filtretur. Singula vero lixivia simul juncta per destillationem in retorta vitrea super ignem concentrentur.

Nullius vel pene nullius usus hic liquor est apud medicos & chirurgos, sed potius destinatus videtur præparationi LAPIDIS CAUSTICI, SULPHURIS AURATI ANTIMONII &c. Quibus in usibus semper expediet, eo tempore parari quo utendum est.

Verum equidem est per hunc processum adhibitum, qui propositus est, lixivium complecti posse non exiguam copiam calcis ob magnam aquæ copiam impen-sam, & ob iteratas ebullitiones. Sed cum ex altera parte sit verum, calcem quæ contineri potest facile per concentrationem, cujus nuper memini, deponi ac inde separari, nihil obest hæc difficultas adversus processum a nobis propositum. Ex hoc vero ea quoque utilitas oritur, ut totum ex calce alcali extrahi possit, quæ non obtinetur per alios processus, quos alii ceteroquin sapienter & doctè proposuerunt.

Ceterum cum in omni processu, qui instituatur, interdum contingat, ut lixivium non careat omni prorsus aere fixo sive acido carbonico, nec interdum omni prorsus portione calcis in solutione, hinc juvant criteria ac media pro impuritatibus hisce agnoscendis, ac ab iis pro liberando lixivio, quæ sunt quæ sequuntur. Si fiat effervescentia cum acidis (abstine tamen

ab usu acidi sulphurici concentrati, ne illusio fiat ) vel melius etiam si lactiginosa efficiatur & præcipitetur aqua calcis recenter parata, tum indicium tutum erit lixivium non esse ab acido carbonico omnino liberum. Tum ut penitus ipsum extricetur, ebullitioni exponendum est cum nova portione calcis, vel melius tantum aquæ calcis addendum, quantum opus est ut perturbatio cesset; & liquor filtretur, vel decantetur. Qui usus aquæ calcis maxime convenit, ubi lixivium non nisi exiguam quantitatem acidi carbonici contineat. Ut vero detegatur an lixivium causticum quidpiam contineat solutæ calcis, addi debet aliqua portio solutionis salis tartari alcalini aereati sive carbonatis potassæ, ac tum nascitur liquoris perturbatio, sive præcipitatum album; utque a calce liberetur, satis est addere tantum solutionis carbonatis potassæ, quanta opus est ut desinat perturbatio aut præcipitatio, ac denique procedendum ut supra ad decantationem vel filtrationem lixivii.

MAGNESIA ALBA AEREATA, seu *carbonas magnesiæ*.

Rec. Salis anglici amari libras duas. Solve in  
Aquæ destillatæ fervidæ libr. decem.  
Per chartam bibulam filtra. Tum

Rec. Sal. tartar. alcalin. libras duas. Solve in  
Aquæ destillatæ libr. octo & filtra.

Solutione salium peracta sal tartari tam diu sali anglico instillatur, donec liquor non amplius turbetur, sed clarus remaneat. Hac ratione mixti liquores omnes in vase non metallico ebulliant per horæ quadrantem, agitentur spatula lignea, deinde filtrentur. Tum massa alba quæ superest tamdiu in aqua communi ferventi abluatur, & edulcoretur, donec prorsus insipida fiat, & donec hæc aqua ab instillato ace-



to saturni non amplius turbetur. Exsiccetur denique pulvis, & servetur ad usum.

Lixivium inter præcipitationem ortum continet **TARTARUM VITRIOLATUM**, quod ope crystallisationis ex decantatis aquis obtineri potest; ea tamen cautione adhibita, ut antea exploretur an lixivium perfecte sit saturum. Alioquin opus est affundi sufficientem portionem acidi sulphurici diluti.

Magnesia, quæ rite parata sit & sit genuina, hisce characteribus insigniri debet. Esse debet pulvis levissimus, tenuissimus, albissimus, tam levis & laxæ cohærentiæ, ut digitos tangentes inquinet, nulla ignis vi in calcem vivam convertendus, effervescens vehementer cum acidis, saporis blandi seu potius nullius, purus, & plene edulcoratus; quod sequenti certissimo signo dignoscitur, si nempe color immutabilis maneat mixturæ cum **RHEO**. Esse debet præterea magnesia integre solubilis in acido sulphurico diluto, salemque constituere amari saporis, & facile & integre in aqua solubilem.

Præscribitur magnesia interne magno cum fructu. Hac una terra absorbente expleri vices possunt omnium **ALIARUM ABSORBENTIUM**, immo omnibus aliis præferri debet & in pluribus casibus vel ipsis **ALCALI**. Hujus vero prælationis super alias absorbentes terras, nec raro super ipsos alcali, rationes sunt potissimum hæ duo quæ sequuntur. Nam primo magnesia nullum vel exiguum pondus affert ventriculo, nullaque secum trahit ex iis incommodis, quæ oriuntur ab aliis terris absorbentibus. Qua in re lectu sunt dignæ, inter cæteras, observationes quas refert *Baldinger* in **PHARMACOPEA EDIMBURGENSI CUM ADDITAMENTIS BREMÆ** 1784. p. 323. 24. Imo magnesia facillime solvitur ab acidis quæ sunt in primis viis, quod cum sit ea quoque utilitas obtinetur, ut dum causa removetur plurium malorum effectuum, simul ipsa in salem abeat, qui alvum blande, tuto, absque omni æstuatione relaxat,

ut



ut propterea acescens saburra non infringatur modo, sed etiam eodem remedio evacuetur; quod frequentius multum prodest. Quæ sane utilitas ab aliis terris absorbentibus non habetur, sed potius gravamen, stomachique molestia. Altera ratio hæc est. Non parvi interest in pluribus casibus magnesiæ calcinatam magis quam aereatam adhiberi, ut dicam postea; atqui in his uti non possumus absque periculo creta aliisque tersis absorbentibus, cum magnesiæ licet calcinata nullam acrimoniam acquirat, acrimoniam vero acquirat creta & aliæ prædictæ terræ calcinatæ sive acido carbonico destitutæ, quæ propterea adhiberi nequeunt sine periculo; idemque dicendum de salibus ipsis alcalinis in statu caustico, nisi saltem adhibeantur in minima dosi & sub quibusdā cautionibus, cum nimis caustici illi efficiantur, ob jaçturam quam faciunt, eorum acidi carbonici.

Magnesiæ aereata præscribitur dosi unius scrupuli ad duos ad unam drachmam, & usque ad tres. Ab aliquibus usque ad drachmas sex præscripta fuit. At ego censeo, dosim hanc magnam absque utilitate præscribi; immo cum inutili dispendio, inutilique ægroti molestia, cum pro certo habeam, non solum opus non esse hujus postremæ dosis, sed nec dosis quidem quæ unam drachmam excedat. Siquidem deprehendi, hanc magnesiæ copiam posse in salem neutrum convertere magnam acidi copiam, ubi agatur de acidis analogiam ad illud habentibus, quod in primis viis liberum existere potest: generatim enim non videtur posse contingere, ut major acidi quantitas ibidem contineatur, quæ majorem dosim una drachma jam dicta postulare possit. Ex quo fit, ut si majori quam opus sit dosi præscribatur, non solum hæc dosis inutilis fiat, sed esse possit etiam stomacho incommoda. Ipsa præscribitur interdum mixta cum aliquo vehiculo, sed communius in pulvere. Ipsa vero & sola adhibetur, & aliis remediis conjuncta, præsertim tonicis seu stimulantibus. Id quod

quod in aliquibus circumstantiis multam affert utilitatem.

In usibus medicis ea magnesia semper est adhibenda, quæ ex SALE AMARO præcipitata fuerit, nunquam illa quæ in commercio invenitur sub nomine PULVERIS, ut ajunt, CATHOLICÆ, seu MAGNESIÆ NITRI, cum ista sit fere semper impura; ut ipsemet sæpius deprehendi variis captis experimentis circa pulveres istos, qui in commercio inveniuntur sub dictis vocabulis. Hinc pharmacopolæ, qui magnesiæ ab aliis emere coguntur, certiores sint oportet ipsius puritatis, cum possit contingere, ut ipsa ob plures substantias heterogeneous impura sit. Frequentior est ipsius impuritas ex calcis mixtione, ex qua mali quidam effectus derivari possunt, præsertim ubi magnesia calcinata fuerit. Quare maxima diligentia impendi debet in explorando, an magnesia quidpiam calcis contineat. Id quod dignoscitur, quia licet magnesiæ maxima diligentia abluta fuerit, attamen si calcinetur, primo trita cum Rheo, mixtura fit rubea; secundo aquæ communicat lixivii saporem; cum aqua calcem solvat quæ in magnesiæ continebatur; tertio aqua digesta in magnesiæ pariter calcinata licet filtretur, turbida efficitur ex solutione salis tartari alcalini aereati; quarto eadem trita cum sale ammoniaco odorem ammoniacalem exhalat. Denique ubi magnesia tam calcinata, quam non calcinata fuerit in acido nitrico, acidum sulphuricum additum solutioni filtratæ in paucis guttis album sedimentum producit. Hæc sunt præcipua, magisque obvia tentamina, quæ ubique & a quolibet fieri possunt, & satis idonea ad explorandam calcis mixturam.

Sed cum magnesia aliorum corporum impuritates habere possit, & præsertim GYPSI & TERRÆ SELCIOSÆ, ut non semel, sed bis ipsemet reperiit in magnesiæ commercii, ad has quoque impuritates attentio converti debet. Ad has detegendas ut viam faciliorem, ac pleniorē sectemur, uti possumus acido

do sulphurico multum aqua diluto; hoc enim magnesiā solvit; residuum post se relinquit, quod si bene abluatur, & super prunas calcinetur, gypsum ostendit, si odorem sulphuris exhalet; alioquin maxima probabilitate suspicari possumus, inesse terram selciosam.

Ea quoque magnesia, quæ hauritur ex sale amaro, ut vere pura hauriri possit, postulat usum salis certo purissimi, tum etiam usum aquæ destillatæ in ejus præparatione.

### MAGNESIA CALCINATA, seu CAUSTICA, seu pura.

Hæc efficitur, si magnesia alba aereata in crucibulo igne fortiori tamdiu calcinetur, magnaue dexterritate sæpius moveatur, donec ab igne per duas horas rubescat fundum crucibuli, & cum acidis non effervescat, ea tamen cautione adhibita ut usus non fiat acidi vitriolici concentrati, cum facile oriri posset illusio. Cum vero satis usta dignoscitur, in vitro probe clauso servetur.

Hoc modo magnesia ab aere fixo & aqua liberatur; qua tamen in operatione plerumque ponderis sui tres partes amittit, & grana quadraginta quinque magnesiæ calcinatæ eundem pariunt effectum in absorbendis primarum viarum acidis, quem parerent grana centum consuetæ magnesiæ. Curandum est tamen, ut in vasis probe clausis servetur, cum ipsa facile iterum attrahat humiditatem & aerem fixum.

Interne in infantibus præscribitur a duobus granis ad decem, & usque ad quindecim pro ætate varia, variisque circumstantiis. In adultis vero a decem granis usque ad quatuor scrupulos. Ceterum in hujus magnesiæ usu eadem monita servanda sunt, quæ circa dosim exhibui in præscriptione magnesiæ aereatæ. Eadem ergo ratione iisdemque regulis utraque magnesia subministratur. Id unum monendum, ut cum cal-



calcinata exhibetur mixta cum aqua, non aqua communi, sed destillata utamur, ut sic dubium vitetur, quod quidpiam aeris fixi communicari magnesiæ posset. Pro infantibus præscribitur juncta saccharo, seminibus anisi, aut syrupo rhabarbari pro vario scopo, cui ipsa destinatur. Iisdem infantibus præscribitur etiam commiscenda cum alimentis, ut corrigatur, aut caveatur aciditas, cui infantes subjacent præsertim in primis mensibus, vel tempore, quo dentes se produunt, tum etiam ratione qualitatis alimentorum, quibus ipsi nutriuntur, ut sunt lac, cibique farina-cei.

Calcinata magnesia habet super altèram utilitates non paucas. Primo enim contingit, non raro adhiberi oportere magnesiã, sed simul nocere posse aeris fixi præsentiam. Quare in hoc casu valde noceret usus magnesiæ crudæ, vel aereatæ, cum ista utpote continens multum aeris fixi, qui in ejus cum acidis conflictu egressus indolem elasticam recuperat, si in primis viis hoc accadat, ventriculum atque intestina expandit, paritque sæpe dolores, nauseam, vomitus, difficultatem respirationis, flatus, aliaque incommoda spasmodica pro vario ægrotorum temperamento, ut facile evenit præsertim in infantibus, in filiabus teneræ ætatis, in puerperis, in iisque qui flatibus obnoxii sunt, & delicatioris temperamenti &c. Cum vero magnesia utendum est, ut aer fixus absorbeatur, qui magna copia se explicat in eorum stomacho, qui pro cibo uti solent seminibus leguminosis, vel substantiis materia saccharina abundantibus, vel eorum qui hypocondria laborant, aut vitam inertem ducunt, ut ea incommoda vitentur, vel reparentur, quæ ab illo aere oriri solent & communius flatulenta appellantur, maximæ utilitatis erit usus calcinatæ magnesiæ, quæ propterea semper erit præferenda magnesiæ communi; immo non raro vel ipsi ammoniacæ præsertim in ægris qui ob nimiam repugnantiam, qua remedia fastidiunt ingrati saporis, vel odoris, usum ferre non



possent ammoniacæ, quæ reipsa saporem habet multum ingratum, licet diluta sit, & edulcorata. Hæc quæ de aere monui confirmat observatio, quam vulgavit doctor *Raymond*, qui nempe deprehendit fluidum elasticum, a quo oritur colica flatulenta, vel tympanitidis, esse verum aerem fixum, sive gas acidum carbonicum; hinc & ipse opinatur, magnesiæ calcinatæ usum esse posse in hoc casu opportunissimum. Altera quoque utilitas comparatur ab usu calcinatæ magnesiæ præ magnesiæ aereatæ, ut alias præteream utilitates. Hæc in ea sita est, ut promptius acida absorbeat, agatque absque ullo vel minimo incommodo; quo fit ut vel ipsi, qui ad sumendam aereatam induci non possunt, facile sese accommodent calcinatæ magnesiæ suscipiendæ. Illud quoque commodum trahitur, quod in valde minore dosi idem obtineatur effectus.

Hæc licet sint vera, is tamen non sum, ut usum magnesiæ aereatæ a medicina exulare debere contendam, cum sciam hujus usum non raro expedire, præsertim vero ubi de ægrotis agatur, qui nec valde irritabiles, nec valde sensibiles sint, pro quibus idcirco sine ullo periculo, eodem exitu adhiberi potest magnesiæ aereata. Semper autem convenit, ubi nihil sit quod vetet, usus aereatæ magnesiæ, cum maximi dispendii esset usus magnesiæ calcinatæ, ubi indiscriminatim ad omnes & quovis in casu extenderetur. Accedit aliquando prodesse posse morbi curationi explicationem acidi carbonici, quod in magnesiâ communi continetur; quem in finem optime congruere potest usus ejusdem, ut nempe in ventriculo acidum carbonicum extricetur; quo tamen in casu vix sumpta magnesiæ oportet ægrum sumere aliquam aquæ cum aceto mixtæ portionem ad instar *Haustus Antiemetici*. Quæ quidem præscriptio modo dictæ magnesiæ in aliquo casu præferri potest **HAUSTUI ANTIEMETICO** ob eas rationes, quas antea attulimus de prælatione magnesiæ calcinatæ super ammoniacam.

MEL

## MEL DESPUMATUM.

Exponitur mel purum igni, & cum attollitur & ebullit, aliqua aquæ portio effunditur, idemque iteratur, cum iterum ebullit, ac similiter proceditur, donec per varias vices infusa fuerit quarta aquæ pars. Quo peracto refrigeratur, ac diligenter dividitur spuma ad superficiem evecta a residuo mellis & servatur.

De hujus usu videantur, quæ dixi in prima parte de MELLE.

Plus quam opus sit ebullire non debet, alioquin noxiam patitur alterationem, & præterea, pro paucis diebus fieri debet ejus præparatio æstivo præsertim tempore.

MERCURIUS DULCIS, seu *urias Hydrargyri sublimatus*.

Ad majus laboris levamen, atque ad noxium evitandum subtilem pulverem expedit uti sequenti processu. Quatuor uncix sublimati corrosivi albi sufficienti aquæ destillatæ copia in mortario vitreo redigantur in massam, ac deinde addantur tres uncix puri mercurii; terantur simul, donec globuli visum fugiant, & in cineraceam materiam coeant. Hac impleantur vitra potionibus medicis dicata, seu oblongæ phialæ, ne quid adhæreat parietibus, ac ita quidem ut duo, vel tres partes phialarum vacuæ supersint; ac tum massa digeratur in balneo arenæ leni calore, & aucto igne unica vice sublimetur, donec mercurius plane sit elevatus in forma crystallina; ad humidi tamen expulsionem officia vitrorum relinquuntur aperta, ac tum charta convoluta claudantur. Sublimatione finita, vitra ope panni eximuntur, & deinceps panno aqua humectato involvuntur, ut levius frangi possint. Subigitur postea materia in pulvisculum, & ad plenam convictionem quod nihil MERCU-

**RII SUBLIMATI CORROSIVI** amplius insit, superfunduntur mercurio dulci partes quædam aquæ destillatæ fervidæ, ac sic relinquuntur usque ad refrigerationem; melius quoque addi potest drachma una salis ammoniaci ad mercurii dulcis unciam unam abluendam. Sic verus mercurius dulcis obtinebitur unica sublimatione, plenaque certitudine, quod nullus sublimatus corrosivus contineatur. Demum pulvis ablutus exceptus charta bibula exsicceatur, ac servetur in vasis vitreis a contactu radiorum solarium protectis, cum a radiis solis colorem acciperet. Ad operationem multiplicandam variæ phialæ materia cineracea onustæ eodem tempore, eidemque largiori balneo committantur.

Interne præscribitur sub formis diversis. Opportunior ceteris est forma pilularum, aut bolorum, cum aliquo extracto, rohub, vel conserva. Præscribitur etiam in pulvere, sed ad cavendam facilem dentium læsionem & ob alias rationes forma pilularum aliis omnibus præferri debet. Quod si in pulvere sit præscribendus, utendum est iisdem regulis, quas dedimus in præscriptione Æthiopis mineralis, cum huc quoque ex æquo locum habeant; iisdemque de causis nec mercurius quidem dulcis unquam in solutione præscribi debet. Cum in pulvere præscribitur, conjungitur cum aliquo alio pulvere, vel tamquam simplici constituyente ut sunt saccharum, pulvis liquiritiæ, magnesia &c. vel ad augendam etiam eodem tempore vim & efficaciam suam. Rursus unitur aliis medicamentis, quæ sub diversis formis magna utilitate pro varia rei exigentia præscribuntur; uti opio, chinæ, sulphuri aurato antimonii, remediis quoque laxantibus, uti jalappæ aliisque, cum remediis purgantibus addita quædam grana mercurii dulcis effectum eorum augeant; unitur quoque camphoræ &c. Ubi mixtio fiat mercurii dulcis & sulphuris aurati antimonii, singulorum a duobus tribus granis, & unius grani camphoræ, tunc oritur **MERCURIUS** dictus **DIA-**



DIAPHORETICUS <sup>(Klein)</sup>; quod in pluribus morbis tantopere celebratur.

Doses autem, in quibus mercurius dulcis præscribitur, sunt, quæ sequuntur. Passim pueris datur, ut purgativum & antelminticum remedium ab uno grano ad octo, habita ipsorum ætatis ratione. Adultis vero suppeditatur ut remedium laxativum a quinque ad duodecim grana usque ad viginti pro una vice, mixtum communius aliis ingredientibus, & fere semper laxantibus; ut alterans vero & antivenereum remedium ab uno ad grana sex, atque usque ad decem, & quidem divisim subministratur.

Mercurius dulcis interdum etiam externe præscribitur in pulvere ad quædam vulnera conspergenda; frequentius vero pro frictionibus adhibetur butyro, vel adipi conjunctus. Adhibitus est etiam aliquando unitus oleo & sali ammoniaco; qua methodo contendit cl. *Clare* eosdem effectus obtineri; qui ab unguentis mercurialibus habentur; immo asserit, tria hujus pulveris grana tanta pollere vi operandi, quanta pollent quadraginta quinque grana mercurii cum adipibus mixti.

Antequam deducatur in usum, conteritur debet in mortario vitreo vel ligneo, illudque contrectari opus est; sub quavis demum forma exhibeatur, instrumentis ligneis, nunquam metallicis.

Mercurialia remedia vim suam speciatim exerunt in systema lymphaticum & glandulare. Interdum tamen observatur, eadem agere etiam in intestina, in renes, aliasque corporis partes: ex quo fit, ut passim salivæ emissionem promoveant, & interdum modo secessum, modo urinam, & modo sudorem excitent &c. De remediis ad continendam salivæ emissionem, quæ oritur ab usu istorum mercurialium, dictum est satis ubi de HEPATE SULPHURIS.

In usu mercurialium abstinendum semper est ægroto ab omnibus acidis, ne corrosivam indolem accipiat mercurius dulcis; tum etiam a mixtione salium



neutrorum aut mediorum idem est arcendus. Ceterum aliquorum practicum judicio mercurius nocet, ubi ab ejus usu oriatur diarrhœa, cum in hoc casu in visceribus debilitatis, & in alvo laxata mercurialia interne noceant. Quare in his circumstantiis præferri debet unctio mercurialis.

Pharmacopolæ, qui ab aliis emunt mercurium dulcem, cauti sint oportet, ut certiores fiant eum non continere aliquid sublimati corrosivi. Has igitur mercurii dulcis genuini qualitates præ oculis habeant, ut nempe mercurius in frustis adhuc magnis cum corpore duro rasmus flavi coloris strias emittat, & tritus in pulvere subtili induat colorem subluteum; expositum solaribus radiis nigrescat, ut etiam facere debet commixtus aquæ calcis & alcali fixis; nullum saporem sive metallicum, sive alterius generis sensui imprimit; nihil prorsus mercurii solvi debet in aqua; nec in spiritu vini. Ex adverso ubi mercurius contineat quidpiam sublimati corrosivi, excitat saporem peculiarem metallicum; tum spiritus vini & aqua aliquid mercurii solvit, & ubi aqua, quæ quidpiam de mercurio solverat, misceatur cum aqua calcis, oritur præcipitatum flavi coloris, quem vel ipse mercurius acquirit, si teratur simul cum aqua calcis.

MERCURIUS PRÆCIPITATUS ALBUS, seu *murias hydrargyri præcipitatus*.

Rec. Salis ammoniaci libram unam. Solvatur in aquæ destillatæ s. q. & filtretur; deinde dum sæpius vas agitur, addatur mercurii sublimati corrosivi libra una.

Præcipitetur tunc solutio cum Alkali salis tartari in aquæ destillatæ q. s. soluto.

Sed cavendum est, ne plus lixivii alcalini addatur, quam opus sit ad præcipitationem mercurii in solutione contenti. Filtretur; deinde edulcoretur aqua fîggi-

gida, donec aqua, cum qua mercurius ablutus est, ACETUM SATURNI non turbet, si eidem instilletur. Demum exsicceetur, & servetur, ut dictum fuit de mercurio dulci.

Usibus tantum externis inservit, nec communius adhibetur nisi sub unguenti forma.

Interdum miscetur nunc cum amylo, nunc cum cerussa, nunc vero cum creta. Mercurius præcipitatus albus, si genuinus sit, immissus in crucibulum, & alio clausus, vel simpliciter positus in cochleari ferreo, in igne vehementi nihil post se relinquit. Ex adverso si adulteratus fuerit cum amylo, non solum levior est genuino, sed ubi fundatur, carbonem relinquit; si vero cum cerussa adulteratus sit, ubi fundatur totus non avolat, sed pulverem dimittit, qui mixtus cum exigua olei copia, vel alterius substantiæ combustibilis, fusa mixtura, globulum veri plumbi suppeditat: si demum adulteratus fuerit cum creta, cum aceto effervescit, & fusus pulverem relinquit, qui nullum, quocumque modo tractetur, metallicum globulum exhibet.

MERCURIUS SOLUBILIS *Moscati*, seu *oxydum hydrargyri nigrum*.

R. Mercurii dulcis pulv. unc. unam.

Ponitur in ampulla vitrea simplici, aut alio in vase, eique affunduntur tres unciae lixivii caustici concentrati, ita ut mensura unius unciae aquæ puræ hoc lixivio repletæ adæquet unciam unam, & drachmas tres. Ampulla super calidos cineres igni exponitur, aut satis calido arenæ balneo, igne apposito sat vehementi, & interea sæpe sæpius agitur ampulla. Ubi sal mercurialis antea albus, crystallinus postea plane niger, pulverulentus & calciformis evaserit, id quod passim contingit minori spatio horæ dimidio, ampulla ab igne tollitur, ac sinitur frige fieri,

filtratur per chartam, & calx mercurialis sæpius abluta, & exsiccata servatur.

Interne adhibetur a dimidio grani ad duo usque ad quatuor pro majori, vel minori ægrorum robore mane & vespere in pilulis cum mucilagine arabica, aut aliquo extracto, & aliquo pulvere, ut pilulæ consolidentur. Minus expedit hoc remedium in pulvere exhibere; atque in hoc casu misceri deberet aliis pulveribus, ut diximus de mercurio dulei. Minus etiam convenit hoc in solutione præscribere, quia in utroque casu eadem militant rationes, quas attulimus ubi de *ÆTHIOPE*. Attamen quod spectat ad præscriptionem hujus remedii in solutione, in ea sum opinione, ut credam ubi adhibenda est *SOLUTIO MERCURIALIS Plenck* multum expedire usum hujus præparati loco mercurii communis magna cum utilitate & temporis parcimonia. Nam solutio parari posset ex tempore, si nempe misceatur cum aliquo vehiculo mercurius solubilis ope mucilaginis arabicæ. Hac etiam ratione major certitudo haberetur, quod mercurius præscriptus perfecte calcinatus seu oxydatus sit; quæ certitudo non semper obtineri absolute potest ab usu solutionis mercurialis *Plenck* methodo ordinaria paratæ. Ceterum ego numquam probare possum remediorum metallicorum administrationem in solutione ob eas quas dixi rationes, ubi de *ÆTHIOPE*, cum mihi persuasum fuerit præsertim in nosocomiis nunquam haberi posse certitudinem de quantitate præparatorum metallicorum, quæ ab ægro sumatur, majoremque eorum partem, atque hinc etiam præscripti mercurii ab ægro non suscipi, sed potius disperdi.

Expedit etiam hoc mercuriale remedium sæpe cum opio conjungere, cum remediis amaris, aliisque corroborantibus, aut alterius generis pro variis occurrentibus circumstantiis. Usus quoque simultaneus *DECOCTIONIS CORTICIS MEZEREI* multum influit in bonos hujus calcis effectus, ut pariter influit in bonum

bonum exitum aliorum mercurialium remedium ; In hujus remedii usu eæ regulæ observandæ sunt ; quæ generatim sunt exequendæ in administratione cujusvis alterius præparationis mercurialis ; speciatim vero opus est usum continuari etiam postquam symptomata penitus disparuerint , ut solida ac stabilis valitudo obtineatur .

Adhiberi rursus potest externe cum utilitate sub unguenti formæ , quod facile conficitur , si misceatur una drachma mercurii solubilis cum una adipis uncia .

Hanc mercurii præparationem , utpote maxime utilem , in hac pharmacopea præterire nolui . Præparatio enim mercurialis in statu puræ calcis maximi interest in medicina , cum ipsa ex una parte eas omnes utilitates afferat , quas pariunt præparationes mercuriales , & ex altera remotior sit a gravibus illis incommodis , quæ sæpius ægri experiuntur plus minusque ab usu aliarum præparationum , præsertim mercurialium sub formæ salina , quod adeo verum est ut passim vitetur vel ipsa incommoda salivæ effusio , vel saltem multo rarior fiat . Quæ quidem utilitates ab usu puræ calcis mercurialis manantes præ salinis præparationibus multum magis æstimari debent , ubi agitur de curandis ægris nimis irritabilitatis , aut debilitatis . Ceterum , dum hæc moneo , nolo propterea eos casus excludere , in quibus mercuriale remedium salinum alteri sit præferendum , ut sæpe contingit inter ejusdem classis remedia expedire unum præ altero seligi .

Vel ipsi medici etiam præteritæ ætatis tam bonam præparationis mercurialis puræ calcis opinionem habuere , ut maxime utilem reputaverint in medicina usum mercurii PRÆCIPITATI PER SE . Sed cum illius præparatio tædium , diuturnitatem incommodam , nec exiguum dispendium afferret , chemici ac medici sibi proposuerunt mercurio præcipitato per se aliquam subrogare præparationem , quæ ob innoxiam  
 effica-



efficaciam suam posset alteri commode æquivalere , inter quos potissimum Cl. *Saunder* deinde *Hahnemann* curas suas impenderunt . Nec quidem fructu caruerunt eorum tentamina , eorumque præparationes laudem apud practicos etiam celebriores meruerunt . Id tamen omnibus medicis non placuit , qui aliter censuerunt . *Professor Moscati* opus explere aggressus est , ac felicem exitum habuit , cum processum aliorum chemicorum perficiens tam utilem tamque optatam præparationem exhibuit ea ratione , quam supra diximus , ut huic præparationi saltem hætenus plurimum medicorum iudicia faverint , relatumque fuerit experimenta de eodem hætenus capta expectationi optime respondere , magisque innoxiam hujus remedii efficaciam comprobare . Hanc novam præparationem vel ab ipso auctore in usum tam internum , quam externum , deductam fuisse scimus , ejusque observationes videri possunt in opusculo suo inserto volumini 4. pag. 243. in NUOVO GIORNALE DELLA PIU' RECENTE LETTERATURA MEDICO-CHIRURGICA D' EUROPA . Id ipsum experti sunt alii tam medici , quam chirurgi illustres , inter quos *Doctör Pedetti* , *Chirurgus Farina* , *Doct. Aloysius Franch* , *Professor Berra* , & ni fallor *Professor Carminati* . *Doctör* autem *Palletta* experimentum ipsius ad usus externos cepit cum fructu .

Ecce interea medicis atque chirurgis præparationem mercurialem exhibitam , quæ substitui commode potest præparationi MERCURII PRÆCIPITATI PER SE , cum illa sit facilis & expeditæ operationis , exiguique dispendii , & quæ multo magis præferri meretur non solum præparationi *Saunder* , sed etiam præparationi vel ipsius *Hahnemann* , cum hæc præsertim postrema valde sit complicata , diuturnior , & difficilior .

MERCURIUS SUBLIMATUS CORROSIVUS, seu  
*murias oxigenatus Hydrargyri.*

Rec. Mercurii purificati

Acidi vitrioli rectificati & fortis ana libram  
 unam

Salis muriatici exsiccati uncias viginti unam.

Misceatur mercurius cum acido in retorta vitrea, & destilletur in balneo arenæ, donec materia exsiccata fuerit. Materia frige facta misceatur in vase vitreo cum sale muriatico; tum in cucurbita vitrea sublimetur sensim aucto calore. Frigido fractoque apparatu eximatur sublimatum separatum a scoriis, & servetur. In hac operatione caute observandæ sunt regulæ ab arte præscriptæ, ne operatio noceat operatori.

Quamvis hoc remedium vi polleat summe corrosiva, ut propterea esse queat venenorum unum teterimum; attamen ipsum præscribitur non solum pro usibus externis, sed etiam pro internis. Ceterum quamvis etiam pro internis usibus tantopere sit celebratum, attamen prudentia docet, quantum fieri possit, ab ejus usu interno abstinendum, nec ipso utendum nisi in iis casibus, in quibus inutiliter omnia alia opportuna remedia, quæ ars medica suggerit, antea adhibita fuerint, & indoles morbi jam fere desperati usum permetteret medicinæ ut ut periculosæ. Hoc certe remedii genus est ab expertissimis medicis summaque prudentia præditis unice præscribendum. In hisce casibus cum præscribitur, sub initium in minima ipsius dosi præscribi debet, scilicet primum ab una sexta parte unius grani, deinde caute augeatur dosis paulatim & lente, mora facta per plures dies in priori exigua dosi exhibita, & diligenter exploratis incommodis, si quæ oriantur, donec ad maximam dosim medicus perveniat, quæ duo

grana

grana minime excedat in diem, sumendam tamen divisim per plures vices; uno verbo cautiones omnes accurate sunt observandæ, quas celebriores practici inculcant, ne tristes illi effectus promanent, quos non raro maximo infortunio aliqui ægrōti experti sunt ab usu hujus remēdii vel ignorantia, vel nimio medicorum ausu.

Sub forma pulveris nunquam præscribitur, cum sub hac forma vel in nimia dosi, vel incaute præscriptum operetur ad instar veneni citissime necantis, cujus antidota sunt sal alcalinum, sapo, Hepar sulphuris, & generatim omnes demulcentes potiones, ut sunt oleum olivarum &c. decocta demulcentia, emulsiones, lac &c. Nunquam autem hujus remēdii usus convenit ægris valde sensibilibus & debilibus, laborantibus tussi, emorrhagiis, sanguinis sputis, difficultate respirationis, vel qui ad phtisim proclives sunt, ad scorbutum &c., vel in quibus excitaret nauseam, ardorem pectoris, sitim, tormina, cardialgias &c.

Duobus vero modis interne præscribitur; sub forma pilularum cum mica panis, vel gummi arabica & aliquo syrupo, aut extracto, aut melle pro pilulis conficiendis, aut simpliciter cum aliquo extracto, addito aliquo pulvere ad pilulas involvendas. Huc faciunt etiam quæ dicturi sumus tertia in parte de pilulis sublimati corrosivi. Secundo loco præscribitur solum in aqua destillata, aut spiritu vini, ea proportionē servata ut saltem sumantur vehiculi uncix duæ pro quolibet grano sublimati, cum prudentius sit majorem vehiculi copiam, etiam usque ad unam libram adhibere; & edulcorare solutionem cum melle vel saccharo; & melius quoque sit addere solutioni unciam mucilaginis gummi arabicæ. Hujus autem solutionis factæ ex una libra aquæ pro uno grano sublimati unum vel duo, aut plura cochlearia in diem pro rei exigentia ægro sumenda præbentur. Sub quavis forma de-



detur sive in pilulis sive solutum, & quavis in dosi præscribatur, semper observanda sunt monita quæ nuper dedimus. Aptior hujus remedii forma est in pilulis, cum minus periculosus evadat usus ipsius, agatque lentius, magisque gradatim; ea tamen diligentia servata, ut ex æquo per totam massam dividatur, ne plus sublimati corrosivi in una, quam in altera pilula, vel in una ejusdem pilulæ parte, quam in altera reperiatur. Quod ut facilius obtineatur, antequam massa fiat pilularum, expedit illum solvere in aquæ ebullientis portione aut spiritus vini, eundemque postea cum massa miscere. Monent alii, quorum monitum maxime laudo, cum sublimatus ipse per se sit parum solubilis, ex altera parte maxime solubilis fiat mixtus cum aliqua copia salis ammoniaci, monent, inquam, ut cum hoc sale misceatur, ut ita facilius evadat ipsius solutio etiam in exigua fluidi quantitate. At quocumque modo sumatur, semper juvat ægrotum post sublimati sumptionem sumere decoctiones demulcentes ex. c. hordei, malvæ, althææ, vel melius bardanæ; in pluribus casibus multo utilior deprehensus est mixtus cum opio. Quod pluribus egregiis experimentis probavit celebris *Doctor Joseph Frank* dignus clarissimi parentis filius.

Externe adhibetur solutus in aqua, aut alio vehiculo nunc per modum ablutionis, nunc injectionis, nunc gargarismi. In hisce casibus maxime sub initium adhibetur solutio facta unius sublimati grani pro una aquæ vel alterius vehiculi libra; ac sæpe expedit additio unius unciae mucilaginis arabicæ. Interdum solutio valde fortior, & efficacior requiritur, ac tum pro qualibet aquæ uncia præscribitur dosis sublimati plus minusve usque ad duo grana, pro ut exigitur plus minusve fortis solutio. Hisce proportionibus sublimati facta solutio commendatur etiam in curatione scabiei, caute tamen adhibita; atque in hoc casu interdum prodest conjunctio salis ammoniaci. Per hanc enim non solum aliquatenus intenditur  
 ipsius



ipsius vis, & actio, sed etiam facilior ac stabilior efficitur sublimati corrosivi solutio; quæ majori cum fructu substitui potest vel ipsi AQUÆ, ut dicitur, PHAGADENICAE. Mercurius sublimatus corrosivus pro frictionibus etiam adhibetur sub unguenti forma loco alterius unguenti mercurialis. Celebris medicus *Cirillus* huic sublimato prælationem concedit super unguentum ex mercurio vivo conflatum. Quod censent etiam alii medici iteratis *Cirilli* observationibus nixi. Parabis autem unguentum, si triveris unam axungiae porci unciam per duodecim horas cum una sublimati corrosivi drachma. Utimur autem hoc unguento, frictionibus factis sub planta pedum cum dimidio drachmæ usque ad duas pro qualibet vice; sed etiam sub hac forma sublimatus corrosivus caute adhibendus. Sed quicumque demum sit usus sublimati corrosivi sive internus sive externus, semper tractari debet in mortariis aliisque instrumentis ligneis vel vitreis sive porphyrite paratis, nunquam marmoreis vel alterius metalli.

Cuicumque pariter usui destinetur sublimatus corrosivus, semper utendum est illo qui paratur a chemicis; non autem eo, qui commercio prostat apud aromatum mercatores; cum aliquando deprehensum sit, in sublimato commercii contineri aliquam portionem arsenici, quod corpus est heterogeneousum, quo sublimati puritas corrumpitur, & maxime noxium est. Hinc pharmacopolæ, qui ab aliis sublimatum emere solent, uti debent maxima diligentia, & attentione in explorando, an ille quidpiam arsenici complectatur. Hoc autem sequentibus indiciis dignoscitur; i. si mercurius sublimatus corrosivus in solutione alcali tartari puri exhibeat præcipitatum coloris nigri, cum genuinum exhibeat colorem aurantii, idemque contingit cum aqua calcis recenter parata. Cavendum autem probe est, ne fraus quædam oriatur in absentia arsenici, si solutio salis alcalini saturata est, & mercurius ipse antea citrinus, nigrescens præcipita-

tur.

tur. 2. Sublimatus genuinus prunis immissus vapores albos effundit; adulteratus virides & nigros cum odore alliaceo; 3. genuinus in spiritu vini plene solubilis est sine ullo sedimento; adulteratus relinquit arsenicum in fundo. 4. ad genuini sublimati corrosivitates accedit, quod in vase clauso, appposito igne leni, plane sese attollat in altum, vel perfecte sublimetur.

### MERCURIUS VIVUS, sive *Hydrargyrum* *depuratus.*

Mercurius vivus, qualis est in commercio; usibus medicis idoneus non est; pharmacopolæ enim emundatores ad pondus ipsius augendum PLUMBUM vel STAMNUM, vel simul PLUMBUM & BISMUTUM admiscunt, quæ viliora metalla ille solvit, & in se recipit, eadem manente fluiditate. Ut igitur mercurius vivus obtineatur ab omni labe alieni metalli purus, destilletur e retortâ vitrea loricata in recipiens, cui ad dimidium sit indita aqua, eo tantum adhibito calore qui ad ejus elevationem requiratur ne mercurius quidpiam secum in sublime rapiat; destillatione peractâ, separetur ab aqua, & omnis ei adhaerens humiditas linteo puro, sive charta emporctica abstergatur. Mercurius vivus sub pulveris grysei forma superficiei aquæ inhærens collectus, & in cochleari ferreo mundo expositus igni formam fluentem recuperabit.

Eo quem diximus modo mercurius satis depuratur, ut propterea pretiosiore mercurio hausto e CINABRO opus non sit. Ea vero depuratio, qua trans CORIUM tantummodo premitur, nequaquam sufficit, cum fraudolenta arte ita PLUMBUM & BISMUTUM, admisceri queant, ut simul & ipsa per corium trans-eant, ac ita noxium mercurium efficiant potissimum usibus internis destinatum.

In statu suo naturali metallico jam fere non amplius

pius in medicina adhibetur. Utimur eo potissimum ad EMPLASTRA & varia UNGUENTA conflanda, ut etiam, & varias CHEMICAS OPERATIONES. Attamen interdum interne præscribitur extinctus cum aliquo corpore, quod morbis circumstantiis & rei exigentiæ conveniat, a sex granis ad duodecim, viginti usque ad dimidium drachmæ. Præscriptus ab aliquibus fuit sub forma pulveris nunc contritus cum saccharo, donec globuli ita dispareant ut ne armato quidem oculo conspicui sint; quæ mixtura nomen habebat SACCHARI MERCURII, aut MERCURII SACCHARATI *Wedelii* & apud alios SACCHARI ANTELMINTICI; nunc vero contritus cum magnesia ea ipsa quam nuper diximus ratione; quo in casu præparatio obtinetur, quæ melior est saccharo mercuriali, & nomen gerit MERCURII ALCALISATI *Burton*. Præscribitur etiam sub pilularum forma eodem modo extinctus, qui nuper est dictus de præscriptione in pulvere, adhibito nunc aliquo extracto, nunc melle, nunc terebinthina, nunc amylo, aut gummi arabica, quæ tamen duo cum aqua in densam mucilaginem redigantur, nunc demum aliis corporibus pro rerum circumstantiis. Ubi adhibeatur conserva rosarum, cujus alioquin loco ex æquo adhiberi potest robor Sambuci, aut alicujus extracti, tunc massa nomen præfert CONSERVÆ *Rottarii*, olim magis quam ætate nostra cognita; si vero adhibeatur gummi arabica, massa nomen obtinet MERCURII *Plenk*, quæ postea dicitur vel SOLUTIO, vel PILULÆ *Plenk*, pro ut massa vel solvitur, vel in pilulas convertitur. Attamen remedium hoc nunquam expedit, cum sit metallicum, in solutione præscribi ob rationes alibi allatas ubi de ÆTHIOPE, cum jam sæpe deprehenderim, quod alibi monui, adhibita etiam majori quam possumus attentione in eo extinguendo, ac vel ipso adhibito gummi arabicæ adminiculo nunquam in liquidis plene suspensum teneri, ægrotumque numquam eam præscriptam a medico mercurii portionem totam



suscipere, semperque incertum manere quanta ab ægro sumatur, cum naturali suo pondere mercurius continuo præcipitetur, atque hinc aliqua pars disperdatur sive in vase in quo paratus fuit, sive in quo servatur, sive in quo ægroto exhibetur, sive aliis de causis. Hinc aptior præscribendi mercurium ratio est semper pilularum forma. Quod si medicus eum exhibere velit in pulvere, tum opus est ea omnia accurate observare, quæ alibi pro usu æthiopis mineralis observanda præscripsi.

Illud quoque recolendum & accurate exequendum, sub quavis forma, & ad quoslibet usus præscribatur mercurius, eum semper extinguere oportere in mortariis vitreis, aut lapideis, nunquam metallicis.

### NITRUM DEPURATUM, sive *Nitras potassa depuratus*.

Rec. Nitri crudi quantum lubet :

Dissolvatur in

Aquæ sextupla parte.

Filtratum evaporetur ad cuticulam & in loco temperato collocetur, donec oriantur crystalli. Rursus paulisper evaporetur residuus liquor, & in crystallos cogatur; idemque labor tamdiu repetatur, quamdiu crystalli prismaticæ exurgant. Sub priori crystallisatione enatæ crystalli seponantur pro usu interno & operationibus chemicis, quæ purissimum nitrum requirunt. Quod si crystalli satis puræ non essent, idem qui supra, labor est repetendus.

An vero crystalli nitri sint puræ, dignoscitur, si alicui ipsarum solutarum in aqua destillata portioni addatur aliqua gutta solutionis mercurii peractæ sine calore in acido nitri, nullamque perturbationem nec præcipitatum producat. Nitrum itaque si bene depuratum sit, seu destitutum sale communi, & salibus probasi terram habentibus, non solum perturbare non de-



bet solutionem mercurii, sed etiam se prodere debet in crystallis pulcherrimæ albedinis, longis, sex-angularibus, prismaticis; idemque carbonibus ignitis injectum absque crepitatione prompte deflagrans, & in aqua facile solubile esse debet, nec aeri expositum madefieri debet.

Interne præscribitur ore sumendum a sex granis ad duodecim, ad unum scrupulum & in maxima sua dosi ad drachmas sex in plures vices exhibitum, & juxta morem servari solitum in præscriptione majoris partis aliorum remediorum, suscipiendum infra spatium viginti quatuor horarum, sæpius solutum in aliqua decoctione, aut aliqua mixtura, vel alio vehiculo; & aliquando in pulvere, & sæpe simul cum aliis remediis. Eodem utimur etiam pro clysteribus, & in gargarismis, atque fomentationibus solutum in aptis vehiculis. Si nitrum præscribatur simul cum cremore tartari, mixtura ab aliquibus appellatur **PULVIS TEMPERANS**, eaque efficitur cum dimidio unciae cremoris tartari, & una nitri drachma cum dimidio; quæ tamen proportionēs a quibusdam variantur. Hæc vero mixtura per vices sumenda exhibetur. Ausi sunt aliqui usque ad dosim alicujus unciae nitrum præscribere; quorum tamen exemplum sectandum non est, cum alii scite observaverint, nitrum in nimia dosi præscriptum digestionis opus multum turbare, ac cardialgiam, oppressiones pectoris, vomitum, alvi profluvia, aliaque symptomata parere. Quæ quidem pene similia incommoda deprehendit cl. *Alexander* oriri ex nitro aut per longius temporis spatium suscepto, aut ægris debilibus administrato. Aliam huic observationi analogam vulgavit etiam cl. *doct̃or Joseph Sosis Cremonensis*.

### OLEUM FLORUM CHAMOMILLÆ COCTUM.

Rec. Florum chamomillæ recentium libras tres.

Ol. olivarum libras sex.

Di-

Digerantur per mensem circiter, & igne leni coquantur, & interea massa agitetur continuo spatula lignea ad omnis humiditatis consumptionem, donec scilicet parum hujus olei prunis injectum statim sine sibilo & strepitu flammam concipiat; tum cito ab igne remotum & sacco injectum prælo modice calefacto subiiciatur, ut omne oleum prodeat, quod post refrigerationem a fœcibus decantatum servetur.

Adhibetur cum fructu externe pro unctionibus, & aliquibus clysteribus additur a dimidia uncia ad unam, & usque ad tres.

### OLEUM TEREBINTHINÆ ÆTHEREUM & EMPYREUMATICUM.

Rec. Terebinthinæ quantum lubet.

Ponitur in retorta duabus tertiis sui partibus plena, ac balneo arenæ destilletur, donec nihil amplius exeat. Destillatum oleum separatur ope infundibuli vitrei a phlegmate, quod aliud non est quam ACIDUM TEREBINTHINÆ; atque hi duo liquores separatim servantur in duabus phialis vitri rite clausis. Si destillatio interrumpatur, ut oleum quod in recipiens sub initium sine colore transit, separetur ab eo quod subsequitur cum aliquo colore, multoque magis si ipsum semel rectificetur cum aqua, acquiritur OLEUM ÆTHEREUM, seu SPIRITUS TEREBINTHINÆ, quod oleum servari debet in phialis vitreis accuratius adhuc clausis, cum ipsum subiaceat iisdem alterationibus, quibus obnoxia sunt OLEA ESSENTIALIA. Eidem tamen pristina puritas restituitur, si semel cum aqua rectificetur.

Oleum empyreumaticum non adhibetur nisi externe aut solum, aut miscendum cum aliquo unguento. Æthereum vero non solum usibus externis utiliter servit, sed etiam ab aliquibus adhibetur ad usus internos a quatuor guttis ad quindecim, atque ad

unum scrupulum mixtum aliquibus electuariis aut bolis, aut simpliciter additum alicui vehiculo, quo in casu ego censeo præscribendum non esse nisi cum adminiculo alicujus mucilaginis, vel vituli ovi. Immo ratione habita odoris & saporis multis ingrati, melius expedire puto ipsum sub aliis formis exhibere. Hoc remedium in calculis felleis maxime laudat cl. *Durande* præscriptum simul cum æqualibus partibus ætheris sulphurici, & sumendum mane singulis diebus in mensura cochlearis coffei. Idem cum bono exitu in eodem morbo præscripsit etiam cl. *Professor Titius Wittembergensis*, monetque addi posse aliquas guttas gratioris cujusdam olei, si ægrotus mixturam ægre ferat.

Adhiberi etiam potest pro omnibus usibus, quibus inservit, OLEUM SUCCINI, atque hinc etiam pro mulieribus histericis præscribi potest odoratu sumendum. Ubi vel sola cutis fricetur hoc oleo, in urina diffunditur odor violarum, & quidem intensior quam habeatur ab ipsa terebinthina interne adhibita.

Quæ vero remanet substantia in retorta post distillationem, non differt a COLOPHONIO vel A PICE GRÆCA. Quare harum substantiarum loco ad eodem usus illa potest adhiberi.

### OXIMEL SCILLITICUM,

Rec. Aceti scillitici part. unam,  
Mellis optimi partes duas.

Fiat ebullitio mellis in vase figulino non vitreato. Addatur acetum eo modo quo diximus addendam esse aquam in depurando MELLE, & similiter proceditur in ejus despumatione, & servatur.

Interne præscribitur a duabus drachmis & etiam usque ad uncias duas addendum potionibus, vel mixturis, & aliquando pro conficiendis electuariis; monendum tamen, ut in conficiendis electuariis cum hoc reme-



remedium multum energicum sit, præscribi non debeant dosibus indefinitis, ut fieri solet in præscribendis electuariis, quæ ex aliis liquidis loco oximellis scillitici conflantur; per eam formulam adhiberi solitam in **QUANTITATE SUFFICIENTI**; oportet enim, in re nostra determinari præcise dosim pro qualibet ingredientium quantitate, quæ ad conficiendum electuarium præscribuntur. Quod si præscripta quantitas pro conflando electuario satis non esset, pharmacopolæ arbitrari dimitti potest ad supplendum defectum libertas utendi vel oximelle simplici, vel melle. Multum interest hujus moniti executio, ne ex mala administratione hujus remedii ea incommoda deriventur, quæ in priori parte descripsimus, ubi de **SQUILLA**.

### OXIMEL SIMPLEX.

Rec. Aceti vini fortis.

Mellis optimi ana partes æquales.

Paretur simili modo, quo **OXIMEL SCILLITICUM**.

Interne præscribitur raro solum, frequenter additum mixturis, vel potionibus a dimidio uncix ad duas; additum vero sufficienti quantitate vehiculis, quæ communibus potionibus inserviunt, usque ad quatuor uncias. Cavendum tamen, ne emulsioni alicui adjungatur, cum per hanc additionem alteretur emulsio ob acidum quod in eo continetur; eademque ratione cavendum, ne emulsioni addatur oximel scilliticum. Oximel autem simplex additur etiam collutoriis & gargarismis. Prodesse quoque potest aliquando externe. Et ubi misceatur cum eo aliqua portio **VI-  
RIDIS ÆRIS**, adhiberi potest majori cum fructu loco **UNGUENTI ÆGYPTIACI**, seu **UNGUENTI ÆRUGINIS**, vel ut melius dicam *oximellis æruginis*, quo utuntur cum plumaceolis, vel alio modo.



Utrumque oxymel longe efficacius evadit eo quem dixi processu administratum, quam si longa ebullitio adhibeatur, ut communiter fieri solet; hisce tamen indicatis methodis ea diligentia est adhibenda, ut sæpius æstivo maxime tempore præparentur; utque servantur in loco frigido sicco.

### PULPA PRUNORUM.

Rec. Prunorum maturorum quantum lubet.

Hæc ebulliant in sufficienti copia aquæ fontis usque ad solutionem perfectam. Solutio postea per setaceum trajecta evaporetur in balneo maris ad spissitudinem mellis, & additis tunc unciiis quatuor sacchari singulis libris, ulterius fiat pulpa, reddita massa spissiori. In hac tota præparatione continuo agitari massa debet spathula lignea.

Doctorem omnium practicum judicio hæc pulpa constituit medicamen laxativum dulce, quod vices optime supplere potest PULPÆ CASSIÆ maximo œconomix emolumento. Ipsa vero præscribitur interne ab uncia dimidio ad duas ore sumenda, nunc ipsa sola, nunc involuta cum saccharo vel alio pulvere, nunc soluta in aqua, vel sero, aut alio vehiculo, nunc sub forma electuarii cum aliis ingredientibus. Sæpius juvat eidem misceri aliquod aliud laxativum remedium, præsertim ad augendam ipsius purgantem vim, ut cremorem tartari, salem amarum, succedanea Sennæ, Jalappam &c. hoc enim modo nunquam vel raro dolores ventris oriuntur. Hujus pulpæ subsidio vel solius, vel alteri remedio laxativo commixtæ ut jalappæ &c. obtineri facile potest etiam aliquorum puerorum purgatio, qui aliis medicamentorum generibus repugnant.

Ipsamet deprehendi, per additionem acidi tartarosi crystallisati factam pulpæ prunorum absque mixtione sacchari haberi massam multum analogam PULPÆ

TAMARINDI , & ea quidem utilitate ut eadem commode ubique parari possit, & simul minoris pretii sit, & gratior demum evadat ratione habita Tamarindi. Hisce de causis crederem universim exulare commode posse a medicina TAMARINDUM, cum ex una parte remedium sit adulterationi subiectum, ideoque interdum noxium, & ex altera parte magni dispendii sit. Quare pro divitibus expedit subrogari mixturam pulpæ prunorum & acidi tartarosi, & pro pauperibus loco acidi puri, dispendii vitandi causa, pulpam prunorum cum aliqua portione cremoris tartari commisceri commode potest. Sic exulante PULPA TAMARINDI, & exulante pariter CASSIA, ut antea dixi, unius remedii indigenæ usu dispendium vitaretur duorum remediorum exoticorum sine ullo ægrorum detrimento, immo tutior esset, simplicior, & a periculis remotior ægrorum curatio. Qua in re gratulatus sum mihi, quod deprehenderim virum cl. Prof. Petrum Frank, quo magistro ac duce optimo me plura didicisse lubens gloriatur, id ipsum in hac re sentire, cum in ea quam ad me dedit humanissima epistola, dum Viennæ degeret illuc ex Ticino vocatus, mihi significaverit æquali cum exitu pulpam prunorum commixtam cum crystallis tartari pulpæ Tamarindi substitui posse.

PULVIS ALGAROTTI, seu *oxydum stibii acido muriatico præcipitatum*.

Rec. Nitri depurati partes tres,  
Antimonii crudi partes duas, quæ detonantur.  
Deinde

Rec. Hujus hepatis antimonii pulv. libr. unam,  
Sal. muriatic. pul.  
Acidi vitriolic. fortis in libris tribus aquæ destillatæ prius diluti ana uncias quinque.

Misceantur omnia, & digerantur per viginti quatuor horas levi igne, simulque sæpe misceantur spatula lignea vel vitrea. Postea solutio filtretur, magnaue aquæ calidæ copia præcipitetur, & præcipitatum exsiccetur in loco umbroso, & servetur, ut diximus de mercurio dulci.

Unice inservit præparationi TARTARI EMETICI.

### ROHOB JUNIPERI.

Exprimitur decoctum quod superfuit ex destillatione AQUÆ JUNIPERI, & evaporatur eadem prorsus ratione quam indicavi in præparatione extractorum, ad spissitudinem densi mellis; ac tum adduntur

Sacchari albi unciae novem, atque hæc bene mixta præparatio servatur in vase clauso, ut diximus de extractis.

Interne præscribitur rohob juniperi solutum in aliqua mixtura, vel simpliciter in aliquo opportuno vehiculo a duabus drachmis ad sex. Ejus vis & efficacia augetur, si in aqua juniperi dissolvatur, vel saltem in ejusdem infuso. Eo præterea utimur tamquam constituyente pro conficiendis aliquibus massis pilularum vel aliquorum electuariorum, atque in horum usu præscribitur etiam usque ad uncias tres.

Expediret hoc rohob juniperi in officinis paratum haberi etiam absque saccharo, cum interdum prodesse possit ejus sine sacchari mixtione administratio.

## ROHOB SAMBUCCI .

201

Rec. Succī e baccis Sambuci maturis expressi libras  
quatuor .

Iste coquatur continuata ejusdem agitatione & celeri ebullitione ad mellis consistentiam paullo crassio-  
riorem , probe tamen caveatur empyreuma ; id quod  
efficitur si cautiones observentur , quas inculcavimus  
in præparandis extractis ; deinde addantur

• Sacchari albi unc. quatuor .

Ubi saccharum perfecte solutum fuerit , ab igne  
removetur , ut nuper dicebamus de rohob juniperi .

Interne præscribitur eadem dosi , iisdemque formis ,  
cæterisque , quæ indicavimus circa rohob juniperi .

## SAL AMMONIACUS DEPURATUS, *urias am- moniacæ depuratus.*

Sal ammoniacus crudus redactus in pulverem sol-  
vatur in parte quintupla aquæ calidæ . Filtrata solu-  
tio evaporetur in vase vitri vel terræ , & in loco fri-  
gido reponatur , ut concrecant crystalli , & crystalli  
nivæ collectæ exsiccentur . Lixivium , quod remanet ,  
iterum evaporetur pro ulteriori crystallisatione , do-  
nec nihil amplius crystallisetur .

Sal ammoniacus sic depuratus nihil differt a FLO-  
RIBUS , ut dicitur , SALIS AMMONIACI , ipseque  
solus est qui adhiberi debeat ad usus internos , pro  
quibus præscribitur a sex granis ad dimidium scru-  
puli , ad unum scrupulum , non ultra tres drachmas .  
Exhibitus in maxima dosi ventrem extimulat . Ipse  
vero nunc in pulvere , nunc solutus præscribitur , sed  
fere semper aliis remediis commixtus . Ubi solus  
præscribatur , cum sit saporis multum injucundi ,  
juvat eum misceri cum saccharo , vel melle , vel  
in-



infuso liquiritiæ, vei aliquo syrupo &c. juxta formulam sub qua ipse præscribitur, & pro rei exigentia, ut ea ratione minus ingrata ipsius sumptio reddatur. In pluribus casibus bono cum fructu chinæ miscetur, ejusque succedaneis, aliisque remediis corroborantibus, rhabbaro &c. In solutione demum præscribitur quoque in gargarismis vel collutoriis.

Iam vero in eo depurando, quam in eo contrectando ut ægris præbeatur, & in quavis alia circumstantia nunquam utendum est instrumentis metallicis præsertim cupri, & aurichalchi, bene vero instrumentis vitri, vel terræ, vel ligni. Hæc regula quæ generatim pro omnibus salibus est observanda, magis necessaria redditur pro omnibus SALIBUS NEUTRIS AMMONIACALIBUS, & pro ALCALI VOLATILI.

**SAL VOLATILE, SPIRITUS, & OLEUM CORNU CERVI**, seu *carbonas ammoniacalis Cornu Cervi fluidus & concretus*, & *oleum fœtidum animale Cornu Cervi*.

Rec. Cornu Cervi in fragmenta confracti, vel ejusdem rasuræ quantum vis.

Ponatur in retortam vitream, quæ in furno arenæ collocatur; adglutinetur amplum excipulum, & ignis excitetur per gradus. Calore ebullientis aquæ paullo intensiore exit phlegma insipidum odoris ingrati, aucto igne prodit phlegma alcali volatilis fœtidi, quod SPIRITUS CORNU CERVI nuncupatur; huic succedunt oleum fœtidum tenuius, ALCALI VOLATILE CONCRETUM, ac tandem oleum fœtens crassum, nigricans, quod se priori commiscet. Cum nullæ amplius nebulæ apparent, ab operatione abstinenceatur. Refrigeratis vasis SAL VOLATILE CONCRETUM eximatur, cui addatur æquale cretæ in pulverem reductæ pondus, & sublimetur leni calore, atque hoc modo

modo sal prædictus satis depuratus obtinetur. Melius id fieret, si spiritu vini ablueretur, quam si sublimetur cum creta, ut nuper dicebam. Sed œconomix, causa hunc quem modo innui processum præferre volui. Sic quoque ubi spiritus separatus ab oleo leni calore ad dimidium circiter destilletur, habebitur spiritus rectificatus. Quæ tamen operatio absolute necessaria non est, maxime in curatione pauperum, cum satis bene inservire usibus possit etiam spiritus in priori destillatione obtentus, & simpliciter separatus ab oleo, quin ulterius depuretur. OLEUM prædictum si destillatur cum quatuor vel quinque partibus aquæ semel vel sæpius, donec diaphanum obtineatur, absque colore, fluidissimum, odorisque quidem vehementissimi sed non ingrati, nomen accipit OLEI ANIMALIS *Dippellii*. Ubi plures destillationes adhibeantur, singulis vicibus opus est aquam mutari, & recipiens. Attamen satis esse posset unica depuratio, ubi prior separetur portio olei limpidi, quod fuit, & levis calor adhibeatur. Ceterum oportet singulis vicibus oleum in retortam effundi ope infundibili, cujus canna desinat in vacuum retortæ spatium, ut periculum caveatur, ne aliqua ipsius gutta collo retortæ adhæreat, cum vel una gutta olei nigri posset colorem indere magnæ olei albi copiam.

SPIRITUS & SAL ac vel ipsum OLEUM NIGRUM satis conservantur, si in vitreis ermetice clausis collocentur. Sed OLEUM RECTIFICATUM ne mutationem suscipiat, majores postulat cautiones. Primo enim reponi debet in ampullis quidem crystalli cum operculo ermetice clauso, sed quæ sint exiguæ capacitatis, quarum propterea numerus pro exigentia rei multiplicari debet. Secundo servari debent ampullæ semper accurate plenæ, ita ut quoties ab iis extrahitur aliqua olei portio, toties æqualis pars substitui debeat aquæ loco olei ablati. Tercio prædictæ ampullæ semper teneri debent in aqua immersæ, & melius erit

erit si in ipsa solvatur quidpiam aluminis. Hæ cautiones eo spectant, ut oleum quantum fieri possit ab aeris contactu defendatur.

Quod si progressu temporis tria recensita præparata coloris mutationem induerent, facile reduci possent ad pristinum eorum statum unica depuratione, quæ modis indicatis fieret. Mutatur autem eorum color per gradus, primum nempe in flavum, deinde nigrum colorem.

CARBO RESIDUUS igne aperto ad albedinem calcinatus est CORNU CERVI USTUM; quod paratur eo modo, quem diximus, ubi de ANTIMONIO CRUDO PRÆPARATO.

Idem SPIRITUS, SAL, OLEUM & CARBO elici possunt e quibuscumque partibus quorumcumque animalium, ADIPE excepta.

Prudentis artificis est adhibere excipulum foramine instructum obturaculo luteo vel cereo clauso, quod nonnunquam amoveatur, ne vapores elastici nimis expansi vasa disrumpant. Sit pariter collum retortæ satis amplum, ne a sale volatili concreto obstruatur.

Si retortam lutatam huic operi assumere placeat, hæc in furno idoneo igni immediate exponi potest.

Spiritus & sal passim non adhibentur nisi ad usus internos; atque hæc remedia majorem, quam habeant, æstimationem & usum apud medicos merentur. Spiritus qui nihil aliud est, quam portio ejusdem salis in fluido aqueo soluti, præscribitur a decem guttis ad dimidium drachmæ & usque ad drachmam unam, & passim addendum mixturis. Sal vero exhibetur a quatuor granis ad duodecim, ad unum scrupulum & usque ad dimidium drachmæ solutus, ut variæ mixturæ liquidæ roborentur; at melius præscribitur sub pilularum forma, cum sic magna ex parte temperentur ipsius odor ac sapor, nisi morbi circumstantiæ aut ægrorum indoles id prohibeant. Oleum cornu Cervi, cujusmodi obtinetur in priori destillatione, utile

le in pluribus casibus remedium est, adhibendum externe ad instar olei terebinthinæ. Interne autem si adhibeatur, utilius est oleum rectificatum dictum **OLEUM ANIMALE Dippellii**. Hoc autem præscribitur a quatuor guttis ad decem ad scrupulos duos, mixtum quibusdam aromatibus sub forma electuarii vel bolorum, vel in aliquo opportuno vehiculo. Sed quod spectat ad hanc ultimam præscriptionem, idem de hoc remedio dicendum est, quod diximus de oleo terebinthinæ.

Negari non potest, quin oleum animale *Dippellii* efficacissimum remedium sit. Attamen in curatione pauperum, ubi maximi dispendii sit, abstineri ab ejus usu potest. Hoc ego referre volui, cum abstinere non possem a referendo spiritu & speciatim sale volatili Cornu Cervi, & quoniam oleum Cornu Cervi simul cum aliis productis obtinetur eodem tempore, eademque operatione, atque ut hoc pro ut opus est depuretur, maximum dispendium non requiritur, ubi processus quem dixi adhibeatur, hinc ne illud quidem præterire volui. Expediit enim, hoc etiam remedium habere medicos in promptu, quo pro circumstantiis parce admodum uti possint, illudque iis solis casibus accommodare, in quibus alia remedia ejusdem generis inutiliter adhibuerint.

Pharmacopolæ in emendo ab aliis spiritu C.C. maxima diligentia uti debent. Solent enim aliqui malitiose ipsum depurare cum calce; quo in statu multum acris evadit, & in aliquibus circumstantiis potest minus quam alter congruere. Cognoscitur autem huius spiritus corruptio, si affuso spiritu vini rectificati, præcipitatum oriatur, quod levi calore non dispereat. Id etiam agnoscitur ex minus prompta ac forti effervescentia, vel etiam interdum ex nulla, quam ipsum cum acidis producat.

Sal Cornu Cervi sic dictum nihil est aliud, quam *carbonas ammoniacalis* intime conjunctum parte quadam olei foetidi animalis. Hinc arte acquiri potest



sal volatilis illi similis C. C. etiam absque destillatione cornu Cervi, qui perfecte cum ipso congruat etiam in medicis proprietatibus; atque id passim comparari potest, quin opus sit depuratione, & præterea minori calore & incommodo. Ecce processum instituendum. Sublimetur mixtio composita ex quatuor unciiis salis ammoniaci, & unciiis sex salis tartari alcalini, & una drachma olei C. C. nondum rectificati. Obtineri promptius etiam potest leviori labore & minori dispendio, si simpliciter conteratur sal volatile concretum salis ammoniaci obtentum in destillatione spiritus salis ammoniaci aereati, cum aliqua gutta olei C. C., meliusque obtinebitur, ubi rectificatum adhibeatur. Sed ubi hac ultima ratione paretur, expedit illud parari eo tempore, quo utendum est. Similiter per artem obtineri potest spiritus C. C. similis tam rectificato quam non rectificato, prout adhibetur oleum, vel rectificatum, vel nigrum, adhibito spiritu salis ammoniaci aereati. Quocumque demum processu utamur pro his artificialibus præparationibus, facile utilitas intelligitur, quæ in quibusdam emergentibus circumstantiis ex iis trahi potest.

Cornu Cervi calcinatum, quod acquiri potest in prædicta destillatione, potest & ipsum aliquem usum habere. Nam primo *Bonhomo*, qui multas observationes super rachitidem habuit, postquam varias theorias circa hujus morbi causam exposuerit, existimat lotiones alcalinas sub initium factas in corporis partes rachitide affectas plurimum ad valetudinem conducere; atque *phosphatem calcis*, cujusmodi est TERRA CORNU CERVI CALCINATI, interne sumptum multum conferre ad valetudinem ipsam accelerandam. Quæ si vera sunt, habemus in promptu aliud remedium nullius fere dispendii, cujus utilitatem in hoc morbi genere aliorumque cuperem experientia confirmari. Illud est secundo loco certum, hoc inservire posse DENTIFRICIO PULVERI conficiendo. Hæc præparatio prima fronte spectata videri potest inutilis, vel puri luxus;

xus; sed re serius expensa, & spectatis damnis & incommodis, quæ sæpe nascuntur ex defectu mundicie dentium, spectatoque demum exiguo, vel nullo hujus præparati dispendio, prudentia dotemur hoc etiam uti remedio pro dentibus opportunissimo, cujus propterea utilitas contemni non debet. Formula autem hujus præparati esse potest, quæ sequitur. Fit mixtio unius uncix C. C. præparati, uncix dimidiæ corticis salicis redacti in pulverem, duarum drachmarum corticis quercus pariter in pulverem redactæ; atque huic mixtioni adjungi potest aliqua substantia aromatica ad gratiam ei conciliandam, ut esset calamus aromaticus, aut cortex citri, vel anisi, vel aliquod elæosaccharum, vel aliud simile. Cavendum est tamen, ne DENTIFRICIIS præparatis misceatur aliquod acidum, vel sal neutrum continens acidum liberum, ut esset cremor tartari, vel alumen &c. sicut fit ab aliquibus: licet enim hæc corpora opportuniora sint ad albedinem dentibus conciliandam, nocent tamen non parum, cum texturam dentium, & gengivarum offendant. CIRCULATORES nonnulli pluris vendunt aquam cum acido vitriolico acidam redditam tinctamque aliquo colore vegetabilium, ut aptam albedini dentium comparandæ. Hujus generis erat quæ *Sirabode*, Ex hac promptus quidem habetur effectus, sed dum maltha dentium destruitur, augetur causa pessimæ qualitatis quæ corrigenda esset. Nactus hanc occasionem illud quoque moneo, ut cum præscribitur acidum vitriolicum, caute adhibeatur, ne agat in dentes, & noxias in eis impressiones excitet, ut reapse contingit si absque debita cautione subministretur, vel diuturnior fiat ipsius usus.

### SCILLÆ EXSICCATIO, sive PRÆPARATIO.

Rec. Bulbum scillæ recentis, ablato externo cortice, transversim sectum in taleolas tenues.

Hic calore lenissimo, ut in balneo maris vel ex-

positus æstivo soli, vel in loco satis, sed temperate calido probe exsiccetur ut friabilis fiat, ac tum continuo redigatur in pulverem, qui in vitro bene clauso servetur. Ubi scilla rite parata fuerit, licet friabilis facta sit, servare debet amaritudinem & acrimoniam sibi propriam. Efficacior manet hac præparatione scilla quam tostione in olibano cum pasta ex farina & aqua.

Interne præscribitur a tribus granis ad quinque, ad decem, nunquam sola, sed simul cum aliquo pulvere nunc simpliciter ad augendum volumen, ut esset saccharum, aut pulvis liquiritiæ, aut magnesia &c., nunc vero ut auxiliatrix aliorum pulverum ad vim augendam. Potest etiam supeditari in bolis, aut mixta cum aliquo vehiculo. Sed hæc ultima forma minus idonea est, ut est minus idonea pro aliis pulveribus, qui vim habent multo efficacem. Qua de re vide, quæ diximus ubi de IPECACUANHA PART. I. additur etiam in clysteribus irritantibus, & iis in casibus in quibus præscribuntur clysters infusi tabaci. Quod vero spectat ad hujus vim, & effectus, atque ad cautiones in ejus usu adhibendas revocari possunt, quæ dicta sunt PRIMA PARTE de SCILLA RECENTI.

Creditur, hoc præparatum esse venenum ad enecandos mures. Optandum esset, ut effectus huic opinioni responderet. Sic enim ab infestis his animalibus res tueri facie possemus, quin aliis substantiis uteremur ad eos necandos, quæ contrectari non solent sine periculo.

#### SPIRITUS MINDERERI, s. *acetis ammoniacalis*.

Saturetur quælibet aceti communis copia cum sufficienti quantitate spiritus salis ammoniaci aereati eo prorsus modo regulisque, quas innuimus in præparatione liquoris C. C. terebinthinati, & in loco frigido



do asservetur. Sed æstivo maxime tempore sæpius iterandum est.

Hoc est sal vere neutrum solutum, quod ad usus interne præscribitur ab uncia dimidia ad unam, & usque ad quatuor; raro ipsum solum præscribitur; frequentius dilutum aliquo convenienti vehiculo, simulque sæpe edulcoratum cum melle, vel oximelle, vel aliquo syrupo, nec raro præterea simul cum aliis remediis. Potest etiam externe adhiberi, sed rarius id fit.

Cautio quoque utilis & laudabilis est, ut in saturationis operatione sic procedatur, ut magis abundet aceti quantitas, quam alcali. Quod quidem exemplum proferendum quoque fuisset cum aliis, quæ produximus in monitis præliminaribus, ubi oblivionis causa omissum fuit. Certo dignoscitur, alcali copiam super abundare, si colorem fuscum exhibeat; ut propterea ubi diaphanus sit, indicium præbeat alcali non abundare.

**SPIRITUS SALIS AMMONIACI TARTARISATUS**, seu **AEREATUS**, seu *Carbonas ammoniacalis fluidus*.

Rec. Salis ammoniaci pul. libram unam,  
Tartari alcalini unc. quindecim.

In retorta vitrea unus post alium reponitur pulvis, in eaque fit mixtio, cui adjungitur

Aquæ communis libra una & semissis.

Arenæ balneo retorta committitur, & continuo applicato amplo receptaculo perforato, juncturisque vesica molli firmatis destillatio suscipitur ad siccitatem, & liquor prolectus servatur in vitro instructo pariter epistomio vitreo.

**ALCALI VOLATILE CONCRETUM** adhærens vasorum lateribus una cum spiritu lagenæ committitur.



Si quis velit majorem copiam salis volatilis concreti ad aliquem usum habere, quin opus habeat alio processu, repetere potest destillationem ut supra, & loco aquæ subrogare prædictum spiritum volatilem.

Interne præscribitur a sex guttis ad decem, ad viginti & usque ad scrupulos duos in aqua destillata, quæ tamen sit in ea copia, ut sine incommodo ingurgitari possit, additurque diversis mixturis. Potest in aliquibus casibus utiliter explere vices salis, vel spiritus C. C., iis præsertim in ægris, in quibus hujus generis remedia indicentur, & qui ferre nequeunt producta Cornu Cervi ob eorum fœtidum odorem, ingratumque saporem. Ceterum cum etiam sapor alcali salis ammoniaci sit non parum ingratus, expediet ubi maxime præscribatur solum in aqua simplici, illud corrigere addito saccharo, vel melle, vel aliquo syrupo vel alia substantia. Magno quoque cum fructu adhibetur etiam externe interdum solum ac præsertim ut excellens remedium excitans odoratu applicandum, sæpe additum diversis opportunis vehiculis in fomentationibus; denique inservit præparationi SPIRITUS MINDERERI & LINIMENTI VOLATILIS.

Residuum supradictæ destillationis dissolvitur sufficientis aquæ communis copia, filtratur & evaporatur usque ad cuticulæ apparitionem. Tunc vero liquore quieti reddito crystalli oriuntur statim eluendæ aqua frigida, quæ exsiccata exhibent SAL DIGESTIVUM, seu FEBRIFUGUM *Sylvii*, vel *muriatam potassa*.

SPIRITUS SALIS AMMONIACI VOLATILIS, seu CAUSTICUS, seu ALCALI VOLATILE FLUOR, seu *ammoniaca pura*.

Rec. Calcis vivæ recenter paratæ pul. libram unam  
& semissem

Salis ammoniaci in libris sex aquæ destillatæ soluti libram unam.

Hæc

Hæc caute immittantur retortæ, quæ aliquoties manu clausa agitur, & deinde balneo arenæ committatur. Agglutinetur ipsius collum ope mollis vesicæ, & igne leni instituatur destillatio, donec libræ duæ extrahantur quæ in vitro probe clauso servantur. Recipiens adhibendum in hac destillatione amplum esse debet & perforatum, & aqua frigida vel glacie assidue refrigerandum. Debiliior spiritus qui in destillatione sequitur, seorsim servari potest, & novæ destillationi adjungi loco aquæ.

Hic spiritus aptior est altero pro conficiendo LINIMENTO VOLATILI, cum alcali longe melius oleis uniantur, ubi sint caustica, seu destituta acido carbonico. Vellent aliqui ob ejus vim, qua pollet, vehementer acrem, hunc spiritum usibus tantum externis aptari. Attamen etiam interne maxima cum utilitate adhiberi potest, ac singulares effectus parit ubi rite administretur, eo solo discrimine, quo iste præscribendus sit ad dosim tertia parte circiter minorem, qua alter præscribitur; nec casus desunt, in quibus spiritus iste prælationem super alium meretur ob eas rationes, quas alibi protuli circa prælationem magnesiæ calcinatæ super aereatam. Etiam ad usum odoratus alteri præferri merito potest, ubi requiratur actio celerior & efficacior ea, quam alter præstare potest, ut inter cætera in hominibus qui in mortis versantur periculo ob aerem fixum, sive gas acidum carbonicum respiratum; tum etiam in asphyxiis, atque ad excitandos aqua submersos, vel diversimode suffocatos, vel frigefactos a nive &c., cum ex eo irritamen optimum habeatur, sive admoveatur naribus sive charta vel linteamine isto immersis, fauces pingantur.

Cl. doctor *Bongiovanni* testatur, se hoc remedium præscripsisse optimo cum exitu adversus fungorum venenum tam ad odoratum, quam ad usum internum. At mihi videtur, ubi emetico locus sit, utilius esse ante hujus remedii usum emeticum ipsum præscribere.

re. Aliquorum iudicio singulare remedium est adversus rabiem caninam. Neminem latet cl. *Fontana* hoc ipsum remedium magnopere commendare ad morsum viperæ curandum.

Si quatuor hujus spiritus partes misceantur cum octo spiritus vini, oritur ex tempore id quod dicitur SPIRITUS SALIS AMMONIACI VINOSUS, seu SPIRITUOSUS. Si vero prædictus spiritus vini non simplex seu digestus antea cum anisis redactis in pulveres adhibeatur, sive si ab ipsis tinctura extrahatur, & ipsa adhibeatur, hac præparatione obtinetur quod dicitur SPIRITUS SALIS AMMONIACI VOLATILIS ANISATUS. Quod si præparatio fiat cum simili tinctura hausta ex cortice citri, aut juniperi, aut alterius substantiæ, quod inde oritur præparatum, nomen accipit ab ingrediente quod ad id adhibitum fuit.

Ope spiritus salis ammoniaci caustici acquiri quoque potest ea præparatio, quæ jampridem & diu magnam famam habuit, atque dici solet EAU DE LUCE, sive AQUA LUCIÆ GALLORUM, sive SPIRITUS SALIS AMMONIACI SUCCINATUS, & quam ego consulerem in re nostra sic præparari. Spiritus vini rectificatissimi uncix duæ accipiantur, in eoque solvantur saponis albi grana sex; solutioni filtratæ addatur olei ætherei terebinthinæ drachma una, eidemque solutioni filtratæ addantur sensim triturando spiritus salis ammoniaci caustici uncix octo. Ubi cuticula pinguis appareat, tum addantur spiritus vini rectificati aliquot guttæ, & rite misceantur. In hoc quoque processu quem innuo, præparatum exhibere semper debet colorem lacteum, cum hic sit qualitas essentialis hujus liquoris, quocumque demum processu præparati, si optimus fuerit.

Porro in hac quoque destillatione adhibitus non est APPARATUS *Woulfi*, qui ceteroquin utilissimus esset, ob rationes quas protuli in præparatione ACIDI NITRI.

Ut vero hic spiritus semper causticus seu purus servetur, maxima diligentia utendum est in eo custodiendo. Oportet enim operculum ampullæ ut accurate clausum tegere vescica in spiritu vini madefacta. Rursus ille collocandus est in exiguæ capacitatis ampullis. Secus enim si in unica, eaque magnæ capacitatis spiritus repositus esset, hic per iteratas ampullæ aperatureas plus minusve acidi carbonici facile absorberet, atque hinc non parum amitteret virium & proprietatum suarum.

Fieri autem potest, ut spiritus iste aliquid acidi carbonici, vel calcis contineat. Ut id cognoscatur, simulque mixtiones hujusmodi corrigantur, huc revocari possunt quæ dicta sunt de lixivio caustico, eo solo discrimine, ut ubi de lixivio caustico monuimus utendum esse carbonate potassæ, in casu nostro adhibeatur carbonas ammoniacæ.

Quod si contingeret ruri vel alio in loco deficere hoc maximi momenti in pluribus circumstantiis subsidium, & ex altera parte rei necessitas ejus usum ad odoratum postularet, ut in iis casibus quos antea recensuimus, hujus defectus sarciri posset ope salis ammoniaci, quod facile apud quemlibet pharmacopolam ubique invenitur, cum calce viva, vel hujus defectu cum aliquo sale alcalino fixo, & ubi hoc etiam deesset, cum cinere ignis communi. Hæc mixtio prope nares posita vices expleret, atque hæc mixtio penetrabiliorem redderet exhalationem alcali volatilis, ubi illa fieret cum cinere aliquatenus calefacto.

### SPIRITUS VINI RECTIFICATISSIMUS, seu *Alcohol vini.*

Rec. Spiritus vini simplicis quantum vis.

Destillatur e balneo maris, donec quidquid spirituosum est exhauriatur, quod iterata destillatione,



addita tertia parte aquæ puræ , neglecto singulis vicibus phlegmate, rectificetur, donec in cochleari parte sua convexa aquæ frigida immerso integre deflagret, vel eidem injectum sal tartari siccum permaneat, vel pulvis pyreus eidem superfusus, & accensus abripiatur in flammam.

Hæc operatio citius absolvitur, si ille tantum liquor, qui qualibet destillatione primo se prodit, pro sequenti rectificatione leni igne facienda adhibeatur; debiliior autem spiritus, qui in destillationibus sequentibus acquiritur, seorsim potest servari vel pro nova rectificatione eodem modo facienda, vel pro aliis usibus.

Dictus spiritus præcipue inservit præparationi **ÆTHERIS VITRIOLICI**, & **LIQUORIS ANODYNI**. Adhibetur etiam interne a dimidia drachma ad duas, & usque ad sex addendus mixturis; immo usque ad uncias duas, præscriptus in sufficienti copia alicujus vehiculi pro potu ordinario. Si præscribatur simpliciter mixtus aquæ communi, potio evadit valde jucunda, quæ adhuc gratior efficitur, si huic addatur aliqua portio mellis, vel sacchari; & jucundior adhuc redditur, si præterea eidem adjungatur aliqua aqua vel infusio aromatica, vel compendii causa simpliciter eidem uniatur elæosaccharum, vel syrupus aromaticus. Utimur denique eodem spiritu etiam externe vel solo, vel addito alicui vehiculo pro fomentationibus &c.

Genuinus & eximie notæ spiritus vini præter eas dotes quas antea recensuimus, habere debet odorem fortem, suavem, & in vola manus confrictus nullum relinquere debet nauseosum odorem. Ejus autem sapor vehementer igneus esse debet, amœnus tamen, & quin sensationem urentem in lingua relinquat; & ab omni empyreumatico & dolii sapore semper liber; ac demum charta bibula & pannus lineus eo madefactus incensusque flamma simul cum eo comburuntur.

Spiritus autem vini haustus ex diversis aliis substantiis unus ab alio essentialiter differt tam odore & gustu, quem periti facile agnoscunt, quam ratione habita effectuum plus minusve diversorum, qui se produnt. Quare cavendum, ne in magni momenti præparationibus unus alteri substituatur. Ceterum non raro pro internis usibus præcipue in curatione pauperum, tum pro omnibus generatim externis usibus horum substitutio œconomix conformior esset & utilior sine ullo ægrorum detrimento. Quod monitum negligendum non esset, cum ad parandos varios spiritus vini adhiberi facile possent aliæ plures substantiæ vel fructus, qui nullius sunt usus, & qui aliunde utiliter proposito scopo inservirent. Quod sane fit in aliis regionibus.

### SPIRITUS VINI SIMPLEX & RECTIFICATUS.

Ea quæ libet quantitas vini rubei vel albi in alambico ponitur; deinde ad destillationem proceditur moderato calore faciendam, ac destillatio continuatur donec totus spiritus elicitus fuerit, & etiam exigua phlegmatis copia, ut certi simus haustum fuisse totum inflammabilem liquorem. Ubi hic SPIRITUS VINI SIMPLICIS iterum destilletur usque ad medietatem, obtinetur SPIRITUS VINI RECTIFICATI, qui servari debet maxima diligentia, ut etiam cum rectificatissimo faciendum est, in lagenis vitreis bene clausis, & in loco frigido.

Hoc spiritu utimur speciatim ad parandas TINCTURAS. Frequentius œconomix causa convenit hunc adhiberi etiam ad usus internos, sed multo magis ad exteriores.

### SPONGIA PRÆPARATA seu CERATA.

Spongiæ optime lotæ & siccæ in laminas sectæ in ceram flavam liquatam demittantur; prælo deinde fortiter expressæ, & frigefactæ servantur.

Præferunt aliqui spongiam, quæ paratur simplici compressione, sed vehementi exiguarum spongiarum bene lotarum & siccarum sub prælo. Sed quæ paratur hoc modo exiguo temporis spatio servari potest, nec nisi in loco admodum sicco, cum facile ipsa, & brevi intumescat. Quare hujus generis spongiæ præparatio frequentior esse debet.

Sed quocumque modo spongia paretur, utraque non adhibetur nisi a chirurgis.

**SULPHUR AURATUM ANTIMONII**, seu *oxydum stibii sulphuratum aurantiacum*.

Rec. Antimonii crud. subtiliter pulv. partes duas  
Sulphuris citrini pulv. partes tres. Misceantur &  
Coquantur in copia lixivii caustici sufficienti, prius tamen diluti cum sufficienti aquæ destillatæ quantitate intra lebetem ferreum, donec appareat lixivium coloris saturi flavi. Tunc lixivium hoc adhuc calidum filtretur; pulveri, siquis supersit, denuo lixivium causticum adfundatur; ac ita coquatur, & continuetur filtratio, donec quantum fieri potest totus pulvis solutus sit, seu donec lixivium non amplius flavum colorem induat. Ex his lixiviis per chartam bibulam filtratis, & inter se junctis ope aceti aut vitriolici acidi aqua bene diluti omne sulphur contentum præcipitatur, & aqua communi primum frigida, deinde calida toties abluitur, quoties opus est, ut omnis salus sapor plane evanescat, uti & omnis odor nauseosus ovi putridi. Tum præcipitatum lente exsiccandum est in loco umbroso non frigido in charta emporctica super inversum cribrum apposita, cum exsiccandus non sit expositus soli, quoniam lux cum in chemicis præparatis speciatim metallicis alterationes quasdam inducat, nostri quoque de quo agimus colorem minuit, atque hac ipsa de causa servari debet eo modo quo diximus servandum esse mercurium dulcem.

Pro hac quam diximus præcipitatione adhiberi com-  
mode



mode potest residuum ætheris vitriolici antea diluendum & filtrandum, ut clarescat, quemadmodum dictum fuit, ubi de æthere. Curandum autem est, ne solutio acido nimium impleatur, quo fieret ut deinde color præcipitati magis minueretur, quam exaltaretur. Præterea cum prædicta mixtio sæpe agitanda sit dum bullit, adhiberi debet spathula lignea, cum si adhibeatur spathula ferrea, sulphur antimonii partibus ferri & sordido croci-martis colore inquinetur. Sulphur auratum antimonii in granis centum continet calcis antimonii grana vigintiquinque, & sulphuris grana septuaginta quinque.

Hoc remedium solis usibus internis destinatum esse videtur, pro quibus minus apte præscribitur in solutione, seu additum alicui mixturæ, ob eas rationes quas diximus ubi de Ipecacuanha & Æthiope. Quare bono cum fructu sub forma pilularum præscribitur ope extractorum vel alterius generis substantiæ, vel sub forma pulveris cum aliquo alio pulvere adinstar simplicis constituentis, ut cum magnesia vel pulvere liquiritiæ &c. absque tamen mixtione sacchari, ut alias monui cum de liquiritia. Expediit autem hoc cum aliis remediis conjunctum præscribi, ex qua mixtione vel hujus vis augetur, vel aliorum augetur vis. Hinc celebriores prædicti solent magna cum utilitate hoc remedium miscere cum mercurio dulci, vel china, vel camphora, &c. Observatum est, ex unione sulphuris aurati antimonii cum mercurio dulci, illud amittere vim excitandi vomitum, hunc vero vim amittere promovendi salivæ emissionem. Vis quoque in illo emetica intercidit, ubi misceatur portioni sulphuris.

Doses autem, quibus sulphur auratum antimonii exhibetur, sunt pro tenellis infantibus duorum vel trium annorum ab uno grano usque ad tria, in ætate majori a duobus ad sex. Pro adultis autem in morbis acutis a quatuor granis ad decem, raro autem usque ad viginti, ad quæ pervenitur in chronicis &

per-



pertinacibus morbis, in quibus, post continuatum ejus usum perveniri etiam potest usque ad duos scrupulos, & amplius. At in omnibus casibus exhiberi debet divisim variis vicibus, variisque servatis plus minusve intervallis pro rei exigentia. Quæ quidem regula locum habet in omni remediorum genere, exceptis purgantibus & emeticis, licet nec ista quidem semper excipienda sint, cum interdum expediat vel hæc ipsa exhiberi per varias vices, servatisque inter ipsas interstitiis longioribus pro purgantibus, brevioribus vero pro emeticis.

Exhibitum simul cum salibus mediis non raro excitat nauseam & vomitum, ventremque extimulat. Idemque contingit, si acida libera in ventriculo inveniat. Ex quo clare patet necessitas, qua abstinendum esse jubet ab ejus mixtione cum acidis, atque a simultaneo cum hoc remedio usu acidorum; & ideo etiam a potionibus acidulis post ejusdem sumptionem & ab usu alimentorum acidorum vel acescentium: ubi vero suspicio habeatur aciditatis in primis viis, rem exigere constat, ut hoc remedium conjungatur cum magnesia, vel cum sapone, vel hæc ipsa sumantur ante usum sulphuris aurati. Quæ quidem monita, diligentia, cautiones in usu sulphuris aurati antimonii observanda locum habent etiam in usu CHERMETIS MINERALIS, de quo ego dicere prætermisi proposito meo inhærens, cum huic eodem cum fructu sulphur auratum antimonii subrogari possit.

Processus præparationis sulphuris aurati, quem indicavimus, tutior est & ceteris præferendus, ut censent etiam *Bergmann, Goetling, Herold, Pipenbring, Dollfus, Hirsching, Wiegleb, Vogler &c.*

Constat tamen, interdum sulphur auratum antimonii adulteratum fuisse cum creta, aliisque extraneis substantiis. Ex quo sequitur, pharmacopolas in emptione sulphuris aurati uti debere maxima attentione, ut illud sibi comparent his dotibus præditum. Primo, ut nullam efficiat effervescentiam cum acido nitrico:

secundo, ut igni vehementi expositum in crucibulo cooperto alio crucibulo totum avolet, nec terram, nec carbonem relinquat: tertio, ut totum solvatur in lixivio caustico: quarto denique, ut colorem exhibeat valde fulgentem aurantium.

### SYRUPUS CORTICUM CITRI.

Rec. Mellis despumati libr. tres,  
Ol. essential. cortic. citri unc. dimidium,  
Gummi-arabic. pulv. unc. unam.

Miscetur oleum cum gummi ac sensim sensimque, continuata semper mixtione, eidem conjungitur mel, ac postea in vitro clauso servatur.

Additur potionibus ordinariis, ac sæpius mixturis a duabus drachmis ad unciam cum dimidio. Adhibetur etiam tamquam constituens pro aliquibus electuariis usque ad quatuor uncias. Frequentius tamen eodem utimur ad aliqua medicamenta gratiora efficienda.

### SYRUPUS CICHOREI CUM RHEO.

Rec. Rhei elect. contus. unc. sex.

Infunde in aquæ fervidæ libras tres, fiat tinctura, & colatura seorsim servanda signetur =  
TINCTURA PRIMA;

Iteretur hæc infusio cum eodem rheo, & colatura signetur = TINCTURA SECUNDA;  
deinde

Rec. Radic. Cichor. unc. tres; Coquantur in

Aquæ communis libris quatuor, & colatura adhuc fervida librarum circiter trium misceatur residuo rheo; post levem ebullitionem percoletur,

tur , & addatur tinctura rhei SECUNDA ;  
dein

Sacchar. libr. sex .

Clarificetur liquor & in syrupum densiorem evaporetur , cui postea adjicitur TINCTURA PRIMA , & facta mixtione servetur .

Maxime necessarium puto hunc syrupum , cum præsertim per hunc habeatur opportunissimum remedium purgans pro infantibus , cui quamcumque curam impenderim , aliud invenire non potui , quod subrogarem & utilitates omnes , saltem in curatione infantium simul collectas haberet , ut habet hoc remedium , de quo agimus . Solliciti autem de infantium curatione non minus quam adultorum esse debemus ; cum verissimum sit , quod ait gallicus auctor, IL FAUT CONSERVER DES ENFANS POUR AVOIR DES HOMMES.

Hoc remedium laxativum eam affert utilitatem , RHABARBARI propriam , quod dum purgat , vires non debilitet , sed potius corroboret . Præscribitur autem interne pro adultis solutum in aliquo vehiculo aut additum alicui mixturæ vel aliis potionibus a dimidia uncia ad tres , vel unitum electuariis ; pueris vero præbetur vel solutum in aliquo vehiculo vel etiam solum ore absorbendum per vices exiguis coffei cochlearibus . Exhibetur infantibus recens natis magno cum fructu ad eos liberandos a meconio aliisque incommodis , quibus subjacent , ut sunt tormina , convulsiones &c. quibus torquentur . Quo præterea remedio curari a pluribus morbis possunt infantes , quos pati solent etiam in progressu primæ eorum ætatis . Ea quoque utilitas habetur , ut facilius hoc remedium quam quodlibet alterum ipsis infantibus præbeatur , pro quibus sub hac unica forma ipsum rhabarbarum præscribitur .

Ceterum quod generatim spectat ad diversas subministrandi medicamenta rationes cuilibet ægrotorum classi

classi & ætati, ut facilius sumantur, temperato & quasi abscondito eorum colore, odore, ac sapore injucundo, legi meretur excellens opusculum *Serain* insertum BIBLIOTHECÆ ŒCONOMIÆ anno 1790. In hoc opusculo præter recensitas aliasque analogas observationes aliæ quoque continentur, quæ respiciunt quamlibet aliam ægrorum curæ partem. De harum observationum pretio hoc quod sequitur iudicium fertur in novo *Dictionario Encyclopedico*: NOUS NE POURRIONS CHOISIR POUR L' ENTERET DES MALADES, UNE GUIDE PLUS ECLAIRE, NE ADOPTER UNE DOCTRINE PLUS INSTRUCTIVE, PLUS SAGE, ET PLUS CONSOLANTE. Nihil revera vel saltem paucissima iisdem observationibus addenda supersunt, ut tanti momenti argumentum perficiatur: huic operi titulus est OBSERVATIONS SUR LES SERVICES AUPRES DES MALADES. Tanta sane utilitas ex his observationibus trahi posset, ubi accurate istæ executioni mandarentur; ut maxime expediret prædictum opusculum clarissimi auctoris in linguam etiam italicam converti, ut latius pateret, magisque cognosceretur; id quod etiam vergeret in maximum Nosocomiorum aliorumque piorum locorum emolumentum, si quantum permetterent eorum circumstantiæ, prædicta monita observarentur. Hæc longe utiliora pro humana ac pia ægrorum cura evaderent, quam plures aliæ dispositiones & systemata, quæ pro locis piis a quibusdam proponuntur arbitrato proprio sine ratione & ullo rationis medico vel philosophico,

### SYRUPUS PAPAVERIS ALBI, seu DIACODII.

Rec. Caputum papav. alb. immatur. & a seminibus purgator. libram unam

Incisa & contusa macerentur in aqua per duodecim horas; postea ebullitioni exponantur per horæ quadrantem in

Aquæ



Aquæ communis libr. quatuordecim  
Colaturæ espressæ addantur

Sacchari libræ quinque, clarificentur, & coquantur usque ad consistentiam syrupi.

Interne præscribitur nunc solum ut lambatur, nunc additum alicui mixturæ, vel emulsioni, vel alteri potioni; pro pueris vel infantibus ab una drachma ad quatuor & pro adultis ab uncia dimidia ad duas.

### SYRUPUS PERUVIANI CORTICIS.

Rec. Pulv. crassi cortic. peruvian. unc. tres,  
Vini rubri generos. libr. duas.

Infundatur per biduum in vase clauso; deinde percoletur tinctura & servetur seorsim sub nomine  $\square$  TINCTURA PRIMA, deinde Residuum prædictæ tincturæ ebullitioni exponatur in aquæ communis s. q.

Colatura fortiter expressa ponderis sex circiter librarum servatur, ut clarificentur  
Sacchari libræ tres. Ebulliat postea usque ad consistentiam densiorem syrupo; ac tum addatur PRIMA TINCTURA, & vix post primas ebullitiones syrupus ab igne removetur, & servatur.

Administratur interne adultis a dimido uncix ad duas passim addendus mixturis, & ubi addatur iis quæ cum decocto chinæ parantur, dum gratia quædam eis conciliatur, ea quoque eodem tempore obtineatur utilitas, ut aliqua ratione ipsius vis & efficacia roboretur. Adhibetur etiam in præscriptione ele-  
ctuariorum; quo in usu major dosis præscribitur.

Pueris autem vel infantibus etiam solus præbetur paulatim vel ore lambendus, vel alicui convenienti vehiculo adjunctus ab una drachma ad quatuor & amplius pro rei exigentia.

Hunc quoque syrupum præterire nolui in hac pharmacopea, ne infantes etiam in primo vitæ statu opportuno ac satis sæpe efficaci medicamine privarentur, maxime cum hujus remedii usus sit ipsis facilis sumptionis, longe vero difficilioris sit pro infantibus sumptionis usus chinæ vel alterius similis remedii, nisi sub hac forma administretur.

Eadem de causa nec omittere quidem volui SYRUPUM PAPAVERIS ALBI. Nam præter quam quod usus hujus syrupi ægrotis omnibus cujuslibet ætatis in pluribus casibus multum utilis sit, maximam habet utilitatem pro infantibus, quoties præscribendum sit OPIUM, cum syrupus iste fere æqualiter ac tuto operetur ut opium, & quin quidpiam incommodi oriatur, quod ab usu opii oriri facile posset, a quo propterea in hac ætate abstinendum semper esse consultius est. Idem quoque vices explere potest utilius electuarii, quod dici solet REQUIES NICOLAI, & apud mulieres inter nos DORMIA appellatur, quo ipsæ aliquando effectuum ignaræ, ac sæpe ut propriæ quieti consulant, inhumane abutuntur cum maximo non raro infantium detrimento, cum in hoc electuario non parum opii contineatur. Hic antiquissimus usus vel potius abusus opium seu dormia administrandi, tam generatim & frequenter ut fit, proscribendus prorsus esset, ejusque loco ubi necessitas postulare subrogandus esset syrupus papaveris, licet non raro contingat inopportunum esse etiam hujus usum, cum sæpe opposito remedio obtineatur vere utilis effectus, qui ab opio expectatur, cum nempe avellenda est causa incommodorum infantium ad ipsorum quietem & salutem comparandam, qua in re opportunus est usus SYRUPI CICHOREI CUM RHEO, cui non raro prodest additio portionis MAGNESIÆ CAL-

**CALCINATÆ**, & interdum etiam usus simplicis magnesiæ, & alicujus aromatis, ut semen fœniculi, anisorum &c. Quo unius vel alterius remedii genere pro variis circumstantiis longe tutius curantur, quam usu tam noxiorum opiatorum, seu aliorum remediorum, quæ in casu nostro inaniter adhiberentur ad tormenta sedanda, atque ad acida primarum viarum involvenda & expellenda. Ceterum accidit interdum nullum remedium necessarium esse, sed exigi solum majorem in matre vel nutrice affectum & curam.

**TARTARUS EMETICUS** s. **ANTIMONIATUS**,  
s. *tartris potassæ stibiatus*.

Rec. Pulver. Algarotti abluti & exsiccant. unc. quatuor cum dimid.

Cremor. tartar. unc. decem.

Coquantur leniter per horam dimidiam in vase vitreo cum

Aquæ destillatæ libris triginta: Liquor deinde filtretur & evaporetur, donec in liquoris superficie cuticula salina tenerior appareat. Tum removeatur ab igne, & crystallisationi exponatur. Sale concreto deinde remoto continuetur crystallisatio residui liquoris, donec nihil ultra crystallisetur. Crystalli omnes ita collectæ & exsiccatae simul in mortario non metallico terantur in pulverem, & vase bene clauso servantur.

Quovis in casu interne præscribatur tartarus emeticus, tam solutus exhibetur quam in pulvere. Miscetur etiam præscriptus tamquam alterans remedium cum mixturis, potionibus, aliisque vehiculis vel remediis, quæ dantur sub forma electuarii, & pilulæ, sed in his casibus opus est observare cautiones illas, quas circa usum OPII exhibuimus, iisdem rationibus ibidem allatis. Nunquam solus præbetur in pulvere, sed semper cum aliis pulveribus ejus indolis ut passim

sim ab ejus mixtione virium incrementum accipiant, & reddant; hinc ab aliquibus simulcum cremore tartari frequenter præscribitur; quæ mixtio a quibusdam dicitur pulvis resolvens. Exhibetur etiam multis aliis remediis conjunctus. Cl. *Lassone* observavit tartarum emeticum mixtum cum æquali portione salis communis, & solutum in aqua naturam potius induere purgantis remedii, quam emetici. Additur Ipecacuanhæ ad hujus vim augendam, cum emeticum fortius ac celerius requiritur.

Dosis autem hujus remedii est cum ut emeticum datur, in pueris unius anni ab una quarta grani parte ad dimidium grani, in ætate duorum vel trium annorum a dimidio grani ad unum; in ætate majori usque ad annos octo circiter fortioris temperamenti ab uno grano ad unum cum dimidio; in adultis demum a duobus ad tria vel quatuor, & interdum usque ad sex grana; & ubi addatur Ipecacuanhæ ob finem quem diximus obtinendum, præscribitur a dimidio grani ad unumgranum. Quod si tartarus emeticus pro varia ægrotorum indole & temperamento in minori dosi quam opus sit pro emetico præscribatur, tunc passim agit ut laxativum remedium: & in dosi adhuc minori præscriptus operatur ad instar alterantis remedii, sub cujus forma si rite administretur, in curandis morbis optimi effectus obtinentur. Ceterum in aliquo casu ob continuatum & diu auctum ejusdem usum ad instar alterantis remedii in adultis perveniri potest usque ad grana decem, quindecim, viginti, triginta, & amplius. Sed illud moneo, cum tartarus potissimum ut emeticus datur, tutiorem ac meliorem eundem subministrandi rationem esse ejus præscriptionem in aqua soluti vel altero apto vehiculo pro rei exigentia. Habet enim simplicior hæc forma id commodi, ut non æquabilissime tantum per omne fluidum distributus sit & maneat tartarus emeticus, sed etiam cum ægri alii aliis in vomitum magis proclives sint, hi singulis horæ quadrantibus co-



chleare liquoris sumendo, accuratiori facta tartari divisione dimidiæ, tertiæ &c. partis grani, donec tandem effectum suum edere incipiat, a periculo nimis violenti vomitus tuti sint.

Tartarus emeticus in LIMONEA solutus est potio multum efficax, commoda, jucunda, quæ gratior adhuc effici potest additione alicujus syrupi. Hæc forma præbendi tartarum emeticum opportunissima est præsertim pro infantibus; & pro quolibet alterius ætatis & conditionis, qui ægre ferat vel respuat medicamentorum usum, eaque præscribitur summo cum fructu, dummodo doses ut opus est temperentur, tam ad scopum emetici ut vomitus cieatur, quam laxativi, tum etiam alterantis remedii. Atque in his omnibus casibus facillime doses per solutionem metimur, ut antea dictum est de tartaro ut emetico. Rursus ubicumque indicetur usus tartari emetici, expeditior est forma prædicta non solum ob facilem & jucundam, ut nuper dicebamus, tartari emetici sumptionem, quæ sub alia forma aliquando præscribi non posset, sed etiam quia vices explere potest aliarum præparationum antimonialium, quæ præberi non possent interdum ægrotis sub formis ipsarum propriis.

Solutus adhiberi quoque potest pro irritante clystere. Commendatur præterea ad usus externos pro ablutionibus & balneis.

Sed aliæ etiam cautiones præ oculis haberi debent in hoc remedio tantopere energico præscribendo. Cum administratur solutus, semper utendum est aqua destillata; curandum est quoque, ut toties vas agitur, quoties sumenda est solutio ab ægrotis. Si addatur aquæ in qua solvatur exigua portio cremoris tartari, res optima fiet: sic enim impiedietur ipsius decompositio, quæ aliquando posset contingere. Aliqui opinantur meliorem fieri solutionem tartari emetici, si antea in aqua immittantur æquales partes salis ammoniaci; sed verentur alii, ne cum id fit ex mixtione cum sale ammoniaco compositum exurgat, quod

nimia vi operetur, & aliqua suspicione non careat. At ego testari possum me sæpe vidisse ab aliis præscriptam mixtionem prædictam non solum caruisse periculo, sed etiam optimos effectus peperisse.

Tartarus emeticus in aqua vel vino solutus additus præscriptionibus medicis, majori utilitate locum tenere potest VINI ANTIMONII parati cum VITRO ANTIMONII vel aliarum similium antimonialium substantiarum, cum hæc alia præparata ob inæqualem solutionem pro diversis vinis adeo tuta non sint, quemadmodum est usus tartari emetici soluti.

Tartarus vero emeticus, qui tutior sit, uniformior, suisque in effectibus constantior, est ille paratus cum antea dicta calce antimonii, cum sit hæc calx sive oxydum in eodem semper statu & gradu oxygenationis, quod multum necessarium est, ut tartarus his, quas diximus, proprietatibus præditum sit. *Sande & Habnemann* crediderunt tartarum omnem emeticum non crystallisatum rejiciendum esse ob tam multiplices mangonisationes, ut ajunt, quibus iste subjacet.

TARTARUS SOLUBILIS, sive TARTARISATUS,  
s. *tartris potassæ*.

Rec. Salis tartari alcalini quantum vis;

Dissolvatur in duodecuplo aquæ puræ & ebullienti dissolutioni successive adjungatur cremor tartari in tenuissimum pulverem redactus ad punctum saturationis; liquor saturatus adhuc dum calet filtretur, & leni calore ad siccitatem evaporetur; & inde obtenta massa salina in vase probe obturato servetur. Sed ea cautio in operatione observetur, ut in fine evaporationis continuo spathula lignea substantia agitetur, & exsiccatio fiat massæ paullatim per vices, ut sal candidior maneat & protegatur ab aliis alterationibus, quas pati posset.

Interne præscribitur ut laxativus a duobus drachmis ad quatuor & etiam ad unciam unam fere semper solutus in aqua, vel sero lactis, vel alio vehiculo, & sæpe miscetur cum aliis purgantibus remediis. Si ut alterans remedium præscribatur, datur a dimidio drachmæ ad drachmas duas usque ad quatuor, frequenter solutus in aliquo opportuno fluido, vel sub forma electuarii, nunc cum simplici melle, nunc aliis diversis ingredientibus mixtus. Aliqui hunc laudant etiam ad usus externos adhibitum in solutione.

Hoc vero sal neutrum adeo virtute æquipollet aliis salibus neutris majoris expensæ, ut cum eodem exitu adhiberi illud possit loco vel ipsius TERRÆ FOLIATÆ TARTARI, de qua propterea dicere præterivi. Immo hæc substitutio plures habet utilitates: nam præterquamquod multo magis, ut dixi, sit œconomica ipsa præparatio, longe expeditior & facilior est præparatione terræ foliatæ: ipsa præterea exhiberi potest etiam sub forma electuarii, & etiam in pulvere vel solo vel mixto cum alio ingrediente; sub utraque autem hac forma, & multo minus sub ultima terra foliata præscribi non posset, cum ipsa facile in liquorem convertatur; hinc nonnisi ob imperitiam aliqui medici foliatam terram aliasque hujus generis substantias ad deliquescendum proclives sub his formis præscribunt, multoque pejus in pilulis.

Tartarus tartarisatus haberi potest crystallisatus, si evaporetur liquor saturus usque ad consistentiam julepi ac deinde crystallisetur; quæ quidem crystallisatio obtineri non potest, nisi fiat in locō frigido, eoque facilius, quo frigidior est locus, cum hujusmodi sal ex eorum numero sit, quæ tenacius retinent caloricum ac ideo difficilius amittunt. Ceterum hæc crystallisatio pro scopo nostro necessaria non est, cum magis ad elegantiam pertineat. Observatum jam est, ad saturationem duarum drachmarum alcali tartari postulari 295 grana circiter cremoris tartari,

In hac operatione melius est copiam cremoris tartari abundare, quam copiam alcali, quod alcali præterquamquod tartarum tartarisatum efficiat deliquescentem, medicus quoque qualitates salis perturbat, & alterat. Sic etiam cum tempore ebullitionis solutionis salis neutri, hæc alcalini quidpiam suscipiant, hinc prope finem ebullitionis cum jam ad formam julepi accedit, aliquid addatur cremoris tartari in subtilissimo pulvere per varias vices, donec non amplius effervescat.

### TINCTURA ANODYNA, seu OPIATA, seu THEBAICA.

Rec. Opii puri pul. unc. duas;  
Spiritus vini unc. quatuor,  
Vini albi generosi libr. unam.

Digeratur mixtio, vel exposita soli, vel in loco modice calido, donec liquor saturate tinctus fuerit, & usque ad perfectam solutionem opii. Tunc filtretur, & servetur.

Hæc tinctura substituitur sic dicto LAUDANO LIQUIDO, & quælibet tincturæ drachma continet grana septem cum dimidio opii.

Interne præscribitur cum aliquo simplici vehiculo, vel addita alicui mixturæ, ac interdum alicui electuario. Tinctura hæc utilius ita præscribitur loco opii, cum opium in electuario, vel pilulis eam utilitatem non habeat, quam habet tinctura, distribuendi nempe æquabiliter per singulas massæ portiones particulas opii.

Præscribitur vero in infantibus duorum usque ad annos quinque, licet rarius in hac ætate, a duabus ad tres guttas; in infantibus majoris ætatis usque ad guttas decem; in adultis demum ab octo usque ad triginta guttas, & amplius pro rei circumstantiis spectata maxime diuturnitate usus istius remedii, cum



æger huic assuetus suscipere possit sine damno etiam plures ejusdem tincturæ scrupulos.

Sæpius etiam contingit eam adhiberi pro clysteribus mixtam cum opportuno vehiculo. Utimur quoque eadem externe pro fricationibus vel sola, vel frequentius simul cum aliquo linimento, vel addita alicui cataplasmo vel unguento.

### TINCTURA ASSÆ FÆTIDÆ.

Rec. Assæ fœtidæ pur. & contus. unc. unam misce cum aliqua portione arenæ subtilis optime lotæ & exsiccata; deinde digere leni calore vas sæpius agitando per sex dies cum Spiritus vini rectificat. unc. sex; deinde filtra, & serva

Utimur interne a decem guttis ad scrupulum unum & usque ad drachmam addenda alicui mixturæ; eademque uti possemus pro clysteribus, & etiam externe. Hæc tinctura in curatione pauperum locum optime tenet TINCTURÆ CASTOREI, quæ longe majoris expensæ est

### TINCTURA CALAMI AROMATICI

Rec. Radic. Calami aromatici unciam unam & semis, & concisæ affundantur Spiritus vini uncia sex.

Digeratur vase clauso per decem & amplius dies, sive usque ad sufficientem extractionem, tinctura filtretur & servetur.

Exhibetur interne ab una drachma ad duas raro sola, frequentius cum aliquo vehiculo, vel addita alicui mixturæ; merito spectatur ut commodum succedaneum tincturarum, quæ ex aromatibus exoticis magni dispendii parantur.

## TINGTURA CANTHARIDUM.

Rec. Cantharidum pul. unc. unam ,  
 Spiritus vini rectificati libram unam.  
 Digeratur in vase clauso per triduum , & filtre-  
 tur per chartam

Ad usus internos adhibetur raro , licet paullo frequentius quam cantharides in substantia, quarum loco ubi CANTHARIDUM usus fiat , expedit hanc formam adhiberi; adhibetur; inquam, a tribus guttis ad sex, decem, viginti usque ad quadraginta non ultra, sed aucta caute & paullatim magnaue prudentia ejus dosi, & sumpta per varias vices & semper cum aliquo vehiculo, uti cum aqua, vel melius cum mucilaginoso, sive demulcenti, ut decoctum althææ &c. Hæc etiam præparatio Cantharidum si misceatur cum camphora, aliquorum judicio tutius adhibetur, quod utrum sit verum, pronunciare non audeo. Huc revocanda sunt etiam, quæ dicta sunt de usu CANTHARIDUM in substantia. Sed videtur etiam tinctura cantharidum præcipue destinata externis usibus pro fricationibus vel ipsa sola, vel simul cum linimento volatili &c.

## TINGTURA MARTIS.

Rec. Limatur. Martis purissim. unc. sex ,  
 Cremor. tartar. pul. libr. unam ,

Immissis vitro sufficiens aquæ communis quantitas supereffundatur; calori digestionis per octo dies sub iterato motu mixtio exponatur; tum coquatur per horas aliquot, filtretur, & liquor salinus ad consistentiam syrupi fluidioris evaporetur. Addantur frigefactæ tincturæ ad arcendum mucorem spiritus vini rectificati unciaë tres, & sic parata servetur in vitro bene clauso.

Semper exhibetur interne a viginti guttis ad dimidiam drachmam, aucta gradatim dosi quæ jam dictam etiam excedere potest, eaque adhibetur vel addita alicui mixturæ vel simpliciter cum aqua vel aliis vehiculis, iis tamen exceptis, quæ aliquod principium adstringens contineant ob rationes quas protuli in opusculo de china lutea. Ea vero vehicula quæ adhibentur plus minusve gratiora effici possunt per additionem alicujus portionis sacchari, vel mellis, vel syrupi; cumque observatum sit multum prodesse hujus remedii mixtionem cum aliquo aromate, non secus ac aliorum martialium, hinc longe melior & opportunior esset usus syrupi corticis citri aut elæosacchari citri, vel usus tincturæ calami aromatici &c.

Hæc tinctura locum vere tenet MARTIS SOLUBILIS seu TARTARISATI *Volger*, quod summo opere commendavit *Pipenbring* & alii sub nomine TARTARI SOLUBILIS MARTIALIS, ac vel ipsis substitui potest GLOBULIS vel BOLIS MARTIALIBUS. Rursus commode & utiliter hæc vices explet TINCTURÆ EX VINO, SUCCO POMORUM, aliarumque hujus generis. Habet autem tinctura nostra non injucundum saporem, ac spectari potest, ut pulcherrima ac efficacissima tinctura.

### TINCTURA MYRRHÆ SPIRITUOSA

Rec. Myrrhæ pul. unc. duas

Misceantur cum aliqua portione arenæ optime lotæ & exsiccata; deinde fiat digestio leni calore & frequenti agitatione vasis per decem circiter dies cum

Spiritus vini rectificati libra una, ac postea filtretur & servetur:

Interdum præscribitur ad usus internos a quindecim guttis ad triginta, & usque ad drachmas duas  
cum

cum aliqua mixtura vel cum aliquo alio vehiculo .  
Sed communius externe præscribitur aliquando sola ,  
sed frequentius addenda alicui vehiculo ad usum col-  
lutorii, vel ablutionis, vel fomentationis &c.

Post extractam tincturam , quod ex ea manet resi-  
duum exponi poterit novæ digestionis in novo spiritu  
vini ad præparationem alterius tincturæ servando .  
Residuum autem si ebullitioni exponatur in larga a-  
quæ copia, & percolata decoctio saltem per viginti  
quatuor horas committatur quieti ac iterum percole-  
tur; postea vero liquor ebullitioni exponatur usque  
ad consistentiam mollis extracti iis cautionibus quas  
dedimus ubi de extractis, ac deinde collocetur in va-  
sis argillosis & reponatur in hypocausto vel alio ca-  
lido loco, donec ad solidam consistentiam pervenerit;  
his operationibus obtinebitur **EXTRACTUM MYR-  
RHÆ AQUOSUM**, quod huc recensere volui occa-  
sione data, ut residuum illud quod communiter ne-  
gligi solet, ad usum aliquem retineretur, qui aliun-  
de nequit esse in medicina omnino superfluous. Hoc  
extractum adhibetur interne a quindecim granis ad u-  
num scrupulum, usque etiam ad drachmam aliquan-  
do in solutione, & frequenter in pulvere simul cum  
Saccharo, quæ mixtio vocatur **SACCHARUM MYR-  
RHÆ Hoffmani**.

### UNGUENTUM BASILICUM

Rec. Cerae citrinæ,  
Resinæ,  
Sebi ovilis,  
Colophonii,  
Terebinthinæ an. lib. dimid.  
Ol. olivarum libram unam.

Hæc liquata moderato calore percolentur; intus  
unguento agitato, donec refriguerit, & postea ser-  
vetur.



# UNGUENTUM CERUSSÆ.

Rec. Cerussæ pul. libras duas cum dimidio,  
Ceræ citrin. unc. sexdecim,  
Ol. olivarum libras quinque

Liquato oleo cum cera addatur cerussa, & fiat per continuatam mixtionem unguentum.

Hoc unguentum locum tenet pro aliis unguentis saturninis, ut sunt UNGUENTA MINII, LYTHARGYRI, NUTRITI &c.

## UNGUENTUM DIGESTIVUM, seu COMMUNE, SEU EMOLLIENS.

Rec. Olei olivarum libr. unam.  
Ceræ unc. sex.

Liquentur simul, & agitetur massa, donec frigescat, deinde servetur.

Hoc unguentum vices supplet unguenti althææ, & malvini. At sæpius iterari debet ejus præparatio; illudque si fortius desideretur, misceri potest cum UNGUENTO BASILICO. Huic unguento digestivo aliqui præferunt in quibusdam casibus unguentum hoc modo paratum, quod dici etiam ab aliquibus solet UNGUENTUM TEREBINTHINÆ. Sumantur terebinthinæ uncix tres, & subigantur cum tribus vitulis ovorum recentium, deinde addantur olei olivarum drachmæ sex. Sed illud monendum, ut toties hoc unguentum paretur, quoties adhibendum est.

## UNGUENTUM MERCURIALE GRYSEUM, seu NEAPOLITANUM.

Rec. Mercurii vivi  
Axungix porci ana partes æquales.

Teratur mercurius cum exigua axungiae quantitate donec penitus ille disparuerit, nec amplius sit conspicuus, nec oculo quidem armato lente acutissima. Tum reliqua axungiae quantitas sensim addatur; & dum hæc triturationio per horam adhuc continuatur, diligenter subigatur cum mercurio; deinde loco frigido servetur.

Adhibetur in fricationibus ab uno scrupulo per diem usque ad drachmas duas; quæ dosis augetur vel minuitur pro rei exigentia & circumstantiis, continuato ejus usu usque ad valetudinem, nisi rationes occurrant, quæ cogant ejusdem usum interrompere: quo in casu usus suspenditur, & postea iterum sumitur pro ut postulat res. Dosis autem passim necessario adhibenda ad integram morborum venereorum curationem, est a tribus ad quatuor uncias unguenti. Nuper mihi retulit clar. doctor *Volpi*, se in hoc unguento expertum esse optimum, promptumque cicatrisans remedium. Idem unguentum inservire optime potest etiam præparationi optimi UNGUENTI ADVERSUS PEDICULOS, ubi commisceatur saltem cum duabus axungiae purgatæ partibus, & caute adhibeatur; ac sic temperatum tutius est UNGUENTO, quod ex MERCURIO PRÆCIPITATO RUBEo paratur.

Verum extinctio mercurii semper fieri debet in mortario marmoreo cum pistillo ligneo. Parari rursus debet in exigua copia maxime æstivo tempore, & sæpius renovari; ea quoque cautione, ut æstivo tempore axungia sola utendum non sit, sed ea antea sit conjungenda cum duabus drachmis SEBI OVILIS pro singulis sex drachmis axungiae. Denique abstinendum erit a CERA cum ipso miscenda, vel TERE-BINTHINA, quod ab aliquibus aliquando fit, ut facilius per terebinthinam efficiatur extinctio.

UNGUENTUM NERVINUM, s. DISCUTIENS,  
s. *stimulans*, s. *roborans*.

Rec.

Rec. Baccarum Junipeti recent., & contusar. libr. duas, & addatur

Axungiae porci liquatae libr. unam.

Macerentur per aliquot dies; deinde coquantur levi ebullitione ad consumptionem humidi, assidua intus facta agitatione; addantur

Sebi ovilis unciae sex; dein percolentur, & praelo calefacto massa exprimatur; & frigefactae addantur denuo

Olei baccarum lauri unciae quatuor; misceantur, & serventur.

Si magis activum desideretur, fieri potest additio camphorae vel **OLEI CORNU CERVI**, vel **OLEI TEREBINTHINAE** pro variis circumstantiis.

Prædictum unguentum præstantius est **UNGUENTO** ut dicitur **ALABASTRI**, & vices explet **UNGUENTI** ut ajunt **AD CONTUSA**, & **BUTYRI JUNIPERI**.

### UNGUENTUM AD SCABIEM.

Rec. Sulphuris pul. unc. quatuor,

Sal. marin: pul. unc. duas,

Axung. porcin. purificat. libr. unam.

Miscentur hæc omnia accurate, & fit unguentum, cujus ope fricatur palmus manus, illudque universim adhibetur super articulationes ab una ad duas drachmas bis in diem.

## P A R S T E R T I A

## D E

MEDICAMENTIS, QUÆ PARARI DEBENT  
EX TEMPORE; ET DE IIS, QUÆ BRE-  
VI TEMPORE DURANT (1).

## AQUA CALCIS \*

**R**ec. Calcis vivæ recenter ustæ libram unam  
Extinguatur successive affusis  
Aquæ puræ libris decem.

Misceantur subinde spathula lignea, & post duo-  
decim fere horas, vel simul ac calx subsederit, aqua  
decantetur limpida, vel filtretur, & in lagena bene  
clausa servetur.

Residuæ calci ubi novam aquam affundas, pari  
quantitate alteram calcis aquam obtinebis pro usu  
potissimum INTERNO.

Interne passim præscribitur a duabus unciiis usque  
ad duodecim sumenda variis vicibus vel ipsa sola,  
edulcorata tamen cum melle vel syrupo, ac sæpius  
mixta cum lacte vel aliis liquoribus præsertim mu-  
cilaginosi. Vel ipsi chirurgi hanc adhibent vel solam,  
vel alicui liquori commixtam in balneis, fomentatio-  
nibus, injectionibus &c. Si uncia aquæ calcis simul  
cum uncia dimidia olei olivarum misceatur & agite-  
tur, linimentum habetur quod alicubi a vulgo adhi-  
betur ad combustiones curandas, nec prorsus videtur  
posse contemni.

Ceterum oportet, ut efficaciam & vim suam tuea-  
tur,

---

(1) Hæc posteriora habebunt pro indicio asteriscam. \*



tur, eam custodiri in vasis exiguis, accuratissime clausis, semperque plenis servatis. Insuper expedit tam a medico quam a chirurgo in exigua quantitate præscribi, ac sæpius ejusdem præscriptionem iterari; nec demum omittendum etiam, cum ad infirmos deferretur, eam deferri oportere in vasis accurate clausis cum vitreo epistomio. Ipsam vero passam esse virium & proprietatum suarum diminutionem ex sedimento cognoscitur, quod in fundo vasis deponitur.

### AQUA HEPATICA.

Videatur pars secunda, ubi de HEPATE SULPHURIS.

Præscribitur interne a tribus uncis ad sex bis, ter, quaterve in diem sumenda.

### AQUA PHAGEDENICA.

Vid. pars secunda ubi de MERCURIO SUBLIMATO CORROSIVO, atque hæc ipsa pars, cum dicam de LIQUORE MERCURIALI.

AQUA THEDIANA, s. TRAUMATICA, s. VULNERARIA *Theden.* \*

Rec. Aceti vini

Spiritus vini rectificat. ana libram unam cum dimidio

Acidi vitrioli tenuis unc. octo. Misceantur & usui serventur.

Non adhibetur hæc aqua, nisi externe pro fomentationibus.

AQUA VEGETO-MINERALIS *Goulardi*, s. SATURNI, s. *acetis saturni in aqua solutus.*

Rec. Aceti saturni unc. unam,

Aquæ destillatæ libras duas. Misce.

Impenditur tantum ad usus externos in fomentationibus, ablutionibus, injectionibus, collyriis &c.; & interdum pro efformandis cataplasmis tamquam ipsorum activum constituens. Addunt aliqui huic aquæ aliquando portioneur aliquam spiritus vini nunc simplicis, nunc camphorati.

### BALSAMUM SATURNI.

Vid. ACETUM SATURNI par. II.

### CATAPLASMA EMOLLIENS, s. *laxans*.

Rec. Pulv. herbæ malvæ unc. quatuor

Radicis althææ unc. duas

Decocti emollientis, q. s. ut fiat ope coctionis cataplasma.

Hic substitui potest etiam cataplasmati vulgo dicto ANODYNO, quod confatur ex pane & lacte. Hisce duobus per aliud suppleri posset quod fieret ex pane trito, & decoctione emolliente. Sed ego semper hortarer ut communius adhiberetur quod primo processu confatur, cum non solum minoris dispendii hoc sit, sed etiam sæpe utilius evadat. Ceterum in utroque casu ego semper impenderem loco lactis decoctionem emollientem ob rationes allatas cum dictum est de ALTHEA part. I. Defectu malvæ res eodem cedit, si utamur foliis althææ, aut alterius ejusdem generis herbis.

### CATAPLASMA RESOLVENS, s. DISCUTIENS; s. *stimulans*.

Rec. Herbæ pulegii unc. octo,

Baccarum Juniperi unc. tres,

Flor. chamomillæ unc. duas.

Omnia in pulverem redacta misceantur simul, & fiat cum s. quantitate decocti absynthii cataplasma.

### CLYSMA

CLYSMA ADSTRINGENS, s. ANTISEPTICUM;  
s. *roborans*.

Rec. Decocti chinæ artificialis uncias decem.

Addi potest aliqua portio terræ catechu vel camphoræ, aut unius vel duorum granorum opii, aut duorum simul posteriorum hujusmodi ingredientium pro variis rerum circumstantiis.

CLYSMA ANTISPASMODICUM, s. ANTIHY-  
STERICUM, seu *ad spasmos a debilitate*.

Rec. Infus. flor. chamomillæ unc. octo  
Ol. ejusdem unciam unam misce.

Fit magis activum, & pro rei circumstantia opportunius, si addatur aliqua pars assæ fœtidæ usitatis modis solutæ loco olei, vel etiam præter oleum.

CLYSMA EMOLLIENS, seu COMMUNE, seu  
*simplex ad involvendum*.

Rec. Decocti emollientis uncias decem. Detur.

Juvat interdum alicujus uncia olei olivarum, vel seminum lini commixtio.

CLYSMA PURGANS, seu *stimulans laxans*.

Rec. Salis cathartici drachmas sex. Solve in  
Aquæ communis unc. decem. Detur.

Aliquando magis activum redditur per additionem unius vel duarum unciarum mellis, & interdum loco aquæ simplicis convenit adjungi decoctionem emollientem; itemque defectu salis amari impendi possunt tres drachmæ, vel dimidia uncia salis muriatici.

## DECOCTUM COMMUNE, seu HORDEI.

Rec. Hordei mund. unc. duas

Ebullitio fiat per exiguum tempus cum una libra circiter aquæ puræ. Ejecta hac aqua, & nova rursus adjuncta, iteratur hordei ebullitio, donec ipsum crepaverit, & ad tres circiter decocti libras redactum fuerit, & ipsius colatura præbeatur.

Hoc decoctum inservit potissimum potioni ordinariæ vasculatim sæpius in diem sumendæ. Si mel addatur decocto, obtinetur DECOCTUM, quod ab aliquibus dicitur PECTORALE, & loco mellis aliquando prodesse potest additio alicujus portionis decocti liquiritiæ. Ad majorem suaveolentiam & ad gratam aciditatem, tum interdum ad utilitatem pro rerum circumstantiis addi potest quidpiam aceti, vel acidii vitriolici, simulque aliquando etiam aliquid mellis vel sacchari. Hoc cum aceti additione aliqui appellant DECOCTUM FEBRICITANTIUM. Quod si sex drachmæ cremoris tartari tribus decocti libris addantur, DECOCTUM exurgit quod alii dicunt ANTI-HYDROPICUM; cujus loco in hoc morbo sæpius utilius adhiberi potest levis INFUSIO BACCARUM JUNIPERI, quæ melius adhuc interdum congruere potest, si fiat digestio per aliquot horas baccarum Juniperi contusarum in aqua frigida. Et ubi adjiciantur drachma una nitri & uncia oximellis simplicis duabus decocti libris, DECOCTUM oritur quod ab aliquibus dicitur ANTIPHLOGISTICUM.

Recensita decoctio effici potest dilutior magisque satura pro rei circumstantiis, & ubi bene satura consideretur, impendi potest plus minusve quantitatis hordei pro exigentia rei usque ad sex uncias pro tribus decocti libris. Atque hoc modo satura decoctio hordei inservire potest pro clysteribus nutrientibus; immo & vices explere alimentorum nutrientium pro ea ægrotorum classe, qui inopia carniū laborantes



jusculis carent, quibus se reficere possint viresque sustentare; atque hæc ipsa decoctio ad nutriendum adhibita reddi potest gratior magisque sapida, si eidem addatur quidpiam aromatis, vel aliquando etiam aliquid mellis, vel sacchari &c.

### DECOCTUM CHINÆ ARTIFICIALIS.

Rec. Cortic. salicis drach. sex.

Quercus drach. duas. Hæc ruditer contusa coquantur cum aquæ communis s. q. ad reductionem unc. decem, & colatura detur.

Si vero decoctum fieri debeat magis saturum, tunc augetur proportione servata quantitas ingredientium ad unciam unam & semis, atque hoc decoctum sæpius supplere potest vices veri decocti chinæ, seu corticis peruviani.

### DECOCTUM CORTICIS PERUVIANI.

Rec. Cortic. peruvian. ruditer tusi drach. sex,

Aquæ communis libram unam. Coque in vase clauso ad uncias novem. Colatura detur.

Subministratur interne repetitis per diem vicibus ipsum solum cochleatim, & aliquando vasculatim. Sæpe autem inservit variis conficiendis mixturis, atque ideo non raro præscribitur aliis remediis junctum; ac ubi res postulet magis saturam decoctionem, augetur dosis chinæ pro qualibet aquæ libra usque ad unciam unam. Utimur etiam hac decoctione nunc sola nunc mixta aliis remediis pro colutoriis, clysteribus, fomentationibus, ablutionibus &c., pro quibus potissimum usibus subrogari commode & cum magno œconomix emolumento potest vel decoctio alicujus indigenæ substantiæ simplicis, vel composita decoctio eo circiter processu quem nuper exposui.

DECOCTUM DIURETICUM , seu *stimulans ad renes* .

Rec. Radic. anodyn. spinosæ unc. dimid.

Ebulliat in s. q. aquæ communis , sub finem addita

Radic. fœnicul. uncia dimidia , & colatura libr. duarum detur .

Præbetur vasculatim pluries in diem . Expedire potest aliquando prædictam decocti dosim dilui per unam aquæ libram .

Hoc decoctum præterea explet majori utilitate vires DECOCTI sic dicti **QUINQUE RADICUM APERIENTIUM** ; & ubi desint radices fœniculi substitui æquali cum exitu possunt radices dauci & harum etiam defectu adhiberi possunt semina fœniculi confusa , minori tamen quantitate .

DECOCTUM EMOLLIENS, sive *involvens* , sive *laxans* .

Rec. Folior. malvæ unc. dimidiam .

Coquantur leniter in s. q.

Aquæ communis , & colatura librarum duarum præbeatur .

Hæc decoctio esse potest loco potionis communis , & inservit pro collutoriis, fomentationibus, balneis , pro cataplasmatibus efformandis, pro clysteribus &c. Ad conficiendam vero magis saturam decoctionem , qualis pro dictis usibus frequenter requiritur , si usum potus excipiamus, in quo passim tam satura esse non debet . Addi possunt prædictæ formulæ duo drachmæ usque ad unciam dimidiam radicis althææ , & augeri simul possunt folia malvæ a sex drachmis ad unciam unam . Cum pro circumstantiis fieri potest, melior est usus foliorum viridum malvæ quam siccorum ,

aucta tamen recentium dosi. Defectu denique malvæ adhiberi possunt folia vel radix althææ. De aliis diversis hujus decocti usibus & ipsius substitutionibus, quæ fieri utiliter possunt vid. quæ diximus ubi de althæa pari.

Prædicta decoctio si cum æqualis infusi sambuci portione jungatur, simulque junctis duabus hujus mixtionis libris addatur uncia oximellis simplicis, efficitur potio quæ ab aliquibus appellatur POTIO PECTORALIS. Quod si addatur aliquid liquiritiæ vel aliquid de istius infuso, potio tam decocti simplicis emollientis, quam mixti cum dicta infusione sambuci gratior resultat.

### DECOCTUM, sic dictum LIGNORUM.

Rec. Radic. saponariæ,

Ligni Juniperi,

Stip. dulcamaræ ana unc. dimidiam.

Concisa coquantur per exiguum tempus in s. q.

Aquæ communis. Colatura librarum trium subministretur, vasculatim sumenda pluries in diem.

Hæc vero decoctio adhibetur loco decocti sarsæ parillæ, aliorumque quæ dici solent decocta purificantia, vel depurativa, eadem prorsus utilitate, immo & majori. Ad magis saturam decoctionem colatura reducitur ad duas tantum libras. Gravior decoctio redditur per additionem sub finem faciendam unius drachmæ liquiritiæ usque ad duas. Juvat interdum in aliquibus casibus, ut in morbis venereis &c. additio sub finem decoctionis facienda alicus portionis corticis mezerei.

# DECOCTUM RESOLVENS, seu *roborans saponaceum*.

Rec. Radicis taraxaci,

Cichorei ana unciam dimidiam.

Coquantur cum aquæ s. q. Colatura librarum duarum detur.

Sumitur aliorum more vasculatim. Ad aliquam gratiam ei conciliandam addi potest sub finem drachma una seminis anisorum contusi aut alterius aromatis. Prædicta decoctio pro clysteribus etiam utiliter præscribitur, sed tum sæpius expedit magis satur decoctio.

## ELÆOSACCHARUM CITRI. \*

Rec. Olei essential. cortic. citri scrupulum unum, Sacchar. sicci alb. unciam. Misce terendo in mortario marmoreo, seu vitreo. Ubi ad aliquot dies custodiendum sit, illud servari oportet in vasis vitreis accurate clausis cum epistomio vitreo.

Non nisi interne adhibetur, ac frequentius addendum aliquibus pulveribus, vel mixturis vel aliis potionibus &c. vel tamquam corrigens ad gratiam conciliandam, vel etiam tamquam subsidium ad vim remedium augendam. Cum in pulvere adhibendum non est, loco elæosacchari supplere potest SYRUPUS CITRI.

Hac ipsa ratione quam descripsi cætera omnia elæosacchara præparantur. Parantur etiam optima elæosacchara citri, vel aurantii, si fricetur saccharum adversus poma integra aurantii vel citri, donec saccharum bene imbutum fuerit olei essentialis corticum sapore & odore, ac tum saccharum madidum quod adhæret, abradatur & residuum sacchari conti-



nuandæ operationi inserviat. Integerrimum oleum est quod horum pomorum corticum cellulis continetur; cumque per fricationem sacchari adversus poma hoc saccharum eo puro oleo imbuatur, præferenda hæc operatio priori videtur, cum per destillationem illis oleis semper aliquid suavitatis adimatur.

### ELECTUARIUM ADSTRINGENS, seu ANTIDY- SENTERICUM, sive *stimulans ad intestina.*

Rec. Pulv. cortic. Hippocastani drachmas sex,  
Terræ Catechu drachmas duas,  
Ipecacuanhæ gran. viginti,  
Opii puri soluti in s. q. vini grana qua-  
tuor.

Syrupi cortic. peruvian. q. s. ut fiat Electuarium,  
& detur in vase optime clauso.

Dosis unius drachmæ præbetur sub initium bis vel ter in die sumenda, quæ pro circumstantiis auge-  
tur. Hanc formulam quemadmodum & plures earum, quæ in hac tertia parte inveniuntur, recensere malui quam præterire, cum experientia nixus circa earum non paucas putem eas non esse inutiles, immo non raro valde proficuas, dummodo accurate adhibeantur, & pro re nata, & exigentia morbi sapientis medici judicio & peritia accommodentur, habita nempe ratione diversorum casuum, indolis morbi, ægroti exigentiæ, aliarumque circumstantiarum, quæ earum usum aliquando in eodem morbo vel admittere, vel respuere possunt, quod semel monuisse sufficiat.

### ELECTUARIUM ANTIFEBRILE, seu *roborans.*

Rec. Pulv. subtilis cortic. salicis unc. unam  
Radic. tormentillæ drachmas duas  
Extracti absynth. drach. sex; misceantur in mor-  
tario vitreo seu ligneo cum  
Mellis optimi q. s. ut fiat Electuarium.

Præ-

Præbetur a quatuor scrupulis ad drachmas duas binis vel ternis horis. Sæpius utilius evadit si addantur tres drachmæ salis ammoniaci in pulverem redacti, adhibeaturque loco mellis syrupus corticis peruviani. Quod si succedaneum præscriptum loco chinæ satis ad scopum non fuerit, tum confugiendum erit ad chinam. At sive succedaneum chinæ, sive ipsa china adhibeatur, plurimum proderit ad assequendum propositum scopum, si alternis vicibus iis temporis intervallis quibus electuarium non sumitur, præbeatur ægroto aliquod cochleare sumendum alicujus EXCITANTIS MIXTURÆ, atque ex mixturis utilior erit, quæ tamquam præcipuum ingrediens complectatur opium, vel laudanum liquidum. Quæ administrationis ratio utilis pariter est in usu chinæ sub alia forma præscriptæ.

**ELECTUARIUM ANTIHYDROPICUM**, seu *stimulans in Hydrope*.

Rec. Pulv. cortic. salicis unc. unam,  
 Cremoris tartari drachmas sex,  
 Rohob Sambuci,  
 Juniperi ana uncias duas. Misceantur cum  
 Oximellis simplicis s. q. & fiat Electuarium.

Præscribitur ab una ad duas drachmas sumendum singulis binis vel ternis horis, vel solutum in aliquo vehiculo aut obvolutum hostia vel nubecula, vel etiam ipsum simpliciter ore sumendum. Simili ratione præbentur etiam electuaria de quibus infra dicendum, ut & prædicta.

Aliquando prodest formulæ nostræ subtrahi cremorem tartari, & loco cremoris convenienti dosi adjungi Electuarium diascordii; tum etiam ubi magis activum postuletur, juvat additio oximellis scillitici, omisso oximelle simplici, ea dosi, in qua scilliticum adhibetur.

# ELECTUARIUM ANTISPASMODICUM s. ANTIE- PILECTICUM, sive *excitans*.

Rec. Pulv. cortic. salicis drachmas sex,  
Radic. Valerianæ sylvestr.  
Folior. aurantior. ana drach. duas,  
Salis volatilis C. C. scrupulos duos,  
Syrup. cortic. aurant. vel mellis q. s. ut f. Ele-  
ctuarium, & detur.

Una drachma interne præscribitur singulis ternis  
horis, vel pro rei exigentia sæpius sumenda. Inter-  
dum additur bono exitu aliquod opii granum vel ali-  
qua dosis laudani, & interdum omittitur sal volatile  
C. C.

# ELECTUARIUM LENITIVUM s. *stimulans laxans*. \*

Rec. Pulpæ prunorum unc. sex,  
Pulv. herb. lini cathartic. drach. sex,  
Cremor. tartar. unc. duas,  
Mellis optimi q. s. ut f. Electuarium, & serve-  
tur usui.

Ab uncia dimidia ad duas præscribitur ore sumen-  
dum vel ipsum solum in bolis, vel solutum in aqua  
aut sero lactis aut alio vehiculo. Additur quoque cly-  
steribus ut vim extimulantem acquirant, vel majorem  
accipiant.

# ELIXIR ACIDUM *Dippellii*. \*

Vid. par. II.

Præbetur in mixturis ab octo guttis usque ad tri-  
ginta non amplius. Adjunctum communibus potio-  
nibus, vel sufficienti alterius cujusvis vehiculi quanti-  
tati,

tati, datur usque ad drachmam cum dimidio per diem.  
 Huc revocentur quæ diximus DE ACIDO VITRIO-  
 LICO CONCENTRATO par. 11. quæ suppleri pos-  
 sunt etiam pro iis quæ spectant ad ELIXIREM ACI-  
 DUM *Halleri*.

ELIXIR ANTISCORBUTICUM, sive *stimulans in*  
*scorbuto*. \*

Rec. Extracti cichor. unc. unam cum semis,  
 Extr. Gentianæ unc. dimid. Hæc omnia solve  
 in  
 Succ. Nasturtii aquatic. unciis sexdecim, adde  
 paullatim & successive  
 Ol. vitrioli rectificati drachmam unam; dein  
 Spiritus vini rectificati unc. tres.  
 Mixtione facta id totum quieti committitur per  
 viginti quatuor horas; dein decantatur &  
 servatur.

Præscribitur interne tam ipsum solum, quam mix-  
 tum cum aliquo vehiculo ab uno cochleari ad qua-  
 tuor; atque cum aliquo vehiculo commixtum præ-  
 scribitur etiam sub forma collutorii.

ELIXIR STOMACHICUM, seu BALSAMICUM  
 TEMPERATUM, seu *roborans*. \*

Vid. par. 11.

EMULSIO COMMUNIS, seu AMYGDALINA.

Rec. Amygdal. dulcium unc. unam,  
 Aquæ communis libras duas.  
 Amygdalas in mortario lapideo contunde, aquam  
 simul paullatim affundendo, dein cola &  
 detur.



Interne præscribitur pro ordinaria potione, aut subministranda cochleatim pluries in die tam ipsa sola, quam aliis remediis conjuncta. Expediret usus amygdalarum cortice recenter spoliatarum. Potio vero efficitur gravior cum additione alicujus partis mellis vel sacchari, vel syrupi &c. Cum emulsio nunc tenuis nunc spissior pro circumstantiis exigatur, hinc variat aquæ proportio: quæ mediam tenet viam, dosim habet unius libræ aquæ pro amygdalarum uncia una. Licet hæc emulsio opportuna sit multis in casibus adinstar potus sumenda, attamen aliquando in aliquibus parce præscribi debet, ne fiat rancida, & ventriculo inimica. Cavendum est, ne emulsionibus misceantur acida, nec spirituosus liquores.

Quod si sex Emulsionis unciis circiter aliqua portio camphoræ adjungatur, exurgit EMULSIO CAMPHORATA; & ubi loco camphoræ addatur portio nitri depurati, tunc oritur EMULSIO quæ dicitur NITRATA, seu TEMPERANS; si vero additio fiat gummi-arabicæ cum aliqua copia mellis vel sacchari ad gratiam conciliandam, inde orta EMULSIO appellatur ARABICA.

EMULSIO OLEOSA, seu MIXTURA OLEOSA, seu  
*emulsio artificialis.*

Rec. Olei olivarum optim. unc. unam,  
Gummi-arabic. pulv. unc. dimid.,  
Aquæ communis unc. octo,  
Mellis optim. depur. unc. dimidiam.

Mel & gummi misceantur, & sufficienti aquæ quantitate in mucilaginem subigantur, deinde pedetentim addatur oleum sub perpetua agitatione, cui postea reliqua pars aquæ superius determinatæ affunditur, continuata leni affusione & trituratione, usque dum omnia commixta fuerint, eaque redacta ad congruam emulsionis formam.

Hæc

Hæc emulsio exhibetur per duo vel tria cochlearia singulis horis vel binis vel ternis, eademque dosis repetitur etiam majori in copia pro exigentia casus. Loco emulsionis arabicæ oleosæ hæc nostra præbetur, & adhiberi etiâ potest loco lincti demulcentis; si cui placeret in præparatione loco aquæ usus emulsionis communis, is loco aquæ ista uti posset.

## EMPLASTRUM VESICATORIUM. \*

Vid. par. II.

## FOMENTUM EMOLLIENS.

Vid. in hac parte tertia DECOCTUM EMOLLIENS.

## FOMENTUM ANTISEPTICUM, seu RESOLVENS, seu *stimulans*.

Rec. Cortic. quercus rudi modo pulv. unc. unam  
Ebulliat in s. q. aquæ communis per aliquod  
tempus, ac sub finem ebullitionis addatur  
Herbæ scordii uncia dimidia. Colatura librarum  
duarum circiter præbeat.

Fit magis saturum fomentum, si colatura fiat ponderis unius libræ; fit verò magis extimulans, quod aliquando prodesse potest, si loco aquæ adhibeatur acetum ea quæ convenit proportionem majori vel minori pro circumstantiis. Cum utilitate quoque interdum adjungitur colaturæ dosis duarum drachmarum vel aluminis, vel salis ammoniaci &c. Rursus si deficiat scordium, impendi possunt ejus loco flores chamomillæ vel tanaceti, vel folia absinthii &c.; ac reipsa expertus sum, fomentum hac ratione præparatum sæpe fuisse proficuum. Paratur autem sic. Sumitur nempe herbæ absinthii, florum chamomillæ ana  
uncia

uncia una. Fit ebullitio in aquæ communis q. s. & colaturæ trium librarum adduntur salis ammoniaci drachmæ tres; & ubi colatura minuatur libra una, magis saturum fomentum efficitur; & expedire potest etiam in hac præparatione aliquando loco aquæ usus aceti, ut dictum est antea.

### FOMENTUM FRIGIDUM, seu *Schmuckeri*.

Rec. Aquæ communis libr. quatuor,  
 Salis ammoniaci drachmas duas,  
 Nitri drachmas tres,  
 Aceti libram unam: misceantur ad usum.

### FOMENTUM SICCUM AROMATICUM, seu PRO CUCUPHIS.

Rec. Florum Sambuci  
 Chamomillæ  
 Folior. Menthæ ana part. æquales. Concisa misceantur, & redigantur in pulverem in sacculis applicanda.

Unicum ingrediens sufficere ad id posset; sed observatum est, plurium unionem efficere mixtionem magis aromaticam, quam separatim singula eorum. Per additionem vero alicujus drachmæ camphoræ vel simpliciter rasæ, vel reductæ in pulverem eo modo quo diximus, ubi de camphora in par. i., fomenti vis augeri potest.

### GARGARISMA ADSTRINGENS, seu ANTISEPTICUM, seu *stimulans*.

Rec. Cortic. quercus ruditer tusi unc. unam.  
 Coque cum aquæ communis libra una cum dimidio. Colaturæ libræ unius adde  
 Aluminis drachmam unam,

Spiritus vini unciam unam. Misce, & subministra. Aliquando congrua esse potest omissio vel aluminis, vel spiritus, vel utriusque. Hoc gargarismo non secus ac aliis utimur etiam pro COLLUTORIIS.

### GARGARISMA EMOLLIENS, seu LENIENS, seu *laxans*.

Rec. Decocti emollientis unc. decem,  
Mellis despumati unc. unam: misce, & detur.

### GARGARISMA REFRIGERANS, sive INCISIVUM, s. DETERGENS, seu COMMUNE.

Rec. Aquæ communis libr. unam,  
Aceti vini,  
Mellis despumati ana unciam unam.  
Misce, & detur.

Juvare potest aliquando additio alicujus portionis nitri in præparatione hujus gargarismi; forma quam supra præscripsimus, est etiam apta in febribus ad abstergendam linguam & guttur.

### HAUSTUS ANTIEMETICUS.

Rec. Salis tartar. alcalini gran. viginti. Solve in  
Aquæ communis uncia una.  
Signetur vitrum N. 1.

Rec. Succi limoniorum,  
Aquæ communis ana unc. semis  
Signetur vitrum N. 2.

Vasculum N. 1.umat æger, & tunc immediateumat vasculum N. 2. idemque remedium repetat pro necessitate,

Uti



Uti nolui in hoc casu aceto pro acido limoniorum; cum enim remedium hoc soleat passim præscribi ad sedandos continuos vel frequentes vomitus; usus aceti perturbatum stomachum magis vexaret saltem in maximo ægrorum numero; utpote multo minus gratus gustui minusque stomacho acceptus, quam sit acidum limoniorum. Ceterum accidit interdum, in aliquibus sine incommodo & eodem cum exitu acetum posse adhiberi. Id ad iudicium medici pertinet. Conternenda porro non est alia ratio, immo & aliquando cæteris præferenda, qua efficitur ut fixus aer in ventriculo ab introductis remediis sese explicet, quæ quidem ratio est huiusmodi. Sumitur magnesiæ albæ aereatæ dimidia drachma; cremoris tartari in subtilissimo pulvere una drachma cum dimidio; misceatur dosis unica vice sumenda in vasculo vitri, cui aquæ portio quædam superinfundi debet; sumatur vero continuo initio effervescentiæ, ac statim potio sufficiens aquæ communis suscipiatur. Hac ratione a magnesia se explicat dimidia circiter pars aeris fixi, quæ pro quavis maxima dosi satis est; quare si minor aeris fixi explicatio pro singulis vicibus postuletur, minuenda proportionem erit ingredientium dosis.

Nihil autem prodesset prædictum remedium ad obtinendam aeris fixi in ventriculo evolutionem, si mixtio fieret ingredientium, scilicet succi limoniorum cum sale tartari, ejusque sumptio ab ægro facienda retardaretur, vel per varias vices ab eodem sumeretur, ut aliqui facere solent, postquam ipsam diluerint aliquo vehiculo. Hoc enim in casu cum in mixtione ingredientium se se evolveret aer fixus, antequam ipsa ventriculum ingrederentur, haberi non posset expectata ab iisdem in eodem ventriculo aeris explicatio, nec alius haberetur effectus nisi quem circiter pareret **TERRA FOLIATA TARTARI.**

Monendum est rursus, ad obtinendam aeris in ventri-

triculo evolutionem, ut de hoc effectu certi simus, expedire uti magis SALE TARTARI ALCALINO quam SALE ABSYNTHII, aut aliarum plantarum ob eas rationes, quas in medium produximus ubi de ALCALI VEGETABILI FIXO parte secunda.

#### HAUSTUS ANTIFEBRILIS, seu *stimulans*.

Rec. Pulv. cortic. salicis scrupulos duos,  
                     Quercus scrupulum unum,  
                     Salis ammoniaci gran. sex,  
     Infusi amari unc. tres. Misceantur, & dentur.

Hæc dosis est infra diem repetenda singulis binis, ternis vel quaternis horis secundum rei exigentiam & circumstantias. Ubi haberi possit HIPPOCASTANUM, hoc utilius sæpe adhibetur quam SALIX; sic quoque cum optimo effectu in aliquibus febribus præsertim obstinatis juvat additio aliquarum guttarum laudani liquidi, vel modus hunc Haustum sumendi, quem indicavimus circa usum electuarii antifebrilis.

#### HAUSTUS NARCOTICUS, seu *stimulans opiatum*.

Rec. Opii puri granum unum. Solve in  
     Aquæ communis unc. una. Adde  
     Syrupi papav. alb. unc. dimidiam, & misce.

Hæc est formula inter optimas in pluribus casibus, sub qua OPIUM in substantia rite administrari potest, cum tutius & simul facilius præberi possit in dosi minori unius grani. Hic Haustus interne præscribitur a duabus drachmis ad dimidium unciz, ad unciam unam & amplius pro variis circumstantiis & morbi exigentia.

HAUSTUS SALINUS, seu DIAPHORETICUS, seu  
*stimulans salinus.*

Rec. Spiritus Mindereri,  
Infusi flor. sambuci ana unc. tres,  
Oximellis simplicis unc. unam; misce. & detur.

Interne præscribuntur duo cochlearia singulis horis vel binis vel ternis sumenda. Utilius sæpe additur aliud remedium, uti esset tartarus emeticus, modo robor sambuci, nunc extractum amarum, nunc quidpiam aliud pro varia ægroti indigentia. Interdum loco infusi sambuci utiliter impenditur aliquod aliud vehiculum, ac vel ipsa aliquando aqua simplex; nec raro convenit infusi vel alterius vehiculi largior copia.

INFUSUM AMARUM, seu *roborans.*

Rec. Centaureæ minoris,  
Herb. absynthii an. drach. duas  
Digerantur leni calore per sex horas in vase clauso cum s. q.  
Aquæ communis. Tum vix facta unica ebullitione addatur corticis citri drach. una, ac continuo removeatur vas ab igne & frige fiat, & colatura libræ unius detur.

Hæc dosls interne sumenda subministratur per varias vices in diem. Potest etiam adhiberi pro constituente aliquarum mixturarum & aliarum potionum.

Additum est absynthium, cum per solam centauræam in pluribus casibus satis corroborans remedium non sit. Solum autem absynthium nequaquam retinui, licet ad propositum scopum sæpius satis esse possit, cum infusio ex solo absynthio facta amaritudinem habeat, quæ omnibus ægrotis non congruit; atque hac ipsa de causa gentiana præsertim sola usus non sum, ut aliquibus videri posset opportune adhibenda.

## INFUSUM FLORUM CHAMOMILLÆ.

Rec. Flor. Chamomillæ unc. dimidiam. Infunde in aquæ ferventis s. q.

In vase clauso detinetur, donec frigefactum fuerit, postea percolatur, & colatura librarum trium datur ad usum.

Utimur hoc infuso interne tamquam potu sumendo vasculatim pluries in diem, ac istud sæpe in pluribus morbis pro medicina valde efficaci locum tenet, vicesque supplet aliarum multo majoris sumptus. Adhibetur etiam pro constituyente aliquarum mixturarum, vel aliarum potionum. Quos in usus adhibentur quoque infusa, quæ sequuntur. Præscribitur deum pro clysteribus, fomentationibus, aliisque externis usibus; quibus in casibus levis ebullitio etiam fieri potest aquæ cum floribus, ejusque colatura ad minus pondus redigi.

Prædicta ratione parantur

## INFUSA JUNIPERI ex BACCIS CONTUSIS

## FÆNICULI ex SEMINIBUS CONTUSIS

SAMBUCI ex FLORIBUS, & alia plura hujus generis INFUSA

## INFUSUM LIQUIRITIÆ.

Rec. Radicis liquiritiæ ruditer tusæ unc. unam.

Infundatur in s. q. aquæ communis ferventis per integram horam, & facta unica ebullitione coletur, ejusque colatura libræ unius cum dimidia subministretur.

Hæc passim non inservit, nisi pro additione facien-



da aliquibus potionibus pluries, præsertim ad gratiam eis conciliandam.

**LINIMENTUM ANTISCROPHULOSUM** *Roncali*;  
seu *stimulans* \*

Sumitur quantitas fellis, quæ in vesicâ tauri invenitur; adduntur duo cochlearia olei Nucis; unumque cochleare salis muriatici redacti in pulverem; totum exponitur ad evaporandum balneo maris, donec lini-menti consistentiam acquisiverit, ac deinde servatur.

Extenditur super stuppam cannabinam, aut super ti-tivilitias; & parti infirmæ applicatur.

Exoptandum est, ut chirurgi pondera ac proportio-nes ingredientium accurate definiant. Cæterum sine ullo discrimine substitui posse crederem oleum semi-num lini oleo nucis.

Aliis quoque usibus inservire FEL potest redactum sub forma unguenti sequenti modo. Sumatur axun-giæ uncia una, fellis bovis recentis, sed inspissati, aloe in pulverem redacti una drachma. Ex his un-guentum efficitur, quo inungitur venter ad eum sti-mulandum in infantibus, vel in iis qui induci ne-queunt ad sumenda purgantia remedia: adhibetur etiam exitu bono ad necandos vermes, ad expellendam a-quam in hydropè, & loco UNGUENTI ARTHANI-TÆ, quod majoris sumptus est, & complicatius.

**LINIMENTUM OPHTHALMICUM**, seu *stimulans*  
*pro oculis*.

Rec. Mercurii præcipitati albi scrupulos duos,

Flor. Zinci drach. unam,

Axungię porci. purificatæ & sæpius lotæ unc. di-mid. misceantur in mortario ligneo vel vitreo,  
& efficiatur unguentum.

Opportunissime adhibetur quoque ad alia vulnera  
cu-

curanda. Cum vero adhibetur pro oculis, sub initium temperatur cum æquali adipis portione, & ubi nullam irritationem aut incommodum pariat, minuitur gradatim adipis dosis donec adhibeatur simpliciter ut descriptum est. Hoc si rite adhibeatur, optimos effectus habere potest. Sed de oculorum morbis curandis plura expectamus ab eo, quod ut fama fert jam jam editurus est Vir Clarissimus *Professor Scarpa* de iisdem morbis opere, magnis doctorum votis expetito.

**LINIMENTUM in SCORBUTO GINGIVARUM, sive in GINGIVARUM, & DENTIUM LAXITATE.**

Rec. Ligni guajaci drach. duas; infunde in s. q.  
 Aquæ communis, & post levem ebullitionem in vase clauso factam percoletur. In colatura unc. duarum solve  
 Terræ cathecu drachmam unam, & adde  
 Tincturæ myrrhæ unc. semis.

Cum penicillo hoc remedium applicatur. Aliquando addi potest aliqua portio mellis.

**LINIMENTUM VOLATILE, sive SAPO AMMONIACALIS.**

Rec. Olei olivarum drach. sex,  
 Spirit. salis ammoniac. caustici drach. duas.

Agitur in phiala clausa patuli oris, & in eadem phiala præbetur primum rite obturatum. Huic linimento sæpe utiliter additur aliquid camphoræ, ac tum nomen accipit LINIMENTI VOLATILIS CAMPHORATI. Rursus utiliter vel simplici linimento volatili, vel camphorato adjungitur nunc tinctura cantharidum, modo laudanum liquidum, nunc oleum C. C. vel Terebinthinæ &c.

LINCTUS LENIENS, seu INVOLVENS, s. *laxans*.

Rec. Mucilaginis gummi arabic.

Mellis depurati ana partes æquales, misce & detur.

Singulis horis unum cochleare exhibetur, vel rarius pro rei exigentia. Aliquando juvat loco mellis subrogatio syrupi papaveris albi.

LIQUOR MERCURIALIS \*

Rec. Mercurii sublimati corrosivi grana sex,

Salis ammoniaci grana decem octo;

aquæ destillatæ libram unam; solvantur.

Non applicatur nisi externe cum plumaceolis &c. & explet vices AQUÆ PHAGEDÆNICÆ majori cum fructu. Vid. etiam quæ diximus in parte secunda, ubi de SUBLIMATO CORROSIVO.

MUCILAGO GUMMI ARABICI.

Rec. Gummi arabici in pulverem triti unc. unam.

Successive affusis unciis duabus aquæ, adhibita interea trituratione, & continuata, donec redigatur in mucilaginem.

Rarius ipsa sola præscribitur ad usus præsertim internos, pro quibus sæpe sæpius datur cum aliquo syrupo, vel cum melle adinstar lincti, vel addenda mixturis, vel aliis potionibus. Dilutum vero in aliquo vehiculo adhibetur pro clysteribus, injectionibus, collyriis, &c.; tum denique ad formam alicui medicamini præscribendam. Extra dubium est, hanc MUCILAGINEM quemadmodum etiam illa, quæ trahi potest ex RADICE ALTHEÆ, in omnibus casibus vices explere MUCILAGINIS SEMINUM CYDONIORUM, & PSYLLII.

MIXTU-

MIXTURA ANTI-ASTHMATICA, sive EXPE-  
CTORANS, s. *stimulans*.

Rec. Gummi ammoniac. drach. duas,

Infusi sambuci unc. sex.

Diligenter terens solve & adde

Oximellis simplicis unciam unam. Detur.

Præbetur hæc mixtura singulis ternis vel quaternis horis dosi duorum cochlearium. Aliquando melius utendum est oximelle scillitico loco simplicis; & præterea melius aliquando subrogatur infuso sambuci aliud vehiculum, ex. c. aquæ menthæ, infusum pullegii &c.

MIXTURA NERVINA, seu ANTHYSTERICA,  
seu *excitans*.

Rec. Aquæ menthæ piperitidis unc. sex.

Liquoris C. C. terebinthinati;

Anodynæ an. drach. semis,

Syrupi corticis aurantior. drach. sex; misceatur,  
& detur in vase optime clauso.

ALIA EXCITANS FŒTIDA.

Rec. Infusi flor. chamomillæ unc. sex,

Spiritus C. C. scrup. unum.

Tincturæ assæ fœtidæ guttas viginti; misce.

Tam hujus quam supradictæ mixturæ unum vel duo cochlearia præbentur singulis horis vel binis vel ternis pro circumstantiis. Hisce mixturis poterit medicus prout prudentia ei suggeret additionem præscribere laudani liquidi vel diascordii &c., itemque poterit substituere ammoniacam puram spiritui C. C., & liquori C. C. terebinthinati, vel ætherem subrogare liquori anodyno; tum denique mutare vehiculum



poterit per alterius substitutionem, uti ex. c. essent infusum valerianæ, foliorum aurantiorum, emulsio seminum citri &c.

### MIXTURA STOMACHICA, seu *roborans*.

Rec. Aquæ menthæ piperitid. unc. sex.

Elixir. amari unc. dimidiam,

Tincturæ calami aromatici drach. unam,

Syrup. chinæ chinæ unc. unam. Misce, & detur.

Hæc quoque mixtura eodem modo præscribitur, quo supradictæ. Ac similiter in hac variari potest vehiculum, eique subrogari aqua baccarum juniperi vel earum infusio &c., addique potest aliqua dosis laudani liquidi, aut ætheris &c.

### OLEUM SEMINUM LINI \*

Rec. Semin. lini non rancidorum quantum vis

Contunde in mortario lapideo, donec pastam mollem, pinguem exhibeant. Hanc sacculo cannabino inclusam submitte frigido prælo, & omne oleum sensim exprime, quod a fæcibus dein libera, & in loco frigidiori serva.

Interne adhibetur ipsum solum in dosi olei olivarum, ut in prima parte dictum est. Eodem quoque utimur pro clysteribus passim cum decocto emolliente, vel chamomillæ vel alterius.

Cum ego cum aliis putem OLEA PINGUIA sive ~~flava~~ virtute & proprietatibus generatim inter se convenire, videri sufficere posset maxime in curatione pauperum oleum olivarum, & ideo videri posset superfluum hoc olei genus superaddere; ab eo tamen recensendo pro usu pauperum abstinere nolui, quia cum apud vulgum præsertim rusticorum hominum oleum seminum lini tam ingratis non sapiat, ut sapit

pit apud cæteros homines, & ex altera parte sæpe familiaris sit apud illos prædicti olei usus, vel facillioris acquisitionis, quam sit oleum olivarum, hinc illud præ isto non raro iis commodius & promptius esse potest; ac simul iis relinquitur opinio, vel fiducia major quam plures habent in hoc olei genere præ oleo olivarum.

Residuum, quod manet post extractionem olei, si redigatur in pulverem & leniter calefiat submissum calido prælo antea inclusum sacco, suppeditat aliud oleum idoneum ad ardendum aliosque œconomicos usus.

### PASTA EPISPASTICA seu SINAPISMUS.

Rec. Fermenti panis acidi uncias tres,  
Semin. sinapi pul. unc. unam cum dimid.  
Aceti fortis uncias tres circiter vel q. s. ut  
ex eo toto pasta confletur consistentiæ cataplasmati.

Hæc magis activa efficietur, si loco acetii simplicis adhibeatur acetum scilliticum, cui potest etiam misceri aliqua portio salis communis. Applicatur sub planta pedum aliisque partibus pro rei exigentiâ: ubi deficiat fermentum, adhiberi potest farina secalis, vel tritici, aut medulla panis.

### PIPULÆ ALTERANTES *Plumeri.*

Rec. Pul. alterant. Plumer. scrup. duos,  
gummi-resinæ guajaci,  
Extracti cicutæ ana scrupulum unum,  
Mucilagin. gumm. arabic. q. s. ut fiat massa  
pilularis mollis, ex qua consentitur pilulæ  
ponderis granorum duorum.

Rec. Gummi resinæ galbani,  
assæ foetidæ an. drach. dimidiam,  
Pul. radic. valerian. sylvestr. drach. unam.

In mortario vix calefacto emolliuntur galbanum & assa foetida, tum additur aliquid elixiris amari q. s. esse queat ad conficiendam mollem massam, cui additur valeriana, ac conficitur massa dividenda in pilulas, quarum singulæ sint trium granorum, & quatuor ex istis singulis binis vel ternis, vel quaternis horis ab ægro suscipiuntur.

Interdum istarum usus utilior evadit, si addatur aliquod granum opii. Itemque prodesse potest interdum additio myrrhæ, vel olei C. C. &c.

Rec. Mercurii sublimati corrosivi,  
Salis ammoniaci an. drach. dimid.

Aquæ destillatæ q. s. ut deliquescant; dein  
adde

Pul. radic. althææ drach. decem. Misceantur, & redigantur in massam pilularem, ex cujus una drachma efformentur pilulæ viginti octo, quarum decem continent mercurii sublimati corrosivi granum unum.

Dosis autem & monita in ejus præscriptione observanda videantur, ubi de **SUBLIMATO CORROSI-VO-PARTE SECUNDA**. Aliquando sub hac forma pilularum hoc remedium præscriptum meliorem exitum

tum habet, si misceatur cum opio & aliquo extracto amaro, ut dictum est ubi de sublimato corrosivo.

Hæc forma optima est pro administrando interne mercurio sublimato corrosivo, cum necessarium sit hoc remedium non agere prompte ac celeriter, sed potius lente & paullatim. Quod certe obtinetur per usum pilularum, atque hæc ipsa de causa melius est certum pilularum numerum præparare, ut ante ipsarum usum quemdam duritiei gradum acquirant; quæ quidem exceptio est regulæ generalis in præscriptione pilularum alterius generis exequendæ.

Simplex mica panis aptissima non est, ut aliqui censent, ad has pilulas conficiendas, cum per massam ex mica conflata utpote nimis fragilem difficilius pilulæ componantur, ac præterea difficilior habeatur æqualis & accurate uniformis per massam distributio mercurii, id quod ad scopum maximi interest. Quare longe melior est usus radicis althææ, aut gummi arabici, aut amyli. Quod si mica panis uti quis velit, oportet eum adhibere micam panis biscocti ad subtilissimum pulverem redacti. Idem dicendum pro confectione PILULARUM CUPRI AMMONIACALIS. Ubi vero adhibeatur gummi arabica, vel melius radix althææ, id quoque obtinetur, ut sublimati corrosivi qualitas & vis corrosiva egregie obtundatur.

#### PILULÆ RESOLVENTES, sive *roborantes*.

Rec. Saponis alicantini,  
Gummi ammoniaci,  
Extracti cichorei an. partes æquales.  
Mellis optimi q. s. ut fiant pilulæ singulæ granorum duorum.

Præscribuntur a quatuor usque ad decem bis vel ter sumendæ per diem, & augeri numerus potest post



post diuturnum & continuatum pilularum usum, quem ferre debet ægrotus, ut optatum effectum obtineat.

Si desit extractum cichorei, subrogari potest extractum taraxaci, & interdum istorum extractorum loco expedire potest usus extracti cicutæ.

**PILULÆ SCILLITICÆ**, seu *stimulantes in hydropse*.

Rec. Gummi ammoniac.

Scillæ recentis in pulpam redact. an. scrup. duos

Radic. Angelicæ pul. scrup. unum,

Oximellis Scillitici q. s. ad conficiendam massam pilularum dividendam in pilulas duorum granorum.

Istarum pilularum quatuor & etiam octo bis, vel ter in diem sumuntur.

### POTIO PURGANS FORTIS.

Rec. Lini cathartici drach. duas,

Sal. cathartici amari unc. unam. Digeritur per horas sex leni calore in octo unciis infusi chamomillæ, ac deinde percolatur, & colatura præbetur.

### POTIO PURGANS MITIS.

Rec. Salis amari unc. unam : solve in

aquæ fontis unciis sex; cui adde

mellis depurat. unc. unam, & subministra.

Istarum potionum utraque passim sumi potest una vice. Interdum utiliter impendi potest loco aquæ infusum chamomillæ, aqua menthæ &c. In priori autem uti possumus etiam aqua corrigenda cum aliquo

aro-

aromate loco infusi chamomillæ. In aliis vero casibus congruere potest loco hujus potionis purgantis mitis aliud potionis genus, quam infra describam. Hæc ultima potio adhiberi potest loco **POTIONIS LAXATIVÆ CUM MANNA**, cum usus **MELLIS** in curatione pauperum usum **MANNÆ** adæquare possit. De hac re videatur, quod diximus de **MANNA**. Melius quoque ad imitandam mannæ naturam acceditur, si melli adjungatur aliqua portio gummi arabici, ut satis mihi constitit ex aliquibus experimentis chemicis, quæ circa mannâ capere volui.

Ceterum ut etiam monui, ubi de manna, hoc remedium, meo quidem judicio, eam æstimationem non videtur mereri, quam apud majorem medicorum partem obtinet. Raro enim manna ipsa sola operatur non mixta cum aliis remediis laxantibus efficacioris virtutis, vel ubi effectus ab ipsa sola postuletur, oportet eam præberi dosi largiori; qua in dosi ex æquo etiam mel operatur. Rursus ipsa sola, quavis in dosi administretur, tam blandum & innoxium laxativum remedium non est, ut a maxima parte medicorum creditur; qua persuasione fit, ut generatim reputetur remedium pro quovis morbo & in quavis ætate opportunum; cum tamen aliter sentiendum sit, quoniam in infantibus, in puerperis, fœminisque hystericis aut multo irritabilibus, vel in ægris affectis habitu flatuum aliisque in circumstantiis, negari non potest, quin sæpe incommoda & mala pariat, ut majorem flatuum, copiam, tormina, aliosque malos effectus spasmodicos. Quod adeo verum esse patet, ut sapientiores & prudentiores medici rarissime hoc remedii genus tamquam purgativum ipsum solum præscribant, sed ad prædicta incommoda cavenda maxime in ægris & circumstantiis indicatis passim soleant mannâ conjungere cum substantiis aromaticis, vel cum remediis amaris, aut cum aliis purgantibus pro varia rei exigentia & ægrotorum indole.

# ALIA POTIO PURGANS MITIS.

Rec. Pulpæ prunorum unc. unam & semis;  
 Cremoris tartar. drach. sex. Solve in  
 Aquæ communis unciis novem; & præbe.

Non raro hujus potionis sumptio in duas vices utiliter dividitur. Sæpe juvat usus seri lactis loco aquæ: & frequenter prodest post sumptionem hujus & aliarum potionum purgantium sumere aliqua vascula seri lactis vaccini. Hæc postrema potio æquivalet potioni, quæ communiter dicitur **POTIO LAXANS ANTIPTIPHLOGISTICA**.

## POTUS EXCITANS.

Rec. Aquæ communis libras duas;  
 Spiritus vini rectificati unc. unam & semis;  
 Mellis depurati unc. unam. Misceantur & dentur.

Vasculatim ut potio communis sumitur. Hanc potionem in Clinica Ticinensi maximo cum fructu adhibuit cl. doctor *Joseph Franck*, dum ibidem loco egregii parentis sui clinicam exerceret. Multoties efficitur gravior atque efficacior, ubi eidem addantur aliquot unciaæ vel aquæ, vel infusi aromatici, cujusmodi sunt aqua juniperi, menthæ &c. vel infusi anisorum &c., tanta aquæ communis quantitate subtracta, quanta vehiculi copia adjungitur. Addi etiam potest in eundem finem aliqua dosis liquoris anodynini vel tincturæ calami aromatici, vel loco mellis sypurus corticis citri &c. Ubi de divitibus agatur, fieri possunt potiones hujus generis longe gratiores atque breviores per simplicem additionem diversorum **ROSSOLII** vel **CLARETI** generum pro variis gustibus in quantitate sufficienti aquæ factam; at pro pauperibus ea ratione quam dixi parata potione satis pro  
 scopo

scopo suppletur, quod si nimis ingrata quibusdam causa mellis efficiatur potio, hæc temperari optime potest usu sacchari loco mellis; tunc enim gratissima potio evadit non pro pauperibus tantum, sed etiam pro omni hominum conditione.

### PULVIS ALTERANS *Plumeri*.

Rec. Mercurii dulcis,

Sulphur. aurati antimonii an. part. æquales.

Terantur diu in mortario vitreo ut ambo perfecte commixta pulverem non modo subtilissimum, sed & æqualissimum exhibeant.

Præscribitur pulvis a duobus granis ad sex, & usque ad sexdecim, gradatim tamen & lente. Aptior præscriptionis formula est pilularum, quæ modo fiunt sub ea forma quam indicavimus in PILULIS ALTERANTIBUS *Plumeri* in hac tertia parte, nunc vero fiunt cum aliis ingredientibus. Creditur hoc remedium geaus, licet diutius continuetur ejus usus, raro excitare salivæ emissionem.

### PULVIS ANTHELMINTICUS, seu *stimulans adversus vermes intestinales præsertim ascarides*.

Rec. pulv. Semin. tanaceti,

Radic. valerian. sylvestr.

Jalappæ an. scrup. dimid. Misceantur & dentur.

Hæc dosis sumitur semel vel bis quaterque in diem pro ætate aliisque circumstantiis. Sed ubi pluries in diem repetatur, expedit aliquando pro aliqua vice omissio jalappæ. Sic etiam prodesse potest pro diversa ægrorum ætate vel temperamento incrementum dosis ingredientium. Hic pulvis quoque præbetur sub forma bolorum; nec raro juvare potest aliqua



qua additio mercurii dulcis. Quod si prædicto pulveri uniatur sufficienti in quantitate syrupus cichorei cum rheo vel mel sic ut fiat electuarium; tunc exurgit ELECTUARIUM quod dici potest ELECTUARIUM ANTHELMINTICUM.

PULVIS DIAPHORETICUS sive *Dowerii*. \*

Rec. Pulv. opii puri,

Radic. Ipecacuanhæ an. scrup. unum,

Liquiritiæ drach. tres. Misceantur diligenter & per diuturnam trituram fiat pulvis subtilissimus, & deinde conservetur.

Undecim pulveris grana continent unum granum opii.

Præscribitur internè à quinque granis ad duodecim, ad scrupulum unum & usque etiam ad drachmam, postquam ægrotus remedio fuerit assuetus. Hoc autem datur vel in simplici pulvere, vel in pilulis, vel etiam solutus. Sed de hac ultima præscriptionis forma vide quæ diximus, ubi de Ipecacuanha parte prima. Fertur, nuperrime felici successu adhibitum fuisse etiam in diabete.

Ubi alicui ægroto non congruat ratione dulcedinis suæ pulvis liquiritiæ, subrogetur magnesia. Si quis autem cuperet uti tartaro vitriolato loco liquiritiæ, quod tamen omitti posse censeo sine remedii detrimento, licet de hoc tartaro specialis sermo nobis non fuerit, is tamen habere posset ex præparationibus indirectis, quas alibi innumus. Ceterum non raro contingit, ut pro aliquibus prosit non uti pulvere liquiritiæ, nec magnesia, nec tartaro vitriolato, sed magis pulvere corroborante; qua in re plures observationes perutiles habuit vir magni ingenii *Doctor dell' U.*

Rec. Pulv. radic. Jalappæ,  
 Crem. tartar. an. drach. dimid. Miscean-  
 tur; præbeantur.

Minuitur vel augetur dosis pro ratione ætatis æ-  
 groti, aliarumque circumstantiarum. Ubi cum suffi-  
 cienti mellis copia bolus conficitur, bolus exurgit ab  
 aliquibus dictus **BOLUS PURGANS ORDINARIUS**;   
 cui si addantur tria grana mercurii dulcis, ab aliis  
 appellatur **BOLUS PURGANS MERCURIALIS**.

**PULVIS RESOLVENS, s. alterans salinus.**

Rec. Pulv. crem. tartar. unc. unam,  
 Tartar. emetic. gran. duo. Misceantur exactissi-  
 me, & dividantur in decem partes æquales.

Harum partium una vel duo sumendæ præbentur  
 singulis binis horis vel ternis, pro ut opus esse me-  
 dicus judicaverit.

**PULVIS ROBORANS MARTIALIS.**

Rec. Pulv. cortic. Hippocastani,  
 Limatur. martis an. gran. decem,  
 Semin. anisor. gran. sex. Misce.

Hæc dosis sumitur bis vel ter vel etiam pluries in  
 diem pro necessitate, quam medicus deprehenderit.  
 Dari potest sub forma bolorum; vel si datur in pul-  
 vere, ea servantur quæ diximus ubi de æthiope. Si  
 quibusdam anisorum gustus displiceret, possent eo-  
 rum loco adhiberi cortex citri, vel calamus aroma-  
 ticus, Zingiber, vel aliud quid simile, & interdum pro  
 cortice Hippocastani juvat usus myrrhæ, vel extracti  
 ipsius aquosi &c.

## PULVIS SQUILLÆ COMPOSITUS. \*

Rec. Squillæ præparat. scrup. duos,  
 Pulv. calami aromatici,  
 Nitri purissimi an. drach. duas. Misce, &  
 serva.

Præscribitur ab uno scrupulo ad duos usque ad quatuor, dividendus tamen in plures partes. Additio, quæ pro variis casibus huic pulveri fiat aut opii aut camphoræ, magnæ non raro utilitatis est. Demum etiam in hujus pulveris præparatione loco calami aromatici impendi posset radix angelicæ, Zingiberis &c.

## SERUM LACTIS ALUMINOSUM.

Rec. Seri lactis libr. duas,  
 Alumin. puri pul. drach. duas.

Serum ebullitioni exponatur, addatur alumen, & deinde coletur, & præbeatur a duabus unciiis ad quatuor, quæ dosis repetatur bis, ter, quaterve, & etiam pluries in diem prout stomachus magis minusve ferat & morbi circumstantiæ postulent. Si vomitum produceret, ad id corrigendum dilui aqua posset, vel addi mel vel saccharum. Alumen sub hac forma præscriptum vel solutum in fluidis mucilaginosiorem effectum sæpius parit, quam sub aliis formis subministratum.

## SERUM LACTIS SINAPINUM.

Rec. Seri lactis vaccini libr. duas,  
 Semin. Sinapis pul. unc. unam.

Hæc lenissime ac brevissime ebulliant in vase clauso, vel simplex digestio calida fiat in vase pariter clauso per aliquot horas, deinde coletur & subministratur,

Sin-

Singulis binis vel ternis horis hujus seri vasculum sumitur. Hæc præparatio est jucundior, & efficacior formula præscribendi interne sinapem. Adhuc gratior efficitur. si addatur portio mellis vel sacchari, quod tamen semper fieri non oportet.

Passim serum lactis alteratum tam uno quam altero processu ex dictis ingredientibus fieri solet ope lactis loco seri. Sed cum ubi lacte utendum sit, hujus ebullitio fiat cum prædictis substantiis, donec habeatur separatio seri a substantia casei: hinc quisque intelligit, sine ulla utilitate longiorem esse majorisque dispendii processum hujusmodi, quam si simpliciter serum adhibeatur.

De SERO VINOSO dicere prætermisi, tum quia portio displicens est, quin sit proficua; tum quia vinum, ubi ipsum solum adhibendum non sit, minus ingrate, & longe utilius cum alijs liquoribus conjungi potest.

### SPIRITUS VINI CAMPHORATUS. \*

Rec. Camphoræ rasæ unc. unam

Solve in

Spiritus vini rectificati libra una cum dimidio,  
& in vitro probe obturato serva ad usus præsertim externos.

### SUCCI.

Herbæ quæ lactem fundere solent, in primis adhibentur, & sunt ex *Linnaei Syngenesia*, *Pentandria*. Etiam ex *tetradynamia* nonnullæ adhibentur utiliter in eundem finem. Eliguntur præ cæteris SUCCI TARAXACI, CICHOREI, FUMARIÆ, NASTURTII AQUATICI &c. Satis quidem est unius plantæ succus, sed ubi fortasse deficiat copia plantæ unius, ex pluribus aliquando succus extrahitur.

Plantas, ex quibus succus est exprimendus, contunde in mortario lapideo in massam pultaceam, ex qua



sacco linteo forti inclusa exprimaturn succus, & postquam fæces subsederint, affunde liquorem vel cola.

Sed post contusionem cum modica aquæ quantitate miscendæ & exprimendæ sunt plantæ, quæ natura sua sunt siccæ & per se parum succi largiuntur, ut est **CENTAURIUM MINUS**, **ABSYNTHIUM** &c., vel etiam illæ quæ succolentæ quidem sunt, sed succum habent viscosum tenacem, ut ex. c. est **RADIX CICHOREI** &c.

Præstantior pro succis depurandis vel clarificandis, præsertim ad usum pauperum, methodus est quam indicavimus: scilicet succis quieti dimissis, & postquam subsederint fæces, effuso vel colato liquore, quæ tamen operatio in loco frigido præstari debet. Præterea infundi possunt lagenæ, quæ sit bene munita & leviter jam calefacta, & hæc toties intingatur aquæ ebullienti, quoties opus est, ut succus in lagena contentus perfecte incaluerit, & partes succi irresolubiles coagulatæ & in homogeneam quasi massam coalitæ sint. Quo facto succus frigeat, & post refrigerationem per pannum laneum coletur.

Sed illud curandum est, ut succi a plantis expressi æstivo tempore post duodecim circiter horas renoven-  
tur, & post viginti quatuor circiter horas hiemali tempore, ea præterea cautione adhibita, ut in loco frigido ad usum serventur.

Hi succi præbentur variis vicibus a duabus unciiis ad quatuor, & aliquando etiam amplius. Sæpe soli sumuntur. Sed non raro cum sero lactis, quo creditur vim eorum augeri. Extra dubium est, istorum vim maximam esse in curationem morborum. Optimi censentur succi verno tempore, cum radices & herbæ lacte, & succo magis turgeant. Monent tamen sapientiores practici, ut ab usu istorum abstinenceatur, ubi cardialgia oriatur, aut diarrhoea, quæ vires labefactet.

Neque huc prætereundum est, præstantiora officinarum **EXTRACTA** ex succis recenter pressis parari,  
& plus

& plus præstare quam alia **EXTRACTA** ex siccis  
vegetabilibus præparata.

### **SYRUPUS CORTICUM CITRI. \***

Vid. pars tertia.

### **TINCTURA RHEI, sive RHABARBARI AQUO- SA, s. INFUSUM.**

Rec. Rhabarbari elect. contusi drach. duas,  
Infundatur in aquæ communis fervid. s. q. &  
quieti dimittatur donec frigeat, deinde cole-  
tur, & præbeatur liquor, qui esse debet pon-  
deris quatuor unciarum.

Non adhibetur nisi interne a duabus unciis usque  
ad quatuor; præscribitur autem modo sola, modo ad-  
denda aliis potionibus passim purgantibus. Hæc ad-  
ministratur frequentius ut purgans remedium; casus  
tamen non desunt, in quibus præscribitur ut alterans  
remedium, quemadmodum etiam fit cum RHABAR-  
BARO in substantia. Quo tamen in casu dosis varia-  
ri debet: utilis est non raro additio huic tincturæ fa-  
cta liquoris anodynæ, vel alicujus aquæ, vel infusi aro-  
matici &c. Ceterum in curatione pauperum hujus præ-  
parati usus tam frequens esse non debet, cum non  
exigui sumptus sit, & ex altera parte suppleri possit  
alia ratione.

### **VINUM AMARUM, seu roborans. \***

Rec. Radic. gentian.

Cortic. limonior. recent. an. unciam unam,  
Calami aromatici drach. duas. Hæc contundan-  
tur, & macerentur sine calore in

Vini generosi libris duabus. Deinde colentur.

Hoc passim ipsum solum præbetur interne sumen-  
dum

dum a duabus unciiis ad tres ter vel quater in diem. Non raro tamen parari potest colatura, quæ sit ponderis trium librarum. Loco autem gentianæ, si libet, adhiberi potest absynthium; & defectu calami aromatici Zingiber, aut aliud aromaticum. Si addatur huic vino aliqua portio TINCTURÆ MARTIS ea proportionem, quam casus postulat, fit ex tempore optimum VINUM MARTIALE *roborans*.

### UNGUENTUM DIGESTIVUM. \*

Vid. pars secunda.

### UNGUENTUM AD SCABIEM. \*

Vid. pars secunda.

### UNGUENTUM MERCURIALE ALBUM. \*

Rec. Mercur. præcipitati albi drach. unam,  
Axungiae porcin. unc. unam: misce exactissime in mortario non metallico, & serva.

Pro scabie adhibentur duæ drachmæ singulis vicibus per diem in fricationibus. Hoc unguentum maxime commendatur non solum in scabie, sed etiam in herpete aliisque vitiis cutaneis. In his & etiam in tinea capitis maxime laudant ut efficax & tutum remedium externum *Zeller, Werlbof, Klein, Piderit, Plenk, Spielmann, Baldinger &c.* Æstivo tempore in hujus remedii præparatione eodem modo procedendum est, quem diximus ubi de præparatione UNGUENTI MERCURIALIS GRYSEI parte secunda.

### UNGUENTUM MERCURIALE GRYSEUM. \*

Vid. pars secunda.

## I N D E X

PRÆCIPUORUM MEDICAMINUM SIMPLICIUM,  
PRÆPARATORUM & COMPOSITORUM.

## A

Absynthium	-	-	-	-	-	pag. 43
Acetum saturni	-	-	-	-	-	126
Scilliticum	-	-	-	-	-	127
Vini albi	-	-	-	-	-	43
Acidum nitri	-	-	-	-	-	127
Terebiuthinæ	-	-	-	-	-	130
Vitrioli rectificatum	-	-	-	-	-	161
tenuè	-	-	-	-	133. &	207
Aconitum	-	-	-	-	-	45
Ærugo	-	-	-	-	-	45
Æther vitriolicus	-	-	-	-	-	134
Æthiops mineralis	-	-	-	-	-	137
Alkali vegetabile fixum	-	-	-	-	-	139
Aloe succotrina	-	-	-	-	-	45
Althæa	-	-	-	-	-	46
Alumen crudum	-	-	-	-	-	46
ustum	-	-	-	-	-	141
Ammoniacum	-	-	-	-	-	47
Amygdalæ dulces	-	-	-	-	-	47
Angelica	-	-	-	-	-	47
Anisum	-	-	-	-	-	48
Antimonium crudum	-	-	-	-	-	48
præparatum	-	-	-	-	-	142
Aqua baccarum Juniperi	-	-	-	-	-	143
calcis	-	-	-	-	-	237
communis destillata	-	-	-	-	-	142
Aqua menthæ crispæ	-	-	-	-	-	143
piperitidis	-	-	-	-	-	143
Thediana	-	-	-	-	-	238
vegeto-mineralis	-	-	-	-	-	238



Argentum	-	-	-	-	-	-pag.	49
Arnica	-	-	-	-	-	-	49
Assa foetida	-	-	-	-	-	-	50
Asarum-	-	-	-	-	-	-	50
Aurantium	-	-	-	-	-	-	51
Axungia.	-	-	-	-	-	52. &	144

## B

Bardana	-	-	-	-	-	-	51
Belladonna	-	-	-	-	-	-	51
Byronia	-	-	-	-	-	-	52

## C

Calamus aromaticus	-	-	-	-	-	-	53
Calx viva	-	-	-	-	-	-	53
Camphora	-	-	-	-	-	-	53
Cantharis	-	-	-	-	-	-	54
Capita papav. alb.	-	-	-	-	-	-	95
Cataplasma emolliens	-	-	-	-	-	-	239
Resolvens	-	-	-	-	-	-	239
Catechu	-	-	-	-	-	-	56
Centaurium minus	-	-	-	-	-	-	57
Cera Citrina	-	-	-	-	-	-	57
Cerussa alba	-	-	-	-	-	-	57
Chamomilla vulgaris-	-	-	-	-	-	-	58
China grysea s. communis-	-	-	-	-	-	-	58
Lutea	-	-	-	-	-	-	61
Cichorium	-	-	-	-	-	-	63
Cicuta	-	-	-	-	-	-	63
Citrus s. Limonia	-	-	-	-	-	-	63
Clyisma adstringens	-	-	-	-	-	-	240
Antispasmodicum	-	-	-	-	-	-	268
Emolliens	-	-	-	-	-	-	268
Purgans	-	-	-	-	-	-	268
Colophonium	-	-	-	-	-	-	64
Cremor tartari	-	-	-	-	-	-	64

Cuprum ammoniacale - - - pag. 145

## D

Daucus sylvestris	-	-	-	-	65
Decoctum commune s. hordei	-	-	-	-	241
Corticis peruviani	-	-	-	-	242
artificialis	-	-	-	-	242
Diureticum	-	-	-	-	243
Emolliens	-	-	-	-	243
Lignorum	-	-	-	-	244
Resolvens	-	-	-	-	245
Digitalis purpurea	-	-	-	-	65
Dulcamara	-	-	-	-	66

## E

Elæosaccharum citri	-	-	-	-	245
Electuarium adstringens	-	-	-	-	246
Antifebrile	-	-	-	-	246
Anthypidpicum	-	-	-	-	247
Antispasmodicum	-	-	-	-	248
Diascordium	-	-	-	-	146
Lenitivum	-	-	-	-	248
Theriaca diatessaron, s. pro pe-					
coribus	-	-	-	-	147
Elixir. amarum	-	-	-	-	148
Antiscorbuticum	-	-	-	-	249
Vitrioli acidum aromaticum	-	-	-	-	147
Emplastrum adhærens	-	-	-	-	149
Commune	-	-	-	-	149
Gummosum	-	-	-	-	150
Vesicatorium	-	-	-	-	150
Emulsio Communis	-	-	-	-	249
Oleosa	-	-	-	-	250
Enula Campana	-	-	-	-	66
Extractum absynthii	-	-	-	-	151
Aconiti	-	-	-	-	154

Extractum Cichorii	-	-	-	-	-	-pag. 151
Cicutæ	-	-	-	-	-	154
Gentianæ	-	-	-	-	-	151
Nasturtii aquatici	-	-	-	-	-	154
Quercus	-	-	-	-	-	151
Salicis	-	-	-	-	-	152

## F

Fel Tauri	-	-	-	-	-	67
Fermentum panis	-	-	-	-	-	67
Ferrum	-	-	-	-	-	67
Filixmas	-	-	-	-	-	68
Flores salis ammoniaci martiales	-	-	-	-	-	157
Zinci	-	-	-	-	-	158
Fœniculum dulce	-	-	-	-	-	68
Fomentum antisepticum	-	-	-	-	-	251
Aromaticum siccum	-	-	-	-	-	252
Emolliens	-	-	-	-	-	253
Schmukeri	-	-	-	-	-	252
Fumaria	-	-	-	-	-	69

## G

Galbanum	-	-	-	-	-	69
Gallæ Turcicæ	-	-	-	-	-	70
Gargarisma adstringens	-	-	-	-	-	252
Commune	-	-	-	-	-	253
Emolliens	-	-	-	-	-	253
Gentiana	-	-	-	-	-	70
Gratiola	-	-	-	-	-	71
Guajacum lignum	-	-	-	-	-	72
Resina	-	-	-	-	-	73
Gummi arabicum	-	-	-	-	-	73

## H

Hauſtus antiemeticus	-	-	-	-	-	253
----------------------	---	---	---	---	---	-----

# I N D E X :

281

Haustus antifebrilis	-	-	-	-	-pag.	255
Narcoticus	-	-	-	-	-	255
Salinus	-	-	-	-	-	256
Hepar Sulphuris	-	-	-	-	-	161
Hippocastanum	-	-	-	-	-	74
Hirudo	-	-	-	-	-	74
Hordeum	-	-	-	-	-	74

## I

Jacea	-	-	-	-	-	75
Jalappa	-	-	-	-	-	75
Infusum amarum	-	-	-	-	-	256
Baccarum Juniperi	-	-	-	-	-	257
Flor. chamomillæ	-	-	-	-	-	257
Sambuci	-	-	-	-	-	257
Liquiritiæ	-	-	-	-	-	257
Semin. fœniculi	-	-	-	-	-	257
Ipecacuanha	-	-	-	-	-	75
Juniperus	-	-	-	-	-	78

## L

Lac vaccinum	-	-	-	-	78. &	108
Lapatum acutum	-	-	-	-	-	78
Lapis causticus	-	-	-	-	-	164
Infernalis	-	-	-	-	-	165
Lichen Islandicus	-	-	-	-	-	79
Limatura martis præparata	-	-	-	-	-	166
Linimentum antiscrophulosum	-	-	-	-	-	258
Ophtalmicum	-	-	-	-	-	258
Pro gingivis	-	-	-	-	-	259
Volatile	-	-	-	-	-	259
Linctus leniens	-	-	-	-	-	260
Linum Officin-	-	-	-	-	-	79
Catharticum	-	-	-	-	-	79
Liquiritia radix	-	-	-	-	-	80
Succus	-	-	-	-	-	80

Li-



Liquor	anodynus Hoffmanni	-	-	-	-	- pag.	168
	C. C. terebinthinatus	-	-	-	-	-	169
	Mercurialis	-	-	-	-	-	260
Lythargyrus	-	-	-	-	-	-	81
Lixivium causticum	-	-	-	-	-	-	171

## M

Malva	-	-	-	-	-	-	81
Magnesia alba aereata	-	-	-	-	-	-	172
Caustica	-	-	-	-	-	-	176
Manna	-	-	-	-	-	81- 82	267
Mel commune	-	-	-	-	-	-	82
Despumatum	-	-	-	-	-	-	179
Menta crispa	-	-	-	-	-	-	83
Piperitida	-	-	-	-	-	-	83
Mercurius dulcis	-	-	-	-	-	-	179
Cinereus Moscati	-	-	-	-	-	-	182
Præcipitatus albus	-	-	-	-	-	-	182
Sublimatus corrosivus	-	-	-	-	-	-	187
Vivus	-	-	-	-	-	-	84
depuratus	-	-	-	-	-	-	191
Mezereum	-	-	-	-	-	-	84
Mixtura antiasthmatica	-	-	-	-	-	-	261
Nervina	-	-	-	-	-	-	261
Stomachica	-	-	-	-	-	-	262
Mucilago gummi arabica	-	-	-	-	-	-	260
Myrrha	-	-	-	-	-	-	86

## N

Nasturtium aquaticum	-	-	-	-	86
Nicotiana	-	-	-	-	87
Nitrum	-	-	-	-	87
Depuratum	-	-	-	-	193

Oleum Cornu Cervi	-	-	-	-	-pag.	202
Coctum florum Chamomillæ	-	-	-	-	-	194
Essentiale citri corticum	-	-	-	-	-	88
Laurinum	-	-	-	-	-	89
Olivarum commune	-	-	-	-	-	90
Optimum	-	-	-	-	-	90
Seminum lini	-	-	-	-	-	262
Terebinthinæ	-	-	-	-	-	195
Vitrioli	-	-	-	-	-	91
Olibanum	-	-	-	-	-	91
Ononis spinosa	-	-	-	-	-	91
Opium	-	-	-	-	-	92
Oximel Scillicicum	-	-	-	-	-	196
Simplex	-	-	-	-	-	197

R

Pilulæ alterantes Plumeri	-	-	-	-	263
Antispasmodicæ	-	-	-	-	264
e mercurio sublimato corrosivo	-	-	-	-	264
Resolventes	-	-	-	-	265
Scilliticæ	-	-	-	-	266
Pini resina	-	-	-	-	95
Polygala vulgaris	-	-	-	-	95
Potio purgans fortis	-	-	-	-	266
mitis	-	-	-	-	266
Laxans antiphlogistica	-	-	-	-	268
Potus excitans	-	-	-	-	268
Prunus damascena	-	-	-	-	96
Pulegium	-	-	-	-	96
Pulpa prunorum	-	-	-	-	198
Pulvis Algarotti	-	-	-	-	199
Alterans Plumeri	-	-	-	-	269
Althelmenticus	-	-	-	-	269
Diaphoreticus	-	-	-	-	270

Pul-

Purgans fortis	-	-	-	pag. 271
Resolvens	-	-	-	271
Roborans martialis	-	-	-	271
Squillæ compositus	-	-	-	272

## Q

Quercus	-	-	-	-	-	97
---------	---	---	---	---	---	----

## R

Rhabarbarum	-	-	-	-	-	98
Rohob Juniperi	-	-	-	-	-	200
Sambuci	-	-	-	-	-	201

## S

Sabadilla	-	-	-	-	-	99
Saccharum	-	-	-	-	-	100
Sal ammoniacus	-	-	-	-	-	100
Depuratus	-	-	-	-	-	201
Catharticus amarus	-	-	-	-	-	101
Muriaticus	-	-	-	-	-	102
Volatile C. C.	-	-	-	-	-	202
Salix	-	-	-	-	-	103
Sambucus	-	-	-	-	-	103
Sapo vulgaris purus	-	-	-	-	-	104
Saponaria	-	-	-	-	-	106
Scilla	-	-	-	-	-	106
Præparata	-	-	-	-	-	207
Scordium	-	-	-	-	-	108
Sebum ovile	-	-	-	-	108 &	144
Serum lactis vaccinum	-	-	-	-	-	108
Aluminosum	-	-	-	-	-	272
Sinapinum	-	-	-	-	-	272
Sinapis	-	-	-	-	-	109
Sinapismus	-	-	-	-	-	263
Solanum hortense	-	-	-	-	-	109





Verbascum	-	-	-	-	-	-	-pag.	116
Vinum	-	-	-	-	-	-	-	117
	Amarum	-	-	-	-	-	-	275
Vitriolum	album	-	-	-	-	-	-	119
	Cæruleum	-	-	-	-	-	-	120
	Viride	-	-	-	-	-	-	121
	Depuratum	-	-	-	-	-	-	121
Ulmus	-	-	-	-	-	-	-	124
Unguentum	basilicum	-	-	-	-	-	-	233
	Cerussæ	-	-	-	-	-	-	234
	Digestivum	-	-	-	-	-	-	234
	Mercuriale	album	-	-	-	-	-	276
		gryseum	-	-	-	-	-	234
	Nervinum	-	-	-	-	-	-	235
	ad Scabiem	-	-	-	-	-	-	236

## Z

Zincum	-	-	-	-	-	-	-	124
Zingiber	-	-	-	-	-	-	-	125

# PARS QUARTA

CONTINENS TABULAS TRES (1)

## TABULA PRIMA

**E**xhibens copiam salium neutrorum & mediorum ,  
de quibus in hujus operis decursu actum est , quam  
uncia una aquæ destillatæ in temperatura circiter de-  
cem graduum supra Zerum Thermometri *Reaumuriani*  
solutam tenere potest juxta PHARMACOPEAM  
AUSTRIACO-PROVINCIALEM EMENDATAM .

UNCIA UNA AQUÆ SOLVIT

ALUMINIS CRUDI unciam unam & drachmam u-  
nam .

CREMORIS TARTARI grana tria .

MERCURII SUBLIMATI CORROSIVI grana triginta .

NITRI drachmam unam & grana triginta .

SALIS AMARI CATHARTICI drachmas quinque .

SALIS AMMONIACI drachmas tres .

SALIS COMMUNIS drachmas duas & grana triginta .

TARTARI EMETICI juxta *Bergmann* ad quindecim  
gradus soliti Thermometri grana tria .

TARTARI VITRIOLATI grana triginta .

TARTARI TARTARISATI drachmas quinque .

VITRIOLI CUPRI drachmas duas .

VITRIOLI MARTIS drachmas tres .

VITRIOLI ZINCI drachmas tres .

TA-

---

(1) Harum trium tabularum ad calcem operis addendarum mentionem fe-  
ceram in præfatione . Verum postea cogitavi melioris ordinis causa ex iis  
quartam operis partem conficere , quæ tribus prioribus partibus hic addi-  
tur .

## TABULA SECUNDA

IN QUA RATIO EXHIBETUR, QUA PHARMACOPEA HÆC NOSTRA AD USUM NOSOCOMIORUM CASTRENSIUM POSSET FACILE ACCOMMODARI.

**N**ullum sane institutum hominum esse videtur, in quo bonorum civium, ac publici regiminis sollicitudo æquius impendatur, quam castrensia Nosocomia, quæ ad curationem ægrotorum militum destinantur. Id enim exigit grati animi sensus, & humanitatis lex, cum de curandis hominibus agatur, qui ex una parte innumerabilia incommoda, ac pericula subeunt pro reipublicæ incolumitate tuenda; ex altera passim inopia laborant, atque a suis sejuncti, & a patriis laribus, omni subsidio destituti nullam spem habent, nullumque refugium pro recuperanda valetudine, nisi in publicis militaribus nosocomiis. Hisce de causis conspiciamus civilem societatem in his erigendis, providendis, administrandis maximas curas impendere, & infinitam pene vim pecuniæ erogare, ut res bene cedant ad felicem, & prosperam ægrotorum curationem.

Sed dolendum maxime est, frustrari tam sæpe, ut experientia commonstrat, bonorum civium vota, & publici regiminis curas: idque potissimum contingere defectu medicamentorum, quæ optimæ notæ sint, valeantque pro bona eorum qualitate expectatos effectus producere. Quo fit, ut sæpius ægroti male tractentur, difficilius morbi curentur, nec raro magna ægrotorum pars depereat, quibus per bona remedia rite administrata succurri facile potuisset. Id sane dolendum est; multoque magis dolendum, id passim accidere execrabili illorum culpa, qui omnis humanitatis sensus expertes, turpis lucri causa, ut rebus suis

suis consulant, fortunasque suas efficiant, & augeant,  
 adversus regiminis publici conatus, & vota destina-  
 tam pecuniam in propria commoda divitiasque con-  
 vertunt, intereadum nosocomia castrensia inopia bo-  
 norum medicaminum cum maximo ægrorum detri-  
 mento laborant. Id ego vidi non semel, specia-  
 tim vero cum paucis abhinc annis vocatus fuis-  
 sem ad invisendum Ticini castrense Nosocomium,  
 ut medicamenta examinarem; in his malorum homi-  
 num fraudes, rapinas, & dolos conspexi & exhorruui.  
 Quod sane delictum etiam pœnarum severitate com-  
 pressum nondum penitus extirpari potuit, ut quoti-  
 diana experientia non raro commonstrat. Ex quo in-  
 telligi potest quanti intersit prudens virorum dele-  
 ctus, qui huic provinciæ in prædictis Nosocomiis  
 præesse debent. Unicum sane videtur esse pro tanta  
 pernicie avertenda remedium viros seligere ad id de-  
 stinandos, qui præter necessariam ad hoc perficien-  
 dum opus ingenii & cognitionum copiam, necessariis  
 quoque animi dotibus præditi sint, ut nempe morum  
 integritate, fide, sinceritate, sensuque demum huma-  
 nitatis ac teneræ erga homines benevolentix cæteris  
 præstent, & publicam habeant æstimationem & lau-  
 dem. Hac una ratione confidere possumus fore, ut  
 prædicta Nosocomia optimis medicamentis instructa  
 sint, ac ita res ægrotorum militum bene cedant &  
 prosperentur.

Huc pro re nata excurrere volui ut, pro ea quæ  
 me tangit ægrorum cura, animi mei vota ac sensus  
 exponerem. Quod ad me attinet, ut ad propositum  
 redeam, cum in hac ipsa pharmacopea curationem  
 pauperum potissimum spectaverim, & conatus fue-  
 rim eorum salutem cum prudenti œconomia conjun-  
 gere, hinc magna dictorum pars castrensibus etiam  
 Nosocomiis aptari facile potest. Quare hic ego indi-  
 cabo tantum aliquas differentias, reductiones, modifi-  
 cationes medicamentorum habita ratione diversarum  
 circumstantiarum, quæ passim occurrunt, nec vitari



possunt in castrensibus Nosocomiis. Illæ autem sunt quæ sequuntur.

## DE MEDICAMENTIS QUÆ PRÆTERIRI POSSUNT.

AQUA JUNIPERI—AURANTIUM *Folia*—CURPRUM AMMONIACALE—DAUCUS SYLVESTRIS *Radix*—EXTRACTUM NASTURTH—FEL TAURIFILIX MAS *Radix*—FLORES SALIS AMMONIACI MARTIALES — JACEA *Herba* — LINIMENTUM ANTISCROPHULOSUM — MAGNESIA CALCINATA—MANNA - PAPAVERALBUM *Capita*—PILULÆ ANTIHYSTERICÆ—SOLANUM HORTENSE *Folia*—SPIRITUS SALIS AMMONIACI CAUSTICI—SUCCI—SYRUPI CICHOREI CUM RHEO, PAPAVERIS ALBI & PERUVIANI CORTICIS—TINCTURA ASSÆ FETIDÆ—TINCTURA RHABARBARI AQUOSA — VERBASCUM *Flos* — VITRIOLUM CÆRULEUM —

## DE QUIBUSDAM OBSERVATIONIBUS AD REM NOSTRAM SPECTANTIBUS.

Plura jam dixi in hac pharmacopea nostra de aquis destillatis aromaticis, & œconomix causa observatum est optime suppleri posse per infusa earum substantiarum, ex quibus aquæ hauriendæ essent. Quare hæc œconomica ratio spectari debet etiam pro castrensibus Nosocomiis.

Veruntamen negari non potest, quin aquæ menthæ præsertim piperitidis usus maximæ sit utilitatis, expediatque plurimum ut per eam vices expleantur aliorum remediorum longe majoris expensæ. Qua de causa in hac nostra pharmacopea eam retinuimus, eademque ratione prodesset ejus usus etiam pro castrensibus Nosocomiis. Sed aliunde, cum maxime incommoda esset tantæ hujus aquæ copix quanta opus es-

set advectio & translatio, hinc alia ratione pro his suppleri commode potest. Cum enim oleum essentielle sit pars præcipua & efficax aquarum destillatarum, ex hoc in quovis castrorum loco & circumstantiis aquæ parari possunt ex tempore, his tribus processibus. Primo misceatur una aquæ libra cum dimidia uncia spiritus vini, in quo tres quatuorve guttæ olei essentialis menthæ vel crispæ vel piperitidis solutæ fuerint; quæ guttæ augeantur pro ut exigatur magis saturata, magisque aromatica aqua paranda. Secundo fieri potest mixtio per trituram ex nobiliori oleo conjuncto cum saccharo, vulgo elæosaccharo, & aqua pura. Tertio demum misceri potest oleum essenziale cum exigua portione mucilaginis gummi-arabici vel alterius generis, ac deinde misceri paulatim cum aqua.

Scio equidem, ad majorem medicorum & chirurgorum commoditatem, ac vel ipsorum Nosocomiorum exigentiam, tum etiam ad expeditiorem medicaminum præscriptionem, opportunam fore majorem formularum copiam, quæ magistrales vulgo appellantur, & quibus medicamenta licet ex pluribus ingredientibus composita compendii causa uno pene verbo indicantur. Has ego quidem sufficienti numero facile exponere potuissem; sed cum observaverim, maximam istarum partem jam supra in pharmacopea nostra descriptam fuisse, cui propterea exiguus numerus superesset addendus, qui nullo negotio vel a medicis Nosocomiorum, vel ab eis qui cæteris præsumt, impleri posset separatim a generalibus hujus pharmacopææ formulis privatis suis elenchis, quod fortasse utilius evadere potest, hinc rem minime necessariam esse putavi has paucas formulas addere. Quod alioquin ubi id exigeretur, nec longum, nec difficile esset opus.

## TABULA TERTIA.

IN QUA SPECIMEN SEU NORMA EXHIBETUR PRO CONFLANDO MEDICAMINUM APPARATU OMNIBUS PERSONARUM CLASSIBUS ACCOMMODO.

**J**am monui in præfatione, hoc apparatus medicaminum genus tam late patens ad usum totius regionis nostræ licet ab omnibus jam diu expetitur nondum prodiisse; monuique pariter hunc ipsum, qui ad pauperum usum modo prodit, ad hunc quem dixi finem accommodari posse, aliquibus remediis additis & quibusdam aliis temperatis. Nunc igitur, ut hanc viam præmonstrem quæ in hoc opere perficiendo ineunda esset, specimen quod sequitur exhibeo; specimen, inquam, quod quis sequi posset, qui brevi tempore apparatus hunc pro omnibus personarum classibus contereere velle.

Hunc autem finem continuo prospiciens, ut apparatus omnibus personarum conditionibus, temperamentis, ætatibus congruat, in id curas impendam meas, ut quasdam modificationes sive præparationes proponam, quibus remedia aptiorem formam habeant, vel jucundiora fiant, quin aliquid virium suarum vel proprietatum amittant; & in his rationem habebō vel mollioris ætatis, ut in infantibus & pueris, vel delicatioris temperamenti magisque irritabilis & ab usu medicinarum abhorrentis, ut potissimum esse queunt mulieres &c. Indicabo quoque remedia, quæ magis gratiæ conciliandæ vel luxui, quam necessitati inserviant, quæ idcirco utpote magni dispendii divitibus tantum congruere posse videntur. Demum vel in ipsis formulis præscribendis plura spectabo, formam nempe medicamentorum, colo-  
rem,



rem, odorem, saporem, idque pro varia ægrotorum ætate, indole, gustu.

Asterico \* notabo illud medicamentorum genus vel quorum virtus satis certa & tuta non est, vel quæ rarissimi usus sunt, quibus propterea necessarium absolute non est quamlibet officinam pharmaceuticam instructam esse; simplicia demum remedia vel alterius generis exprimam officinali tantum vocabulo.

Optari posse videtur ad finem hunc aptius fortasse obtinendum, ut non una generalis, sed plures pharmacopææ inter se distinctæ componerentur; quarum singulæ singulis personarum conditionibus, ætatibus, aliisque circumstantiis responderent, ita ut una esset pro pæuperibus, altera pro castrensibus Nosocomiis, tum pro divitibus; itemque pro gravidis, puerperis, infantibus, &c. Sic enim Societas id haberet quo satis superque consulere posset civium suorum classibus diversis, ætatibus, conditionibus &c. per necessaria vel congrua subsidia ad eorum valetudinem conservandam vel recuperandam. Hoc sane systema saltem ex parte in aliqua regione executioni mandari incipit, in qua in lucem prodire videntur peculiare quædam pharmacopææ uni vel alteri personarum classi speciatim accommodæ. Sic nuperrime prodiit in lucem opusculum auctore *Layard*, quod hunc titulum præfert: PHARMACOPÆA IN USUM GRAVIDARUM, PUERPERARUM, ET INFANTUM NOSOCOMII MIDDLESEZIÆ. Nondum tamen apparuit integrum opus, quod singulas pro singulis obiectis pharmacopæas distinctas complectatur, saltem prædicto fini adæquate respondentes. Quod quidem opus publici regiminis cura maxime dignum esse videretur, ac civium incolumitati egregie proficuum.

Scio equidem, hoc utillimum opus non carere prorsus incommodis suis, quæ tamen levia & parvi momenti reputanda sunt, cum omnium maximum esset aliquarum repetitionum incommodum, in quas facile esset incidere. Quod si cuiquam hoc systema



ob hunc defectum aliosque fortasse, quibus obnoxium esse potest, omnino non libeat, is probabit magis generalem quemdam apparatus medicaminum universis personarum classibus accommodum, in quo omnes necessariae observationes, præscriptiones & monita pro diversis emergentibus circumstantiis & casibus accurate continerentur. Hoc enim modo præmanibus quasi codicem quemdam simul collectum haberemus, qui omnia necessaria medicinæ subsidia pro diversis civium conditionibus, ætatibus & classibus comprehenderet. Amplissimum opus esset & omni attentione dignissimum; sed ex æquo utillimum, nec difficilis esset executionis, maxime si aliquæ saltem pharmacopææ separatim fierent pro hac vel illa personarum classe, ut pro pauperibus, castrensibus &c. quibus deinde veluti ad complementum & coronidem adderetur pharmacopæa quædam generalis, quæ brevior hac ratione evadere etiam posset, multis eorum omissis, quæ in separatis pharmacopæis tractata fuissent. Hanc methodum mihi proposuisse videor, vel saltem ad id viam præmonstrasse. Nam ad usum pauperum hunc apparatus medicaminum potissimum retuli; deinde ad usum castrensiū nosocomiorum accommodari posse monstravi. Demum specimen generalis apparatus medicaminum exhibeo. Quod quidem specimen si per alias observationes nostris addendas augeretur, quæ ea objecta respicerent seorsim tractanda, illud facile & exiguo temporis spatio ad optatum finem perducī posset.

Quæ tamen dum dico, intelligo de opere hoc perficiendo pro iis circumstantiis, quæ longiorem operis moram non permetterent, sed pro necessitate brevi conflandum postularent. Nec enim ignoro, ubi suscipiatur opus ab origine sua repetendum, renovatis omnibus præparationum processibus, rebusque omnibus ad novum examen calculumque redactis, multo longius temporis spatium postulari. Sed nec me latet per plures observationes & experimenta satis accurata-

curata, quæ capta sunt & ipsemet cepi, tam multa non superesse, quæ in hac re desiderari possint, satisque per hunc apparatus medicaminum, cujus specimen nunc præbeo, & circumstantiarum necessitati, in quibus versamur, & omnium personarum utilitati sufficientissime consultum iri, dummodo tamen perficeretur opus a viro expertissimo, vel melius non ab uno, sed ab expertorum hominum societate ad id delecta, quæ pro re nata aliqua fortasse utiliter reformare posset, mutare, corrigere, opusque diligentius perficere.

Quispiam fortasse voluisset aliquantisper parcior rem remediorum præscriptionem. At ego tam avarus esse nolui, neque remediorum parsimonia tam rigida ad scopum generalis medicaminum apparatus opportuna esse videtur. Æquum enim est, ut in remediorum delectu locum habeat rationabilis medicorum libertas, & ratio quoque habeatur ægrotorum commoditatis, quibus per remedia diversa succurri potest. Huc etiam revocari possunt rationes quas attulimus in præfatione ad hunc apparatus medicaminum pro pauperibus; quæ quidem rationes multo magis in re nostra militant, cum de generali pro tota regione pharmacopea conficienda tractetur, in qua aptius quadrare potest quod cum Professore *Moscæ* dicebam SATIUS ESSE ABUNDARE ALIQUANTULUM, QUAM POSSIBILI NECESSITATI DEESSE, AUT ANGUSTIS NIMIUM FINIBUS MAXIMO ÆGRORUM DETRIMENTO CLINICEN OBSTRINGERE.

## DE MATERIA MEDICA.

## S I V E

INDEX MEDICAMINUM SIMPLICIUM ET ALIQUORUM PRÆPARATORUM, QUÆ IN OFFICINIS SEMPER ESSE DEBENT IN PROMPTU, SED QUÆ AB IPSO PHARMACOPOLA NON PRÆPARANTUR.

**E**a quæ scitu sunt necessaria circa remedia ad partem hanc pertinentia, acquiri possunt ex multis operibus ætate præsertim hac nostra de hoc argumento conscriptis. Præstantiora omnia huc spectantia inveniuntur in operibus *Murray & Gmelin*. Consuli præterea possunt opera *Cullen*, *Linnaei*, *Wallerii*, *William Levis* EDITIO PARISIORUM *Ruc. boz* NOUVEAU TRAITE DE TOUTES LES PLANTES &c. *Woodville* MEDICAL BOTANY &c. *La Mark*, *Bulliard*, *Delagrance*, & aliorum plurium; variaque opuscula in lucem edita circa non pauca remedia; tum etiam PHARMACOPEA HELVETICA, GANDAVENSIS, postrema WIRTEMBERGICA &c; itemque FLORA *Nicolai Jacquin*, aliaque ejusdem opera summæ utilitatis, FLORA *Oederi*, *Plenck*, *Allioni*, aliæque non paucae.

ABROTANUM *Herba.*

ABSINTHIUM VULGARE *Herba.*

ACETOSA ) *Herba recens ad parandum succum*

ACETOSELLA ) & *salem essentialem.*

ACETUM VINI. Vid. *Carminati materia medica.*

ACONITUM *Herba.*

ÆRUGO. VIRIDE ÆRIS, Vid. *Gisbert & doct.*

*Buniva.*

AGA-

AGARICUS CHIRURGORUM . FUNGUS QUERCINUS .

\* AGRIMONIA . *Herba* .

ALLIUM . *Bulbus* .

ALOE HEPATICA & ) *Succus foliorum inspissatus* .  
SUCCOTRINA )

Non ita pridem istæ acceptæ fuerunt pro duabus diversis succorum speciebus .

ALTHEA . *Folia & Radix* .

ALUMEN CRUDUM . Vid. *Chaptal* ANNALES DE CHYMIE &c. PARIS .

\* AMBRA GRYSEA . Vid. *Wallerius* , & quidquid recenter dictum est ab *Schvediaur* & *Donadei* .

AMMONIACUM . *Gummi-resina* .

AMYGDALÆ DULCES . *Nuclei* .

AMYLUM ex tritico parato .

ANAGALLIS . *Herba* .

\* ANETHUM . *Semen* .

ANGELICA . *Radix* .

ANGUSTURA . *Cortex* . Vid. *Wilkinson* , *Brande* , *Fourcroy* , *Withering* , *Profes. Carminati* , doctor F. E. *Filter* .

Transmissa prima vice fuit a quodam medico ex Insula Trinitatis in Angliam anno 1788. , subsequenti anno & posteriori tempore ad usus medicos adhibita fuit . Creditur , Peruvianam angusturam angusturis aliarum regionum postponendam esse , cum istæ etiam in minori dosi præ illa operentur . Ab experimentis hujus remedii in febribus intermittentibus captis , quæ mihi perspecta sunt , constare videtur hoc quoad effectum omnes eas laudes non mereri , quibus celebratum fuit . Ut ut res sit , illud certo deprehendi hoc eam utilitatem non habere , ut in dosi paucorum granorum satis operetur , ut illi jactaverant , qui primi idem remedium celebrarunt ; observatum enim est , oportere hoc remedium præscribi in febribus intermittentibus in dosi aliquarum drachmarum , & interdum fere in eadem dosi , qua præscribitur chinâ ;  
atque



atque in his dosibus præscriptum ea ipsa incommoda parere, quæ jam adnotaverant vel ipsi hujus remedii promotores. Ex quo constat ad edomandas febres intermittentes, cum in dictis dosibus præscribendum sit, remedium esse non posse quod ab omnibus sine incommodo ferri possit. Ceterum fatendum est, satis constare hujus remedii utilitatem in pluribus aliis circumstantiis, & vel in ipsis febribus intermittentibus aliquando non inutiliter adhiberi posse.

Illud rursus ex amico Taurinensi per litteras accipi, hoc ipsum remedium deprehensum fuisse maxime proficuum adhibitum ut antisepticum, immo vel ipsa china efficacius. Qua tamen de re, si fides præstanda sit observationibus & experimentis extra corpus humanum captis, aliter mihi sentiendum est, cum diversum exitum habuerint experimenta, quæ aggressus sum facere vel ipso tempore, quo chemicas experientias institui. Sed illud observare quoque mihi contigit magis antisepticam vim habere decoctum, quam ipsa angustura in substantia.

ANISUM VULGARE. *Semen.*

ANTHOS. ROSMARINUS. *Folia.*

ANTIMONIUM CRUDUM.

ARABICUM GUMMI.

ARGENTUM CUPELLATUM.

VIVUM.

ARMORACIA. *Radix præcipue recens.*

ARISTOLOCHIA ROTUNDA. *Radix.*

ARNICA. *Flos. Folia. Radix.*

ASSA FÆTIDA, *Gummi Resina.*

ASSARUM. *Folia. Radix.* Vid. Buchan MEDICINA DOMESTICA editione aucta a Duplanil.

\* ASTRAGALUS CICER. *Radix.*

AURANTIUM. *Flos. Folium. Poma matura, & immatura.* CORTICUM FLAVEDO,

AXUNGIA PORCINA.

BALSAMUM COPAIVÆ.

BAL-

BALSAMUM PERUVIANUM .

\* TOLUTANUM .

BARDANA . *Folia viridia . Radix .*

BECCABUNGA . *Herba præcipue recens .*

BELLADONNA . *Folia . Radix .*

\* BELLIS MINOR . *Herba præsertim ad conficiendum extractum .*

BENZOE . *Resina* Substantia pro divitibus reservanda satisque opportuna ob ejus gratum odorem ad plures usus magis luxus quam necessitatis .

\* BERBERIS . *Bacca recens* pro parando *Syrupo & conserva* , quæ præparata eisdem circiter usibus inserviunt , quos habent syrupus & conserva Citri ; quæ idcirco pro omnibus necessaria non sunt .

BISMUTUM .

BISTORTA . *Radix .*

BOLUS ARMENA .

BORAX .

BRYONIA . *Radix .* Vid. *Giobert ANN. &c. T.* ann. 1792.

CACAO . *Nuclei .*

CALAMUS AROMATICUS . *Radix .*

CALX VIVA .

CAMPHORA .

CANNABIS . *Semen .*

CANNELLA ALBA . *Cortex .* Hic cortex ejusdem generis est cum cortice Winterano , atque hi duo cortices multo similes sunt inter se proprietatibus suis . Vid. *Rozier .* Ex quo colligitur , cannellam albam vices explere posse Winterani .

CANTHARIDES . *Insectum Integrum .*

CARDAMOMUM MINUS , *Semen cum capsula .*

CARDUS BENEDICTUS . *Herba .*

\* TOMENTOSUS . *Folia recentia .*

CARICA FICUS . *Receptaculum fructus .*

CARVUM . *Semen .*

CARYOPHYLLATA . *Radix .*

CAR.

CARYOPHYLLI AROMATICI. *Germina immatura exsiccata.*

CASCARILLA. *Cortex.* Hic si incendatur odorem emitat moschi, qui erumpit e cortice etiam si repetitis vicibus cum aqua ebulliverit; immo in hoc casu odor moschi qui exhalat penetrabilior efficitur, ex quo colligitur in eo cortice resinam contineri; quæ ad qualitates MOSCHI multum accedat, ideoque hunc corticem rite administratum sive in substantia sive in præparatis suis esse debere excellens remedium.

CASSIA FISTULA. *Fructus.* *Vauquellin* de materia medica benemerentissimus ob plures valde utiles analyses multarum substantiarum medicinæ inservientium, quas ipse instituit & vulgavit, CASSIÆ quoque accuratam analysim fecit. Vid. Ann. chem. &c. Paris T. 6.

CASSIA LIGNEA. *Cortex interior.* Ob exiguitatem ingenii mei intelligere nequeo, qua ratione motus vir cl. *Murray* asseruerit hoc cortice nos omnino carere posse in Officinis. Quam opinionem alii non pauci sequuntur. Ex adverso ego sentio hunc proficuum & necessarium esse, tum quia sæpe loco cinnamomi pari cum fructu adhiberi potest hic cortex, & minori dispendio; tum quia ratione suæ mucilaginis, qua abundat, non raro utilior esse potest & præferendus ipsi cinnamomo. Quod se expertum esse in praxi sua mihi testatus est cl. doctor *Borda Ticinensis*.

CASTOREUM RUSSICUM, *Materia in folliculis prope anum collecta.* Vid. *Carminati*, *Materia Medica*. Hæc substantia inter sua præcipua principia, ex quibus constituitur, constat resina, a qua magis quam ab alio principio pendet ipsius virtus & efficacia, quam *Fourcroy* analogam esse deprehendit resinæ quam continet fel.

CATECHU vulgo TERRA JAPONICA. *Succus inspissatus.*

CENTAURIUM MINUS. *Summitates Florida.*

CE-

CEPA. *Bulbus.*

CERA ALBA & FLAVA.

CERUSSA. De damnis, quæ ab usu Cerussæ manare possunt maxime in cura puerorum, deque substantiis quæ loco Cerussæ innocue subrogari possunt vid. quæ diximus ubi de Cerussa in hoc apparatu medicaminum; quod si aliquando recensitæ ibidem substantiæ congruæ non sint, substitui possunt alii pariter innoxii pulveres, ut sunt bolus armena, vel Cornu Cervi ustum, vel alii similes.

CEREFOLIUM. *Herba.*

CHAMEDYS. *Herba.*

CHAMOMILLA VULGARIS. *Flos.*

\* CHELIDONIUM MAJUS. *Herba.*

CHINA NODOSA. *Radix.*

\* CHINA BRASILENSIS. *Cortex.* Vid. *Comparetti* in opusculo de hac china, tum meum de CHINA LUTEA.

CHINA COMMUNIS, s. GRYSEA, s. CHINCHINA, s. PERUVIANUS CORTEX. Vid. *Ippol. Ruiz.* CINCHONA CARIBÆA *Linnaei* ea est, quæ præ cæteris magis ad OFFICINALEM accedit. Vid. *Rozier.*

CHINA FLAVA, s. LUTEA. *Cortex.* Vid. opusculum meum.

CICHOREUM. *Herba recens & Radix.*

CICUTA VULGARIS. *Herba.*

CINNAMOMUM. *Cortex interior.* Doctor *Dancer* post ejus reditum a Jamaica in Angliam nunciavit Societati artium &c. Londinensi non pauca de hoc cinnamomo, quæ maximi momenti sunt, atque inter alia retulit folia plantarum esse fere æqualiter aromatica, ut est cortex ramorum, ut propterea ubi folia commercio adveherentur ( & hinc in usu ) multum conducere ad minuendum corticis pretium, Abs re non erit, huc addere observationem alteram de hoc cinnamomo, quam Cl. Professor *Petrus Franch* cum Viennæ degeret adscitus, ut una cum aliis pharmacopeam Austro-Castrensem componeret, mihi per  
epi-



epistolam communicavit eo ipso tempore quo ejus consilio aggressus fueram emendatiorem editionem facere apparatus medicaminum ad usum Ticinensis Nosocomii, quem antea eo duce conflaveram. Sic ad me de hac re gallice scripsit: **AQUA CINNAMOMI** sera aussi bonne, si on la faira avec ce qu'on appelle **FLORES CASSIÆ**, ou **CLAVELLI CINNAMOMI**, qui sont plus riches en huile essentielle, que le cinnamomum mercantile. Je sais bien, que ces boutons ou **CALICES**, dont nous ne connoissons pas encore la vraie origine, ne viennent pas du **LAURUS CINNAMOMUM**; mais ils contiennent absolument le même huile, que l'écorce de celui-ci, & ils sont à beaucoup meilleur marchè. Hac de causa in eadem pharmacopea Austro-castrensi loco cinnamomi clavellos supradictos retentos fuisse video. Licet alii in contraria opinione versentur, ego multum optarem, ut isti deducerentur ad usum, atque dolendum apud nos eos minime commercio prostare.

**CITRUS LIMONIA**. *Fructus recens. Succus.*

*Cortex exterior, sive Flavedo & Semen siccum.*

**COFFEA** *Semina*, vid. Opusc. Benjamin Mosely **OBSERVATIONS ON THE PROPERTIES AND EFFECTS OF COFFEE.**

**COCHLEARIA HORTENSIS**. *Herba recens.*

\* **COCCINELLA**. *Insectum integrum.* Hæc substantia in medicinâ spectari potest ut pertinens ad purum luxum, sive ad impertiendum alicui remedio colorem.

**COLCHICUM**. *Bulbus recens.* Globert ex viginti quinque libris hujus bulbi hausit quinque amyli libras. Quoad gustum non differt ab ordinario amylo grani; sibi que visus est deprehendisse nullam ex noxiis plantæ qualitatibus illud amyllum retinere.

\* **COLOCYNTHIS**. *Fructus decorticatus.*

**COLOMBA**. *Radix.*

**CONSOLIDA MAJOR. SYMPHYTUM.** *Radix.*

**CONTRAJERVA RECENS.** *Radix.*

CORJANDRUM . *Semen* .

CORNU CERVI . *Rasura* .

CRETA .

CROCUS . *Stigmata florum* .

\* CUCUMIS ASININUS . *Fruſtus* .

CURCUMA . *Radix* .

DAUCUS SYLVESTRIS . *Radix* . Hæc Sylvestris apud Longobardos BASTONAGGIA ubi excolta fuerit in hortis , aut viridariis , crassior ac pinguior evadit , quæ communi vocabulo CAROTA dicitur . Et ubi carota ab hortis iterum transferatur in agros , redit ad pristinum statum in quo dicitur BASTONAGGIA , idest in radices convertitur angustiores , minusque pingues , fragrantiores tamen & efficaciores .

\* DENTILLARIA . *Folia* .

DIGITALIS PURPUREA . *Folia* .

DULCAMARA . *Caules* , vulgo *stipites* . Vid. doct. *Althof* .

EBULUS . *Baccæ* pro conficiendo *succo* ad parandum *Robor* .

ELEMI . *Resina* .

ENULA CAMPANNA . *Radix* .

EUPHORBIIUM . *Gummi-Resina* .

FABA . *Farina* .

\* FARFARA . TUSSILAGO . *Folia* .

FEL TAURI .

FERRUM . MARS . CHALYBS .

FILIX MAS . *Radix* .

\* FLAMMULA JOVIS . *Flos* . *Folium* .

FÆNICULUM DULCE . *Herba* . *Radix* . *Semen* .

FÆNU GRÆCUM . *Semen* .

FUMARIA . *Herba* .

GALANGA . *Radix* .

GALBANUM . *Gummi-Resina* .

GALLÆ TURCICÆ . *Nidus Insecti* .

GENTIANA . *Radix* .

GEOFFROYA SURINAMENSIS . *Cortex* . Vid. opusc. *Bondt* . Hic Cortex ad medicos usus utilis agnitus fuit

fuit anno 1770. a medico Surinam *Van Stuyvesant*, & quidam *Juliaans* omnium pharmacopolarum Europeanorum primus hunc corticem distribuit, ejusque chemicam analysim instituit. Alia quoque nova species *Geoffroya*, quæ dicta fuit JAMAICENSIS, ab eodem *Bondt* descripta a clinicis obtinuit locum in medicina, sed huic altera SURINAM præferri meruit, ac tutior credita est.

GRAMEN. *Radix.*

GRANATUM. *Flores. Cortex.*

GRATIOLA. *Herba. Radix.*

GUAJACUM. *Cortex. Lignum, & Gummi-Resina.*

GUMMI GUTTA. *Gummi-Resina.*

HELLEBORUS ALBUS. *Radix.*

HELLEBORUS NIGER. *Radix.*

HELMINTOCHORTON. *vid. Bouvier,*

HIPPOCASTANUM. *Cortex.*

HORDEUM. *Semen.*

HYOSCIAMUS. *Herba & semen.*

HYPERICUM. *Flores.*

HYSSOPUS. *Herba.*

JACEA. VIOLA TRICOLOR. *Herba.*

JALAPPA. *Radix.*

ICHTHYOCOLLA.

IMPERATORIA. *Radix.*

IPECACUANHA. *Radix.*

IRIS FLORENTINA. *Radix.*

JUGLANS. *Cortex viridis fructuum s. nuc.*

JUNIPERUS. *Bacca matura & immatura, & Lignum.*

\* KINO. GUMMI. GAMBIENSE. *Gummi-Resina.*

LAC VACCINUM.

LACCA. *Resina.* Hac medicina carere posset, eaque pro solis divitibus reservari ad elegantem quemdam colorem aliquibus præparatis conferendum.

\* LACTUCA SYLVESTRIS. *Herba viridis pro conficiendo extracto, sive succo inspissato.*

LAPATHUM ACUTUM. *Radix.*

LAVENDULA . s. SPICA . *Flores* .

\* LAURO-CERASUS . *Folia* vid. *Dissert. Doeltz*  
tum alia , quæ prodiit SENIS anno 1792 .

LAURUS . *Folia & Bacca* .

LICHEN ISLANDICUS . *Planta integra* .

LINUM VULGARE . *Semina* .

LINUM CATHARTICUM . *Herba* .

LIQUIRITIA . *Radix. Extractum* , vulgo dictum *Suc-*  
*cus* .

LUPINUM . *Farina* .

LYCOPodium . *Herba Pollen* .

LITHARGYRUM .

\* MACIS - *Fruktus* s. *Nucis Moschatæ involuerum*  
*carnosum* .

Aroma majoris dispendii quam alia , quæ substitui  
œconomia causa possunt cum pari fructu , ut inter  
alia esset Nux moschata . Quare , si lubeat , pro diviti-  
bus reservari potest .

MAGNESIA VITRARIORUM .

MAJORANA . *Herba* .

MALVA . *Folia* .

MANNA ELECTA . ) *Succus Concretus Sac-*

MANNA CANNULATA . ) *charinus* .

MANNA CANNULATA . Pro divitibus opportu-  
num remedium est in pluribus casibus , sed non ut  
remedium purgans , cum multo minus purget , quam  
manna communis .

MARRUBIUM ALBUM . *Herba* .

MASTICHE . *Resina* .

MATRICARIA . *Flos. & Herba* præcipue recentes  
ad parandam ejusdem AQUAM DESTILLATAM .

MEL COMMUNE PURUM .

MEL HISPANICUM . Pro divitibus tantum reme-  
dium est subrogandum MELLI COMMUNI , cum  
sit majoris dispendii , sed saporis longe gratioris &  
jucundioris .

\* MELILOTUS . *Flos. Herba* .

MELISSA . *Herba* .



MELO. *Semina.*

\* MELOE MAJALIS. *Insectum.*

MENTHA CRISPA. *Herba.*

PIPERITA. *Herba.*

MEZEREUM. *Cortex.*

MILLEFOLIUM. *Summitates Floridæ.*

MINIUM.

MOSCHUS. *Materia in folliculis prope umbilicum collecta.* Vid. compendium analysis, quam institui, insertum primo fasciculo collectionis rerum mearum in linguam Germanicam translatae a Professore Titio. Videri posset, abs re non esse huc referre etiam MOSCHUM ARTIFICIALEM. Sed quamvis hunc maxime commendatum esse sciam a *Stoeller Med. Beobacht*, aliisque recentioribus scriptoribus, ab eo tamen recensendo abstinere duxi. Licet enim hunc moschum maxima diligentia parare studuerim juxta præcepta, & normas, quas præbuerant *Margraff. Hasse* &c. ab ea tamen opinione discedere coactus sum, quam vel ipse primum de hoc præparato conceperam, cum experimentis, & praxi didicerim non solum ipsum nequaquam imitari moschi veri qualitates & vires, sed nihil communis habere cum ipso. Quare evanuit omnis spes utilitatis maximæ, quæ ab ejus usu in ea hypothese oriri potuisset, ac dolui vehementer præparatum hujusmodi nec locum quidem inter remedia vere utilia mereri posse.

MYRRHA. *Gummi-Resina.*

NASTURTIIUM AQUATICUM. *Herba recens.*

NICOTIANA. PETUM. TABACUM. *Folia.*

NITRUM vid. *Lavoisier.* ANNAL. DE CHYMIE &c. PARIS.

NUX MOSCHATA. s. MYRISTICA. *Fructus s. Nux.*

\* NUX VOMICA. *Nuclei.*

\* OLEUM CAJEPUT. Vid. Dissert. *Adami* & vid. *Sande, Habnemann, Bindheim.* Unicum pro divitibus remedium, utpote maximi dispendii, & aliis remediis non difficile supplendum.

OLEUM

OLEUM OLIVARUM.

OLEUM VITRIOLI.

OLIBANUM. THUS. *Resina.*

ONONIS SPINOSA. *Radix.*

OPIUM. *Succus condensatus gummi resinosus v. id.*

OPIOLOGIA Wedellii.

ORIGANUM. *Herba.*

OVUM GALLINACEUM.

PAPAVER ALBUM. *Capsula vulgo Capita. Semina.*

PAPAVER ERRATICUM. *Flos.*

\* PAREIRA BRAVA. *Radix.*

PETROLEUM. OLEUM PETRÆ. Vid. *Neumann.*

PETROSELLINUM. *Semina. Herba recens ad hauriendam* AQUAM DESTILLATAM. *Radix.*

PIPER ROTUNDUM. s. NIGRUM. *Fructus.*

PIX NAVALIS.

PIX LIQUIDA.

PLUMBUM.

POLYGALA AMARA. *Radix.*

VIRGINIANA, s. SENEKA. *Radix.*

VULGARIS. *Radix.*

\* POLYPODIUM VULGARE. *Radix.*

PRUNUS DOMESTICA. *Fructus.*

PULEGIUM. *Herba.*

PYRETHRUM. *Radix.*

QUASSIA. *Lignum.* Remedium tantopere commendatum non solum ab *Haller, Borserio, Tissot*, aliisque, sed etiam a pluribus recentioribus, inter quos *Severi, Farley, Long, Blom, Lettsom.* Ceterum cum ejus tota vis in amaritudine posita sit, quæ ipsum maxime abundat, intelligere non possum, cur tam effusa elogia ipsum mereatur, ejusque loco substitui nequeant alia regionum nostrarum remedia. Qua de re legi potest etiam MATERIA MEDICA *Carminati.*

QUERCUS. *Cortex. Glandes.*

RESINA PINI.

RHEUM s. RHABBARBARUM. *Radix*. Vid. *Ball.*,  
*Hainard*, & *Hazuord*.

RIBES RUBRUM. *Fructus* pro paranda CONSER-  
VA & SYRUPO, de quibus huc revocentur, quæ  
diximus de BERBERE.

RICINUS. *Semen*.

ROSA RUBRA. *Petala*.

\* ROSMARINUS SYLVESTRIS. *Folia*.

RUBIA TINCTORUM. *Radix*.

\* RUBUS IDÆUS. *Fructus* ad parandum ACETUM  
& ROHOB, sive CONSERVAM, voluptatis potius cau-  
sa, quam necessitatis adhibenda.

RUTA GRAVEOLENS. *Herba*.

SABADILLA. *Semen*.

SABINA. *Fronde*s.

SACCHARUM ALBUM, & COMMUNE.

SAGAPENUM. *Gummi-Resina*.

SAL AMARUS CATHARTICUS. Vid. *Hecht* &  
*Hoppe*

AMMONIACUS.

CULINARIS.

\* SALEP. *Radix*.

\* SALICARIA. LYSIMACHIA. *Folia*.

SALIX ALBA. *Cortex*.

SALVIA. *Folia*.

SAMBUCUS. *Cortex interior*. *Flores*. *Baccæ*.

\* SANGUIS DRACONIS. *Resina*. Vid. *Epistolæ*  
*doctor. Konig* ad *Prof. Retzium* conscriptæ. Hac sub-  
stantia carere posset medicina, vel saltem utendum  
pro solis divitiis, ubi agatur de elegantia coloris  
alicui formulæ impertienda, quæ proprietatibus re-  
mediorum cohæreat, uti essent remedia dentifrica,  
vel ad alios usus.

SANTONICUM. CINA. CONTRA. *Semen*.

SAPO COMMUNIS. Pro usibus externis tantum.

SAPONARIA. *Herba*. *Radix*.

SARSAPARILLA. *Radix*.

SASSAFRAS. *Lignum*.

SCAM-

SCAMMONEUM. *Gummi-Resina*.

SCORDIUM. *Herba*.

SCORZONERA. *Radix*. SCORZONERA HUMILIS  
magis efficax quam HISPAN. juxta *Baldinger*.

\* SCROPHULARIA NODOSA. *Folia*. *Radix*.

SECALIS. *Farina*.

\* SEMPERVIVUM MAJUS. *Herba recens*.

SENNA. *Folia*. *Legumina* vulgo folliculi.

SEPIA. *Os*.

SERPENTARIA VIRGINIANA. *Radix*.

SERPILLUM. *Herba*.

SIMARUBA. *Cortex*.

SINAPIS. *Semen*.

SOLANUM HORTENSE. *Folia*.

\* SPATUM PONDEROSUM. *Characteres*, quibus  
insigniri debet, collecti inveniuntur in opusculo do-  
ctoris J. A. Schmidt sub titulo, DE BARIT. MU-  
RIAT. SPEC. PRIM. & SECUND.

SPINA CERUINA. *Fructus*.

SPONGIA. Vid. *Physicus Ziegler*.

SQUILLA. *Bulbus*.

STANNUM ANGLICANUM. *Limatura* Vid. *Fother-*  
*gill*, & *Lindemann*.

STAPHISAGRIA. *Semen*.

STYRAX CALAMITA. *Resina sicca*.

LIQUIDA. *Resina fluida*.

SUCCINUM.

SULPHUR.

TAMARINDUS. *Fructuum pulpa*. Vid. *Vauquelin AN-*  
*NAL. DE CHYMIE &c. Paris T. 5.*

TANACETUM. *Herba*. *Flores*.

TARAXACUM. *Herba recens*. *Radix*.

TARTARUS CRUDUS.

DEPURATUS, vulgo CREMOR TAR-  
TARI.

TEREBINTHINA COMMVNIS, & PURISSIMA.

THEA. *Folia*.

THYMVS. *Herba*.



TORMENTILLA . *Radix* .

TRAGACANTHA . *Gummi* .

TRIFOLIUM FIBRINUM . *Herba* .

TVTIA .

VALERIANA SYLVESTRIS . *Radix* .

VERBASCUM . *Folia* . *Flos* .

\* VERBENA . *Herba* , vid. *Carminati* MATERIA  
MEDICA .

VINCETOXICUM . *Radix* ,

VINUM .

VIOLA ODORATA . *Petala* potissimum ad conflan-  
dum SYRUPUM .

\* VISCUM QUERCINUM . *Lignum* .

VITRIOLUM ALBUM , seu *Zinci* .

COERVLEUM , seu *cupri* .

VIRIDE , seu *martis* .

ULMUS . *Cortex medius ramorum* .

\* URTICA . *Herba* .

UVA URSI . *Folia* .

\* ZEDOARIA . *Radix* .

ZINCUM .

ZINGIBER . *Radix* .

## PRÆPARATIS &amp; COMPOSITIS.

**I**N his indicandis proferam nomina auctorum, aut opera, in quibus reperiuntur modi, processus accuratiores, utiliores, faciliores pro iis exequendis, & eorum observationes quæ alicujus momenti sint circa eadem præparata & composita, ac prout res postulabit, addam observationes meas, vel ad illustrandos, vel ad corrigendos, ubi opus sit, aliorum processus & cogitata.

Paucæ formulæ exhibebuntur medicaminum, ut ajunt magistralium, sive quæ parantur ex tempore, ac istæ notabuntur duobus asteriscis \*\* Licet enim earum copia ad usum Nosocomiorum prodesse possit, in re nostra prorsus est inopportuna, cum consultius sit eas dimittere medicorum, aut Chirurgorum arbitratui, & ingenio, pro variis quæ possunt occurrere circumstantiis.

Sed quoniam utilitas postulat, ut determinentur & recenseantur aliqui canones, seu generalia præcepta in præparationibus pharmaceuticis observanda, hinc opportunum esse judico præmonere de auctorum, vel operum nominibus, in quibus de iisdem disseritur, & quæ legi merentur, ut in hac re major cognitio-  
num copia acquiratur. Hæc autem potissimum sunt, quæ sequuntur. APPARATUS MEDICAMINUM NOSTER. *Baumé* ELEM. DE PHARMACIE. *Retzius*. *Sonnaver*. *Hagen*. *Spielmann*. PHARMACOPEA DANICA, EDINBURGENSIS cum additamentis *Baldinger*. *Gmelin*, *Jacquin* DE COMPOSITIONIBUS MEDICAMENTORUM, *Cartheusser*. PHARMACOLOGIA *Tavares*, edition. post 1787. *Hoffmann*. *Gaubius*. *Laugier* INSTITUTIONES PHARMACEUTICÆ. PHARMACOPEA HERBIPOLITAN., DE LYON &c. DISPEN-

**SATORIUM FULDENSE.** *Plicher, Pipenbring, Moench, Hermbstadt, Bindheim, Biedermann, Witwer, Herold, Piderit, Keupp, Sande, Habnemann. De machy, delagrangé & aliæ plures.*

Ceterum, ubi ageretur de generali pharmacopœa consarcinanda, res longe perfectior fieret si canones atque præcepta, quæ pro variis præparationibus exequenda sunt; seorsim simul collecta ponerentur, cui alia multa præcepta, & observationes pro pharmacopolis, medicis, atque chirurgis adjungi commode possent. Optima autem ac ætate nostra dignissima præ cæteris pharmacopœa in tres omnino partes dividi posset, quarum prima generalia præcepta, utilesque observationes complecteretur pro accurata & justa notatione exhibenda; & explicanda præparatione, conservatione præparatorum, compositorum & simplicium, tum etiam pro simplicium collectione; duæ vero postremæ de his omnibus agerent juxta normam & methodum, quam in hoc apparatus specimine tenuimus. Hoc quidem opus si fieret, tam brevis & expeditæ executionis non esset. Ubi tamen urgeret necessitas, ordini quis posset a secunda & tertia parte, ac ultimo loco priorem partem relinquere.

**ACETUM ANTISEPTICUM,** s. **AROMATICUM,** s. **PROPHYLATICUM,** vid. **APPARATUS MEDICAMINUM AD USUM NOSOCOMII CIVICI MEDIOLANENSIS ANNO 1786.** Expedire potest loco rorismarini addere absynthium, & unciam dimidiam camphoræ.

**ACETUM COLCHICI,** vid. **PHARMACOPEÆ BREMENSIS** editionem Italicam factam a doctore *Volpi*. Impendi tamen possunt uncia duo Bulbi Colchici.

\* **ACETUM ROSACEUM,** vid. **PH. SVECICAM.** Præparatum puri luxus, solisque divitibus reservandum. Ceterum opus absolute non est aceto concentrato ad hanc præparationem conflandam, cum commune sufficere possit.

ACETUM SATURNI, s. LYTHARGYRI. Vid. NOST. APPARATUM.

ACETUM SATURNI CONCENTRATUM, vulgo EXTRACTUM. Vid. PH. BREMENSIS. Lectu digna est in hac re, tum quod spectat ad AQUAM VEGETO-MINERALEM dissertatio A. I. G. Murray 1788.

ACETUM SQUILLÆ, s. SCILLITICUM, vid. NOST. APPARAT.

ACETUM VINI CONCENTRATUM, vid. DISPENSATORIUM UNIVERSALE *Reuss* editio. 1791.

ACETUM VINI DESTILLATUM. Vid. PH. BREMENSIS.

ACETUM VINI DESTILLATUM CONCENTRATUM s. ACETUM RADICALE. Vid. PH. COLLEGII REGALIS MEDICORUM LONDINENSIS editio. Papiensis ann. 1788. not. 6. & Ph. AUSTRIACO-PROVINC. EMEND.

ACIDUM BENZOICUM vulgo FLORES, vid. *Baumè, Scheele, Poerner, Green, Sande & Habuermann*. Remediorum maxime energicum, quod a medicis negligendum non esset, pro solis tamen divitibus adhibendum.

ACIDUM BORACICUM, vulgo SAL SEDATIVUM HOMBERGII vid. PH. BREMENSIS. *Pipenbring. Reuss*.

Hoc acidum jure recenseri meretur, pro divitibus tamen dumtaxat, inter utilia remedia non quidem pro iis effectibus, pro quibus olim magna cum fiducia præscribi consueverat, sed ob fines omnino diversos. Non ita pridem hoc a quibusdam propositum fuit ut optimum remedium purgans parum irritans æquivalens effectibus cremoris tartari, ubi dictum acidum ea quæ convenit dosi subministretur. Quæ de re nihil habeo quod addam, cum hujus remedii vim nunquam in hunc finem expertus fuerim. Id unum dici potest si revera prædicto fini inserviat, medicinam fore pro divitibus maxime opportunam; cum per hanc vetarentur incommoda mox exponenda, quæ ab usu sæpe manant cremoris tartari. Utile



sane esse potest, hoc acidum præscribere mixtum cum cremore tartaro. Neminem latet usum cremoris tartari tam frequenter adhibitum a medicis aliquibus ægris incommodum afferre; cum enim satis in aqua solubilis non sit, nisi in exigua quantitate, semper ille suspensus hæret in liquidis, in quibus sumitur, excitatque in ore quamdam terræ sensationem delicatis & irritabilibus ægrotis ingratam. Ut hoc vitaretur incommodum, excogitati sunt modi, quibus etiam in mediocri aquæ copia solubilis fieret; atque hinc originem habuit præparatio sic dicti CREMORIS TARTARI SOLUBILIS; at ego primum deprehendi hanc præparationem evadere multo ingratiorem vel ipso cremore tartaro; animadverto præterea, cremorem tartari in hac præparatione aliquas suarum proprietatum amittere, aliasque acquirere, quæ in aliquibus casibus fini minime respondent, ad quem præscriptio ordinatur, ut propterea hanc medicinam exulare debere censerem pro quavis hominum conditione. Sane cum jam experientia constet, quatuor partes cremoris tartari unamque acidi boracici accurate mixtas etiam per solam triturationem maxime solubiles fieri vel in ipsa aqua frigida, opportunum crederem hanc mixtionem etiam in medicina utiliter posse adhiberi. Per hanc enim plures utilitates obtineri possunt; primum expeditior atque faciliior cremoris tartari solutio efficitur; hinc secundo cremor tartari exhibetur vere solutus; tertio mixtio retinet easdem cremoris tartari proprietates, & fortasse in aliquo casu cum earum incremento; ac demum minus ingrata & injucunda pro ægris evadit; immo libentius sumitur.

ACIDUM MURIATICUM COMMUNE. Vid. PH. AUSTRIACO CASTRENSIS & AUSTRIACO-PROVINC. EMENDAT. *Sande & Hahnemann.*

ACIDUM MURIATICUM OXYGENATUM. Vid. GAS

ACIDUM MURIATICUM OXYGENERATUM.

ACI-

ACIDUM NITRICUM DILUTUM, s. AQUA FORTIS. Vid. Apparat. nostr.

ACIDUM NITROSUM, seu SPIRITUS NITRI FUMANS. Vid. ELEMENTA CHEMIÆ *Jacquin junior*.

ACIDUM PHOSPHORICUM. Vid. *Berthollet*, *Nicolas*, *Wiegleb*.

ACIDUM SUCCINICUM, s. SAL VOLATILE SUC-  
CINI. Vid. PH. EDINBURG. *Bidermann*, *Herold*, *Binde-  
heim* — HANDLUNGS — ZEITUNG 1764, *Sande &  
Hahnemann*, *Loewitz*, *Hermbsstädt*.

ACIDUM SULPHURICUM, s. VITRIOLI CONCEN-  
TRATUM ac RECTIFICATUM. Vid. A. N.

ACIDUM SULPHURICUM DILUTUM, s. ACIDUM  
VITRIOLI DILUTUM vel TENUE. Vid. A. N.

ACIDUM SULPHURICUM DULCIFICATUM, s.  
ELIXIR *Haller & Dippellii*, sive AQUA *Rabelii*. Vid.  
APPARAT. NOST. Hoc acidum dulcificatum potio-  
nem efficit jucundam, ubi temperatum sit sufficienti  
aquæ quantitate, maxime vero si edulcoratum fuerit  
ope sacchari vel alicujus syrupi. Tam in hujus præ-  
scriptione, quam in illa acidi sulphurici simplicis, ubi  
nihil obstat edulcorationi, expedit maxime pro divi-  
tibus syrupum violarum adhibere loco sacchari vel  
alterius syrupi, cum hoc modo præter gratam edul-  
corationem etiam rubeus elegans medicinæ color ob-  
tineatur.

ACIDUM TARTAROSUM, vulgo SAL ESSEN-  
TIALIS TARTARI. Vid. *Crell* & PH. BREMEN-  
SIS. Loco tamen concharum præparatarum adhibebi-  
tur pura creta. Ceterum absolutæ necessitatis reme-  
dium non est.

ADEPS sive AXUNGIA PURIFICATA. Vid. AP-  
PAR. NOST.

ÆTHER, sive NAPHTA NITRI. Vid. *Keupp*, *We-  
strumb*, *Sande & Hahnemann*. *Navier*, *Lassone Senior*  
& *Cornette*. *Hoffmann*. *Tuthen*.

ÆTHER MURIATICUM, sive NAPHTA MURIA-  
TICA

TIGA vid. *Crell & Schrader*. Ego vero observavi magis congruere ad usum quinque partes alcohole; atque hunc ipsum Aetherem rectificari non secus ac alios ætheres cum sale tartari alcalino, vel cum magnesia calcinata. At potissimum pro divitibus esse debet usus tam hujus quam supradicti ætheris nitri.

ÆTHER SULPHUR CUM s. NAPHTA VITRIOLI. Vid. APPAR. NOST. *Hagen & Professor Canefri Genovensis*.

ÆTHIOPS ANTIMONIALIS. Vid. PHARMACOEPA AD USUM PAUPERUM MEDIOLANI anno 1793.

ÆTHIOPS MARTIALIS seu LIMATURA MARTIS PRÆPARATA. Vid. APPAR. NOST. ubi de LIMATURA MARTIS PRÆPARATA.

ÆTHIOPS MINERALIS. Vid. APPAR. NOST. AGARICUS CHIRURGORUM PRÆPARATUS. Vid. PH. BRUNSWIC. & *Plenk*.

ALCALI VEGETABILE, s. SAL TARTARI AL-CALINUM, s. CARBONAS POTASSÆ. Vid. APP. NOST. & *Chaptal*.

ALCALI VOLATILE SICCUM, s. CARBONAS AM-MONIACÆ. Vid. APPAR. NOST. & PH. AUSTRO-CASTRENSIS, EDINBURG. & *Reuss*, ubi de sale ammoniaco siccò.

ALCALI MINERALE, s. SODA DEPURATA, s. SAL SODÆ, s. CARBONAS SODÆ. Vid. PH. AUST. PROVINC. EMEND. *Reuss. Lorgna. Vauquelin*.

ALCALI MINERALE e SALE CULINARE PARATUM. Vid. *Westrumb, Habnemann*.

ALUMEN USTUM. Vid. APPAR. NOST.

ANTIMONIUM CRUDUM. Vid. APPAR. NOST.

\*\* AQUA AERIS FIXI. Vid. PH. ROSSICA, sed utendum est aqua destillata loco aquæ fortis.

\*\* AQUA AERIS FIXI MARTIALIS, s. ACIDULA MARTIALIS. Vid. PH. ROSSICA. Hæc aqua vices potest explere aquæ medicinalis SANCTI MAURITII.

\*\* AQUA HEPATICA. Vid. *Kirvan*, & APPAR. NOST.

\*\* AQUA



\* AQUA MARIS. Vid. *Lavoisier*.

\*\* AQUA MEPHITICA ALCALINA. Remedium inventum a *Colborne*, ac postea adhibitum a *Lowper*, *Bentley*, *Falconer*, *Ingen-Housz*. Vid. auctores isti & PH. AUSTR. PROVING. EMEND.

\*\* AQUA SELTERANA. Vid. opusc. *Bergmann*.

\*\* AQUA TETTUCCI. Vid. *Biccbieray*.

Hæ minerales medicinales aquæ in pluribus morbis maxime utiles, si rite ab idoneo & experto operatore paratæ fuerint, & rite ut opus est administrentur, vel ipsis hujus indolis aquis medicinalibus quas natura parat æquivalere optime possunt. Illud ab his aquis arte paratis commodum trahitur, ut minori dispendio acquirantur, quam quæ ex longinqua regione ob itineris sumptus advehuntur, & quod magis proficuum est cum istæ arte recentius pro usu parentur, magis activæ & efficaces evadant.

Rursus earum quas descripsimus aquarum numerus satis vices explere potest tot tamque multiplicium naturalium medicinalium aquarum, quæ tantopere celebrantur, quarum proinde usus non superes- set nisi pro iis, qui cum prope fontes ipsarum degerent, eas facile & recentes sumere possent. Ceterum si quis remotus ab istarum aquarum fontibus quadam earum specie uti vellet, is easdem committere potest arte parandas non secus ac de aliis aquis dictum est, experto operatori, qui opus aggrediatur juxta principia indicata in operibus *Lorgna*, *Mandruzzi*, *Pasta* &c.

AQUA CALCIS. Vid. APPAR. NOST.

AQUÆ DESTILLATÆ AROMATICÆ, quarum præcipuæ sunt AQUA FLORUM AURANTIORUM = CHAMOMILLÆ = LAVENDULÆ = SAMBUCI = ROSARUM = HERBÆ HYSOPI = MELLIS- SÆ SIMPLEX, SPIRITUOSA, & COMPOSITA VULGO CARMELITARUM = MENTHÆ CRISPÆ & PIPERITIDIS = MATRICARIÆ = PETROSEL- LINI = CINNAMOMI SIMPLEX & SPIRITUO-



SA = LAURO CERASUS = FENICULI = BACCARUM JUNIPERI = TOTIUS CITRI = VULNERARIA SPIRITUOSA. Vid. PH. SVEC., ROSSICA, EDINBURG, LONDIN. BREMEN., APPAR. NOST., APPAR. MEDICAMIN. NOSOCOM. *Ticin.* &c.

Ad præparationem aquæ rosarum submittantur rosæ alicui præviæ fermentationi. Quomodo vero obtineatur & servetur AQUA FLORUM AURANTII; videri etiam meretur *Vauquelin*, & circa aquam LAURO CERASI vid. *Doeltz*.

AQUA DESTILLATA COMMUNIS. Vid. APPAR. NOST.

\*\* AQUA WULNERARIA *Theden*. Vid. APPAR. NOST.

AQUA PHAGEDÆNICA. Vid. APPAR. NOST. ubi de LIQUORE MERCURIALI.

\*\* AQUA VEGETO-MINERALIS. Vid. APPAR. NOST. & ACETUM SATURNI.

BALSAMUM ARCEI, s. UNGUENTUM ELEMI vid. *Bernstein*, sed loco SEBI CERUI adhibe SEBUM HIRCI.

\*\* BALSAMUM SATURNI, seu UNGUENTUM NUTRICUM vid. APPAR. NOST. ubi de ACETO SATURNI & PH. AUSTRIACO-PROVINC. EMEND. ubi de UNGUENTO NUTRITO.

BUTYRUM ANTIMONII vid. APPARAT. MEDICAMIN. ad USUM NOSOC. TICIN. *Dollfus. Crell*.

\* BUTYRUM CACAO vid. PH. BREMENS. *Sande & Habnemann*. In curatione divitum prodest quoque in conficiendis diversis linimentis & unguentis hoc butyrum impendere loco sebi ovilis.

BUTYRUM JUNIPERI vid. PH. AUSTR. PROVINC. EMEND ubi de UNGUENTO JUNIPERI.

\* CANDELÆ FUMALES. *Vip. Herold*.

CEREOLI EXPLORATORII vid. *Bells*, & *Piderit*.

CEREOLI SATURNINI vid. DISPENSAT. FULDENS.

CLARETA, seu ROSOLIA VARIA, quæ sunt præ-

cipue ANISORUM, = CINNAMOMI, = MENTHÆ PIPERITIDIS = JUNIPERI = CARYOPHYLLORUM vid. *Spielmann. Reuss, & Landriani Ticinensis.*

\* COLCOTAR VITRIOLI. Vid. PH. SVECICA.

CONSERVA JUNIPERI. Vid. PROSPECTUS PHARMACEU. MEDIOLANI 1789.

CONSERVA ROSARUM RUBRARUM. Vid. *Piderit.*

CONFECTIO CINÆ seu SANTONICI SEMINIS. Vid. PH. HERBIPOLITAN.

SANTONICUM SEMEN, MERCURIUS DULCIS, ANTIMONIUM & alia remedia omnium optima morsulorum forma præscribuntur. Pulverem enim recensitorum remediorum libenter non sumunt ægroti, maxime infantes, qui tamen facile decipiuntur sub hac forma, ut sapore dulci illecti assumant præstantissimum medicamentum.

CORNU CERVI USTUM. Vid. APPAR. NOST. ubi de SALE VOLATILI C. C.

CUPRUM AMMONIACALE. Vid. APPAR. NOST.

\*\* ELÆOSACCHARA quæ præsertim sunt ANISI = CITRI = CYNNAMOMI = AURANTII = CARYOPHYLLI = MENTHÆ PIPERITIDIS =. Vid. APP. NOST. *Piderit, Herold, Gm.*

\* ELATERIUM. Vid. PH. SVECICA.

\*\* ELECTUARIUM ANODYNUM INFANTUM loco REQUIEI *Nicolai.* Vid. PH. BRUNSVIC *Spielmann.*

ELECTUARIUM DIASCORDIUM. Vid. APPAR. MEDICAM. AD USUM NOSOCOMII *Ticin.* sed addi potest aliqua portio terræ catechu & herbæ majoranæ, utriusque redactæ in pulverem.

ELECTUARIUM LENITIVUM vid. *Piderit.*

ELECTUARIUM PRO PECORIBUS, seu THERIACA DIATESSARON. Vid. APPAR. NOST.

ELECTUARIUM THERIACA. Vid. APPAR. MEDIC. AD USUM NOSOC. TICIN.

ELIXIR ALOES, seu PROPRIETATIS. Vid. PH. EDINBURG.

ELIXIR STOMACHICUM TEMPERATUM *Hoffmanni* CORRECTUM. Vid. APPAR. NOSTER. Sed præscriptæ formulæ addantur uncizæ sex tincturæ chinæ flavæ spirituosæ. Efficacius adhuc efficietur, ubi adjungantur tres uncizæ tincturæ cascarillæ spirituosæ. Conflabitur quoque excellens simulque simplex elixir roborans simplici mixtione duarum partium tincturæ chinæ flavæ & unius partis tincturæ cascarillæ, ad gratiam vero ei conciliandam pro aliquorum gustu nisi quidpiam obstat, prodesset edulcoratio cum saccharo.

ELIXIR VITRIOLI ACIDUM AROMATICUM. Vid. PH. EDINBURG.

EMPLASTRUM ANGLIGANUM, seu GLUTINOSUM. Vid. PH. AUSTR. PROV. EMEN. Emplastrum pro divitibus adhibendum loco emplastri adhærentis.

EMPLASTRUM ADHÆRENS, seu GLUTINOSUM. Vid. APPAR. NOST.

EMPLASTR. ALBUM COCTUM, seu de CERUSSA. Vid. PH. AUSTR. PROV. EMEND.

EMPLASTRUM COMMUNE, seu DYACHILON SIMPLEX. Vid. APP. NOST.

EMPLASTRUM de CICUTA CUM GUMMI-AMMONIACO. Vid. APP. MEDIC. ad USUM NOSOC. TICIN.

EMPLASTRUM GUMMOSUM, seu DYACHILON CUM GUMMI. Vid. APP. NOST.

EMPLASTRUM EMOLLIENS, seu LAXANS loco emplastri ALTHEÆ & SPERMATIS CÆTI. Sumuntur ceræ albæ binæ uncizæ, ol. Olivarum uncizæ quinque & sebi ovilis uncia una, & fiat l. a. Emplastrum.

EMPLASTRUM MERCURIALE loco DE RANIS CUM MERCURIO. Vid. APP. MEDIC. ad USUM NOSOC. TICIN.

EMPLASTRUM ROBORANS. Vid. PH. AUST. PROV. EMEND. emplastrum AROMATICUM.

EMPLASTRUM VESICATORIUM. Vid. APP. NOST.

EX-

EXTRACTA magis necessaria hæc sunt : EXTRA-  
CTUM ABSYNTHII = ALOE AQUOSUM = CARDUI  
BENEDICTI = CICHOREI & TARAXACI , utrius-  
que ex tota planta = CASCARILLÆ , & CHINÆ  
AQUOSUM & VINOSUM = ACONITI = CICUTÆ =  
NASTURTHI AQUATICI = FUMARIÆ GENTIA-  
NÆ = MYRRHÆ & SQUILLÆ AQUOSUM =  
VALERIANÆ SYLVESTRIS = MARTIS CUM SUC-  
CO POMORUM = TORMENTILLÆ . Vid. PH. AU-  
STR. PROV. EMEND. BREMENS. DISPENSATOR.  
UNIVERS. *Reuss.* ac præterea pro sequentibus extra-  
ctis videantur quoad EXTRACTUM OPII AQUOSUM  
*Lassone parens & filius* quoad EXTRACTUM HYO-  
SCIAMI *Stoerch, Fottergilliüs, Greding & Ghioni* ; &  
quoad EXTRACTUM HIPPOCASTANI *Bucholz* .  
Prodesse possunt interdum etiã extracta sequentia,  
de quibus legi possunt opera quorum antea memini,  
quæ tamen non est absolute necessarium in officinis  
servari . Hæc autem sunt EXTRACTUM DULCA-  
MARÆ = GRATIOLÆ = TRIFOLII FIBRINI =  
LACTUCÆ = HELLEBORI NIGRI = FLAMMULÆ  
JOVIS .

Ad parandum EXTRACTUM præsertim CHINÆ  
maxime AQUOSUM cum in ejus præparatione ob  
rationes allatas in opusculo de china lutea , cavenda  
sit quoad fieri potest actio gas oxygeni ideoque aeris  
atmosphærici , utile erit saltem sub initium in vase  
clauso evaporationem peragere , idest liquorem concen-  
trare , ut ajunt ope destillationis .

FEL TAURI INSPISSATUS . Vid. PH. BREMENS.  
Dum tamen evaporatio conficitur , massa continuo in-  
tus misceatur .

FLORES SALIS AMMONIACI MARTIALES . Vid.  
*Schiller, Pfenbring, & APP. NOST.*

FLORES SULPHURIS . Vid. PH. AUSTRIAC.  
PROV. EMEND. & APP. NOST. ubi de SULPHU-  
RE .

FLORES ZINCI . Vid. APP. NOST.



**\*\* GAS ACIDUM CARBONICUM**, seu **AER FIXUS**. Vid. *Bergmann, Priestley, Brugnatelli, Bedoes, C. Girtanner*, & maxime erudita dissertatio *Professoris Brerae*, quæ titulum habet **DELLE ARIE MEFTICHE INSPIRATE NELLA TISI POLMONALE**.

**\*\* GAS ACIDUM MURIATICUM OXYGENATUM**, & **ACIDUM MURIATICUM OXYGENATUM**. Vid. *Schæele*. **ENCYCLOPEDIE METHODIQUE**. *Berthollet, Watt, Fourcroy, Reboul*.

*Fourcroy* evidenter ostendit maximam hujus gas utilitatem. Ipsemet quoque valde proficuum esse expertus sum ad expurganda stabula in epidemicis animalium morbis. *Giobert* autem sibi conjicere ex quadam effectuum analogia visus est, idem acidum esse posse quasi remedium, ut ajunt, specificum ad morbum equorum curandum, qui communi vocabulo dicitur **MORVA**, cui nullo hætenus remedio succurri potuit. At mihi in hac re huc usque defuit occasio experimentum de eodem capiendi. Illud optandum est, ut expectationi respondeat.

Nuperrime quoque demonstrata est non exigua ad medicos usus utilitas ejusdem acidi muriatici oxygenati. Idemque propositum fuit, ut efficax subsidium ad arcendum periculum, fastidiumque effluviorum cadaverum in amphitheatreis anatomicis. Ex quibus utilitatibus clare colligitur hujusmodi gas, ejusque propterea acidum in hoc apparatu medicaminum jure optimo locum sibi vendicasse.

**\*\* GAS OXYGENUM**, s. **AER DEPHLOGISTICATUS**, s. **PURUS**, s. **VITALIS** &c. Vid. *I. H. Mensching, Hermbstaedt, Witry, Ingen-Housz, Fontana, Lavoisier, de la Place, Hufeland, Chaptal, Gallini, Brera*, alique plures. Tam isti auctores, quam alii plures cum vetustiores tum recentiores satis perspicue demonstrarunt hujus fluidi permanenter elastici utilitatem in functionibus animalibus, ejusdemque vim & efficaciam singularem in curatione plurium morborum, ubi rite administratum fuerit, ut propterea nul-

nullus chemicorum & medicorum nunc ignoret hoc maximi momenti esse, dignumque idcirco quod in hoc prospectu locum haberet.

GELATINA LIQUIRITIÆ, vulgo TALEOLÆ CATARRHALES. Vid. PH. BREMENSIS.

\*\* HAUSTUS SALINUS. Vid. APPAR. NOST. Ad usum divitum plurimum expediet in ejus præparatione uti spiritu Mindereri parato cum succo limoniorum loco aceti; tum etiam syrupo acetositatis citri aut oximelle parato cum melle hispanico loco oximellis communis; ac demum pro infusis aquam destillatam impendere, ut ex. c. esset aqua florum sambuci, chamomillæ, herbæ hyssopi, menthæ &c.

HEPAR ANTIMONII. Vid. PH. BREMENSIS, ubi de ANTIMONIO ALCALISATO. *Sande, & Habnemann.*

HEPAR SULPHURIS. Vid. APPAR. NOST.

KERMES MINERALIS. Vid. APPAR. MEDIC. ad USUM NOSOC. TICINENS. & *Pipenbring.*

LAPIS CAUSTICUS. Vid. APPAR. NOST. & *Berthollet.*

LAPIS INFERNALIS. Vid. APPAR. NOST.

LAUDANUM LIQUIDUM S. Vid. *Herold.*

\*\* LINIMENTUM VOLATILE. Vid. APP. NOST. Pro divitibus melius erit OLEUM AMYGDALARUM RECENS adhibere pro OLEO OLIVARUM.

LIQUOR ANODYNUS MINERALIS *Hoffmanni.* Vid. APPAR. NOST.

LIQUOR ANODYNUS AQUOSUS. Vid. PHAR. BREMENS. ubi DE NAPHTA VITRIOLI DILUTA.

LIQUOR C. C. SUCCINATUS. Vid. *Pipenbring* in parte secunda & tertia, & Appar. nost.

LIQUOR PROBATORIUS. Hujus loco subrogetur AQUA HEPATICA recenter parata.

LIXIVIVM CAUSTICUM ALCALI MINERALIS. Vid. PH. BREM. ET APP. NOST.

LIXIVIUM CAUSTICUM ALCALI VEGETABILIS. Vid. APP. NOST.

\* MAGISTERIUM BISMUTI. Vid. PH. BREM. ubi DE CALCE BISMUTI. *Scopoli, Fourcroy, Odier & la Roche.*

MAGNESIA ALBA AEREATA. Vid. APPAR. NOST.

MAGNESIA CALCINATA. Vid. APPAR. NOST.

MEL DESPUMATUM. Vid. APPAR. NOST.

MEL ROSATUM. Vid. APPAR. MEDICAM. AD US. NOSOC. TIC.

MERCURIUS CINEREUS, s. SOLUBILIS MOSCATI. Vid. APPARAT. NOST. & *Porati.*

DULCIS. Vid. APPAR. NOST.

\* PHOSPHORATUS. Vid. PHAR. AUST. PROV. Em.

PRÆCIPITATUS PER SE. Vid. PH. HERBIPOLITAN.

ALBUS. Vid. APPAR. NOST.

RUBER. Vid. PH. EDINBURG.

*Piderit, Bonz., Biederman, Sande, Haneman.*

SUBLIMATUS CORROSIVUS. Vid. APP. NOST.

TARTARISATUS. Vid. *Teophil. Boelcke*

DISSERTATIO MEDICA DE MERCURIO TARTARISATO LIQUIDO.

VIVUS DEPURATUS, aliæque præparationes quæ ex ipso fiunt. Vid. APPAR. NOST.

\*\* MUGILAGO GUMMI ARABICI. Vid. APPAR. NOST.

\*\* RADICIS ALTHEÆ. Vid. PH. BREM.

\* MURIAS BARITIS. Vid. doct. *I. A. Schmidt, Huf. Hufeland, Bucholtz*, alii plures. Remedium pri-

primum adhibitum fuit a medicis anglis; postea in Germania ejus fama percrebuit, ac deinde in Italia de quo medicæ observationes in lucem edi cœperunt anno 1791. a *Crawford*, *Hamilton*, *Ferrier*, *Bell*, *Hufeland*, *Goerling*, *Bucholz*, doct. *I. A. Schmidt*, *Carminati* aliisque circa usum ipsius in morbis scrophulosis; in lue venerea, in morbis ex vermibus provenientes, in diversis hydropis speciebus &c. Fortasse hujus remedii efficacia plus æquo celebrata fuit. Sed hanc fortunam esse constat magna ex parte cujuslibet remedii, quod de novo proponatur ad medicos usus; qui tamen excessus, ubi propositum medicamen solida utilitate non careat, facilem veniam meretur, cum id demum ad remedii introductionem viam latiore sternat, ac ita ad publicam utilitatem.

Mē ob aliquas circumstantias ad finem hujus operis properare coactum valde piget, ea silentio præterire, quæ in quadam epistola mihi conscripsit *Giobert* anno 1793. de hoc remedii genere, in qua de pluribus curationibus exitu felici hoc remedio peractis in Pedemontii provincia a medicis *Betrone*, *Cappa*, *Averardi*, *Buniva* &c. me monet in variis morbis præsertim scrophulosis, in obstructionibus, in morbis hydropis, in ophtalmiis &c.; sed monitum præterire non possum, quod ad me dedit, & quod ad hujus remedii honorem conducere potest, scilicet aliquando expectatum effectum obtentum non fuisse, sed experimento capto se deprehendisse ob imperitiam loco muriatis baritis nunc adhibitum fuisse muriatem magnesiæ, nunc muriatem calcis. Quo factum est, ut effectū suo hoc remedium caruerit, vel saltem dubitari possit, an ob efficaciam remedii defectum, an vero ob præparationis errorem id contigerit.

\*\* MURIAS CALCIS. Vid. *Chambon*, & *Fourcroy*. Trahitur ex residuo destillationis SPIRITUS SALIS AMMONIACI CAUSTICI.



\* MURIAS MAGNESIÆ, *Bergmann, & Fourcroy*;

\* MURIAS POTASSÆ OXYGENATUS. Vid. ELEMENTA CHEMIÆ *Jacquin junior*.

NITRUM DEPURATUM. Vid. APPAR. NOST., & PH. FULDENS.

OLEUM AMYGDALARUM DULCIUM expressum. Vid. APPARAT. MEDICAM. AD USUM NOSOC. TICIN. & *Reuss*.

OLEUM ANIMALE DIPPPELLII. Vid. APPAR. NOST.

OLEUM C. C. Vid. APPAR. NOST.

OLEA ESSENTIALIA. Potissimum sunt ANISORUM = AURANTIORUM = CITRI = FENICULI = JUNIPERI = MENTHÆ CRISPÆ, & PIPERITIDIS; cætera quæ sequuntur, maxime quinque priora, pro divitiis præsertim reservantur: scilicet OLEUM ROSARUM = CINNAMOMI = CARYOPHYLLORUM = ABSYNTII = CHAMOMILLÆ = LAVENDULÆ. Vid. PH. DANICA, SUECICA, HERBIPOLIT. *Piderit, Herold*, APPARAT. NOST. in prima parte, *Biedermann, Sande & Habnemann, Bindheim, de Machy, Pipenbring*; de OLEO PIPERITIDIS videri potest etiam *Peletier*, & quoad OLEUM ROSARUM *Polier*.

OLEUM FLORUM CHAMOMILLÆ PER INFUSIONEM, sive COCTUM. Vid. APPAR. NOST.

OLEUM HYPERICI COCTUM. Vid. PH. SUECICA.

OLEUM LAURINUM. Vid. DISPENSATOR. FULDENSE, PH. AUSTR. PROVINC. EMEND. & APPAR. NOST.

OLEUM NUCIS MOSCHATÆ EXPRESSUM. Vid. *Reuss, Sande, & Habnemann*.

OLEUM SEMINUM HYOSCIAMI. Extrahitur eo modo, quo OLEUM EX SEMINIBUS LINI.

OLEUM SEMINUM LINI. Vid. APPAR. NOST. & DISPENSAT. FULDENS.

OLEUM

OLEUM SEMINUM RICINI. Vid. *Murray*, & APPAR. MEDICAM. NOSOC. TICINENS.

OLEUM SUCCINI. Vid. APPARAT. MEDIC. AD USUM NOSOC. TICIN.

OLEUM SUCCINI RECTIFICATUM. Huc revocandum ad præparationem & conservationem hujus olei quidquid diximus pro conficiendo & servando OLEO ANIMALI DIPPELLII.

OLEUM TARTARI PER DELIQUIUM, sic improprie dictum. Vid. PH. LONDINENS.

OLEUM TEREBINTHINÆ EMPYREUMATICUM, & ÆTHEREUM. Vid. APPAR. NOST.

OXIMEL ÆRUGINIS, vulgo UNGUENTUM ÆGYPTIACUM. Vid. APPAR. NOST., & NOSOCOM. TICIN.

OXIMEL COLCHICUM. Vid. PH. ROSSICA. Pro divitibus prodest illud parare cum melle hispanico; idem dicendum de oximelle simplici, & scillitico.

OXIMEL SCILLITICUM. Vid. APPAR. NOST. Pro infantibus expedit hoc oximel quotiescumque indicatæ fuerint aliæ squillæ præparationes, cum oximel scilliticum tutius adhiberi possit præ aliis scilliticis præparationibus.

OXIMEL SIMPLEX. Vid. APPAR. NOST.

\*\* PASTA de ALTHÆA. Vid. PH. AUSTR. PROVINC. EMEND.

\*\* PASTA EPISPASTICA, seu SINAPISMUS. Vid. APP. NOST.

PILULÆ. In ea sum opinione, ut credam satis esse in officinis servari has duas pilularum massas, de quibus infra (licet & istarum conservatio absolutæ necessitatis non sit), generatim vero expedire ceteras ex tempore parari cum opus est. Egi de hac re in monitis Apparatus medicaminum.

PILULÆ de STYRACE. Vid. APPAR. MEDIC. ad USUM NOSOC. CIV. MEDIOLAN.

PILULÆ ALOETICÆ. Vid. *Fiderit*, ubi de pilulis

lis POLYCHRESTIS, sed pro variis extractis supplet solum extractum gentianæ, vel aliud simile.

\* PLUMBUM USTUM. Vid. *Fiderit*.

PHOSPHAS *Sodæ*.

Sal neutrum est, quod decem circiter abhinc annis *Pearson* medicinæ applicuit, cujus usus per universam Angliam præfertur omnibus aliis salinis purgantibus, idque variis de causis, quarum præcipuæ sunt; 1. quia insipidum fere est, & exiguus sapor quem redolet gratus est, ut propterea vel ipsi infantes illud sine difficultate suscipiant; 2. quia remedium purgans est, quin nauseam aliasque molestias pariat, quæ manare solent ex aliis purgantibus remediis; 3. denique, quia dosis sex drachmarum ad decem quæ jusculo solvantur, sufficiens dosis est etiam pro adultis, gratamque potionem constituit. Ceterum remedium est pro divitibus. Vid. GAZETTE SALUTAIRE. DIARIUM MEDICUM LONDINENSE. PH. AUSTR. PROV. EMEND. *Pipenbring*.

\*\* PULPA CASSIÆ. Vid. APPAR. MEDIC. AD USUM NOSOC. TICIN.

PULPA PRUNORUM. Vid. APPAR. NOST.

PULPA TAMARINDI. Vid. APPAR. MED. AD USUM NOSOC. TICIN. & APP. NOST. ubi de PULPA PRUNORUM, DISPENSATORIUM FULDENS.

\*\* PULPA TAMARINDI ARTIFICIALIS. Vid. *Vauquelin*.

Præparatum hoc maxime in curatione divitum præferri meretur exotico tamarindo, tum quia nullam affert nauseam nullamque molestiam sumentibus, sed potius jucundum est, facilisque sumptionis vel ipsis ægrotis qui medicinas fastidiunt; tum quia eam affert utilitatem, ut nihil contineat substantiæ inertis, & inoperosæ, sive ut ajunt parenchymatosæ, quemadmodum continet tamarindum exoticum; arcetur præterea periculum ne tamarindum adhibeatur aere corruptum, cujusmodi non raro emitur in commercio. Ac-

cedit demum in aliquibus casibus magis proficuum esse posse pulpam tamarindorum artificialium, quam naturalium, ut revera ipsemet non semel observavi.

PULVIS ALGAROTTI. Vid. APPAR. NOST.

PULVIS ALTERANS *Plumieri*. Vid. APP. NOST.

PULVIS DENTIFRICIUS ALBUS, & RUBER. Vid. PH. AUSTR. PROV. EMEND. Omissis tamen lapidibus cancrorum & cremore tartari, & istorum loco aucta dosi Cornu Cervi.

PULVIS DIAPHORETICUS *Dowerii*. Vid. APPAR. NOSTER, & APPAR. MEDICAM. ad USUM NOSOC. TICIN.

\*\* PULVIS STRUMALIS. Vid. APPAR. MEDIC. ad USUM NOSOC. MEDIOLAN.

\*\* PULVIS TUNCHINENSIS. Vid. *Piderit*.

RESINA JALAPPÆ. Vid. DISPENSAT. FULDENS. *Herold*.

ROHOB EBULI ut ROHOB SAMBUCI.

JUNIPERI. Vid. PH. BREMENS.

SAMBUCI. Vid. APPAR. NOST.

\* ROTULÆ MENTHÆ PIPERITIDIS. Vid. PHAR. AUSTR. PROV. EMEND.

SACCHARUM HORDEI. Vid. PH. BREM.

SACCARUM, s. SAL SATURNI. Vid. PH. SUECICA EDIT. NOVA, & *Keup*.

\* SAL ACETOSELLÆ. Vid. DISPENSATOR. FULDENS. *Reuss*, *Herold*. *Morveau* putat valde opportunum esse hujus usum loco cremoris tartari, spectata majoris illius solubilitate: ego autem observo, ejus usum esse præterea multo gratiorem.

SAL AMMONIACUM DEPURATUM. Vid. APPAR. NOST.

SAL C. C. volatile. Vid. APPARAT. NOST.

SAL MIRABILE *Glauberi*. Pro divitibus loco salis amari cathartici. Vid. *Piderit*, *Bindheim*, PH. WURTEMB.

\* SAL SEIGNETTI. Vid. *Piderit*, *Scheele*, *Westrumb*, *Bindheim*, *Sande*, *Hahnemann*, *Schiller*.

\* SA-



\* SAPO ANTIMONIALIS. Vid. PH. AUSTR. PROVINC. EMEND.

SAPO ALBUS OFFICINALIS. Vid. *Reuss* DISPENSATOR. UNIVERS. APPAR. NOST.

SCILLÆ EXSICCATIO. Vid. APPAR. NOST.

SEBUM OVILE DEPURATUM. Vid. APPAR. NOST. ubi de AXUNGIA PURIFICATA.

SPIRITUS COCHLEARIÆ. Vid. DISPENSAT. FULDENS.

SPIRITUS C. C. Vid. APPAR. NOST.

SPIRITUS MINDERERI. Vid. PH. BREMENS., & APPAR. NOST. In curatione divitum sæpius prodesse potest usus aceti destillati loco communis, & interdum pro delicatioribus personis usus prodest succi limoniorum loco aceti, ut jam dictum est ubi de Haustu salino.

SPIRITUS NITRI DULCIS. Vid. *Hagen*, *Keup*.

SPIRITUS SALIS AMMONIACI AEREATI. Vid. APPAR. NOST.

SPIRITUS SALIS AMMONIACI CAUSTICUS, seu FLUOR. Vid. PH. AUSTRIACO-PROVINC. EMEND. APPAR. NOST. *Saluzzo*, *Vauquellin*.

SPIRITUS SALIS COMMUNIS DULCIS. Vid. *We-strumb*; oportet tamen ipsum rectificare cum sale tartari alcalino.

SPIRITUS VINI CAMPHORATUS. Vid. APPAR. NOST.

SPIRITUS VINI RECTIFICATUS, RECTIFICATISSIMUS, & SIMPLEX. Vid. APPAR. NOST. & *Silvestri*.

SPONGIA PRÆPARATA. Vid. APPAR. NOST. & PH. AUSTRIACO CASTRENS.

SPONGIA USTA. Vid. PH. BREMENS.

STANNI PRÆPARATIO, seu PULVERISATIO. Vid. DISPENSAT. FULDENS., sed loco LAPIDIS CANCRORUM adhibetur CORNU CERVI USTUM.

SUCCUS CITRI. Pro ejus integra conservatione, & concentratione habenda vid. *Georgio*.

SULPHUR AURATUM ANTIMONII . Vid. APPAR. NOST.

SYRUPUS ABSYNTHII . Vid. PH. BRUNSVIC .

SYRUPUS ACETI . Vid. APPAR. MEDIC. NOSOC. TICIN .

SYRUPUS ACETOSITATIS CITRI . Hic pro divitibus præferri potest SYRUPO ACETI , & passim OXIMELLI SIMPLICI . Vid. PH. AUST. PROVIN. EMEND. Hi omnes eodem modo parantur , SYRUPUS nempe BERBERORUM , RIBES , RUBI IDÆI , SPINÆ CERVINÆ , seu RAMNI CATHARTICI , &c. SYRUPUS ALTHEÆ . Vid. PH. SUPRAD.

SYRUPUS CICHOREI CUM RHEO . Vid. APP. NOST.

SYRUPUS CINNAMOMI . Vid. PH. AUST. PROV. EMEND. Faciendus est tamen in vase clauso & balneo maris ; sed hic syrupus ad usum divitum præsertim inservit .

SYRUPUS CONTRAJERVÆ . Vid. EADEM PH. Sed loco serpentariæ augeatur dosis radicis contrayervæ . Hic syrupus etiam pro pueris opportunum remedium esse potest .

SYRUPUS CORTIC. AURANTIORUM & CORTICUM CITRI . Vid. APPAR. MEDICAM. NOSOC. TICIN ; sed oleum essenziale miscebitur cum syrupo ope mucilaginis gummi-arabici .

SYRUPUS CORTICIS PERUVIANI . Vid. APP. NOST.

SYRUPUS DIACODII , seu MECONII , s. PAPAVER ALBUS . Vid. APP. NOST.

SYRUPUS MENTHÆ PIPERITIDIS . Vid. PH. BREMEN. , adhibenda est tamen MENTHA PIPERITIS .

SYRUPUS KERMESINUS . Syrupus ad elegantiam magis , quam ad necessitatem factus . Vid. PH. AUST. PROV. EMEND.

SYRUPUS SACCHARI , vel SIMPLEX . Vid. PH. SVECIKA , *Sande* , & *Hahnemann* .

SYRUPUS VIOLARUM . Hic etiam syrupus cum  
ad

ad luxum referri possit, pro divitibus est, cum idoneus sit, dum gratum saporem impertit, simul ad impertiendum elegantes colores mixturis, vel aliis portionibus, in quibus acida vel alcali contineantur. Vid. DISPENSATOR. FULDENS. sed utendum est aqua destillata loco communis in extrahenda violis tinctura. Vid. quoque *Herold*, *Biedermann*, *Sande*, *Habnemann*, *Erbart*, *Moench*. Optima methodus est etiam illa, quam docet *Dehne*, atque ad hunc conservandum sufficiet oleum olivarum.

TARTARUS ANTIMONIATUS, seu EMETICUS. Vid. APPAR. NOST.

MARTIALIS, seu CHALYBEATUS. Vid. *Piderit*.

TARTARISATUS, seu SOLUBILIS. Vid. APP. NOST. & *Schiller*.

TARTARUS VITRIOLATUS. Vid. APP. MED. ad US. NOSOC. TICIN. *Biederman*.

TERRA FOLIATA TARTARI. Vid. APPARATUS MEDICAM. AD USUM NOSOC. TICIN. Sed pro divitibus expedit etiam haberi terram, sive salem hunc paratum cum aceto destillato. Vid. etiam *Herold*, *Moench*, *Sande*, & *Habnemann*.

TINCTURA SPIRITUOSA ABSYNTHII COMPOSITA. Vid. PH. AUST. PROV. EMEND.

ALOES. Vid. EADEM PH.

ANTIMONII TARTARISATA. Vid. *Keup*.

ASSÆ FÆTIDÆ. Vid. APP. NOST.

BENZOES. Præparatum inserviens solis divitibus, cum videatur esse puri luxus. Vid. PHARM. AUST. PROVINC. EMEND.

CALAMI AROMATICI. Vid. APP. NOST.

CANTHARIDUM. Vid. APPAR. NOST.

TIN-

TINCTURA CARIOPHYLLORUM. Vid. PHARM. BREM.

CASCARILLÆ. Vid. PHARM. LONDINENS.

CHINÆ LUTEÆ. Paratur eo modo quo CASCARILLÆ. Vid. OPU-  
SCULUM MEUM DE CHINA LUTEA.

GUAJACI LIGNI. Vid. PH. HERBIPOLIT. Sed præscribenda est dosis ingredientium.

LACCÆ. Vid. PH. FULDENS. Aptæ præparatio ad usum divitum.

MARTIS POMATA. Vid. APPAR.

MEDIC. NOSOC. TICIN. & *Keup*.

MART. TARTARISATA. Vid. APP. NOST.

MYRRHÆ. Vid. APPAR. NOST.

\*\* RHEI AQUOSA. Vid. APPAR. NOST.

TINCTURA VALERIANÆ. Vid. *Keup, Baldinger*. Excellens remedium est, sed in curatione maxime divitum.

TROCHISCI ESCAROTICI. Vid. *Plenk*.

TUTIA PRÆPARATA. Præparatur eodem modo, uti ANTIMONIUM CRUDUM.

VITRIOLUM MARTIS FACTITIUM. Vid. DISPENSAT. FULDENS. & APPAR. NOST.

UNGUENTUM ALBUM, seu de CERUSSA. Vid. APP. NOST.

UNGUENTUM COMMUNE. Vid. APP. NOST.

UNGUENTUM CONTRA VERMES loco de ARTHANITA. Vid. PH. AUSTR. PROVINC. EMEND. Præteriri potest oleum tanacetii. Hoc valde utile & congruum esse potest pro infantibus; nec tantum pro fine ad quem passim adhibetur, sed in aliis præterea morbis.



UNGUENTUM BASILICUM . Vid. APPARAT.  
NOST. PIX NIGRA explere congrue potest vices  
COLOPHANII.

UNGUENTUM DIGESTIVUM . Vid. APPAR. AD  
USUM NOSOCOM. TICIN. & APPAR. NOST.

UNGUENTUM MERCURIALE ALBUM . Vid. APP.  
NOST.

CITRINUM . Vid.

PHAR. PAUPER.

HAMBUR.

GRYTEUM . Vid.

APP. NOST.

UNGUENTUM NERVINUM . Vid. APPARAT.  
NOST. Ubi divitibus inserviat , loco olei baccharum  
lauri impendi potest dimidium olei nucis moschatæ  
& dimidium balsami Peruviani vel olei essentialis  
menthæ , aut Lavendulæ , aut aliud quid simile , quod  
gratum sit.

UNGUENTUM POMATUM . Vid. *Piderit* : sed  
unum ex oleis essentialibus satis esse potest , quod ta-  
men unguentum præsertim pro divitibus inservire  
potest , pro quibus adhiberi etiam potest in confectio-  
ne aliorum linimentorum aut aliorum unguentorum ,  
nisi tamen quidpiam in oppositum obstet.

UNGUENTUM ROSARUM SIMPLEX . Vid. PH.  
SVECICA .

UNGUENTUM AD SCABIEM . Vid. PH. BREM.

UNGUENTUM DE TUTIA . Vid. PH. AUSTR.  
PROV. EMEND.

Non raro expedire potest omissio Camphoræ .

UNGUENTUM PEDICULORUM . Vid. PH. BRE-  
MENS. Sed oportet mercurium vivum extirgui axun-  
gia porcina purificata loco terebinthinæ . Pro divitibus  
vero loco olei baccharum Lauri substitui potest un-  
guentum pomatum .

## MONITUM.

Quartum experimentum, quod retuli pro criterio dignoscendi an MAGNESIA quidpiam CALCIS contineat, prætereundum erat ut minime aptum ad propositum scopum, cum perspecta jam sint experimenta & monita *Westrumb* in TRACTATIBUS suis PHYSICO-CHEMICIS, quibus palam fecit vel ipsam MAGNESIAM decomponere SALEM AMMONIACUM.

Errata typographica lector emendet, maxime quæ orta sunt ex defectu litterarum typographicarum.

F I N I S.

## INDEX RERUM.

	I	
<i>P</i> refatio		pag. 9
	II	
<i>M</i> onita		23
	III	
<i>Pars Prima de materia Medica</i>		43
	IV	
<i>Pars Secunda de præparatis &amp; compositis, quæ diu in officinis servantur</i>		126
	V	
<i>Pars Tertia de medicamentis, quæ parari debent ex tempore, &amp; de iis quæ brevi tempore durant</i>		237
	VI	
<i>Index generalis</i>		277
	VII	
<i>Pars Quarta, quæ continet Tabulas tres</i>		287
<p><i>Prima exhibet proportionem, quæ certa quantitas aquæ tenere potest solutam certam salium copiam.</i></p> <p><i>Secunda specimen, seu prospectum Pharnacopeæ constandæ pro castrensibus Nosocomiis.</i></p> <p><i>Tertia Prospectum, seu specimen Apparatus medicaminum conficiendi pro omnibus personarum classibus.</i></p>		









